



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Wyngaerden der sele**

**Veghe, Johannes**

**Hiltrup, 1940**

I. Teil. Wyngaerden der selen.

**urn:nbn:de:hbz:466:1-30728**

Hyer beghynt een devoet boeck van enen

gheesteliken wyngaerden;

woe alle kynder der graciën enen gheesteliken wyngaerden  
in den herten sullen planten, als de mynnende zele secht  
5 to eren brudegom:<sup>1</sup>

Mane surgamus ad vineas canticorum septimo.

De wyse man secht:<sup>2</sup> O mensche ten sy dattu stadeliken  
dy selven bewarest in den anxtē godes althant sal anders  
dyn hues neder vallen; O ynnighe sele ten sy dattu stade-  
10 liken dy selven vake vernyest in dyn gheestelike leven, anders  
werdestu veroeldet, verkoeldet, (besubbet, beslabbet). Natuerlike all dat van niche is ghemaket dat gaet by em  
selven weder to niche, ten sy dat em ghehulpe werde. Hyr  
umme als alle creaturen eers selves wesen unde leven leeff  
15 hebben unde beschermen teghen all dat em schaden mach  
unde benemen eer leven, also syn se allen drystich unde  
begheerlick to all dat em noet, nutte unde ghenoechlic is  
eer natuerlike levene mede te holdene als eten, dryncken,  
slapen, resten, sunder welke se vergaen moeten van eer  
20 natuerlike wesen unde levene; also solde ellic geestelic  
herte noch vele meer em selven bewaren van al dat em be-  
nemen unde behynderen mach eer gheestelike levene —  
dat syn sunden unde ghebreken — unde oick myt allen  
vlyte soeken all dat em eer geestelike levene unde wesen  
25 vorderen mach, dat syn dogheden, verdensten unde boven  
all de gracie godes, sunder welke alle selen

---

<sup>1</sup> Can. 7, 12.

<sup>2</sup> Eccli. 27, 4.

gheestelike moeten stervene in tyt unde in ewicheit.

Och unse krancheit is groet, by uns selven syn wy bereyt te vallene. Unse synlicheit unde dancken syn altyt bereyt in quaet van unsen kyndeliken daghen, wy vallen lichte-  
 5 liken by uns selven. Mer by uns selven en kunnen wy nicht upstaen; wy wanderen in duysterheit; wy stoten uns vake; Unsen wech is duncker unde glat, daer umme stor-  
 10 ten wy vake in den drecke der sunden unde werden ge-  
 quessel unde ghewondet in unsen crachten. Unse vyanden syn bose, loes, cloec, quaet, sterck unde manichvoldich.  
 In dat middel der stricken gaen wy altyt. De mordeners wachten up uns altyt by den wech. Hyr umme behoeven  
 15 wy ummer een lecht, een leyder, een staff teghen alle dessen last, unde noch untellike meer dan yenich herte  
 20 dencken kan, yenich tunghe vertellen kan, of yenich hand bescryven kan. Alsoe moestu, o ynnighe sele, dyn gheestelike levene vestighen mytter graciën godes allermeest unde  
 oick myt dyns selves stadeliken werken dyns selves salicheit nae dynen vermoeghen, dattu also syst een hulper der  
 25 godliken graciën in dyns selves salicheit. Augustinus secht:<sup>1</sup>  
 O mensche, de dy heeft gheschapen sunder dy, dat is, all heeft god dy ghemaket do du nicht en werest, de en wil  
 dy nicht rechtverdich maken sunder dy. Do he dy gaf dyn  
 natuerlike wesen unde leven over al in edelheit, nochtan  
 30 en wil he dy nicht gheven dyn geestelike leven sunder  
 dyns selves medewerken, dattu doch selven verloren hebst  
 overmits dyns selves willige vallen, van syner graciën<sup>1\*</sup>  
 in dyn schult, in pynen, by dy selven unsalich in

<sup>1\*</sup> B. gra.

<sup>1</sup> ML. 38, 923 Serm. 169, C. XI n. 13. „Qui ergo fecit te sine te, non te justificat sine te.“

tijt unde in ewicheit. Daer umme salstu nae een utwendighe forme maken dyn gheestelike inwendich werken dyn  
 5 lichaems unde doer de vinsteren unde glijwen diner sinnen moghest een luttel lechtes untfanghen, als aristotiles scrijft,<sup>1</sup>  
 dat all unse natuerlike kennen beghint ut den sinnen unde  
 gheen bekeninghe en komet natuerlike in unse verstand anders dan doer unse sinnen. Hyr umme sprac unse here jhesus, de meyster unser salicheit, mennighe parabolen, dat  
 10 syn utwendighe ghelykenisse, unde sunder parabolen en sechte he gheen dingh, mer int heymelike verclarede he dat opelike sinen discipulen. Waerlike he bekande unse krancheit unde bughede syn hoecheit na unse nederheit um syns selvers guetheit. Gregorius<sup>2</sup> secht: O mensche, alstu  
 15 in der hilghen scrijft vindest utwendighe ghelykenisse soe en wil ummer nicht buten bliven in der litteren, mer gae int gheestelike verstand, dat daer bynnen is besloten als vuer under der asschen, als march in den butte, als wyn in den druven, als weyte int kaf, als de kerne in der not.  
 20 Dyonisius<sup>3</sup> secht: unse verstand en mach natuerlike nicht kommen int kennen der inwendighen waerheit anders dan myt handleydinghen der inwendighen exemplelen unde figuren.  
 O ynnighe sele, desse gheestelike underwisinghen guetlike voerghelecht in dat eerste korte woert in den beginne desses boekes: Mane surgamus ad vineas, dat is, vroe morghens laet uns upstaen in den wyngaerden; dit mynlike woert staet in den boeke der leeften.  
 Merke, o ynnighe sele, dat salomon heeft ghescreven een  
 30 kleyn korte boeck van gheestelike leefte tusschen der selen unde god. De sele is de bruet, de ewige koninck is eer brudegom, eere twijer underlinghe sprake is bescreven in den selven boeke der leeften, unde dit boeck is ghenomet cantica canticorum, dat is, een sangh boven allen sanghen.  
 35 Natuerlike in sanghen syn vele noten, up-

<sup>1</sup> *De anima C XXI, 1.*

<sup>2</sup> MG. 44,758. „... non oportere omnino manere in littera...; sed transire ad materiae expertem et quae sub intelligentiam cadit.“ cf. ML. 76, 936; 807, n. 4; 38, n. 2.

<sup>3</sup> MG. 3, 122. *De coelesti Hierarchia*, c. 1, § 3: „quandoquidem fieri non possit, ut mens nostra ad immateriale illam coelestium hierarchiarum imitationem ac contemplationem intendatur, nisi e propinquuo materiali usa fuerit manu-ductione.“

styghende, nederglydende, nu hoech, nu syde, nu lude, nu stilke; aldus is oick de sterke leefte in dat herte der mynners wonderlike unledich na mennichvoldighe gheleghenheit der saken, verblijdende, bedruckende, suchtende,  
5 vruchtende.

Also is dit selve boec over all wonderlike unstadich na den utwendighen sinne, nu upstyghende, nu neder clemmende, nu utgaende, nu wederkomende, nu wakende, nu slapende, nu vrolic, nu drovich; nu teghenwoerdicheit eers  
10 ghemynneden in soticheit ghebrukende, nu em aerbeydelike soekende, nu rastich, nu unledich.

Och dit is de wise der sterker leeften, over all te wesene sunder wise unde de manier der mynners is alheel sunder manier na den utwendigen loep unde ghewoente der sterken leefhebbers, mer vele meer gheestelike in underlinghe  
15 leeften tusschen god unde der ynnighen selen in desser ellendicheit, so langhe dat se siner soticheit ghebruken in ewicheit.

Aldus staet oick in den selven boeke der leeften unse eerste  
20 punteken: vroe morghens laet uns up staen in den wyn-gaerden; dat secht de bruet eren brudegom, dat is, de mynneden sele den oversten keyser. In welken punteken drie korte woerde staen, over all vull sinnes, daer ellic gheestelick herte mach werden gheleert unde gheleydet  
25 in syns gheesteliken levens beginne, voertganck unde salich ende overmits godes graciën.

## II. Kap.

Woe ellic mensche een guet leven beghynnen sal.

Mane, dat is, vroe morghens; daer is kentlick, woe ellic  
30 mensche een guet leven beginnen sal.

O mynnende sele, o edel bruet des allerhoechsten koninghes, waerlike te rechte unde behoerlike woldestu vroe morghens beginnen, um dattu in der nacht der sunden dyns oelden, duysteren, koelden, bijsteren, verdomeliken  
35 levens dinen brudegom nicht en kundest vinden, alstu selven claghest in den boeke der leeften aldus:<sup>1</sup> Op myn bed-diken soch-

<sup>1</sup> Cant. 3, 1.

te ick myn leef, in der nacht hebbe ick oick em ghesocht  
 doer stegen unde straten, mer ick en heb em nicht ghe-  
 vonden. Oick in den rechten middach siner allermeesten  
 claerheit unde allerheteste mynlicheit en mochtestu nicht  
 5 by em komen, syn teghenwoerdighe soticheit unde soete  
 teghenwoerdicheit allheel ghebrukende, um dattu noch be-  
 hanghen bist myt dyns lichames lastiche swoerheit, als in  
 den boeke der leeften staet; daer du em aldus biddest:<sup>1</sup>  
 O myn leef, den myn sele mynnest, vertoene my doch,  
 10 waer du rastest unde spisest in den rechten middach; he  
 antwoerden dy: o allerschoenste der vrouwen, ist dattu dy  
 selven nicht en kennest, so gae achter de voetspoer der  
 beesten unde weyde daer dyne junghe zegen, lammer  
 by den tabernakelen der hijrden. O ynnighe sele, dyn  
 15 natuerlike begheerte staet na dynen ghelynneden, dynen  
 dorst unde hungher en mach nicht werden versadet noch  
 versalighet dan allene in god, alsoe dattu de overste claer-  
 heit kennest unde syn guetheit mynnest ut hertelike, vlam-  
 myghe leefte. Daer umme woldestu by dynen brudegom  
 20 komen in den middach siner claerheit, waerheit, mynlicheit,  
 vlammycheit, och dyne begheerte gaen boven dynen ver-  
 densten. Daer umme spreket he dy, o allerschoenste der  
 vrouwen, gae achter de beesten, dat is, al bistu wonder-  
 like edel, schone, ryke overmits godes gracie, de dy heeft  
 25 ghemaet na syns selves belde unde ghelycheit, wonder-  
 like begavet boven alle dyeren overmits vele graciën, noch-  
 tan bistu becladdet<sup>1\*</sup> unde bevlecket overmits drec der sun-  
 den ut dyns selves quaetheit. Daer umme gae achter de  
 beesten, de nicht en hebben misdaen, kenne dy selven, dat  
 30 dyn schoenheit dy is ghegheven allene ut godes guetheit,  
 mer dyn ledicheit<sup>2\*</sup> is up dy allene ut dyns selves boesheit.  
 Aldus bistu de allerschoenste der vrouwen, begheerlick up  
 den middach by dynen brudegom te komene an syn claer-  
 heit, mynlicheit, ewicheit alle-

<sup>1\*</sup> In B. durchgestrichen!

<sup>2\*</sup> lelicheit (?)

<sup>1</sup> Cant. 1, 6.

ne ut syn gueheit. Mer achter de beesten hebstu verdenet te gane allene um dysns selves quaetheit. Aldus mogestu dy selven kennen, angheseen wāttu van god untfanghen hebst, wattu misdaen hebst, wattu verloren hebst, wattu 5 verdent hebst.

O ynnighe sele, aldus merkestu, dat de nacht dy is to duyster dyn leef to soekene unde to vyndene. De middach is dy te claeer unde to heet, vroemorghens ist dy te passe. Daer umme machstu wall te rechte ummer spreken: Vroe-10 morghens laet uns up staen in den wyngaerden.

Natuerlike des vro morghens tyt is middes tusschen nacht unde dach. De nacht mach beduden de oelden tijt voer unses heren tokomest. Och dat was een langhe nacht unde wonderlike vull ungheluckes. Natuerlike de nacht is duyster 15 all schynen somighe sternen unde de mane, nochtan werden se allen verblyndet van der sunnen claeerheit. Aldus was in den oelden tyden wonderlike grote blyntheit overmits mennigherleye unghelove unde dwalynghe. Nochtan weren altyt gute menschen als propheten unde ander rechtver-20 dighe luchten, de in der nacht ghelyck sternen schenen, hent dat de sunne der gherechticheit up ghenc, Christus, unse god, over all blenckende unde verluchtende alle menschen to komen in desse werlt, waerlike de nacht was duyster, alsoe dat se gaet in de stad der ewigen wonynghen. In 25 der bibelen staet<sup>1</sup> dat duyster was up dat aensichte des afgrondes, dat is des menschen herte, dat also dyep is dat daer nemand en mach den grond af langhen, want nemand en mach kennen wat in des menschen herte is dan allene de gheeste, de daer in wonet. In desser duyster nacht vellen 30 alto vele lude in den dreck der sunden, in den

<sup>1</sup> Gen. 1, 2.

putte der misdaet, se schoerden eer cleder in den doernen  
 unde krabben der bitterheit ellic up den anderen myt vervol-  
 ghen unde stryden. Eer voete treden in mennyghen poell  
 5 der unreynicheit, oek stotten se handen, voeten, hoevet  
 unde lede up den steen unde ander stocken. Och aldus  
 woerden se allen ghevondet in eers selves crachten over-  
 mitis eers selves hardicheit, stijfmoedicheit, unghehoersam-  
 heit lam unde krepell, alsoe dat se nicht en wanderden den  
 rechten wech der gheboden godes. In der duyster nacht  
 10 eten se fenynde, unreyne spyse, se druncken oek wloem,  
 snode water, all eer ghenoechte sokende in tytliken, sun-  
 deliken wallusten, allene um dat se in der nacht sunder  
 lecht weren. In der bibelen staet,<sup>1</sup> dat in dat gansse land  
 van egypten over all soe grote duysterheit was,<sup>1\*</sup> dat ne-  
 15 mand synen broeder seen en mochte, mer israhel was over  
 all in claerheit. Aldus in oelden tyden weren alle sunders  
 alsoe verblyndet, dat ellic em selven sochte unde nemand  
 syns naesten vordel en merkede, um dat de nacht was  
 duyster unde koelt sunder kennen unde sunder mynnen. Na-  
 20 tuerlike de nacht is gresselike, wrede beesten gaen des  
 nachtes um eer nerynghe als wulve, vossen, lewen, baeren;  
 unde alle nacht raven eder ulen soeken des nachtes eren  
 kost, des daghes slapende int heymelike, dat syn men-  
 nygherleye ghebreken, bekoringhen unser vyanden, de in  
 25 den tyden wonderlike lastich waren den luden in der  
 nacht. Mer in der sunnen upganck syn se weder to neste  
 ghegaen, ghedwungen unde ghebunden, ghestuert overmits  
 unses heren jhesu cristi claer, mynlick unde mechtig komen  
 ut syn hoecheit in unse nederheit allene ut syn guetheit  
 30 um unse salicheit.

David secht:<sup>2</sup> O here, du hebst duysterheit ghesat unde  
 alsoe ist nacht ghewoerden. In der nacht gaen alle beesten  
 des woldes, de sunne is up ghegaen unde alle syn se weder  
 35 in eer neste ghegaen. Dan mach de mensche vry utgaen  
 um syn werck te doene hent des avendes. Daniel sach  
 in der duyster, koelden nacht up de zee

<sup>1\*</sup> B. — was

<sup>1</sup> Exod. 10, 21.

<sup>2</sup> Ps. 103, 20.

vier wonderlike beesten underlingen strydende.<sup>1</sup> De eerste  
 was ghelyck enen lewen unde hadde vloghelen als een arnt;  
 dit is hoverdie, de will ander luden boven gaen in heer-  
 licheit, um dat de lewe is koninck der dieren unde de arnt  
 5 der vogelen. Och dit beest maket wonderlike vele kijvens  
 unde strydens up de zee desser unstadighen, ebbende werlt  
 in der nacht desser duysterheit. Ellic will ummer groter  
 wesen dan syn nabuer. Daniel scryft, dat ander beest was  
 ghelyc enen baer. Natuerlike een baer heeft een kranck  
 10 hovet, syne voernste voeten syn to male sterck. Daer mede  
 kan he aerbeyden, slaen, grypen, vanghen als myt han-  
 den unde armen, mer syne achterste voeten syn kranck.  
 Desse baer beteykent ghijricheit. Och des ghirygen hovet  
 15 is kranck, um dat he alto vele studiert nachtes unde daghes  
 sunder underlaet, pensende, denckende unde studijrende,  
 woe he tylic guet moghe kryghen, holden unde bewaren.  
 Jeremias secht:<sup>2</sup> alle studijren se nae ghijricheit van den  
 mynnesten to den meesten. Dyne handen syn sterck, guet  
 20 te wynnen, te hebben, dat syn des baren vornste voeten, de  
 en werden nummer moede, um dat he nummer versadet en  
 wort. Mer syne achterste voeten in syn leste sterven, och  
 de syn wonderlike kranck, um dat he all synen troest heeft  
 ghesat up tylike rycheit, de he dan moet verlaten, unde  
 anders en heeft he dan genen troest unsalich in tyt unde  
 25 in ewicheit.

Daniel scryft voert,<sup>3</sup> dat derde beest was ghelyc als een  
 pardus of een pantheer, dat seer schone is van mennigher-  
 leye verwe, ghenoechlic den ogen, unde dit beteykent unreyn-  
 niceit, de unser synlicheit ummer angheneme is, mer alheel  
 30 teghen unse salicheit. Och dit beest kan wonderliken stry-  
 den in der nacht unser duysterheit unde up der zee desser  
 werlt. Augustinus secht:<sup>4</sup> der cristenen menschen sterke-  
 sten stryden is teghen unreynicheit, daer stadich stryd is  
 unde seldene verwynninghe.

35 Daniel scryft voert: dat vijrde dijr och dit beest was

<sup>1</sup> Dan. 7, 4.

<sup>2</sup> Jer. 6, 13.

<sup>3</sup> Dan. 7, 6 ff.

<sup>4</sup> ML. 38, 892. *Sermones de tempore, Serm. 163, c. VI.* „*Prius aequetur pugna, ut aliquando sit victoria.*“

anxteliker dan de anderen unde hadde seven hoveden unde  
tyen hoerne; daer by mach ellic verstaen den bosen gheest,  
den vyand unser salicheit, de altyt in der nacht up der zee  
vechtende is. Alto vele menschen verwynnet he mytten  
5 seven doetliken sunden, dat syn syne seve hovede, unde  
behindert em te doene de tyen gheboden godes, de he  
neder wil stoten myt synen tyen hoernen. Och ynnighe  
sele, aldus machstu een luttel kennen, woe greselick desse  
nacht was, eer de sunne upghanck in oelden tyden vor  
10 der tokomest cristi.

Aldus was oick dyns selves nacht anxtelic, duyster unde  
koelt in dyn oelde sundelike leven, eer de sunne der god-  
liken graciën up dy scheen, dyn dunckerheit verluchtende  
myt inwendigher claeरheit, dyn koelheit verweckende myt  
15 ghenochlicher mynlicheit, dyn krancheit sterckende myt syn  
sote teghenwoerdicheit. Warlike in der nacht en kundestu  
nicht werken dyns selves salicheit. Johannes<sup>1</sup> scrijft: dat  
unses heren utverkoerne discipulen alle den nacht aer-  
beydeliken hadden ghevisschet, mer ummer se en hadden  
20 nicht ghevanghen. Des nachtes syn alle krancken in der  
meesten last. Job secht van em selven:<sup>2</sup> ic hebbe ghetellet  
de swore nachte myns aerbeydes unde krancheit. In der  
nacht werden de lude allermeest druncken, als paulus  
scrijft.<sup>3</sup> In den sundeliken levene verlesen de lude synne  
25 unde witte noch meer dan schaepe unde kalveren. In der  
nacht verbysteren se ut den rechten weghe, dwalende  
van der gherechticheit. Och kende de sunder den wech, in  
welken he gaet, um dusent guldene werlde en trede he nicht  
enen voet vorder. Waerlike de nacht is anxtelike. Gre-  
30 gorijs secht:<sup>4</sup> de nacht is des sunders leven, mer de dach  
beteykent des rechtveerdighen, menschen gude leven. In  
den boeke der wijsheit staet:<sup>5</sup> der rechtveerdighe menschen  
wech is als een claeर lechte, dat wasset unde voertgaen  
heeft hent tent vullencomen middach. In den boec

<sup>1</sup> Jo. 21, 3.      <sup>2</sup> Job 7, 3.      <sup>3</sup> I. Thess. 5, 7

<sup>4</sup> ML. 76, 1171. Hom. 21 in Evang. n. 3. „dies vero vita  
justi, et nox accipitur vita peccatoris.“

<sup>5</sup> Prov. 4, 18.

der leeften<sup>1</sup> besweert seer hochlike de ewige brudegom  
de dochteren van jherusalem, dat se nicht en sullen wecken  
syn bruet, dat is, de mynnede sele, hent dat de duyster  
nacht vergae unde de claer dach upgae. Och he wil, dat se  
5 slape, in eers selves heymelicheit schulende, unde nicht en  
lere noch en predike, ander lude bekerende, also langhe  
dat se selven eerst vertye eers selves nacht in duysterheit,  
in koeltheit levende unde daer na kome in den dach der  
claerheit overmits recht kennen der waerheit unde vlam-  
10 mich mynnen der godliken guetheit. Dan mach se utgaen DT  
sunder sorghe der nacht beesten, dat is, ydel glorie, ghec  
behaghen unde ander nydicheit, anegunsticheit, loesheit unde  
boesheit, de in der nacht lopen unde unse weghe anxtelick  
maken, als wulven, lewen, slangen, vossen, doernen. Daer  
15 umme ist noet, dat wy den dach verbeyden. Unse here DT  
sprac to synen discipulen:<sup>2</sup> werket so langhe alst dach  
is, als de nacht komet, soe en kan nemand aerbeyden.  
O ynyghe sele, aldus is kentlick, dat een beghynne des  
gude levens is te verstane by den vroe morghen, dat is  
20 een ende der nacht unde beghynne des daghes. David secht:<sup>3</sup> OK  
o mensche keer dy van quaet unde doe guet. Augustinus<sup>4</sup>  
secht: beghynne unser guder werken is vertyen unser qua-  
den werken. Paulus<sup>5</sup> secht: de nacht is hen, de dach komet  
an. In der bibelen staet:<sup>6</sup> doe god in den beghynne makede  
25 hemel, eerde unde all eer vulheit, do makede he aller  
eerst dat lecht. Also duet he noch in bekeringhen elkes  
sunders. In den aller eersten ghift he em een claerheit in  
syn herte, dat he in em selven merket, wat he is, wat he  
verloren heeft, wat he verdent heeft. In den werke der  
30 apostolen staet,<sup>7</sup> dat koninck herodes sunte Peter hadde  
ghevanghen unde wonderlike stijf ghesloten in helden, in  
keten, in den

<sup>1</sup> Cant. 8, 4.      <sup>2</sup> Jo. 9, 4.      <sup>3</sup> Ps. 36, 27.

<sup>4</sup> Vgl. ML. 38, 818. Serm. 151, c. VII, n. 7. Ago bonum cum  
malae concupiscentiae non consentio.

<sup>5</sup> Rom. 13, 12.      <sup>6</sup> Gen. 1.      <sup>7</sup> Act. 12, 4 ff.

toerne, in den stock, daer he em dede waren myt groter sorghen, dat he daer nicht en solde utkomen. Nochtan sande god synen engel to em in den toerne unde verlosede em daer ut in wonderliken manyeren. Mer in den eersten  
 5 gaf he em een claer lecht, dat des kerkeners duysterheit verluchteden in claerheit, unde daer na volghede he den lechte; also quam he ut aller last des bosen herodis in syn eerste vrijheit to den discipulen unses heren jhesu cristi.  
 Aldus gheesteliken en mach de bose vyand nemanden also  
 10 stijf bynden noch also vast sluten, god en moghe em ghenadeliken verlossen, de elken sunder int eerste syns verlossen ghift een lecht der inwendighen claerheit in den kerkeners syns duysteren herten. Wil he dan den lechte volghen, waerlike he komet ut aller last syner misdaet, ut  
 15 allen banden aller gheesteliken vyanden in syn eerste graet der graciën, in den ghetal der kynderen godes allene um de godlike guetheit, salich in tyt unde in ewicheit.  
 Dyonisius secht:<sup>1</sup> de eerste gave des hilghen gheestes int herte des sunders is, dat he em roepet in em selven unde  
 20 dwyngheet em daer to, dat he em selven in der waerheit sal ansien in em selven. Och dit is ummer allen sunders eerst unde allermeest noet,<sup>1\*</sup> em selven to syene unde alsoe em selven te kennen in der waerheit. Claerlike dan komet waerachtige oetmoedicheit unde een bedrucket  
 25 gheest unde een vernedert herte, dat god nicht en sal versmaden.

Micheas:<sup>2</sup> O israhel, dyns selven oetmoedigen is middes in dy selven. Du en behovest nicht grote meysters unde kostele scholen te soekene noch kunstighe boeken te lesene. Ysayas  
 30 secht:<sup>3</sup> O ghi overtreders, o ghy sunders, gaet weder in ju herte. In den boeck der leeften staet:<sup>4</sup> O du van sunnamita kom weder, kom weder, dat wy dy selven anseen. Och laet alle menschen, alle crea-

<sup>1\*</sup> B. — noet

<sup>1</sup> MG. 3, 399 *De eccles. Hierarchia c. II. contemplatio § IV.*  
 „*Sed quoniam divinum Numen sacrae disciplinae principium exsistit, qua sanctae mentes in sui deveniunt cognitionem.*“

<sup>2</sup> Mi. 6, 14.      <sup>3</sup> Is. 46, 8.      <sup>4</sup> Cant. 6, 12.

turen gaen, merke dy selven. Ezechiel sécht:<sup>1</sup> O mensche, houwe dyn wand doer, de buten schoen is unde wit van kalke, daer bynnen syn alle slanghen, pedden, fenynde woerme, aller leye boesheit. Bernardus secht:<sup>2</sup> van buten 5 syn somyge lude suverlic in woerden, zeden unde ghelate, van buten holden se all dat em gheboden unde ghescreven is, mer bynnen is een bose, hart synnich,<sup>1\*</sup> wreet, lelick, verkeert herte. Och wolde ellic in em selven gaen, claerlike he solde syn nabuers over all myt vreden laten unde unghe-10 moyet. In der bibelen<sup>3</sup> staet, dat int gansse koninckrijke van egypten in der nacht was doet ghestorven alle eersten gheborene beesten unde menschen, also dat in elken hues in dat gansse land ghenoech doden weren unde nemand en droste syns naesten doden bescreyen noch 15 begraven, um dat ellic ghenoech te doene hadde myt syns selves doden te beclaghene, te bedeckene unde te stoppene.<sup>2\*</sup> Dit kan ellic lichtelike merken, wat dit gheestelike bedudet, als he allene wolde in em selven gaen, syns selves quaet merkende nae der duyster nacht syns oelden 20 levens des vroemorghens in den lecht der inwendighen claerheit.

Des vroe morghens komet de douwe der graciën, alle bloemen, kruden unde gras verblydende; vroe morgens gaet de sonne up, daer mede werden alle voeghelen singende, 25 alle kleyne wormen, bijen, sprenkelen unde mugghen verwackert, de in der koelden nacht verklummert waren, nicht en kunden krupen noch lopen noch vleghen; vroe morghens stond Abraham up, um synen enyghen soene gode to offere; vroe morghens stond jhesus up lerende synen disci-30 pulen,<sup>4</sup> woe se visschen solden vangen, do se allen den nacht hadden gheerbeydet, mer nicht ghevangkan; oeck des vroe morghens werden alle krancken verlichtet overmits up gaen der edelen sunnen; des vroe morghens gaet alle schape unde edele dyeren to water unde toe weyde; och 35 des vroe morghens is untellic ghelucke, datmen lichtelike mach

<sup>1\*</sup> *B. harsynnich*

<sup>2\*</sup> *B. scoppene*

<sup>1</sup> *Ez. 8, 8.*

<sup>2</sup> Cf. *ML. 184, 559. In monum. institutione et ordine vitae.*

*ML. 183, 571. Sermones de divers. Serm. XII, n. 2.*

<sup>3</sup> *Exod. 12, 29.*      <sup>4</sup> *Luc. 5, 5.*

verclaren in figuren, in scripturen, in naturen.

O ynyghe sele, dencke unde dancke der oelden nacht unde  
des nyen morghens, dat dy overkomen is, bidde voer alle  
de ghene, de noch in der nacht dwalen, aldus sprekende  
5 ut dyns herten ynnicheit unde vuricheit:

### III. Kap.

Nu biddet voer alle arme sunders, dat se weder in den  
rechten wech moghen komen.

O god, almechtich vader, du de nemants guet en behovest,  
10 um dyns selves mynlicheit hebstu ghemaket hemel, eerde  
unde all eer vulheit, engelen unde menschen hebstu aller  
meest begavet, na dyns selves belde unde ghelycheit for-  
mende unde dorstich makende na dy selven, o fonteyne  
alles wesens, alles levens, aller soticheit, alsoe dat alle  
15 redelike, verstandele creaturen allene nae dy begheren unde  
nummer en moghen versadet werden dan allene in dy; o  
fonteyne aller mynlicheit, mildicheit, guetheit, um dyns  
selves guetheit ghifstu dynen reghen up de rechtveerdighen  
unde bosen, dyn sunne schynt up de gueden unde quaden,  
20 alle creaturen hebstu van nichte ghemaket overmits dyn  
almechticheit, elken hebstu beghavet overmits dyn mil-  
dicheit, boven all hebstu den menschen allermeest begavet  
unde gherijchet allene um dyn guetheit, o vader der barm-  
herticheit, o god alles troestes, waerlike du hebst meer dan  
25 een benedictie den menschen ghegheven, dyn mildicheit  
is nae dyn rijcheit alheel sunder mate, sunder ghetall, sun-  
der ende. Den menschen over all int ghemeyne hebstu  
ghegheven een edel natuer unde wonderlike gaven, byn-  
nen, buten, in lijf, in sele, alsoe dat nemand en is, de myt  
30 rechte mach claghen over dy, aller leveste, mildeste vader.  
Ghelyck alstu elken creatuer ghegheven hebst syn natuerlic  
wesen, leven unde ghevoelen, also hebstu oick elken in  
ghedrucket een begheerte, syn wesen to holdene in ghesund-  
heit also langhe alst em mogheliken is te blyvene int na-  
35 natuerlike leve, hyr umme schijwtellic all dat em scha-  
den mach unde syn natuerlike wesen benemen, unde  
aerbeydet begheerlike na all dat em baten mach unde syn  
wesen staende holden, junghe kukene, kley-

ne lammer hoeden em voer water, vuer unde voer alle eer  
 unghelucke unde soeken eer spyse, se blyven by eer moeder  
 unde all dat em mach guet wesen. Aldus hebstu noch boven  
 ander creaturen den menschen in gheplantet in syn sele  
 5 in gheestelike claeरheit dat lecht dyns aensichtes up eer  
 herte teykenende, overmits welken se solden unde mochten  
 bewaren eer gheestelike levene in dyner graciē, kennende  
 unde hatende alle quaet unde sunde, de em benemen  
 eer gheestelike leven, unde begherende alle guet, dogheden  
 10 unde gracie, de eer gheestelike levene bewaren solden unde  
 sterken in tijt unde in ewicheit. O ghenadighe, mynlike  
 vader, de mensche steech neder ut dyn jherusalem in syn  
 jhericho, underweghes blijft he half doet, syn natuer levet  
 ghewondet, ghekrancket, beschynnet, mer dyn gracie is  
 15 van em ghenomen, dyn lecht heeft he ut gheblasen, syn  
 duysterheit heeft em verblyndet; Och syn nacht is wonder-  
 like lanck, duyster, koelt, greselick, mer dyn dach is em  
 te hoech, te heet unde te claeर. Och laet em den morghen  
 20 up gaen, laet em syn nacht utgaen, laet em myt graden  
 an dyn dach komen. Dyn natuerlike gaven up em syn  
 groet, mer dyn gracie unde glorie is em boven all noet.  
 Och ghif dat de sunne der ghorechticheit, jhesus cristus,  
 dyn soene, god unde mensche, myt syner claeरheit aller  
 menschen nacht unde duysterheit verluchte, overmits syner  
 25 gheloven alle menschen trecke ut der nacht<sup>1\*</sup> eers unghe-  
 loven in den dach syner waerheit. Heydene, joden, sarra-  
 cenen, tuerken, quade, verkeerden cristene de moeten allen  
 unde ellic vertyen eers selves quaetheit, bekeert an dyns  
 soenes clarheit allene um dyn guetheit. O vader aller ghe-  
 30 nadicheit, o god, sunder dy en moghen wy nicht kommen  
 noch blyven in unse natuerlike levene unde wesen, vele  
 myn int gheestelike, ghenadelike levene. Ghelyc alstu um  
 dyns selves mynlicheit ghegheven hebst desse ghenadighe  
 sunne, dynen soene, over all claeर schynende, och also  
 35 ghif al-

<sup>1\*</sup> B. macht

le menschen de selve sunne te untfanghene, alsoe dat wy  
alle unde ellic unse oghen daer ankeren unse vynster  
upluken, dat wy unsen rugghe nicht en setten teghen de  
sunne, noch de wolke nicht daer tusschen en stae, noch de  
5 eerde daer voer en gae, also dat nemand desser genadighen  
sunnen claer schynen em selven en behyderen mach<sup>1\*</sup> myt  
syns selves afkeren, ungheloven, hardicheit, ghyricheit unde  
boesheit, mer overmits dyn hulpe komen ut unser nacht an  
synen dach, vroemorghens up staende in den wyngaerden,  
10 dat wy nicht en misbruken dyner ghenadicheit, de uns  
guetliken heeft gheleydet ut den duysteren egypten desser  
blynden werlt; dat wy dy volghen doer de woestenye desser  
gheestelicheit in dat land van beloften dyner salicheit  
allene um dysns selves guetheit, benedijt in tijt unde in  
15 ewicheit.

## IV. Kap.

Woe een ytlick gheestelick mensche up staen sal unde sal  
voert gaen in gheesteliken dogheden unde vulherden int ende.

Surgamus, dat is, laet uns up staen. O ynnighe sele, nae  
20 dattu een luttel hebst ghemerket der mynnenden selen  
eerste woert: Mane, dat is, vroemorghens, daer du by  
verstaen machst dat beghynne eens guden levens na der  
nacht der sunden unde voer den dach der vulkomen-  
heit, voert salstu merken der selven bruet ander woert:  
25 Surgamus, dat is, laet uns up staen, in welken gherort wort  
de rechte forme des voertgaenden levens in gheestelicheit  
unde in dogheden. In den eerste merke, dat se nicht  
en secht to eren brudegom, Ic wil up staen noch oick du  
salst up staen, mer laet uns te samene up staen. Och se  
30 kande claerlike, dat in den vulbrenghen aller dogheden unde  
guden werken noet is de godlike gracie unde vulboert des  
vryen willen. Desse beyde moeten up staen. Natuerlike de  
eerde en mach gheen vrucht draghen noch groyen noch  
bloyen sunder reghen unde sunne. David secht:

---

<sup>1\*</sup> B. — mach

O here, myn sele is dorstich als eerde sunder water.<sup>1</sup> De vissche en werden nicht ghetrecket ut den water myt der angelroeden ten sy dat se selven daer an byten unde hechten. De natuerlike, heydensche meyster aristotiles<sup>2</sup> scrijft: alle natuerlike unde kunstighe werken en staet nicht allene in cracht des utghevers, mer oick in bequeme bereyheit des untfanghers. Natuerlike soll de becker guet broet kneeden unde backen, soe moet daer guet bequeme deech wesen. Sall de smyt syn yser dryven mytten hamer, so moet syn yser heet wesen. Sal de meyster syn kunst storren in syne discipulen, soe moeten se verstandich wesen. De sunne schynt over all up dreck als up golt, mer se blencket daer unghelike. De bile unde alle reyschop en kan by eer selven nicht werken sunder des meysters hand, noch de meyster en werket nicht sunder reyschop. Jo beter reyschop, yo lichter werken.

Och de aller beste reyschop in des aller kunstighesten meysters hand maket aller schoneste wercke. Aldus is de gracie godes werkende in unser selen myt unsen vrijen willen. Is dan unse natuer edel, boechsam, soete, vlijsam, och dat is een grote hulpe der graciën. In silver unde gold kan ellic meyster kunsteliker<sup>1\*</sup> werken dan in holt, yseren of stael. Paulus secht:<sup>3</sup> laet uns mede workers wesen der graciën godes. Aldus ist noet elken voertgaende menschen, dat he overmits godes graciën unde syns selves vlyticheit begwynne, voertgae unde endighe. He en sal nochtan em selven nicht toe scryven dan allene alle quaet unde godes gracie over all danken. Augustinus secht:<sup>4</sup> Overmits syns selves graciën verwecket god den mensche, dat he guet willich sy, overmits de selve gracie blyvet god by den menschen, dat he int ende vulherde. O ynnighe sele, aldus merke, dattu by dy selven nicht en kundest komen ut der

<sup>1\*</sup> B. *kunsteliken*

<sup>1</sup> Ps. 142, 6.

<sup>2</sup> Ethic. L. IV, C. II, *De magnificentia*, n. 16.

<sup>3</sup> I. Cor. 3, 9. (cf. II. Cor. 6, 1).

<sup>4</sup> ML. 40, 818, *Liber de spiritu et anima*, c. 53. „*Invalidi sumus ad bonum, nec sine Dei gratia bonum facere, vel in aliquo bono perseverare possumus.*“ cf. ibd. 819. „... sic homo nec bonum facere, nec in aliquo bono perseverare sine gratia Dei potest.“

nacht dyner boesheit noch an den morghen dyns gueden  
levens noch an den middach der ewighen salicheit dan  
allene overmits godes graciē. Bernardus secht:<sup>1</sup> O men-  
sche, drie dinghen moestu in den eersten vast gheheten, als  
5 dattu by dy selven nicht en moghest verkryghen verghiffe-  
nisse dyner sunden. Och de kynder van israhel en mochten  
by em selven nicht komen ut egipten, daer se weren in  
denste unde laste boven maten dan allene god verlosede  
10 se daer ut myt syner crachtighen hand, swoerlike slaende  
den koninck van egipten myt alle synen volke unde land  
myt tyen groten plaghen, alsoe dat se ten lesten doet  
bleven in dat rode meer unde alsoe woert israhel van em  
verloset overmits godes graciē unde nicht by em selven.  
Voert salstu kennen unde belijen als sunte bernt daer voert  
15 scrijft, dattu by dy selven nicht guedes doen en kanst noch  
quaet lijden noch dogheden werken noch verdenst ver-  
kryghen dan allene overmits de gracie godes. In der bibelen  
staet,<sup>2</sup> dat de kynder van israhel in der woestenyen nicht  
by em selven en mochten voertgaen, mer overmits godes  
20 hulpe, de em des daghes voer genc myt een wolke, der  
sunnen hette verkoelende unde des nachtes myt vuer eer  
duysterheit verluchtende unde alsoe em altijt den rechten  
wech wysende. Over all was by em de godlike gracie, eren  
dorst lavende myt water ut den stene, eren hungher spy-  
25 sende mytten hemelschen brode, eren lusten versadende  
myt all dat eer herte begheerden, eer krancheit bescher-  
mende teghen alle vyanden unde allermeest eer weder  
strubbicheit, verkeertheit unde boesheit castyende unde alsoe  
eer misdaet verghevende allene um syns selves guetheit;  
30 anders en mochten se nicht ghewandert hebben den lang-  
hen, bysteren, unbekanden wech tusschen egipten unde dat  
land van beloften.

Dat beteykent een gheestelic voert-

<sup>1</sup> ML. 183, 668. *Sermones de divers., Serm. 45, n. 5.* „*Simili-  
ter quaque spes triplex est, et procedit de praedicta triplici  
fide. Nam de fide praeceptorum oritur spes veniae; de  
fide signorum, spes gratiae; de fide promissorum, spes  
gloriae...*“

<sup>2</sup> Exod. 14, 20.

gaen vanden sunden in dat gheestelike leven to der ewiger vrolicheit, dat nemand vulvoren en mach noch in dogheden wassen by em selven dan allene overmits godes graciën. Ten lesten ist oeck noet, als sunte bernt<sup>1</sup> daer selven scrifft,  
 5 dattu vast ghelovest unde kennest, dattu by dy selven dat ewyghe leven nicht en moghest verdenen, ten sy dat god van graciën dy dat wille gheven.

Paulus secht:<sup>2</sup> de lijdene desser tijt en synt nicht ghenoch, de ewighe glorie mede te verdenen, de in uns sal  
 10 werden openbaert. Bernardus secht:<sup>3</sup> all mochte een mensche aller menschen doghede doen unde quaet lijden van beghynne der werlt int ende, nochtan en mochte he nae weerde nicht verdenen de ewyge glorie. Doe de kynder van israhel hadden ghewesen in der woestenyen veertich  
 15 jaer lanck, doe en kunden se nochtan by em selven in dat land van beloften nicht ingaan, mer de engel godes ghenck voer em unde leyden se in dat land van honich unde mellic vloyende. O ynnighe sele, nu merkestu ummer, woe behoerlike dat de mynnede sele spreket to eren brudegom,  
 20 laet uns tosamen up staen. Och sunder em en vermach se nicht, mer in em vermach se alle dinghen. In den boeck der leeften<sup>4</sup> staet, dat se up steech ut der woestenyen overvloijch in welden, hangende up eren ghemynneden, aldus salstu altijt dy alheel verlaten up dynen gemynneden.  
 25 O ynnighe sele, anders en machstu nicht up styghen noch voertkomen in de woestenyen der gheestelicheit, mer altijt gaestu achterwert, du glydest neder, du storrest in den drec. Bidde em mytter mynneden selen in den boeke der leeften,<sup>5</sup> dat he dy trecke unde wecke, leyde unde over  
 30 helpe, anghesien dyns selves krancheit allene um syn guethheit benedijt in tijt unde in ewicheit.

Paulus secht:<sup>6</sup> alle u sorghe werpet in em, want he heeft  
 achte up yu. Augustinus secht:<sup>7</sup> O mensche, du salst dy alheel verlaten up god, hangende up syn mildicheit, he en  
 35 is also

<sup>1</sup> ML. 183, 668, *Sermones de divers., Serm. 45, n. 5.* cf. S. 18.

<sup>2</sup> Rom. 8, 18.

<sup>3</sup> ML. 183, 383, *Sermones de Sanctis. In festo Annuntiationis B.M.V. I. 63, n. 2.* „... quia non sunt condignae passiones hujus temporis ad futuram gloriam, nec si unus omnes sustineat. Neque enim talia sunt hominum merita, ut propterea vita aeterna debeatur ex jure...“

<sup>4</sup> Cant. 3, 6.      <sup>5</sup> Cant. 1, 3.

<sup>6</sup> Paulus? cf. Ps. 54, 23; I. Petr. 5, 7; Matth. 6,25.

<sup>7</sup> ML. 40, 859, *Liber de diligendo Deo, c. 15.* „Vide ergo, o anima mea, quia multum commendat bonitatem Dei, non solum largitas sua, sed et iniquitas nostra.“

unghenadich nicht dat he em selven dy untrecke unde dy alsoe late neder vallen. In der bibelen<sup>1</sup> staet up vele steden, als de lude van israhel em alheel betruweden up god, so en was en gheen dyngh unmoghelick, mer als se up em 5 selven stonden, so en vermochten se nicht. Aldus versloech de kleyne david den wreden lewen, baer unde golias allene in den name des heren; aldus wan judas machebeus<sup>2</sup> alle stryde, up godes hulpe em verlatende, mer also vroe als he mytten romers vrentschop makede unde troest sochte do 10 bleef he doet in den eersten stryd. Aldus verwan sampson den lewen unde alle vyanden, um dat de geest godes in em quam.

O ynnighe sele, doe all dyn beste na dynen vermoeghen, mer sette all dynen troest in dynen ghemynneden, em al 15 dyn guet toe scryvende unde dy selven alle quaet, dan machstu oick vroliker to em seggen: laet uns to samen up staen vroe in den wyngaerden. Belye dyn quaetheit, benedye syn guetheit in ewicheit.

### V. Kap.

20 Wo unse gheestelike voertgaen unde upstaen sal staen in enen gueden willen.

Merke oick, o ynnige sele, dat de mynnende sele to eren brudegom nicht en secht: wy hebben up ghestaen, noch oick wy staet nu up, noch wy moeten upstaen, noch uns is noet up 25 te staen,<sup>1\*</sup> dat is, se begheerden up te staen. Och dit is over all wonderliken troestelick, um dat unse gheestelike voertgaen staet in enen gueden willen unde in begheerte des gheesteliken voertgaens. Augustinus<sup>3</sup> secht: eens gueden cristene menschen gansse leven is een hillich begheerte. 30 Bernardus secht:<sup>4</sup> dat aller wisseste teyken der gracie godes int herte des menschen is een begheerte noch meerre gracie.<sup>2\*</sup> Als in den boeke der wijsheit staet:<sup>5</sup> we my etet de sullen na my hungeren unde we my dryncket de

<sup>1\*</sup> † mer laet uns upstaen?

<sup>2\*</sup> B. † te crighene (?)

<sup>1</sup> 1. Reg. 17. 34 ff. <sup>2</sup> 1. Mach. 8.

<sup>3</sup> ML. 35, 2008. In Ep. Ioan. Tract. IV c. II. n. 6. „Tota vita christiani boni, sanctum desiderium est.“

<sup>4</sup> ML. 183, 511, Serm. II. in Fest. S. Andreeae Ap., n. 4. „Nullum enim omnino praesentiae ejus certius testimonium est, quam desiderium gratiae amplioris...“

<sup>5</sup> Sir. 24, 29.

sullen noch meer na my dorsten, spreket de fonteyne aller  
guetheit. Unse here sprac to synen discipulen:<sup>1</sup> Salich syn  
se, de hungryt unde dorstet in der gherechticheit, want se  
sullen versadet werden. Natuerlike als yemant is hungerich  
5 unde dorstich, he doe wat he doe, he dencket ummer up  
eten unde dryncken, he mach somtijt een luttel synen  
hungher unde dorst vergeten overmits ander unlede unde  
bekummerynge, mer althoant verlanget em weder na der  
kost; he tellet de tijt, he spoedet em na synen vermoeghen  
10 to komen by de kost. Aldus gheestelike sal ellike ynnige  
sele begeren unde verlangen na der gherechticheit over all  
unde allermeest unde eerst in eer selven, dat se leven als  
dat hoert over all in eer doen unde laten, unde oick over  
al int ghemeyne begeren, dat alle dinghen ghescheen nae  
15 den willen godes. Dessen stadigen hungher nae recht-  
verdicheit in tijt sal werden versadet unde versaliget in  
ewicheit. Bernardus secht:<sup>2</sup> overmits unsen gheloven in  
tijt verdenen wy schouwen unde kennen in ewicheit. Aso  
verdenen wy oick ghebruken in ewicheit overmits begheerten  
20 in tijt. Paulus secht:<sup>3</sup> de wille hanget my an, mer dat vul-  
brengen en vynde ick nicht. Gregorius secht:<sup>4</sup> unse handen  
en syn nummer ledich van gaven vor gode als de kiste un-  
ses herten is vul guedes willen unde vuryger begheerten.  
Lucas scrijft,<sup>5</sup> dat Zacheus begheerden unsen heren te syene.  
25 Dar mede wort unse here gedwungen unde getrecket in syn  
hues te gane, by em te blyvene unde em abrahams soen te  
maken, all was he kleyne van lyve unde versmadelick van  
leven, nochtan syn vuryge begeerte makede em salich in  
tijt unde in ewicheit. In den boke der leeften<sup>6</sup> sprac de  
30 mynnende sele ut herteliker begeerten: Och wolde myn  
leef komen in synen hof. Althoant sprac he weder: Ic byn  
ghekomen in mynen hof, o myn suster, o myn bruet. O  
ynnighe sele, dencke unde dancke der godliken guetheit, de  
dyn gheestelike

<sup>1</sup> Matth. 5, 6.

<sup>2</sup> ML. 183, 949 seq., Serm. 33 in Cant., n. 8 seq. „*Hi enim pro fidei magnitudine digni inveniuntur, qui inducantur in omnem plenitudinem...*“

<sup>3</sup> Rom. 7, 18.

<sup>4</sup> ML. 76, 1094 Hom. V. in Evang. n. 3 „*Ante Dei oculos nunquam est vacua manus a munere, si fuerit arca cordis repleta bona voluntate.*“

<sup>5</sup> Luc. 19, 5.

<sup>6</sup> Cant. 5, 1.

voertgaen, nicht en wil achten unde ordelen na vulkomenheit dyner werken, mer na vuricheit dyner begheerten. Dit is doch allen blynden, lammen, kropelen, krancken over all moghelick. David secht:<sup>1</sup> dat begheerte der armen heeft  
 5 verhoert de here, dat to bereyden eers herten heeft syn oer ghehoert. Dat arme vrouke offerden twe scherf in den tempel, dat was den heren behachlick boven alle offer der rijken allene um eere vuricheit unde syn guetheit. In der oelden ee<sup>2</sup> gheboet god den volke van israhel dat altijt  
 10 solde vuer bernen in den tempel up den altaer, in welken se eer offer solden verbernen. De presters solde avendes unde morghens daer holt an legghen, dattet vuer nummer ut en ghenghe. Dit is gheestelike vuricheit unde guede begheerte des bereyden willen up den altaer des herten. Daer  
 15 mede sal ellic ynnich mensche syne guede werken vlamlich maken, gode behachlic, em selven salich in tijt unde in ewicheit, altijt ghedechtich der waldaden godes up em. Och de syn kostel drughe holt de<sup>1\*</sup> int vuer der leeften bernet.  
 O ynnighe sele, merke hijr dat god nicht en gheboet, dat  
 20 se altijt offeren solden up den altaer, mer altijt solden vuer bernen, als oick unse here secht:<sup>3</sup> Ic byn ghekomen een vuer te brenghe in desse werlt unde ick will dattet berne. He will dyn begheerlike vuricheit meer dan dysns offers overvlodicheit, de dysns guedes nicht en behoevet, nochtan  
 25 dyn salicheit soeket allene um syn guetheit. Natuerlike vuer wort somtijt bedecket in der asschen, nochtan ist ummer vuer, all ist kleyne, nochtan kan men dat groet maken van kleyne. Aldus gaet mennich wolke voer de sunne, nochtan schynt se claeer unde heet in eer selven,  
 30 bereyt te ghevene eer cracht hijr beneden als de swerck hen is. Aldus gheestelike is mennich guet herte in koeltheit, in duysterheit, in unbevoelicheit teghen syns selves willen. Och dan mach ellic allermeest verdenen

---

<sup>1\*</sup> B. — de

<sup>1</sup> Ps. 10, 17.

<sup>2</sup> Levit. 6, 12.

<sup>3</sup> Luc. 12, 49.

als<sup>1\*</sup> he den oversten keyser denet up syns selves kost,  
 sunder soldie. Vuryghe begheerte is over all ghenoechlick,  
 mer begheerte der begeerten unde der vuricheit en is  
 nicht myn verdenstlick. Ghelijck als ellic, de gherne wolde  
 5 gheloven unde ynnich wesen, all wort he swaerliken be-  
 koert myt ungheloven unde myt traechheit, daer mede he  
 allermeest verdenet als he syn beste duet nae synen ver-  
 moghen; alsoe ist oick somtijt verdenstliker begheerte  
 10 te hebbene nae begheerte. David secht:<sup>1</sup> myn sele heeft  
 begheert te begherene dyn rechtverdicheiden toe allen  
 tyden; also lange alstu een kleyne vuncke vuers up den  
 heert dys herten hebst, all ist bedecket mytter asschen  
 dyner krancheit, alsoe langhe en bistu ummer nicht sunder  
 15 vuer, dat machstu noch maken groet, heet, claer, vlamlich  
 over all overmits denken unde dancken der guetheit godes  
 up dy, myt blasen des hilghen gheestes in dyn herte; al  
 were oick dyn vuer alheel verkoeldet unde utgegaen, noch-  
 tan kanstu vuer halen van dyne nabuers, de over all vlam-  
 20 mich syn unde dyn koeltheit untfanghen, wilstu selven dat  
 untfanghen; of uten stene dys koelden, swaren, harden  
 herten kanstu vuer slaen, alstu daer up slaest mytten  
 stale der unvergancliken ewicheit, angesien dattu in tijt  
 myt dogheden of myt sunden verdenen machst vroude of  
 25 pine in ewicheit. Boven all bewaer dyn vuer voer water  
 unde drec tijtliker, sundeliker ghenoechten unde blijf by dy  
 selven, dyn vuer te samene holdende unde de brande dyner  
 crachten in dy selven in een vergaderende, want een is  
 noet, sprack unse here to marthen,<sup>2</sup> also dattu over all in  
 30 dyn doen unde laten begherest godes graciën unde behach-  
 licheit. David secht:<sup>3</sup> Een dingh heb ic ghebeden vanden  
 heren, dat sal ic oick versoeken, dat ic moeghe sien den  
 willen myns heren. Item David secht:<sup>4</sup> myn herte is heet  
 gheworden in my selven unde in myn

<sup>1\*</sup> B. † de

<sup>1</sup> Ps. 118, 20.

<sup>2</sup> Luc. 10, 42.

<sup>3</sup> Ps. 26, 4.

<sup>4</sup> Ps. 38, 4.

overdencken is een vuer unsteken in my. O ynnighe sele,  
 dencke unde dancke der godliken mildicheit up dyn snoet-  
 heit allene ut syn mynlicheit, dan sal dyn herte werden  
 glymmich, in vuricheit em benediente in tijt unde in  
 5 ewicheit. Bernardus secht:<sup>1</sup> Och of wy alsoe ghyrich weren  
 na gheestelic unde ewich guet als de wertlike lude syn nae  
 tijtlick guet, wy moghen uns ummer wall schamen, dat se  
 snel lopen nae sunden dan wy nae dogheden; wy syn trager  
 te aerbeyden nae een ewich leven dan se na ewich sterven.  
 10 Augustinus secht:<sup>2</sup> Och mochten wy alle menschen ver-  
 wecken unde eer selven myt em allen worden verwecket in  
 vuricheit myt begheerte te lopene den wech des levens  
 salich in tijt unde in ewicheit.

## VI. Kap.

15 Woe hijr is kentlick, woe wy sullen upstaen van allen  
 quaet overmits etc....

Na dattu een luttel hebst verstaen, o ynnighe sele, wo du  
 salst up staen myt hulpe der graciën godes unde oick  
 overmits vuricheit herteliker begheerten, voert salstu ken-  
 20 nen waer van du salst up staen. Natuerlike plecht men up  
 te staen uten dreck, vander earden, vanden stoel, vanden  
 bedde, uten grave of vanden dode. Och dit is grof up  
 staen unde betemet meer weertliken sunders dan gheesteli-  
 ken voertghengers. Eerst ut den drec der unreynicheit  
 25 des vleysches en kan nemant by em selven up staen. De  
 slijc holt vast unde is by nae sunder grond. We daer in  
 vallet, de werdet beslackert unde behoeven sterke hulpe  
 der almechtighen hant unde graciën godes. David secht:<sup>3</sup>  
 Ic bin ghehechtet in dat depe des slijkes unde daer en is  
 30 gheen understand noch grond. Item David<sup>4</sup> secht: O here  
 verlose my ut den slyke, dat ick daer nicht en hechte. Och  
 de putte is anxtelic unde deep, ellic mach daer in vallen  
 by em selven, mer nicht utkomen. Lucas scrijft:<sup>5</sup> de dat  
 wijf hadde ghenomen sprac: Ic en kan nicht komen  
 35 ten avent-

<sup>1</sup> ML. 183, 639 *Sermones de diversis, Serm. XXXVI, n. 3.*  
 „Utinam, fratres, sic nos essemus cupidi gratiae spiritualis,  
 quemadmodum saeculares homines pecuniae temporalis.“

<sup>2</sup> cf. ML. 39, 1956, *Serm. 106, n. 14.*

<sup>3</sup> Ps. 68, 15.      <sup>4</sup> Ps. 68, 3.      <sup>5</sup> Luc. 14, 20.

mael. Al is de hilghe echte guet unde verdenstelick, van gode in ghesat, nochtan mach men se misbruken in vele artikulen unde daer in sundighen teghen god unde teghen syns selvers salicheit in tijt unde in ewicheit.

5 Mer reynicheit is over all verdenstelick, gode behachlic, em selven salich in tijt unde in ewicheit.

Oec sullen se up staen vander eerden der gyricheit tytlikes guedes. Aldus was up ghestaen Matheus de tolner, do<sup>1\*</sup> unse here to em sprac:<sup>1</sup> Volghe my nae, unde was bereynt alle tijtlike rijcheit te latene, ghetrecket overmits de cracht unses heren, vertyende myt groter vuricheit alle tijtlike guede, den<sup>2\*</sup> he to voeren ghyrich was te cryghene, toe hebbene unde toe holdene. Aldus dede oick saulus, doe he woert paulus, gheslaghen van gode, he stond up vander eerden, alle tijtlike, eerdsche dinghen latende, allene godes willen vervullende, doe he sprack:<sup>2</sup> O here wat wilstu dat ic doen soll. Voert nae der tijt was em alle tijtlic guet versmadelic als dreck, dat he alsoe mochte cristum verkryghen salich in tijt unde in ewicheit.

20 Unse here secht:<sup>3</sup> Ten sy dat yemant alle dynge late unde my volghe, anders en mach he nicht wesen myn discipel. Tijtlike gueden syn last unde besworen den begheerliken besitter, dat he nicht en mach volghen unsen heren, de allheel sunder desse last voergaet, unde alle syne volgers hebben dessen last af<sup>3\*</sup> ghelecht, dat se alsoe snel kunde lopen den wech des levens salich in tijt unde in ewicheit. Noch sullen se up staen vanden stoel der hoverdijen in waerachtige oetmoedicheit. Jonas<sup>4</sup> predikede in der groter stad nynyve, dat se bynnen veertich daghen solden vergaen um eer grote misdaet. De koninck van nynyve stond up van synen stoel unde dede grote penitencie myt alle synen volke. Daer mede untghenghen se de wrake godes unde bleven levendich. Ysayas<sup>5</sup> scrijft, dat lucifer dachte in syn herte, dat

<sup>1\*</sup> B. de      <sup>2\*</sup> B. dan      <sup>3\*</sup> B. up

<sup>1</sup> Matth. 8, 22.      <sup>2</sup> Act. 9, 6.      <sup>3</sup> Luc. 14, 33.

<sup>4</sup> Jon. 3, 6.      <sup>5</sup> Is. 14, 12 f.

he synen stoel wolde setten in dat noerden unde sitten<sup>1\*</sup>  
daer up ghelyc den aller oversten. Daer mede verdende he  
neder te vallene in dat aller depeste unsalich in tijt unde  
in ewicheit. Och he was de aller schoenste ghemaket van  
5 gode mer um syn hoverdije moste he werden de aller leli-  
keste, verworpen in tijt unde in ewicheit. Bernardus secht:<sup>1</sup>  
De hoverdije heeft eens ghemaket versturynghe in den he-  
mel, nummermeer en mach se daer weder komen. All hadde  
de mensche mennigerleye graciën in syn natuer ount(?)<sup>2\*</sup>  
10 eventuer bynnen, buten, in lijf, in sele, ten is all nicht, als  
de hoverdye daer mede is. Hoverdije stincket voer gode,  
voer den engelen unde voer alle menschen.  
Noch sullen se up staen vanden bedde der traechteit over-  
mits vuryghe wackerheit. Paulus secht:<sup>2</sup> O mensche, stae up  
15 vanden slape. Unse here makede enen gichtighen mensche  
ghesond unde sechde em:<sup>3</sup> o mensche, stae up unde drech  
dyn bedde unde gae in dyn hues. De ghichtighe mensche  
beteykent tracheit. De syne hande, voete unde lede nicht  
en sette to werke in den denste godes, de sall up staen  
20 vanden bedde syner luggicheit unde draghe dat bedde, dat  
em plecht te draghene, alsoe dat he syn traechteit ver-  
wynne overmits dat ghebod des heren unde gaen in dat  
hues syner selen, em selven merkende unde wroeghende,  
wat he schuldich is, wat he betaelt heeft, wat he is unde  
25 wat he wesen solde unde oick wal wesen mochte. Dan sal  
he syn bedde verlaten overmits vurich up staen van syn  
slumicheit, angheseen dat oick de mynnende sele eren  
brudegom up eer bedde nicht en mochte vynden, als in den  
boeke der leeften staet.<sup>4</sup>  
30 Oick sall elke sundiche sele up staen vanden dode, dat  
is, van allen anderen doetliken sunden overmits weerdiche  
penitencie. Natuerlike nemand en mach em selven leven  
gheven noch van den doet up wecken. Alsoe en mach gheen  
sunder up staen van

<sup>1\*</sup> B. — *sitten*      <sup>2\*</sup> *unde over natuer (?)*

<sup>1</sup> ML. 183, 348 *Sermones pro Dominicis*, 1. Nov. *Serm. II.*  
*n. 3.* „*Semel turbavit superbia regnum illud... Facilene  
deinceps admittenda videtur?*“

<sup>2</sup> Rom. 13, 11.      <sup>3</sup> Marc. 2, 11.      <sup>4</sup> Cant. 3, 1.

doetliken sunden, de syn der selen doot, dan overmits godes gracie unde nicht by em selven. Unse here<sup>1</sup> verweckede vanden natuerliken dode ene junghe deerne in dat hues, daer se ghestorven was; dat is, een heymelike sunder, de 5 in syns selves quade upset unde verkeerden willen int heymelike sundighet, de by em selven daer moste blyven in tijt unde in ewicheit. He verweckede oick den yngelinc buten der poerten der stad naym.<sup>2</sup> Daer by verstaen wy den openaren sunder voer den oghen der lude. Noch verwecke-10 de he lazarum<sup>3</sup> vijer daghe oelt in den grave, stinckende over all; dat is de sunder, de in syn quade ghewoente verhardtet unde verbacken is, stinckende voer allen creaturen, gode haetlick nae syn rechtveerdicheit, mer nochtan nicht versmadelick nae syn barmherticheit. He sprac to 15 elken van dessen dode: stand up, anders hadden se doet ghebleven in ewicheit, um dat sunder syn hulpe nemant en mach salich noch ghesond wesen noch in tijt noch in ewicheit. Aldus soll ellic sunder noch up staen mytter graciën godes van fenyn der nydicheit, van der tafelen der gul-20 sicheit unde van dat vuer der tornicheit in mynlicheit, in soticheit unde in sachtmoediciteit. Dan wort he gode behachlic, synen naesten stichtich, em selven licht unde ghenoechlic salich in tijt unde in ewicheit. Lucas scrijft:<sup>4</sup> Doe de verlorene soene in vremden landen boeslike levede, 25 boeflike syn guet verteert hadde, in groten hungher unde kummer begheerden syn bueck te vullene unde synen hungher te sadene mytter verkene draf, dat em nemand en kunde gheven, um dat he to hoghen eren, guden gheschapen was, do sprac he in bitteren, berouwyghen herten: ic will 30 up staen unde weder gaen to mynen vader unde segghen em: vader ic hebbe ghesundighet in den hemel unde voer dy, ic en byn nicht weerdich dyn soene te wesene, make my

<sup>1</sup> Matth. 9, 25.

<sup>2</sup> Luc. 7, 14.

<sup>3</sup> Joh. 11, 14.

<sup>4</sup> Luc. 15, 18.

een denst knecht in dyn hues. Doe he noch veer was, wort  
 de vader beroert myt syns selves barmherticheit. He genc  
 em toe moet ghenadeliken, he untfenc em mynlike, he  
 troestede em soetelike, he nam em in syn hues vrendeli-  
 ken, he begavede em mildeliken, he behelt em ewelike. Och  
 dit exemplel solde allen sunders toe troest gheven, alle  
 sunden to latene, alle<sup>1\*</sup> tijtlike ghenoechte te versmadene,  
 van allen sunden up toe staene, herteliken betrouwende an  
 den ewyghen vader, te gaene int hues der ewicheit, salich  
 10 te stane allene um de vaderlike barmherticheit, benedijt in  
 tijt unde in ewicheit.  
 Waerlike alle tijtlike, sundelike ghenoechte en moghen  
 15 nemand salighen noch versaden. Bernardus<sup>1</sup> scrijft suver-  
 like in parabolen, woe dat alle tijtlike dinghen unsalich  
 maken all eer soekers unde besitters aldus seggende: Ick  
 sach vijf manne unde my dochte, dat se allen rasende unde  
 ghec weren. De ene sat up den over der zee up vele sandes  
 20 unde he aerbeyden myt beyden handen myt allen vlyte, all  
 dat sand in synen mont te werpene unde te slukene in syn lijf.  
 Daer nae gapede he myt openen munde myt opghespijlden  
 kennebacken. He woert daer af beswoert unde nicht ghe-  
 spyset noch versadet. Aldus doen gheestelike de ryke,  
 25 ghyryghe lude desser werlt. Och de tijtlike guede synt  
 ghelyc den sande, magher, swoer, lastich unde nicht sali-  
 ghende. Op den sande en wasset noch bloemen des gueden  
 upsettes noch kruet des gueden werkes noch vrucht der do-  
 gheden, noch loef der gueden exemplelen. O magher, un-  
 30 salighe sand, du bist vull stene, all syn se klyne nochtan  
 syn se scherp unde pynlick, unsen herten, handen unde  
 voeten lastich. O tijtlike rijcheit, du en kanst doch nemand  
 salighen noch saden, du wryngghest unde dwynghest; du  
 moyest unde dwynghest dynen besitter over all um dat he  
 35 dy myt aerbeyde dwynghet unde wynnet, myt sorghen be-  
 waert unde myt bitterheit verlatet. Natuerlike pekel of solt  
 water

<sup>1\*</sup> *B. allene*

<sup>1</sup> Cf. *ML.* 184, 269 sep., *Tract. Ascet.*, *Tract. IV*, n. 6 seq.  
*ML.* 184, 1266, n. 108. *ML.* 182, 848, n. 26.

en lesschet ghenen dorst. Jo men der meer drincket, jo men meer dorstet. Seneca secht:<sup>1</sup> O mensche, vertye doch desse tijtlike guede, in welken doch nicht en is dat dy salighen mach. Al mochte een mensche allene alle tijtlic  
5 guet kryghen, nochtan solde he blyven hungherich. Och se verwecken dynen dorst. Oick syn se ghelyc als spyse up der vallen of up der scappen.<sup>1\*</sup> Daer mede werden oick vele vossen ghevanghen overmits ghenoechte der rijcheit in sunden unde werden oick dan ghedodet unsalich in tijt  
10 unde in ewicheit.

In den sande is swoerliken te gaene, op dat sand is anxte-  
liken te tymmerene. Unse here secht:<sup>2</sup> de up dat sand syn hues tynnert, de moet verwachten, dattet neder valle, als de wynt stormet der godliken wraken unde de vloet des  
15 dodes dat under graft, dan moetet neder storten. O unsalige sand slynder, spyte ut dynen mond, vertye ut dyn herte all dat tijtlic is, kere dyn leefte an dat overste guet salich in tijt unde in ewicheit allene in godes mildicheit.  
Bernardus scrijft voert:<sup>3</sup> de ander stond boven enen groten  
20 putte vul pickes, swevels unde stinckendes vuers. Daer treckene in synen mont, in syn hals, in syn lijf.

Desse beteykent unreynicheit des vleysches, de nummer en wort versadet. Salomon scrijft:<sup>4</sup> Drie dynghen en wer-  
25 den nummer versadet: De helle, onkuysheit,<sup>2\*</sup> de eerde nummer en werdet vervullet myt water, unde vuer en secht aerbeyde he myt allen vlyte den leliken stanck over all to nummer et is nu ghenoech. Mer jo men meer holtes in dat vuer legget jo et meer verslynden mach, sunder ende was-  
sende. Johannes scrijft,<sup>5</sup> dat he sach enen anxteliken putte,  
30 daer quam ut roec, swevel unde vuer unde vele menschen storven daer af; aldus is des vleyssches unreynicheit over all anxtelick. Daer af komet roeck der duysterheit des verstandes, oghen verblyndende, swevel, lelike stinckende unde vuer, sunde ende bernende, unsalich makende in tijt  
35 unde in ewicheit.

O edel sele hoetij voer des-

<sup>1\*</sup> clappen; cf. S. 66. dort: strappen.

<sup>2\*</sup> de helle myt onkuysheit

<sup>1</sup> Ep. IX, 5.      <sup>2</sup> Matth. 7, 26.

<sup>3</sup> Cf. S. 28, Anm. 1.

<sup>4</sup> Prov. 30, 16.      <sup>5</sup> Apoc. 9, 1 ff.

sen putte. Waerlike dyns selves vleysch unde bloet is dyn  
 aller quadeSTE vyand. Du en kanst em noch verjaghen,  
 noch<sup>1\*</sup> untlopen, he is mytti in der stad, up der borch, in  
 dat hues, in de kamer, up den bedde, in der kerken. Och  
 5 du moest em selven draghen, spysen, decken unde over all  
 denen. Nochtan is he ummer dyn doet vyand, altijt weder  
 strubbich teghen dyn salicheit also vele alst in em is. O edel  
 sele, aldus bistu altijt in last, behanghen unde beswoert  
 myt dyns selves vleysch. Hijr umme machstu wall ropen  
 10 myt paulo:<sup>1</sup> Sich, we sall my verlossen<sup>2\*</sup> vanden licham  
 desses dodes. Claerlike anders nemand dan de gracie godes  
 in cristo jhesu. De wyse man secht:<sup>2</sup> Ic bekande dat nemand  
 en mach leven by em selven in reynicheit dan allene den  
 god dat ghift van graciën. Daer umme keerde ic my an  
 15 god, em biddende dat he my dat wolde gheven. Aldus  
 mach ellic overmits hulpe der graciën godes, dat he ummer  
 nicht en mach van natueren.  
 O mensche, merke dyn edelheit unde en will nicht wesen  
 ghelyc den beesten. Seneca<sup>3</sup> secht: Ic byn groter unde to  
 20 groten dinghen gheboren, dan te wesene een knecht myns  
 lichaems. Paulus<sup>4</sup> scrijft een troestelic woert: Gheen ver-  
 doemenisse en is in den genen, de syn in cristo jhesu. De  
 nicht en wandert na den vleyssche, dat is, de myt willen  
 nicht en volghen noch en vulboerden des vleyssches be-  
 25 gheerten, all voelen se somtijt groten last unde becorynghe  
 in des vleyssches drijft, dat is em meer verdenstelick dan  
 schadelic, in den dat em dat leet is, unde se wolden dat  
 gherne quijt wesen, daer na aerbeydende na eren ver-  
 moghen. Bernardus<sup>5</sup> secht: laet den vyand syn vuer blasen,  
 30 laet em unse lede unde lijf beroren, laet de sinlicheit unt-  
 steken werden unde bernen, also langhe als de rede unde  
 vrijen willen dat hyndert na synen vermoeghen myt af-  
 keer, myt mishaghen, also langhe is daer meer ghewonnen  
 dan verloren. Paulus scrijft:<sup>6</sup> nemant en mach ghecronet  
 35 werden

<sup>1\*</sup> B. — noch

<sup>1</sup> Rom. 7, 24.

<sup>4</sup> Rom. 8, 1.

<sup>5</sup> ML. 184, 515. *Tract de interiori Domo*, c. VIII. n. 15,  
 „Nam solus consensus reos nos facit... Non nocet sensus  
 ubi non adest consensus: imo quod resistentem fatigat, vin-  
 centem coronat.“

<sup>6</sup> II. Tim. 2, 5.

<sup>2\*</sup> B. † myt

<sup>2</sup> Sap. 8, 21.

<sup>3</sup> Ep. VII, 3, 16.

ten sy dat he behoerlike stryde, nemant en mach stryden,  
 ten sy dat he vyanden hebbe. Johannes secht:<sup>1</sup> o mensche,  
 wes getruwe hent ter doet, dan wil ic dy gheven de crone  
 des levens. In der bibelen staet,<sup>2</sup> dat in den lande van  
 5 beloften somyghe heydene woenden manc den kynderen  
 van israhel, de mosten den kynderen van israhel pacht unde  
 renten gheven unde denst doen. Aldus hebben de kynder  
 godes eers selves sinlicheit, de em nutte is unde pacht  
 betaelt, als se daer mede verwecket werden to ghebeden, to  
 10 gueden ghedancken unde werken, toe vuricheit, to anropen  
 der hulpen godes unde syner hilghen. Paulus secht:<sup>3</sup> alle  
 dinghen mede werken int guede den ghenen, de gode leef  
 hebben, de na den upsette hillich syn, och nae eren upset  
 meer dan nae eren vulbrenghen, um dat se gherne reyne  
 15 waren over all in dancken, in begheerten, in ghevoelen, in  
 werken, in herte, in handen, in den munde. Abraham<sup>4</sup>  
 offerden synen enyghen soene gode up den berch, syn ezel  
 unde knechten bleven daer beneden an den voet des ber-  
 ghes. Daer mochten se trampen unde prampen, sprynghen  
 20 unde singhen unde over all doen als ezels unde knech-  
 ten; mer Abraham bleef boven up den berch verenyghet  
 mytten willen godes, allene em behachlic, dat en mochte em  
 nicht benemen noch hynderen des ezels beestelicheit noch  
 der knechten unsturicheit. Aldus sal de rede altijt begheren  
 25 den willen godes underdanich te wesene, dan en is em  
 nicht schadelick der sinlicheit unsturighe wreethet. In  
 der bibelen staet,<sup>5</sup> dat bose tyranne, abimelech ghenomet, dede  
 groten schade in den lande van israhel myt bernen, myt  
 vanghen, myt roven, ten lesten was daer een sterck, groet,  
 30 hoech toern, daer vele lude weren up ghelopen, dat se  
 daer mochten vrij wesen van syn quaetheit. He brachte  
 vuer beneden anden toern unde wolde se daer allen ver-  
 bernen. Mer een edel vrouwe warp enen steen van boven up

<sup>1</sup> Apoc. 2, 10.

<sup>2</sup> Jud. 1, 28.

<sup>3</sup> Rom. 8, 28.

<sup>4</sup> Gen. 22, 5.

<sup>5</sup> Jud. 9, 52f.

syn hovet dat he storteden unde doet bleef. Int ende  
 syns levens sprac he to synen schiltknechte: Och slaet  
 my doet myt dyn sweert, datmen nicht en segghe, dat my  
 een wijf hebbe ghedodet. O homoedighe vyant, myt dyn  
 5 wreetheit woldestu gherne verderven all israhel unde scha-  
 den den kynderen godes in eer guet, in eer dogheden, in  
 eer verdensten, mer up den hogen toern der redelicheit syn  
 se vrij voer alle dyn quaetheit. Du machst dyn vuer bren-  
 ghen beneden in den lede, int lijf, in de onderste crach-  
 10 ten, daer machstu boeten dat vuer der quaden begheer-  
     licheit, mer als se daer boven blyven dyn vuer versma-  
     dende, eren vrijen willen van dy kerende unde myt god  
     verenyghende, och dan en mach em all dyn unde dyner  
     15 hulpers unsteken nicht hynderen. In dyn vuer moestu  
     selven versmoren, de up styghende roec mach em wat  
     lastich wesen, mer dy selven is dyn vuer verderflick, daer  
     du selven in versmoerst, neder ghestortet, ghewondet myt-  
     ten steen des ynnighen ghebedes unde der angheropenen  
     20 graciën, de dy slaet, steket, wondet unde dodet als Davids  
     steen den groten golias dede. Du woldest gode ghelyc-  
     wesen, in den noerden dynen stoel setten up den hoghen  
     berghe, mer nu liggestu in den drec, beschemet dat dy een  
     25 wijf heeft gheslaghen, dat is, de ynnighe sele heeft dy  
     verwonnen overmits der graciën godes, boven blyvende  
     unde dyn vuer versmadende, den willen godes nae eren  
     vermoghen volghende salich in tijt unde in ewicheit. Aldus  
     scrijft oick Daniel,<sup>1</sup> dat de koninck van babilonien enen gro-  
     20 ten oven alheel gloijch makede. Daer worp he in drije  
     yungelynghen, de syne afgode nicht en wolden anbeden,  
     30 um dat se knechten godes weren unde eren heren nicht  
     en wolden versaken. Daer umme gaf em god, dat em all  
     dat vuer nicht schaden en mochte. O ynnighe sele, blijf  
     stijf by den willen godes, dan laet den koninck van baby-  
     lonien myt

---

<sup>1</sup> *Dan. 3.*

alle synen knechten untfenghen den oven dyns lichaems  
laet em daer blasen dat vuer der unreynen begheerlicheit  
in all dyn lijf, lede, sinlicheit, nochtan overmits godes  
gracien salstu over all blyven unverbrand ghelyc den dri-  
5 jen yunghelinghen in dyn lijf, lede, haer unde cleder um  
dat de sone godes is mytti in den oven dy beschermdende  
allene um syn guetheit, benedijt in tijt unde in ewicheit.  
Voert scrijft bernardus,<sup>1</sup> dat de derde stond by enen gloy-  
ghen oven unde sloec myt groten vlyte all de gloet, de  
10 vlamme unde vuer des ovens in syn lijf, also dat alle  
syne bynnenste worden vervullet myt gloyghe hette, de  
weder ut em ghenck doer alle opene gate, doer nese, mond,  
ogen, handen unde alle leden unde vloyede van anxtelic  
vuer, dat daer nemand en kunde by wesen sunder sorghe.  
15 Dit is gheestelic een anxtlic, tornich, wreet mensche. Al-  
dusdanighe lude syn in desser werlt, de all eren kost unde  
aerbeyd daer an legghen, dat se ander lude moghen tre-  
den, quellen. Salomon secht:<sup>2</sup> O sone, en will nicht soeken  
ghenoechten in den wege der bosen, want se en kunnen  
20 nicht rasten noch slapen, ten sy dat se eerst ander lude  
verdrucken unde quaet doen. Bernardus secht:<sup>3</sup> Wat mach  
ungheliker unde veer wesen van gode dan somyghe lude  
wreede unghenadicheit, de oick daer in setten eer ghe-  
noechte, dat se den ghenen lastich syn, de em ummer  
25 gheen quaet en hebben ghedaen noch ghedacht noch begeert.  
De guetheit godes laet syn sunne schynen up guet unde  
up quaet, de altijt teghen god syn, nochtan ghift em god  
wonderlike guede in lijf, in sele, in ere, in guede allene  
um syns selves mildicheit, unde sich, desse bosen doen  
30 altijt quaet allene ut eers selves wreetheit, nydicheit, boes-  
heit; eer herte is allene vull boesheidn ghelyc als een oven  
gloijet vull vuers; daer ut stuven de voncken unde vlammen  
boser werken

<sup>1</sup> Cf. S. 28, Anm. 1.      <sup>2</sup> Prv. 4, 16.

<sup>3</sup> Cf. ML. 185, I. 160. Serm. I in Fest. Pent., n. 5.

wreder woerden, unghenadigher zeden over all anxtelick  
 unde greeselick allen sachtmoedighen kynderen godes. O  
 alle oetmoediche, ynnighe selen, en willet doch nicht gapen  
 teghen den gloijghen oven, en willet doch nicht verwecken  
 5 den wreden, tornighen menschen teghen ju selven, unt-  
 fermet ju over alle wreede menschen. Eer voncken moghen  
 stuven buten up yuwen mantel, mer de gloijghe vlamme  
 verbrand eers selves herte, in den grond latet den quadren  
 hond slapen, gaet soteliken van em, en willet den oven  
 10 nicht naken. De wyse man leert synen soen:<sup>1</sup> O kynd, hoet  
 dy voer den tornighen, en wil dy nicht myt em bekumme-  
 ren, dattu oick syne weghe nicht en lerest. Natuerlike  
 de bose, wreede mensche is ghelyc enen rasenden honde, de  
 lopet allene over wech, um dat ellic den bosen men-  
 15 sche mydet, unde syn gheselschop is lastich allen gueden  
 luden. Bernardus secht:<sup>2</sup> de wreede mensche is ghelyc den  
 eeghel, alstu em willest roeren mytter hand dyn guetliken  
 vermaninghen so moestu eerst seen dysn selves bloet in  
 dyn hand dan syne beteringhe, also stijf is he over all  
 20 ghewapent unde besticket myt scherpen tacken syner boes-  
 heit. Item, de rasende hond lopet altijt myt openen monde,  
 myt utgheslagener tunghen unde myt neder glydenden  
 zener. Aldus is altijt de wreede mensche bereyt te sprekene  
 vloeken unde kijf, syn tunghe is buten synen monde in  
 25 achterspraecke, in weder wraeke, in hoensprake, in  
 kroenen, in verwyten, in schelden. Syn zener untgaet  
 em, syn wysheit untvallet em, syn smaken in gheestelic-  
 heit untglydet em, syn dorst nae kijf unde slaen vermeert  
 em, syn underscheyden unde redelicheit verkrympet em. Al-  
 30 dus is altijt synen mond drughe, syn herte magher unsalich  
 in tijt unde in ewicheit.  
 Item, des rasenden hondes oghen syn roet um versturynghe  
 syns bloedes. De oghen syn em wyde open, nochtan en kan  
 he nicht recht seen, myt openen oghen lopet he teghen all  
 35 dat em ghemoetet

<sup>1</sup> Prov. 22, 24.

<sup>2</sup> Cf. ML. 183, 237, Serm. 13 in Ps. 90, n. 5.

unde stot daer teghen of he blynd were; aldus is de wreede mensche by na unsynnich unde blynd, he stotet em in all dat em ghemoetet; al dat he siet unde hoert unde all dat em overkomet, dat wil he straffen, bekyven unde berichten. Och desse rasyghe hond is wonderlike schadelick, al dat he bytet, dat word oick rasende. Daer umme en kan men nicht bet dan den rasenden hond doet slaen mytten eersten overmits waerachtige penitencie. O ynnighe sele, biddet voer alle wrede, hardsynnighe, stijfmodighe mensche, heb hertlic medelijden myt em. Waerlike du machst dusentmael lever draghen eren bosen synne unde alle quaet van em lijden dan du selven soldest also danich wesen. Och eer voncken syn dy anxtelick, up dyn cleet stuvende, mer eer vuer is greesselic in eers selves herte bernende. Eer<sup>1\*</sup> 15 sweert is lastich over all, mer allermeest em selven. Eer fenyn draghen se in eers selves herte, dat se daer mede quellen moghen de em mishachlic syn. Et mach komen dat eer voncken, eer sweert, eer fenyn nemand en roert, en schadet, um dat ellic daer teghen is ghewapent of van em 20 lopet unde also untkomet, mer se en kunnen ummer em selven nicht untlopen, altijt in em selven belastet myt eers selves vuer, sweert unde fenyn unsalich in tijt unde in ewicheit, ten sy dat se<sup>2\*</sup> in beterynghe kome overmits godes gracie, de oick ut den stenen kan verwecken abraham kynder, de over all gode was underdanich unde behachlic salich in tijt unde in ewicheit. David secht:<sup>1</sup> Eer sweert gae in eers selves herten. Augustinus secht:<sup>2</sup> We den anderen ene passie eder bitterheit nae dreghet, dat he em also moghe quellen, de trecket een schaerp sweert doer 25 syns selves herte, dat he den anderen moghe steken of snyden in synen rock of in syn cleet. Et mach komen, dat em de ander untkomet, mer selven en gaet

<sup>1\*</sup> B. Oer      <sup>2\*</sup> B. —se

<sup>1</sup> Ps. 36, 15.

<sup>2</sup> ML. 38, 507, Serm. 77, n. 3. „Saevisti in inimicum tuum; te saeviente ille nudatus est, tu iniquus es...“ — ML. 36, 365, Enarratio in Ps. 36, Serm. 2 n. 3. „Desipiunt, contra se saeviunt... tanquam si vellet aliquis per corpus suum ferrum tralicere, ut scinderet tunicam alterius. ... illius considisti vestem, tuam carnem. Constat ergo plus esse quod se laedunt inqui, et quod sibi nocent, quam quod sibi videntur nocere illis quos oderunt.“

he nicht quyt. In der bibelen staet,<sup>1</sup> dat de wreede koninc saul langhe tijt unde scherpelike vervolghede den edelen, sachtmoeidighen David. Up een tijt stond David vor em unde he wort tornich up David. He greep snelle syn glanye unde 5 wolde david doer syn lijf steken. Mer David spranc snel ut der steden unde de glanye stack in de wand unde also quam david sunder schaden van daer, mer de wrede saul wort allermeest ghesteken in syn herte myt bitterheit, myt nydicheit, myt boesheit. Natuerlike een eeghel is vull 10 scherpe tackelen unde prekelen over syn lijf, mer syne mund, syn voete, synen buec syn slicht. Als men em stotet unde prokelt myt ghewelt, soe trecket he syn hovet, syne voete, synen buec unde all syn unghewapenheit to samen under synen tackeden rugghe, also is he dan over all 15 scherp. Jo men em dan meer quellet, jo he styver is. Also blijft he in syn hardicheit, ten utesten sterven in syn upluken. Mer doch als men em heet water stortet up syn lijf,<sup>1\*</sup> dan wort he upgheluket unde beghynt te lopene. Aldus is een hardsynnich mensche over all ghewapent, un- 20 verwynlick stijf teghen alle stoten der scherpen berispyn- gen. Daer umme salmen up em storten dat heete water des vuryghen ghebedes an god voer em unde der mynliken sachtmoeidicheit, guetlicheit unde soticheit to em selven ut dyn vlammyge, gunstighe herte. Och daer mede machstu 25 mennyghen eeghel doen lopen in den wech der waerheit unde syns selves salicheit, also dat he syne voeten, syn herte unde all syn krancheit openbaert, syns selves kranch- heit kennende unde belijende overmits dyn guetlicheit, de to voeren all syn lijf unde lede syner boesheit stoppende, 30 bedeckende, wapende teghen dyn strengicheit. David secht:<sup>2</sup> um dat uns over komet de sachtmoeidicheit soe wer- den wy berispet, dat is, overmits guetlicheit werden wy ghebetert, de myt wretheit werden verkeert. Natuerlike, jo den wynter harder is, jo he alle dynghen styver maket, 35 de strenghe vorst benemet der eerden all eer bloijen unde groijen

<sup>1\*</sup> B. — *lijf*

<sup>1</sup> I. Reg. 18, 10.

<sup>2</sup> Ps. 89, 10.

unde allen wateren eer vloijen, mer den soten mij unde  
 somer ghift allen dynghen untlaten, natuerlic wassen unde  
 dyen. Den zuden wynd duet den manne up den velde syn  
 hoyke ut trecken unde up syne schulderen hanghen of up  
 5 synen staf, mer den noerden wynd dwynghet em oick den  
 goerdel over de hoyke te spannen, over al stijf te gaene.  
 Aldus mach men meer wynnen myt guetlicheit dan myt  
 strenghicheit int ghemeyne, nochtan moet men scherpe  
 bylen<sup>1\*</sup> hebben teghen harde oeste, um dat de dwase nicht  
 10 en werden ghebetert myt woerden, mer myt slaghen, wrede  
 stene behoeven vele bickens unde swoer nacken. Gold is  
 lichteliken te dryvene, yseren moet in den vuer untlaten.  
 O ynnighe sele, bistu sachmodich unde soete van synne,  
 dancke gode, de fonteyne aller guetheit, du en hebst dat  
 15 nicht van dy selven. Du motest grote reden gheven voer  
 dit kostele pant. Wes hertelike medelijdich myt allen hard-  
 synnyghen, wreden luden, um dat se altijt lastich syn  
 allermeest em selven. Och edel natuer gaet boven gold unde  
 alle kostel stenen salich in tijt unde in ewicheit.  
 20 Den vierde manne sach Bernardus<sup>1</sup> sitten int hoghe vanden  
 tempel boven up den pynaapel. Daer sat he wyde gapende  
 myt synen openen munde, alle den wynd slukende in syn  
 lijf na alle synen vermoghen. In syn hand hadde he wei-  
 jers, daer mede dreef he den wynd ut allen hoernen in  
 25 synen hals, recht of he alle wynde ut oesten, westen, noer-  
 den unde zuden allene wolde verslynden. Aldus doen alle  
 hoerdighe menschen, de em selven setten int hoghe, boven  
 ander lude, begherende, dat alle menschen kleyne, grote,  
 arme, rijke van eren groten, herteliken punten sullen seg-  
 30 ghen unde lof unde weerdicheit em to scryven.  
 Och dit is wonderlike grote ghecheit, dattu oick willest  
 behaghen den ghenen, de dy nicht en behaghen unde ummer  
 gode mishaghen. Osee scryvet,<sup>2</sup> dat ephrayment levet des  
 wyndes, dat is, des

<sup>1\*</sup> *B. bybelen*

<sup>1</sup> Cf. S. 28, Anm. 1.

<sup>2</sup> *Os. 12, 1.*

ydelen menschen spyse, begheerte unde ghenoechte is, dat  
men grote dynghen van em segghe. O arme gheck, du tym-  
merst int hoghe sunder fundament. Dyn hues moet neder  
vallen. Merke alle boemen unde busschen, woe se eerst  
5 eer wortelen setten int depe unde dan styghen int hoghe  
unde int breede over all groijende, bloijende, dyende, was-  
sende nae ghedaente der wortelen. De ynghe voghelen  
blyven in eer nest, hent se vederen, plumen unde vloeghelen  
kryghen. Och du en moghest nicht lopen sunder voeten  
10 noch styghen sunder trappen. O arme dwaes, wat wilstu  
int anxtelike hoech, by der eerden ist sekerste. Waer umme  
wilstu wesen int stormyghe hoech, int depe ist stille. Och  
beghif doch dyn wynd slukken. Dyn bueck word daer af  
dicke unde ijdel, over all unghesund. Al dattu aldus be-  
15 gherest, dat maket dy snode unsalich in tijt unde in ewic-  
heit. Salomon secht:<sup>1</sup> Ydelheit der ydelheit unde all ist  
ydel. Bernardus secht:<sup>2</sup> O mensche, wat merkestu all den  
dach oftu een luttel vordel doen kanst, kenne wat dy unt-  
breket. Och gae in dy selven, merke dyn quaet, kenne dyn  
20 ghebreck, dan salstu vertyen all dyn hoech styghen, dan  
salstu aflatzen dyne naesten te merken, te ordelen, te ver-  
smadene.

Ten lesten scrijft bernardus,<sup>3</sup> dat de vijfde manne sat int  
heymelike over een sijd unde verspottede desse vier voer  
25 ghenomet. Nochtan was he selven allermeest bespottes  
weerd, want he soech syns selves lede, he kussede syns  
selfes handen, voete unde all dat he aflanghen kunde an  
syn lijf, in em selven glorierende unde em selven danckende  
30 unde lovende, em selven over al behaghende unde also  
ander lude versmadende. O ynnighe sele, by dessen armen  
ghec machstu den snoden ypocrite unde dunckel hilge  
menschen verstaen, de em selven glorieert unde betruwt  
in syns selves werken. Och desse is alheel unledich, un-  
stedich, unrastich, unsalich in tijt unde in ewicheit, um dat he

<sup>1</sup> Eccle. 1, 2.

<sup>2</sup> ML. 183, 48, *Sermones de tempore, i. Adv. Dom. IV. n. 2.*  
„utile est abscondere magis quam ostensare, si quid boni  
habemus...“

<sup>3</sup> Cf. S. 28, Anm. 1.

betruwet up syng selves hillicheit de anders nicht en is dan  
 ghecheit. He kusset syne lede, he dancket syn dogheden, he  
 staet up syng selves ghetuych. He ghecket arme lude, de  
 eers selves quaet kennen unde lijen, nochtan is he selven  
 5 allermeest gec in syng selves ydelheit. O arme dwaes, hoer  
 wat Job secht:<sup>1</sup> Ist dat ick myns selves hand kusse, dat is  
 de allermeeste boesheit, um dat ick daer mede gode versake.  
 Och alstu dyn hand kusset, dyne werken dy selven to  
 scryvende unde alsoe in dy selven glorierende, dat is boven  
 10 maten grote boesheit. Dan versakest god almechtich, sun-  
 der wes hulpe du nicht en vermoeghest. O dulle mensche,  
 kenne doch dysg selves blyndheit, merke woe de boese  
 gheest dy ghecket als enen blynden. He secht dy dattu  
 15 sullest dyne mund up doen, dat he dy vervulle, unde sich,  
 he ghift dy daer dreck in, he vullet dy myt slijck, myt  
 wynd, myt ydelheit. Och woe langhe wilstu den schat dyner  
 verdensten legghen in de kiste de alheel is sunder slot, sun-  
 der slotel, dat is, in den mond der lude. Sich du arme  
 20 hypocrite doest all dyne werken um lof der menschen, dattu  
 groet syst in eren munde. Och desse kiste is sunder grond,  
 um groet guet dysg aerbeydes kopestu de ewygue helsche  
 pyne, daer du mede kopen mochttest godes ewygue rijke.  
 Du kopest um groet geld der menschen ghetuych unde lof,  
 25 dattu ummer wall kennest snode te wesene unde sunder  
 bate. Waerlike du lopest nae dysg selves scheme, dattu  
 doch nicht en kunnest grijpen. Jo du sneller dyn scheme  
 der ydelen eren volghest, yo et sneller vor hennen packet.  
 Mer alstu dysg selves scheme willest untlopen, mydende  
 30 alle ydel glorie, dan<sup>1\*</sup> lopet dy nae dat selve scheme. Alsoe  
 werdestu glorioes voer gode unde mensche, alstu alle  
 glorie willest untlopen. Bernardus secht:<sup>2</sup> de truwe knecht  
 godes, de em

<sup>1\*</sup> B. dat

<sup>1</sup> Job 31, 27 f.

<sup>2</sup> ML. 183, 48, De adv. Dom. Serm. IV. n. 2. „*Insipiens tu... qui thesaurum tuum alieno in ore constituis! Ignoras quod arca ista non clauditur, nec seras habet? ...*“

selven stadeliken bewaert, de en settet nicht den schat  
syner werken in den mund der lude, mer in syns selves  
herte. Syns selves consciencie is em een dichte kiste, wal  
beslaghen, vast besloten; de kiste gaet myt em allen tijden,  
5 in allen steden, vrij voer alle deve unde moerdeners. De  
kiste bewaert synen schatt in syn leven unde in syn ster-  
ven unde blyvet em ghetruwe oick in synen doet, rijke in  
tijt unde in ewicheit.

O ynnighe sele, aldus hebstu verstaen van dessen vijf  
10 mannen de sanctus bernardus beschrijft, dat se wonderliken  
ghec weren ellic up syn werck.

Voert scrijft bernardus:<sup>1</sup> Ic sach dat ellic van dessen vyven  
seer ghyrich waren, de ene in syn lijf slaende zand, swevel,  
voncken, wynd unde syns selves lede kussende. Ic vraghede  
15 waer umme dat se aldus ghyrich waren ellic opt syn. My  
woert ghesecht<sup>1\*</sup> dat quam ut groten, unbegrijpeliken gro-  
ten hungher. Ellic was hungherich unde wolde alsoe stil-  
len synen hungher. Mer als ick sach dat se over all magher  
unde snode waren, so ghedachte ick dat David secht:<sup>2</sup> Myn  
20 herte is verdorret, um dat ick vergheten hebbe myn broet  
te etene, dat is, te doene de werken der rechtveerdicheit.  
Och salich syn se, den hungert nae dat broet, um dat se  
salich syn in tijt unde in ewicheit.

De redelike sele des menschen, gheschapen na den belde  
25 unde ghelycheyden godes en mach nummer werden ghesal-  
lighet beneden god; all dat god nicht en is mach des men-  
schen herte bekummeren, besworen, belasten, mer nicht ver-  
saden noch in tijt noch in ewicheit.

Aldus is kentlike van dit up staen der sundeliken, wert-  
30 liken luden van den stoel, van den dreck, van den bedde,  
ut den slape der sunden.

## VII. Kap.

Woe een ijtlick mensche sal snel upstaen overmits penitencie.

O arme sundighe sele, en will doch nicht langher blyven  
35 in sundeliken levene. Overmits waerachtige penitencie  
wes vlytich, snel up te staene. De wyse man secht:<sup>3</sup> O men-  
sche, en vertrecke nicht dyne bekerynghe

<sup>1\*</sup> B. † my woerd ghesecht

<sup>1</sup> Cf. S. 28, Anm. 1.

<sup>2</sup> Ps. 101, 5.      <sup>3</sup> Eccli. 5, 8.

to goede en wil dat nicht verstaen van daghen to daghen.  
 De lelike, swaerte, haetlike rave en kan anders nicht synghen dan: cras, cras, dat is: morghen, morghen. In ewicheit blyvet he buten der archen der utverkorenen kynderen go-  
 5 des, ghehechtet up een aes tijtliker, sundeliker ghenoechten unsalich in tijt unde in ewicheit. Augustinus secht:<sup>1</sup> God de den sunder heeft ghelavet verghiffenis syner misdaet, als he em bekeert van syn boesheit, de en heeft em den dach van morghen nicht ghelovet. Och woe gheck is he  
 10 de syne beterynghe int oelder settet unde syne penitencie holdet int ende syns levens. Woe mach syn ende guet werden, de all syn leven quaet maket. Et is unmoghelike vyghen te pluckene van den doernenbusch of druvan te wassene up den dijstel. Och woe groet myrakel were dat,  
 15 een kalf hadde eyns peerdes stert of een hond eyns schapes stert. Balaam<sup>2</sup> begheerden to stervene mytten kynderen godes, dat en mochte em nicht bescheen, um dat he nicht en wolde myt em leven, als in der bybelen staet. Och woe mochte he weyte meijen in dat leste des somers, de in dat  
 20 gansse jaer syns levens anders nicht en wolde seijen dan hederijck der boesheit. Paulus secht:<sup>3</sup> Wat ellic seijet, dat sal he oick meijen. Natuerlike komet mennich mensche int besit overmits langhe jaren unde wynnet oick in den rechte myt synen langhen besitten, all en heeft he anders gheen  
 25 bewijs noch reden. O arme sunder, dencke woe mennich jaer du bist beseten mytten boesen gheest, den du langhe denest in sunden nae synen willen in tijt dyns<sup>1\*</sup> levens. Och keer dy van em in tijt dyns levens sunder vertrecken,  
 30 dat he dy nicht en beholde in tijt dyns stervens unsalich in tijt unde in ewicheit. Du salst roepen mytten kynderen van israhel an god, dat he dy verlose ut egipten der duysterheit, ut der nacht des helschen koninghes, den du swoerliken denest in sundeliken state. Waerlike dy is aenstaen-

<sup>1\*</sup> B. syns

<sup>1</sup> ML. 38, 513, Serm. c. 11, n. 14 et alibi. „... indulgentiam Deus promisit tibi; crastinum diem quis tibi promisit?“

<sup>2</sup> Num. 23, 10.      <sup>3</sup> Gal. 6, 8.

de een lanck wech, en wil doch nicht langher vertrecken te beghynnen. We lest komet in de herberghe de moet jamerliken eten of unsachte sitten. Och du moest reysen over de grote, anxtelike zee. Dat schip der penitencien is be-  
 5 reyt, loep snel daer in, de wyle dattu moghest, anders moestu myt anxte staen up den over dyns stervens. De zee is groet, deep, breet, stormich, vul beesten. By dy selven en kanstu dar nicht over sprynghen noch swemmen, lopet snel in dat schip eer dattet af vaer. Luttick te late is vele  
 10 te late. Te kort ghespronghen is alto vele verloren. Bernardus<sup>1</sup> secht: De ezel vallet in den sloet unde de lude synt vlytich, em daer weder ut te helpene ut der noet. De ziele vallet in sunden unde nemant en achtet dat, de mensche stortet in den dreck unde snel aerbeydet he up te stane, up  
 15 dat he ummer blyve unbeschemet, unghekladdet, unghewondet, nochtan is he also blynd dat he em selven nicht en achtet te helpene ut den sunden, de em beslabbet, beschemet unde dodet in tijt unde in ewicheit. Natuerlike mydet ellic mensche in den vuer te bernene, in den  
 20 water te verdrinckene, int fenyn te stervene. Och woe cloec is ellic unde woe vlytich em te hoedene voer slanghe, pedden, pestilencie unde all dat em syn natuerlick leven mach benemen, behynderen unde syn ghesundheit korten. Vele meer solde ellic em hoeden voer sunde, de syn sele krank-  
 25 ken unde syn gheestelike leven korten, syner sielen ghesundheit benemen in tijt unde in ewicheit.  
 Aristotiles<sup>2</sup> scrijft, dat ellic em allermeest sal hoeden voer all dat em allermeest mach schaden, dat is sunde, de elken syn gheestelike leven kortet, unsalich makende in tijt unde  
 30 in ewicheit. O arme sundighe sele, kenne dyns selves quaet, belye dyn boesheit, spyte ut dyn fenyn. Du bist ghevanghen in den kerkener dyner sunden, mer doch du en bist daer nicht ghesloten, den slotel hebstu selven in dyn macht, dat is, dyns herten berouwe unde dyn mundes  
 35 byechten. Du moghest den

<sup>1</sup> Cf. ML. 182, 734, Lib. I, de Consideratione, c. V, n. 6.

<sup>2</sup> L. Ethik. ad Eudemum L. I, C. 11, A. III, 5.

kerkener selven upsluten unde daer ut gaen. En wil doch  
 nicht langher sitten in den drec, in den stanck, int unreyne,  
 int duyster. Opene de wonderen dyner sunden dynen ghee-  
 steliken aersten in dynen ghesunden levene, dan machstu  
 5 doen na synen raet. In dat leste en kanstu nicht te werke  
 setten dyns bychtvaders insetten. Och woe langhe willestu  
 bynnen dy selven holden dynen aller quadesten vyand, du  
 hebst syn wreetheit doch langhe bevonden, he en  
 soeket nicht dan dyn unsalicheit in tijt unde in ewic-  
 10 heit. Em dorstet altijt nae dyner zelen bloet. Och verdrijf  
 em van dyn borch, slae em ut dyn herte overmits waer  
 penitencie. Untfanghe weder in dyn hues den koninck der  
 glorien. Nemet to dy in de kamer dyns herten, op dat bedde  
 dyner leften den soeten brudegom, den ghenadighen jhe-  
 15 sum, de dy kan unde will beholden unde salighen in tijt  
 unde in ewicheit. Och he wolde alto gherne to dy komen,  
 woldestu em dyn poerte up luken.  
 In den boeck der leeften staet:<sup>1</sup> Sich he staet achter unse  
 wand, he kyket doer unse vynsteren, he siet doer de tra-  
 20 lyen. Och de wand unser sunden hyndert em syn mynlick  
 ingaan to unser nederheit. Desse want hebben wy gema-  
 ket, van vele stenen up een ghelecht, dat is<sup>1\*</sup> unse oelde,  
 koelde, swore sunden hebben wy to samene ghebacken unde  
 ghemuert mytten kalke der sundeliken ghenoechten. Och  
 25 desse want hyndert em te komene to uns, want unse sun-  
 den maken een underschott to uns unde tusschen god unde  
 uns. Och laet uns desse wand doer houwen, te breken unde  
 neder storten, unse sunden ut doende myt penitencien. Dan  
 komet he snel to uns, de voer unse poerte kloppet unde  
 30 begheret unse up doen unde in laten, als he selven spre-  
 ket der mynnenden selen in den boeck der leeften:<sup>2</sup> O myn  
 suster, o myn bruet, stae up unde late my in. Och will em  
 yemant in laten, dan wil he to em komen

<sup>1\*</sup> B. —is

<sup>1</sup> Cant. 2, 9.

<sup>2</sup> Cant. 5, 2.

5  
10  
15  
20  
25  
30  
35

unde syn aventmael myt em doen, em salighende unde sa-  
dende in tijt unde in ewicheit allene ut syns selvers guet-  
heit, waerheit, mildicheit, soticheit, mynlicheit. O sundighe  
sele, dyn upstaen ut den sundeliken stave unde allermeest  
5 uten grave der sundeliken ghewoente en is allene dyner  
krancheit nicht moghelike by dyns selvers kleynheit daer  
umme bidde hulpe der godliken bystandicheit aldus spre-  
kende ut dyns herten ynnicheit unde waerachtighe, berou-  
wyghe oetmoedicheit:

10

## VIII. Kap.

In aldus daner wijs sullen wi cristum bidden in... etc....

O god almechtich, rijke, salich, ewich, du en behoevest gheen  
guet van buten, um dattu selven salicheit bist, dy en scha-  
det gheen quaet, um dattu in dat aller hoechste tabernakel  
15 wonest up den hoghen berch dyner almechticheit, daer  
gheen quaet en mach ankommen. Nochtan hatestu unse sun-  
den unde mynnest unse dogheden allene ut dyns selvers  
mynlicheit um unse salicheit. Hemel, sternen, firmament,  
sunne, mane unde alle planeten doestu lopen um to schape-  
20 ne de aller edelste formen dat synt redelike sielen, na  
dynen belde unde ghelyccheiden ghemaket, allene myt sun-  
den mismaket, allene in<sup>1\*</sup> dy unde um dy salich. Untfarme  
dy guetlike over all de van dy gaen myt eer vrij willich  
afkeren in tijlick guet, in verganclike dynghen, in sunde-  
25 liken ghenoechten. O leefhebber der menschen, dy is be-  
kant unse krancheit, by uns selven kunnen wy vallen in  
den dreck, in den putte, in unghesondheit, in wonden, in  
fenyn, in alle last, in unghelucke unsalich in tijt unde in  
ewicheit; mer by uns selven en kunnen wy nicht up staen.  
30 Ghedencke here dat de mensche is een gheest, de hen  
gaet unde nicht weder en komet, en wil nicht versmaden  
unse krancheit, de werken dyner handen, ghif dyn ghenadighe  
hulpe, aller creaturen oghen hopen in dy unde du  
35 ghevest em spyse in behoerliken tyden, du openst dyn hand  
unde vervullest alle dieren myt

---

<sup>1\*</sup> B. um

dyner benedictien. Och en will doch uns sunders allene nicht verlaten um unse misdaet, late uns ummer mede untfanghen dyne overvloedighe waldaet. En wil alsoe nicht merken unse quaetheit, dattu verghetest dyns selves guetheit. O fonteyne aller ghenadicheit, alle daghe latestu dyn sunne schynen over alle sunder ut nemen der personen, also ghifstu oick dyn ghenadighe lecht dyner graciën up alle herten. Och we mach em unthuden van dyn lecht, dattu ummer hebst gheteykent up alle unde elken menschen. Der krancken oghen is der sunnen claerheit lastich, de doch over all ghenoechlic is unde begeeric allen ghesunden oghen, also is dyn claerheit unde waerheit haetic den quaden, mer mynlick den gueden. Och unse krancheit is allermeeest dy bekand, o vader aller barmherticheiden unde god alles troestes. Alle unse werken moestu uns doen, sunder dy en vermogen wy nicht noch wesen, noch leven, noch up staen, noch voertgaen, noch guet dencken, noch recht begheren. Ghelyck alstu dyn lecht unde dyn ghenadighe sunne latest over all schynen, also ghif uns allen unde elken dat wy uns daer toe bereyden, dat wy unse vynsteren up doen, alle hynder afdoen, also dat wy overmits de selve dyn gracie unde lecht untfanghen, dyn inspreken volgen, dyn handleydinghe volghen, dyn wille vullebrenghen, unse misdaet kennen, haten, verlaten unde beteren allene overmits dyn guetheit benedijt in tijt unde in ewicheit. David secht:<sup>1</sup> O here, ick byn gheworden voer dy als een tam diere unde altijt sal ick by dy wesen. Du nemest my by dyn hand unde na dynen willen leydestu my unde myt glorien untfanghestu my. O ynnigh sele, aldus laet dy toemen, bynden, hechten, sadelen, ryden, leyden ghelyc als een sachtmoeidich peerd over all nae dyns heren willen, dan sal he dy myt glorien untfangen.

### IX. Kap.

Woe barmhertich dat cristus is.

O arme sundighe sele, en wil nicht

<sup>1</sup> Ps. 72, 24.

mishopich wesen, al syn dyn sunden groet, lelijck, swoer,  
 oelt, verbacken, stijf, mennichvoldich, over all verdomicelic,  
 nochtan is godes barmherticheit over all sunder mate sunder  
 ghetal, sunder ende, up dattu groet betruwen kryghest up  
 5 syn ghenadiciteit. Mercke vele saken syner barmhertichey-  
 den up dyn misdadiciteit, alle saken syns untfarmens ne-  
 met he ut em selven, um em selven unde nicht van buten.  
 Eerst is he barmhertich, um dat he is een schepper aller  
 creaturen unde oick des sundighen menschen, den he heeft  
 10 ghegheven syn natuerlike wesen, leven, reden, verstaen,  
 underscheyden. Al heeft de mensche myt syns selves quaet-  
 heit em selven snode ghemaeket, nochtan is godes barm-  
 herticheit nicht verkortet. Natuerlike ellick kunstich mey-  
 ster mynnet syns selves handwerck, de maler syne belden,  
 15 de smyt syn aerbeyd, de gold smyt syn monstrancie unde  
 ellic et syne, all ist em wall betaelt, nochtan heeft he  
 leefte to synen edelen werck unde en mach nicht lijden, dat  
 yemant daer quaet af spreket of quaet doet allene um dat  
 syn kunst daer in staet unde syn leefte. Och vele meer  
 20 mynnet de overste meyster syn werck, syn edelste belde,  
 unse selen. In den boeke der wijsheit staet:<sup>1</sup> O god, du  
 mynnest all dattu ghemaeket hebst unde du en hatest gheen  
 dinck dat wesen heeft. Oick is god barmhertich um dat  
 he een here is over all unde allermeest den menschen. Na-  
 25 tuerlike ellic mynnet, dat syn is unde dat em toe hoert of  
 dat he ghekof heeft, dat bewaert he, dat besorghet he, dat  
 beschermet he, dat eeschet he weder alst em benomen is.  
 Aldus is god barmhertich over all unde allermeest over de  
 menschen, um dat se syn syn. In den boeck der wijsheit  
 30 staet:<sup>2</sup> O god, du bist ghenadich over all, um dat alle  
 dynghen dyn syn. O edele siele, kere all dyn toverlaet up  
 dyns here ghenade, he heeft dy ghekof myt

<sup>1</sup> Sap. 11, 25.

<sup>2</sup> Sap. 11, 24.

em selven, um em selven; he is dyn leenhore unde dyn besitter. De wertlike heren beschermen eer guet unde eer undersaten myt all eer macht, truwe unde bystandich in allen noden, in allen tijden den genen, de eren gheloven  
 5 up em setten. Och vele bet machstu dy verlaten up god, dynnen heren, um dat he is de aller mechtichste, de aller truweste, de aller ghenadichste. En wil doch nicht van em vermoeden, dat he dy will verlaten in behoerlichen tijden. Och dencke, woe guetlike unde woe vaderlike he  
 10 synen verlorenen sone veer to moet ghenck, mynlike unt-fenck unde kostelike vercijrden, spysede unde salichden in tijt unde in ewicheit allene um syns selves barmher-ticheit. Och syn guetheit,<sup>1\*</sup> allen sunders troestelick, heeft he allene noch vorder bewyset in dat verlorene schaep, dat  
 15 doch selven nicht en achtede, weder to komene noch en dachte syns selves quaet, ghelyck als de verlorene soen dede. Mer he begaf syn hundert schaeppe up den berghe, dat syn de enghelen in den oversten jherusalem, unde quam selven in de woestenye desser werlt, daer syne arme schape,  
 20 de menschlike natuer was verdwalen. He nam syn schape up syne schulderen ut syns selves guetlicheit, he droech dat schape weder to rechte myt vrolicheit, he besorghede, he beschermede, he spysede dat in tijt unde in ewicheit. O edel mensche, o simpel schaep, dencke doch unde dancke, woe  
 25 dy de aller beste<sup>2\*</sup> selven sochte, vand, droech, spyseden over all myt em selven, um em selven; he en sande dy nicht synen knecht, synen waghen, syn kaer, syn hoij, syn weyde, mer<sup>3\*</sup> selven is he dy all in all. Och dancke em herte-liken, sunder wen du nummer en mochtet untkomen den  
 30 anxteliken, helschen wulf unde lewen. Waerlike David<sup>1</sup> verlosede syne schape ut des wolves

<sup>1\*</sup> B. † is<sup>2\*</sup> B. † de<sup>3\*</sup> B. m<sup>1</sup> I. Reg. 17, 34 ff.

mund unde ut des bares hals als in der koninghe boeke  
 staet. He te brack em eer kennebacken unde kywen, also  
 dat se nu gheen schape en kunnen byten of slukken, ten sy  
 dat yenich dull schaep by em selven krupe in eren mund,  
 5 dat moghen se slukken in eer lijf unsalich in tijt unde in  
 ewicheit. Also heeft god allene ut syn barmherticheit vul-  
 lenbracht unse salicheit, unse vyanden krenckende, unse  
 krancheit sterkende, also dat nemant en mach werden ver-  
 wonnen in den strijt der bekorynghen, ten sy dat he by  
 10 em selven vrij vulboert gheve in den sundeliken werken of  
 in quadren dancken, begheerten unde ghenoechten. Claerlike  
 he is mechtigher dan David, sterker den sampson, schoener  
 dan absolon, sachtmoeidigher dan moyses, truwer dan sa-  
 muel, vader des unfermens allene um syns selves guetheit.  
 15 Och syn barmherticheit heeft he noch claerlicher bewijset, do  
 he synen verlorenen penninck weder sochte myt vlyticheit  
 unde weder kreech myt vrolicheit, weder in syn budel, in  
 syn kiste, in synen schatt brachte in ewicheit.  
 O edel zele, du bist selven vanden aller verlorenste pen-  
 20 ninck unde vanden besten metael, vander edelsten munten.  
 Och des aller oversten keysers belde is gheteykent, ghe-  
 drucket in dy, al bistu ghevallen in den dreck der sunden  
 under de voeten dynen vyanden, um dattu bist neder ghe-  
 stechen ut jherusalem dyner edelheit in jhericho dyner un-  
 25 salicheit. Nochtan heeft he dy weder ghesocht um syns sel-  
 ves guetheit, de allene bekande dyn eerste schoenheit in  
 syn wijsheit. Och dencke unde dancke, dat he syn schoen-  
 heit heeft neder ghebughet unde syn hoecheit to dyn deep-  
 heit, ut dynen dreck heeft he dy up ghenomen, ghewas-  
 30 schen, gherynyghet, gheschoert unde blanck ghemaket sun-  
 der syn besmytten. Och dencke syn neder bughen ut syn  
 hoecheit in dyn nederheit allene ut syn guetheit um dyn  
 salicheit. Waerlike de keyser aller koninghen hoech in weer-  
 dicheyden boven alle enghelen, boven alle creaturen, boven  
 35 cherubin unde seraphyn is he neder gheste-

ghen em selven bughende beneden allen enghelen, eens knechtes forme an nemende in unser menscheit underdanich nicht allene synen hemelschen vader, mer oick syner natuerlichen moeder. Oick heeft he em selven veroetmoedigkeit  
 5 under alle syne creaturen, also dat de gheiselen, de naghelen, de doernencrone, dat cruce, de glanye, de mochten eer natuerlike scherpheit, hardicheit, wreetheit unghenadeliken up em bewysen. O sote jhesu, all mochten se over dy, nochtan en vermochten se nicht sunder dy. Alle de bose  
 10 menschen, de wreede joden, de **bormeysters**, de richters, de knechten mochten dy vanghen, holden, slaen, pyneghen, quellen, crucen, doden na all eers herten wreetheit ut dyns selves mynlicheit um unse salicheit.

Och woe doepe hebstu dy selven ghebuget, dessen verloren penninck te halene ut den depesten drec, unse sele te helpene ut eren sunden, alsoe dat oick de aller bitterste doet, allen creaturen haetlick, over dy mochten. O fonteyne alles levens, claerlike du nederbughedest dy selven, myt dynen vyngher scryvende in de eerde, do du de vrouwe,  
 20 in overspil begrepen,<sup>1</sup> <sup>1\*</sup> ghenadeliken verlosedest ut den handen der pharizeen, de groflike unde unghenadeliken over se claghede, dat se se wolden verdoemen. Mer dyn nederbughen, dyn scryven, dyn untfarmen kunde all eer vyanden beschemen myt rechte unde se quyt laten myt  
 25 ghenade allene um dyns selves guetheit benedijt in tijt unde in ewicheit. O edele sele, o kostele penninck, en will doch nicht weder vallen ut den budel der gherechticheit in den dreck der boesheit. Blijft in den gheselschop der guden penninghen. Dancke dynen weder soeker in tijt unde  
 30 in ewicheit, dat syn aerbeyt, syn mynlicheit, syn barmherticheit an dy nicht en sy verloren. Aldus is kentlick, o edele siele, dat god barmhertich is over dy eerst, um dat he dy ghemaeket heeft unde du syn werck bist; daer na um dat he dyn here is unde du syn eghen bist

<sup>1\*</sup> † unde

<sup>1</sup> Joh. 8, 6.

unde syn besitte, dat he dy myt em selven heeft ghekoft, als  
 he selven spreket in Ezechiele:<sup>1</sup> alle sielen synt myn unde  
 ick en wil nicht dat de sunder sterve, mer dat he em bekeer  
 unde leve. David secht<sup>2</sup> O here, ick byn dyn, make my  
 5 ghesund. Noch is een sake syns untfarmens up uns, um dat  
 he guet is. Natuerlike een guet hertich, edel mensche  
 verblydet em altijt als he guet mach doen unde quaet  
 sturen,<sup>1\*</sup> oick in den ghenen, de em nicht en synt bevoelen  
 noch em oick nicht en bestaan allene ut natuerlike edele  
 10 guetheit. Och wat ~~mach~~<sup>dan</sup> wesen god, de fonteyne aller  
 guetheit. Claerlike nemand en is weselike guet dan god  
 allene. Mach een dropike in des gueden menschen herten  
 also wyde krupen, also veer vloyen, also langhe duren, och  
 wodanich mach dan wesen godes barmherticheit sunder  
 15 mate, sunder ghetall, sunder ende. Och syns selvers guet-  
 heit is allen creaturen een sake eers wesens unde allen  
 redeliken selen all in all allene um syns selvers guetheit in  
 tijt unde in ewicheit.

In den lesten<sup>2\*</sup> merke, o ynnighe sele, dat god allen men-  
 schen ghenadich is, um dat he barmhertich is. Paulus  
 20 secht<sup>3</sup> god is een vader aller barmherticheyden unde god  
 alles troestes. Natuerlike een barmhertich mensche woert  
 beroert in em selven up aller menschen alle noet unde  
 oick up elkes menschen elke noet, over all bereyt te hel-  
 25 pene ut den quaden in dat guede. Och woe unbeschrijflike  
 unde unghemeten is dan godes barmherticheit. Eerst was  
 godes barmherticheit in den hemel bewyset in den salighen  
 engelen. David secht:<sup>4</sup> O here, dyn barmherticheit is in den  
 hemel unde hen to den volke. Mer hijr beneden syn wy  
 30 in unsalicheit um unses selvers quaetheit. Daer nae wort  
 de barmherticheit godes een luttel bewyset up eerden in  
 den volke van israhel. David secht:<sup>5</sup> In den jodesschen  
 volke is god bekand, in israhel is syn name groet. O here,  
 in den tempel hebben wy untfanghen dyn barmherticheit.  
 35 Den lesten gaet syn barmher-

<sup>1\*</sup> B. sture<sup>2\*</sup> B. leste<sup>1</sup> Ez. 33, 11.<sup>2</sup> Ps. 118, 94.<sup>3</sup> II. Cor. 1, 3.<sup>4</sup> Ps. 35, 6.<sup>5</sup> Ps. 75, 2.

ticheit over all eertrijke. David secht:<sup>1</sup> O here, de werlt  
 is vull dynner barmherticheiden. Och woe guetlike bewisestu  
 dyn barmherticheit. O mynlike jhesu, do du de scharen spy-  
 sedest, du guetliken sprekest:<sup>2</sup> My untbarmet desser scharen,  
 5 want se en hebben gheen spyse. Ic en wil se nicht laten  
 unghespyset, dat se nicht en verligghen underweghes, want  
 somyge synt van veers hijr ghekomen. O sote jhesu, ne-  
 mand en hadde dy gheclaghet noch ghebeden noch um gelt,  
 noch um gaven, noch um denst, noch um vordel, noch um  
 10 kopen, noch um weder gheven, dattu den scharen soldest  
 helpen, mer allene sloghstu up em dyn mynlike oghen, dyn  
 guetlike herte, dyn milden, mechtighen handen, allene um  
 dyn barmherticheit hebstu de scharen ghespyset, de kranc-  
 ken ghenesen, de doden verwecket, de besetene verloset  
 15 unde aller armen behovicheit ghehulpen, elken unde allen  
 na behoerliken saken, steden unde stunden. Och dat mer-  
 kede de ghemeyne lude all to samen dattu allene ut dyns  
 selves barmherticheit alle dynghen dedest. Daer umme  
 worden se vrij unde koene te lopene an dy, altijt dyn  
 20 barmherticheit anropende in allen noden, in allen tijden:<sup>3</sup>  
 O jhesu, davids soene, unfarme dy unser. Dit selve ghif  
 myner sundighen selen unde allen sunders allene um dyn  
 barmherticheit. Du sprekest troesteliken allen sunders:<sup>4</sup> Et  
 is vrolicheit in den hemel over enen sunder, de penitencie  
 25 doet, meer dan over vele rechtveerdighen. Natuerlike als  
 eens tyrannen borch is ghewonnen unde neder gheworpen,  
 jo dan daer meer schaden af is ghedaen unde groter last  
 is ghewesen, jo dan meer vrolicheit is in den verwynnen  
 boven ander kleyne unde edele borghe, de staende bly-  
 30 ven. Item: jo de lewe eder wulf meer schape heeft ghe-  
 beten, yo syn vanghen groter blysshop maket over

<sup>1</sup> Ps. 32, 5.<sup>2</sup> Matth. 15, 32.<sup>3</sup> Luc. 18, 38.<sup>4</sup> Luc. 15, 7.

alle herten de van em last hadden. Jo een wilt schadelicker is, jo syn grijpen behachlicher is; jo des menschen krancheit swoerre is over all mishopich, yo de aerste prijsseliker is unde de ghesundheit untfancliker is; jo de 5 ghemynneden soene van synen oelders veerre is unde verbijstert, jo syn weder komen ghenoechlicher is; jo een kynd deper is ghevallen in den dreck, in den putte, in den mond des dodes, jo de moeder hoechlicher is vrolic in den ut trecken, in den weder halen, in den verlossen.

10 O edele siele, aldus machstu alle enghelen verblyden in den waerachtighen werc dyner penitencien.

Och du salst up staen in den wyngaerden, all hebstu lange gheslapen, all is dynen morghen alheel dy untgaen. En wil nicht langher blyven buten dys heren wyngaerden. De 15 daer lest in quemen unde mynnest aerbeyden, de worden eerst ghelonet. Wil daer yemant up spreken ut bitterliken herten, de moet horen dat em de here segghe:<sup>1</sup> Ic will dessen lesten lonen ghelyck dy, is dyn oge schallick, um dat ick guet byn. De lesten sullen werden de eersten unde 20 de eersten de lesten allene um des heren guetheit, mynlichkeit, mildicheit. Bernardus secht:<sup>2</sup> all myn verdenste is allene in myns heren barmherticheit, also langhe byn ick rijke in verdensten, also langhe als myn here is rijke in barmherticheyden. Waerlike soe en machstu nummer arm 25 werden, salich in gode allene um syn barmherticheit in tijt unde in ewicheit.

### X. Kap.

3 Woe een ijtlic mensche overmits up staen soeket een ander stede in godes gracie.

Aldus is een luttel dy verclaert, o edele siele, dattu salst 30 vroemorghens up staen in den wyngaerden. Du salst up staen vanden sundeliken levene overmits penitencien. Natuerlike we up staet, de beghift syn eerste stede unde soeket een ander. He heeft mishaghen up de eerste, de he verlaten will. He verclaghet em

<sup>1</sup> Matth. 20, 14.

<sup>2</sup> ML. 183, 1073, Sermones in cant., Serm. 61, n. 5. „Meum proinde meritum, miseratio Domini. Non plane sum meriti inops, quamdiu ille miserationum non fuerit . . .“

selven dat he daer nicht wal en hebbe ghewesen. He bruket  
 syne handen, syne voeten, syn lijff, syn lede, dat he daer  
 hennen kome mytten werken. Aldus gheesteliken sal ellic  
 sunder hebben hertelick mishaghen unde heel berouwe up  
 5 syn quade leven. He soll dat claghen overmits bijechten;  
 he sal daer hen gaen overmits vuldoen voer syn quaet na  
 syns bijechtvaders raet; he sal em hoeden nae synen ver-  
 moghen, daer weder te komene int selve quaet. All is syn  
 vleysch unde synlicheit kranck unde bereyt altijt int quade,  
 10 nochtan syn wille sal guet wesen unde syn up set vast unde  
 syn gheest sterck, nummermeer gode te vertoernen myt  
 sunden na synen vermoghen. Also sprack jhesus to den  
 sundighen vrouken, in overspil ghevonden:<sup>1</sup> Gae unde en  
 will nicht meer sundighen. O sundighe sele, he en seechde  
 15 nicht, dattu nummer en sullest sundighen, den dyn krancheit  
 over all bekand is, mer en wil nicht sundighen; hebbe den  
 willen, make dyn up set, dattu voert nicht sundighen en  
 wildest unde dan staestu waerlike up echter unde oick, dan  
 word in dy vullenbracht, dat de wyseman scrijft<sup>2</sup> De recht-  
 20 veerdighe vallet elkes daghes seven werve unde staet also  
 vake weder up. Och vallet alsoe de rechtveerdighe, wat  
 doet dan de krancke. Waerlike godes barmherticheit is  
 over all noet. Bernardus secht:<sup>3</sup> Daer umme heeft god syn  
 gheboden strengheliken uns gheboden te holdene, dat wy  
 25 also bevynden unses selves unbreken, krancheit, unvul-  
 komenheit unde also alheel lopen an syn barmherticheit. Och  
 he en will nemande verjaghen noch verlaten. Jheremias  
 secht:<sup>4</sup> Et is een recht unde ghewoentlick manck den lu-  
 den, als een wijf overspill doet, so en mach se nicht weder  
 30 komen to eren echten manne, um dat se unreyne is ghe-  
 worden, sundighende myt enen anderen

<sup>1</sup> Joh. 8, 11.      <sup>2</sup> Prov. 24, 16.

<sup>3</sup> ML. 183, 92, In vigil. Nat. Dom. Serm. II, n. 4. „Propterea  
 enim mandata sua mandavit custodiri nimis, ut videntes  
 imperfectionem nostram deficere, et non posse implere quod  
 debet, fugiamus ad misericordiam...“

<sup>4</sup> Jer. 3, 1.

man. Mer du sundighe sele, hebst overspill ghedaen myt velen dynghen, myt dynen leefhebbers, nochtan kom weder to my ic will dy untfanghen, spreket god, unse leve here. O edele siele, dyn wille is dan guet alstu in den werc be-  
5 wysest na dynen vermoghen. Unde dyn vermoghen moet komen ut de fonteyne der godliken guetheit benedijt in tijt unde in ewicheit.

## XI. Kap.

In dreerley wys blyven een deel menschen in eer quaet.

10 Natuerlike up staen unde voert gaen wort mennighes synnes behyndert. Also wort mennich mensche belettet te blyvene in syn verdoemelike quaet leven. Eerst blyvet somyghe lude in eer quaet um eer simpelheit, um dat se des nicht beter en weten. Och we voer der hellen tym-  
15 mert, de meynt dat daer best is. Bernardus<sup>1</sup> secht: Somyghe lude en kennen god nicht. Ic segge all de em nicht en keren an god, de en kennen god nicht. Se vermoeden dat he strenghe sy unde en weten nicht, dat he is een fonteyne aller soticheit, mynlicheit, barmherticheit, guetlicheit.  
20 Item, somyghe blyvet um eers selves traechiteit, de untseen den aerbeyd des up staens unde des voertgaens. De katte ete gherne vissche, mer se en wil nicht int water. Item, somyghe werden ghetrecket te blyvene int quaet um gheselschop, de se holden unde bidden te blyvene. Och mach  
25 quaet gheselschop sterck wesen te holdene de quaden int quaet, vele meer is crachtich guet gheselschop den guden int guet. O mensche, lopet ut babylonien, gaet in jherusalem. Seneca<sup>2</sup> secht: woe mochte yemand salich werden int  
30 quade gheselschop desser werlt, daer ellic den anderen int quade trecket unde na schuvet unde nemand en is de to moet holdet. Item, somyghe werden verraden te blyvene int quaet myt schonen loften, myt valschen rade. Al-

<sup>1</sup> ML. 183, 975, Serm. 38 in *Cantica*, n. 2. „Ego autem dico omnes ignorare Deum, qui nolunt converti ad Deum.“

<sup>2</sup> Ep. V. 4, 9.

soe kan de vyand vele lude holden in syn ghelach myt lof-  
 ten langes levens unde vele gheluckes. Jheronimus<sup>1</sup> secht:  
 Overmits gheen dingh en werden de lude alsoe jammerlike  
 bedroghen als myt hope langhe te levene. Ellic vermoedet  
 5 noch langhe vro ghenoech te komene, daer en tusschen ko-  
 met de brudegom in dat middel der nacht. We dan bereyt  
 is, de gaet myt em in syn slaepcamer, in syn hues, in syn  
 sael, an syn tafell unde den unbereyden wort de doer ghe-  
 sloten unsalich in tijt unde in ewicheit. O alle menschen,  
 10 hoedet yu vor de valschen propheten. Item, somyghe lude  
 blyvet int quaet van noden, myt ghewelt gheholden. Och  
 de koninck van egypten dwanck de kynder van israhel in  
 syn land te blyvene in synen denste. Herodes hadde pe-  
 trum ghevanghen, ghebunden, ghesloten in helden, in ban-  
 15 den, in den torne, in den stock. Aldus is mennich sunder  
 in des vyandes handen, daer he ummer nicht by em selven  
 en kan utkomen. Johannes guldemunt<sup>2</sup> scryvet: Ghelijs als  
 nemant em selven en mach koninck maken, mer dat volck  
 mach kesen enen koninck, wen se willen, mer als he ko-  
 20 ninck is ghekoren unde mechtich gheworden over all dat  
 land, so en mach dat volck em nicht weder quyt werden  
 of se willen, mer se moten em underdanich wesen unde  
 he is mechtich over em, also heeft ellic mensche syn vrije  
 verkesen, of he wille den bosen gheeste under gheworpen  
 25 wesent in sundeliken werken of gode in guden dogheden.  
 Mer als he eerst myt willen em selven ghift under des  
 vyandes macht, so en is he voert nicht mechtich by em sel-  
 ven van em te komene, ten sy dat em godes barmherticheit  
 helpe ut egypten unde ut herodes vanghenisse, myt wel-  
 30 digher hant den vyand sturende unde den krancken men-  
 schen verlosende. Item, somyghe lude blyven int quaet, um

<sup>1</sup> ML. 22, 1057 Ep. 123. „Sed cassa spe, amorum nobis spatia  
pollicetur...“

<sup>2</sup> MG. 61, 157, s. Hom. 19 in Ep. I ad Cor. n. 5. „Si vero  
peccati servus sis, etiam si millies liber fueris, nihil tibi  
libertas illa prodest.“ Cf. MG. 48, 981. De Lazaro concio  
II. n. 2. „Unde perspicuum est in nobis situm esse, ut vel  
obtemperemus, vel non obtemperemus illius consiliis (scl.  
daemonis).“

dat se daer meer ghenoechten in vynden dan int guet. Och desse synt alto blynd, arm, snode, verdrunken, versunken, ghelyc beesten in den drec swabbende. Seneca secht:<sup>1</sup> he en is nicht doechem, de myn ghenoechten vyndet in 5 dogheden dan de sunder in boesheyden. Aldus synt vele saken den quadren te blyvene int quade sunder up staen van eer quaet unde voertgaen int gude. O edele sele unde sundighe sele, du bist edel van god ghemaket, vercijrt, gherijket, begavet, nochtan bistu snode, lelic, sundich, unsalich 10 in tijt unde in ewicheit um dyns selves afkeer van godes willen in sundeliken ghenoechten, al bistu myt all dessen saken over all belastet, ghedrucket int quaet, also dattu by dy selven noch myt aller creaturen hulpe nicht en machst up staen noch voertgaen, nochtan keer dy alheel an godes 15 barmherticheit, aldus myt dyns herten oetmoedicheit biddende in andechtigher ynnicheit:

### XII. Kap.

Kennelick woe barmhertich dat cristus is, gheliket by den olij, de over all vloyet.

20 O god, alles wesens een sake, alles levens een fonteyn, alles underscheydens een claerheit, du bist almechticheit, wijsheit, rijcheit, vulheit, ewicheit, salicheit, mer doch boven all gaet dyn guetheit, soticheit, mynlicheit, mildicheit, barmherticheit. Dyn barmherticheyden komen up my, dan soll 25 ick leven. Och dyn name is utghestort olij, spreket de mynnede sele.<sup>2</sup> Och se en gheliket nicht dynen namen by water, wyn, claerreit, lutterdranck, silver, gold, edel stene, mer by olij dat natuerlike wyde vloyet, breet krupet, langhe duert. Och dit olij en is nicht ghedropen noch ghetappet, 30 noch ghelecket, noch gheschenket, mer utghestortet sunder mate, sunder ghtal, sunder voerraem, sunder utnemen der personen, sunder ende, sunder krympen. Een vrouken in der konynghen boeke<sup>3</sup> droep eer luttel olijs in alle ledyghe vate, de eer anquemen unde se worden allen

<sup>1</sup> Ep. VI, 7, 14—18.

<sup>2</sup> Cant. I, 2.

<sup>3</sup> IV. Reg. 4, 2 ff.

vull unde over vloedich, nochtan bleef eer eerste vat alheel sunder vermynde eers olijs. Och dusent unde dusent werve mer ghifstu olij, overvloydichliken stortende in alle bequeme vaten, o fonteyn aller barmherticheit, o fonteyne<sup>1\*</sup> aller 5 armen unde vader aller behovyghen, o troest aller drovyghen. Waerlike dyn olij verluchtet alle lampen, du ghifst claeरheit allen sunders in eer duysterheit; daer mede kennen se dyn barmherticheit unde eers selves quaetheit, an siende wat se hebben misdaen, verloren unde verdenet. Dyn 10 olij stercket alle ghichtighe lede der krancken sunders, lamen unde krepelen, also dat se overmits dyn lecht kennen, wat em noet is te doene unde te latene, dar se oick overmits dyns olijs bestryken unde salven wacker, willich unde mechtich werden, te lopene den wech dyner gheboden unde 15 te aerbeyden in dynen wyngaerden na dynen willen. Och dyn olij maket eren kost smydich unde sote eer penitencie te vullenbrengen unde all eer ghehoersamheit int ende te doene. Dyn olij besmeert eer hande, herte unde synne unde crachten, alsoe dat se overmits dyn ghenadicheit voertgaen 20 in aller last des gheesteliken werkes sunder kraken, sunder pypen, sunder wrampemule, sunder cronen, sunder bitterheit. Och woe vake is noch de doet in den potte als dat moes unghesmeert is, mer dat juck wort verluchtet, verrottet unde drachlick van teghenwordicheit dyns olijs be- 25 stryken, dan is uns sote dyn juck unde dyn buerde is uns licht, o fonteyn aller soticheit. Och du hebst dyn olij ut- ghestortet up alto mennich, untellic herte, en wil my doch allene nicht voer by gaen of wyse my enen anderen, de beter sy dan du, dattu doch nicht en vermoghest, daer umme 30 blyve ick by dy. Och en laet dynen olij nicht allene neder- stigen in Aarons baert, dat syn vulkomene lude, mer oick in den nedersten soem des cledes, de by der eerden swabbet in den dreck, dat is, in allen sunders unreynicheit unde in my aller lesten aller

---

<sup>1\*</sup> B. fonteyne (?) moeder (?).

sunders. Ander lude moghen em verlaten up eers selves  
 verdensten, mer dyn olij is myn rijcheit, dyn barmher-  
 ticheit gaet my boven allen verdensten unde is my beter  
 dan alle rechtveerdigen eer leven. Och ick kenne unde be-  
 5 lije, dat ick nicht en hebbe gheaeerbeydet in dynen wyn-  
 gaerden, o ghenadighe vader des ghesynnes. Ic en heb  
 ummer nicht ghedraghen den last des langhen daghes unde  
 der sworen hette. Myn werck en is nicht een stunde lanck,  
 mer myn loen is allene dyn barmherticheit. Och dynen olij  
 10 krupet alto wyde, he drupet alto langhe, he vloyet alto  
 veer unde duert sunder up holden. Alle sunders de dy  
 alheel hebben verlaten, se en hebben em ghekeert van dy  
 in eer boesheit, mer du en hebst nicht van em ghekeert dyn  
 barmherticheit. In all eer depeste quaetheit ghevestu em  
 15 leven, ghesundheit, tijtlic guet, rijcheit, all dyner creaturen  
 denst. De sunne, mane, sterren, vuer unde lecht is em  
 claer in eer duysterheit. De eerde draghet eer swoerheit  
 in allen dinghen, syn em behulpelick in eer behovicheit. Du  
 verweckest eer luggicheit, du bewekest eer stijfheit, du  
 20 verluchtest eer blyndheit, du treckest eer swoerheit, du  
 untfanghest eer snoetheit, du rijkest eer armoedicheit, du  
 vercijrst eer lelicheit, du troestest eer drovicheit, du ver-  
 ghevest eer misdadicheit, du nemest se in dyn vrendelic-  
 heit, du salighest se in tijt unde in ewicheit allene um dyns  
 25 selves guetheit unde barmherticheit. Waerlike et is allene  
 dyn barmherticheit, dat alle sunders moghen komen in dyn  
 ghenadicheit. Och ick bin de achterste aller sunders, ick  
 holde my oick int leste an dyn barmherticheit. Laet my  
 staen ghescreven int leste dyns boekes, int uterste dyns re-  
 30 gjsters allene um dyn barmherticheit, mynlicheit, mildic-  
 heit benedijt in tijt unde in ewicheit.

## XIII. Kap.

Kennelick woe een ijtlick gheestelic mensche sal in wendich  
upstaen...

Na dattu een luttel gemerket hebst, o ynnighe sele, van  
5 wertlicher luden grof up staen unde voertgaen van sunden  
in penitencien, voert salstu een weynich merken van dyn  
gheestelic, in wendich up staen unde voertgaen, dattu alsoe  
te wercke settest dat ander woerd der mynnenden selen, al-  
dus sprekende: Surgamus, dat is, och laet uns up staen.  
10 Dit gheestelike voertgaen unde up staen in den voertgaende  
leven des gheesteliken menschen is een vertyen, afscheyden  
unde verlaten all dat beneden god is allene um god unde  
also te styghene unde voert te gane in god. Natuerlike  
15 upstaen is te gaen ut syn eerste stede, up staen is in  
rechticheit te komene ut syn sitten of ligghen der krum-  
heit; up staen is, al syn lijf unde lede int hoghe te bren-  
ghene unde myt voeten unde myt benen beneden te blyvene.  
Och jo men den boem under bet snoijet, jo he bet in de  
lucht wasset, aldus salstu, o ynnighe sele, alle nederheit  
20 verlaten, tijtlic guet ghenoechte unde alle quade ghe-  
noechte unde unbehoeerlike leefte unde allermeest dyns sel-  
ves verlaten, dan machstu waerliken upstaen unde ten lesten  
gaen in den wyngaerdene.  
Int eerste sal wesen dyn upstaen een gheestelic afscheyden  
25 of een waerachtich sterven dyner leeften unde dyns herten  
van unbehoeerliken anhanghen of sundelick besitten alles  
tijtlic gudes unde aller vergancliker dynghen. Daer mede  
salstu up staen ut eghedom in armoede. Nu mochtestu vra-  
ghen unde segghen: Ist oic noet ter vulkommenheit sunder  
30 eghen te levene in willigher armoeden. Merke, o ynnighe  
sele, dat unse here sprac:<sup>1</sup> Wilstu wesen vullenkommen, so  
salstu overgheven alle dynghen unde volghen my nae. Noch-  
tan de vullenkommenheit des gheesteliken menschen en staet  
nicht in vertyen tijtliker dynghen, mer allermeest in in-  
35 wendighen,<sup>1\*</sup> waerachtighen dogheden unde in den nae  
volghen cristi. Mer doch

<sup>1\*</sup> B. *wendighen*

<sup>1</sup> Matth. 19, 21.

vertyen tijtliker rijcheit unde lofte der armoeden, der reynicheit unde ghehoersamheit syn grote reyschop unde sterke hulpe te komene in rechte vulkomenheit, ghelyck als rijcheit tijtliker gueden, werken des vleyssches unde vrijen  
 5 willen syn saken der unvulkomenheit unde der sunden. Armoede benemet sorvholdicheit tijtliker dynghen, reynicheit maket de sele unbekummert van velen unledicheyden, unde ghehoersamheit ghift wonderliken groten vrede, stilheit unde sekerheit. Mer doch sunder lofte der armoeden  
 10 mach de mensche komen in waerachtige vulkomenheit, des syn vele exemplelen, in abraham, in ysaac, in jacob, in moyses, in david, in Job, in vele gute menschen der oelden ee, in vele guden bisscopen unde hilligen der nyen ee, de over all rijke weren sunder sunde unde vulkomen  
 15 voer gode. Oick in besit veles tijtlikes gudes in der hilghen echte unde sunder lofte der ghehorsamheit. Hijr merke nu, o ynnighe sele, dat vertyen tijtliker rijcheit mach komen twyerleye wijs: Eerst dattu alsoe overghevest alle tijtlike dynghen, dattu se alheel gode bevelest te ghevene,  
 20 te nemene nae all syn levesten willen, dat he se schicke alst em behaghet unde du des to vreden staest, sunder weder spreken dyns willen unde sunder dyn versturynghe, also dattu oick nicht en wildest ghebruken dan allene to dyn  
 25 uterste noetdrufte, nae eesche dyner krancheit, dyns states unde dyner behovicheit. Dattu oick bereyt syst, alheel te latene unde den armen te ghevene, alstu wissest, dattet gode also untfancklicke were. Och dan bistu waerlike arm van gheeste, angheseen dat gode meer behaghet dat in wendich untkummeren der leeften unde des herten van  
 30 tijtlic guet, dan dat ut wendighe<sup>1\*</sup> vertyen eder verlaten. Aldus sprack Paulus:<sup>1</sup> Nicht en hebben, mer doch alle dinghen besitten wy, dat is, all syn uns alle dinghen over vloedich der wy ghebruken ter noet, nochtan syn unse herten vrij unde ledich alheel sunder unbehoeerlike leeften unde  
 35 anhanghen. Desse vrijheit dyns

<sup>1\*</sup> B. in wendighe

<sup>1</sup> II. Cor. 6, 10.

dyns herten unde untkummerynghe tijtliker dinghen en  
 kanstu nerghen bet proeven eder merken, dan int afnemen  
 der selven dinghen, als se dy werden af ghenomen over-  
 mits godes verhenghenissen of van dynen oversten. Kanstu  
 5 dan blyven sunder versturynghe bynnen unde buten, int  
 herte unde int ghelaet sunder weder spreken, och dat is  
 een teyken dat dyn leefte daer nicht en was anghehechtet.  
 Nochtan ist, dat dyn synlicheit beroert word um dattu  
 ummer noch een mensche bist over al myt krancheit be-  
 10 hanghen, god en wil dy nicht ordelen na dyn synlicheit, also  
 veer als dyn rede blyvet in den tabernakel dyner oversten  
 crachten unde dyns vrien willen sunder versturynghe myt-  
 ten willen godes vereynighet<sup>1\*</sup> sprekende myt Job:<sup>1</sup> God  
 gaf, god nam, des heren name sy benedijt. Al knarret syn  
 15 wijf, dat is, de synlicheit, dat en is nicht meer dan goyse  
 blasen dat nicht en swellet unde een kleyne dropiken waters  
 in dat grote vuer, dat snell vergaet unde als een kleyne  
 voncke vuers in dat grote water, dat ter stont dempen moet.  
 Och hijr in staet de weselike forme der waerachtighen, rechten  
 20 leeften, gode behachlike unde den menschen saligher armo-  
 den, allen kynderen godes verkeselick unde allen utverkore-  
 nen selen begheerlick, dat se gheestelike syn vulkommenlike  
 van bynnen, restich, naket, bloet unde unverstuert, also  
 dat se eer herte unde eren geest myt all dat se hebben unde  
 25 all eer wesen altijt gode offeren na syn aller levesten willen  
 unde behach in tijt unde in ewicheit.

Och aldusdanighe mensche is een recht leef hebber unde  
 een waerachtich besitter der rechten leeften gode behach-  
 liken armoede, all were he oick keyser of koninck over all  
 30 eertrijke, al wolde syn synlicheit vurstuert werden in tijt  
 der wederheit, nochtan en is gheen verdomenisse den ghe-  
 nen, de syn in cristo jhesu, de nicht en wandert nae den  
 vleyssche, dat is, se en volghen nicht myt willen na des  
 vleyssches sinlike begheerte, de se voelen in eren neders-

<sup>1\*</sup> B. verynnighet

<sup>1</sup> Job 1, 21.

ten crachten, dat is, de ee der leden, de altijt strydet teghen  
 de reden, also langhe als de vrije willen unde overste rede  
 myt gode verenighet anders nicht en will dan god will unde  
 daer stijf in blyvet. Aldus is de eerste graet der armoeden  
 5 gheleghen in unbekummeerde leeften vrije van al anclevens  
 tijtlikes gudes, als david secht:<sup>1</sup> Is dat yu rijcheit an vloyet  
 en willet yu herte daer nicht up legghen, dat is, all syn ghy  
 overvloedich in guden, nochtan blyvet arm int ghemoede,  
 also dat yu de rijcheit nicht en beneme yu gheestelike up  
 10 staen unde voertgaen. Want nemant en mach tween heren  
 denen, dat is, den rijcheyden unde gode, spreket unse here.  
 Et is mogeliche rijcheit te hebbene, te besittene, te bru-  
 kene myt unghevanghenen herten unde daer mede gode te  
 dienene, mer te wesene een knecht der rijcheyden unde  
 15 een knecht godes to samene, dat en is nicht moghelike.<sup>2</sup>  
 De ander graet der armoeden is, myt willen unde myt loften  
 alle eghendome ut te gane. Desse lofte en verbyndet ne-  
 mand to vullenkomenheit, mer se brenghet den mensche in  
 den wech der vullenkomenheit als een reyscop of een  
 20 hulpe. Och in dessen graet vallet vele hynders als se  
 allene staet in den af snyden eder untberen tijtlikes gudes  
 in eghendome. Want vele gheestelike lude, als se een we-  
 nich tijtlikes gudes hebben over ghegheven, dat se hadden  
 25 of kryghen mochten so begheren se myt sterker, drijftigher  
 leeften vele meer overvloedicheit in kost, cleder unde ander  
 curiose nyplichticheit, dan se ummer mochten hebben by em  
 selven; dat willen se dan bruken van dat ghemeyne guet.  
 Och desse lude en synt nicht arm voer gode dan allene  
 30 voer den menschen oghen, de na den aensichte ordelen  
 unde nicht als god in der waerheit. O ynnighe sele, dat  
 sy dy een vaste, seker regule, al dattu besittest unde ghe-  
 brukest in kost, cleder unde ander suverlike begheerlicheit  
 ist<sup>1\*</sup> dattu dat holdest myt begheerten dyns herten unde

---

<sup>1\*</sup> B. is

<sup>1</sup> Ps. 61, 11.

<sup>2</sup> Luc. 16, 13.

myt unbehoeerliken leeften, also dattu des nicht en willest  
 laten noch overgheven sunder cronen unde bitterheit, sun-  
 der twyvel daer mede makestu dy selven een unbehoeerlick  
 besitter unde bist in egendom et sy kleyne ofte groet, kostel  
 5 of snode, um dat dyn leefte daer an hanghet unde dy also  
 besmaddet, becladdet unde bemaggelt, dyn upstaen hyn-  
 derende unde dyn saligen verenighen mytten willen godes.  
 Hijr af moestu gode reden gheven, den rechtverdighen rich-  
 ter in syn strenghe ordel.

10 Item, somyghe gheestelike armen ghebruken allene tijtlicher  
 dynghen ter noet unde se bedroeven em van overvloedicheit.  
 Desse synt prijsselick, um dat se nicht en begheren dan  
 allene dat em noet is, nochtan syn se straffelick, um dat  
 se eer noetdruft nemen myt ghenoechten unde begheer-  
 15 licheit. Al is allen gheesteliken luden noetdruft ghegheven  
 unde gheorlevet te brukene, nochtan en ist nicht behoer-  
 lic, eers herten begheerten daer up te stortene, entlike daer  
 ghenoechte in te soekene, mer se sullen<sup>1\*</sup> eer andacht reyne  
 waren, also dat em tijtlike ghenoechte syn in den ghebruken  
 20 ter noet unde ewighe dinghen in den begheren. Och woe  
 vake maken somyghe lude eren god van eren bueck, entlike  
 in ghenoechte der spysen restende unde kostel, lecker kost  
 of ander dyngen begheerliken besittende, allene der ghe-  
 noechte volghende unde anhanghende, unde nicht ut noet  
 25 der ghebrukende um een ander beter unentlick<sup>2\*</sup> ewich  
 guet, dat god selven is. Augustinus secht:<sup>1</sup> O here, du  
 hebst my gheleert dat ick soll ter spysen gaen ghelyc als  
 ter aersadijen, dat is, ick sal eten unde drincken nicht um  
 ghenoechten, mer allene um ghesundheit. Natuerlike de  
 30 ghesunde en nemet gheen medicinen, mer de krancken  
 untfanghen se myt sorghe by maten, in ghewechten, over  
 all vlytich, dattet nicht te vele en sy noch te luttick mer te

<sup>1\*</sup> B. † in      <sup>2\*</sup> B. entlick

<sup>1</sup> ML. 32,797, Confess. L.X. c.31, n.44. „Hoc me docuisti,  
 ut quemadmodum medicamenta, sic alimenta sumpturus  
 accedam.“

passe nae rade des aersten unde nae rede syns selves under-  
 vynden. Augustinus secht:<sup>1</sup> alle sunde der sterfliken men-  
 schen komet ut eer misbruken, also dat se tijtlike guede  
 untfanghen unde to em nemen entlike daer in restende unde  
 5 nicht daer mede aerbeyden te komene in dat ewiche guet, de  
 se allene solden soeken um eers selves willen in ewicheit.  
 Ten lesten is een hoech graet, alle tijtlike gueden te la-  
 tene als ut begheerten dyns herten um grote leefte der ar-  
 mode, also dat dyn leefte an gheen dingh tijtlick en sy  
 10 ghebunden noch oick ghehechtet, dattu oick dyn natuerlike  
 noetdrufte untfanghest unde noulike ghenoech doest myt  
 droefheit, myt unwillen, myt verdroetsamheit unde myt  
 wallighen, also dattu lever woldest dat dyn behovicheit  
 nicht en eeschede, dan en droftestu gheens tijtlikes dyn-  
 15 ghes ghebruken. Och woe salich is alsulken sele. Claer-  
 like se is untkummert van allen last, vierdich unde bereyt,  
 naket te lopene, ja oick te vleghene tusschen de arme eers  
 brudegoms, naket an den cruce staende, eer to komst daer  
 aerbeydelike wachtende, mynlike untfangende, vrendelike  
 20 by em holdende, myt em in syn rijke brenghende, in em  
 selven unde um em selven saligende in tijt unde in ewicheit.  
 Och aldusdane lude syn waerlike arm van gheeste, dat rijke  
 godes is em ghelovet, al en hebben se oick gheen lofte ghe-  
 daen. Mer de entliken resten in besitt, int ghebruken of int  
 25 hebben tijtlicher dynghen, kleyne ofte groet, myt leeften  
 daer anhanghende, sunder bereytheit se te latene, claerlike  
 desse synt ee ghevers voer gode in den gheeste unde in der  
 waerheit, all hebben se openbaerlike of heymelike willige  
 armode ghelovet. Aldus ist noet tijtlick guet te latene el-  
 30 lic na syn graet. Natuerlike we will upstaen unde voert-  
 gaen, den ist noet dat he unbelastet sy. Jo een gheestelick

<sup>1</sup> Cf. ML. 32, 1239, *De libero arbitrio*, L. I, n. 35.

herte bet untladen is van allen tijtlicheyden, jo et bet  
 up staet in gheestelicheit, daer mede komende in ewicheit.  
 Daer umme sprac sunte Peter:<sup>1</sup> Sich, o here, wy hebben alle  
 5 dynghen ghelaten unde synt dy nae ghevolghet. Bernardus  
 secht:<sup>2</sup> O Petre, wal te rechte hebstu eerst alle dynghen  
 ghelaten unde daer nae ghevolghet dynen meyster, den du  
 ummer nicht en mochtest volgen, alstu myt tijtlicheit be-  
 lastet werest, um dat he wonderlike schnell voer lopet den  
 wech unser salicheit, selven alheel unbeladen unde vrij van  
 10 aller last, aller tijtlicheit, all droech he aller menschen alle  
 last unde elkes elke last der menscheliker boesheit sunder  
 syns selves besmytten allene um syn guetheit, mynlicheit.  
 mildicheit benedijt in tijt unde in ewicheit.

## XIV. Kap.

Woe wy alle tijtlick guet versmaden sullen, ewich guet  
 15 verkesen.

O ynnighe sele, merke doch tijtlicher guden snoetheit, dan  
 machstu daer afkeren dys herten begheerlicheit. Claer-  
 like tijtlic guet is als sote fenyn, dat ghenoechlike in gaet  
 unde den doet mede brenghet. Och dit fenyn is ghemenget  
 20 myt honich tijtlicher ghenoechten, dat maket dyn lijf dicke  
 up gheblasen overmits hoverdye. Dit honich benemet unde  
 hyndert dyn natuerlike smaken, alsoe dat noch eten noch  
 drincken dy en kan smaken alstu honich hebst ghegheten.  
 Och alstu dit honich etest so wort dy unsmakelick alle in  
 25 wendich, gheestelick troest unde soticheit des gheestes. O  
 edel mensche, hebstu honich ghevonden, so en salstu daer  
 nicht meer af eten dan dy noet is, also dat dyn smaken  
 nicht en vergae nae ewich, alstu dyn begheerte sadest, mer  
 nicht en salighest nae tijtlick guet. Item, tijtlick guet is  
 30 als kaf, bulsteren of klyen over all magher, sunder kerne,  
 sunder vetticheit, sunder march. Bernardus secht:<sup>3</sup> de in  
 egypten wonen, de moghen em behelpen myt kaf unde  
 klyen, mer

<sup>1</sup> Matth. 19, 27.

<sup>2</sup> ML. 184, 1129, *Sermo in verba Evang.: ecce nos reliquimus omnia, n. 1. „Et quidem beatus qui sic reliquit omnia, ut eum sequatur in quo sunt omnia... Haec esse praecipue relinquenda exemplo suo nos edocet Petrus...“*

<sup>3</sup> Cf. ML. 182, 77, Ep. I, n. 11f.

wy moeten ander unde beter kost hebben, um dat wy groter aerbeyd doen, anders mosten wy verligghen under der last. De verlorene soen<sup>1</sup> in syn unsalicheit begheerden syn bueck te vullene myt der verkene draf unde bulsteren, dat em 5 nemant gheven en mochte. Och he mochte draf in syn lijf slaen ghelijc den verkenen, mer syn begheerte daer nicht mede stillen, um dat he to hogher, edeler kost was ghebornen,<sup>1\*</sup> de he nu selven hadde verloren,<sup>1\*</sup> mer syn vader heeft em ghenadelike weder verkoren.<sup>1\*</sup> O ynnighe sele.

10 verlaet dit draf, benedije em, de dynen hungher sadet unde salighet van vetticheit des weytes, dy ghenadelike spysende myt syn gracie in tijt unde myt syn glorie in ewicheit allene um syns selves guetheit.

Item, tijtlic guet is als een aes of een spyse up de knype 15 of in de valle of up de strappen of oick anden angel. Daer mede wort mennich mues, vos, vulf, lewe, voghel unde vissch gevanghen, kleyne, groet, sympel, cloeck. Jeremias secht:<sup>2</sup> vanden meesten to den mynsten syn se all ghyrich up tijtlick guet. Seneca<sup>3</sup> secht: voghel, vissche unde alle 20 wilde dieren werden bedroghen unde ghevanghen, overmits soticheit der spysen ghetrecket unde mytten heymeliken angel bestricket. Aldus ist gheestelike als paulus scrijft:<sup>4</sup> We rijke werden willen, de vallen in de strijck des bosen gheestes; als se dat aes sluken, tijtlike rijcheit 25 begheerlike kryghende, dan komet mede up em unde in em de angel ofte dat strijck der boesheit in dat unbehoerlike besitt unde ghebruken der selven rijcheit, in sundeliken ghenoechten gode vertornende, em selven dodende unsalich in tijt unde in ewicheit.

30 Waerlike als de eegell in den boemhof appele vyndet, so weltert he em selven over all syn lijf manck den appelen, de dan hechtet in syn tacken, alsoe dat he over all rijcke word<sup>2\*</sup> van appelen, mer unsalich van last der selven appelen, want se benemen em syn snel

<sup>1\*</sup> Reim in B. unterstrichen.      <sup>2\*</sup> B. † mer

<sup>1</sup> Luc. 15, 17.      <sup>2</sup> Jer. 6, 13.

<sup>3</sup> Ep. XIV, 1, 22 und Dial. VII, 14, 3.

<sup>4</sup> 1. Tim. 6, 9.

lopen unde oick hynderen se em in syn neste of in syn  
 gat te krupene, dan komet up em hunde, menschen unde  
 alle syne vervolghers, syn appel em nemende, syn leven  
 em kortende. Aldus ist myt allen ghyryghen menschen. Job  
 5 secht:<sup>1</sup> de ghyryghe man heeft vele rijcheiden vergadert. He  
 sal se weder ut spyen, de he verslyndet heeft, god sal se  
 em weder trecken ut synen buec, daer se em verwandelt  
 syn in fenyn der slanghen van bynnen. Natuerlike de water  
 suchtiche lude en moghen nicht up staen noch voertgaen  
 10 ghelyck als ghesunde lude. Also ist myt allen ghyrighen,  
 rijken menschen, de over all syn vull unreynner vuchticheit  
 tijtlikes gudes. Jo se meer drincken, jo se meer dorstich  
 synt, over all ghelyc den water suchtighen menschen. Och  
 se hebben enen sterken, vulen, quadren adem, altijt spre-  
 15 kende van hebben, van holden, van grabben, van kryghen  
 tijtlicher rijcheit, de anders nicht en synt gheachtet van Pau-  
 lus<sup>2</sup> unde oick van anderen hilghen dan dreck, stubbe, un-  
 reynen stanck. Dessen stanck komet altijt ut des ghyryghen  
 herten, doer syn mund, alle synen nabuers lastich, de ghe-  
 20 sunt synt um dat se ewich guet soeken unde mynnen. Och  
 se moeten eer nese stoppen voer den quadren adem, anders  
 mochten se oick mede untfenghet werden vanden stanck  
 unde belastet ghelyc als tobias blynd wort, do em swale-  
 wen drec in syne oghen quam. Och dessen drec laten alle  
 25 voghele neder vallen, alle tijtlike rijcheit van em wer-  
 pende, mer wee em, de dessen dreck untfanghen in eer  
 oghen, herte unde leefte. David secht:<sup>3</sup> Eer kele is als een  
 open doden graf, daer lelick stancke ut komet over all anx-  
 telick. Salomon secht:<sup>4</sup> dat vuer en secht nummer: et is  
 30 nu ghenoech. Jo men daer meer holtes in lecht, jo et ster-  
 ker bernet unde verslyndet sunder ende. Also is des  
 ghyryghen men-

<sup>1</sup> Job 20, 15.

<sup>2</sup> Phil. 3, 8.

<sup>3</sup> Ps. 5, 11.

<sup>4</sup> Prov. 30, 16.

schen hertelike leefte vlamlich up guet unde en mach  
 nummer ghenoech dryncken. Och synen dorst wasset van  
 syn dryncken ghelyck den water suchtighen. Unse here  
 sprac to den vrouken up den putte als Johannes scrijft:<sup>1</sup>  
 5 all de drincken van dessen water, de sal noch weder dor-  
 stich werden, mer we dryncket van dat water dat ick em  
 gheve, de sal nicht dorsten in ewicheit. Salomon scrijft van  
 em selven:<sup>2</sup> Ick hadde up ghesatt dat ick wolde over vloijen  
 10 in tijtliken guden unde ick was rijke boven alle koninghen  
 in jherusalem, mer et is all ydelheit der ydelheit unde quel-  
 lynghe des herten unde druck des gheestes all dat under  
 der sunnen is.

Item, desse arme water suchtige mensche all is he dicke,  
 grof unde groet van lijve unde over all syne lede, nochtan  
 15 is he alheel lugge, unlustich unde traech to allen guden  
 werken, to aelmissen, to den denste godes, to waer peni-  
 tencie. Och syn hande en moghen nicht aerbeyden dan al-  
 lene stedeliken den kroes to munde setten. Claerlike al syn  
 20 all des ghyryghen menschen kisten unde kasten over all  
 grof unde vull, nochtan grabbet he altijt meer unde meer,  
 mer he en kan anders nicht gudes doen. Oick en kan he  
 nicht sien up syns selves voeten um dat syn lijf grof is unde  
 dicke van unghesund water. Och de rijke vermoedet langhe  
 25 te levene unde en kan nicht bedencken syn ende, syn leste,  
 syn onderste voete up der eerden daer he alto hand moet  
 in krupen. Och kunde he merken, woe syne voeten syner  
 begheerten unreyne wanderen up der eerden, in den dreck.  
 Jheremias claghet,<sup>3</sup> woe dat des menschen voeten syn sull  
 30 slijkes, um dat he nicht en bedencket syns selves ende.  
 Lucas scrijft,<sup>4</sup> dat een rijke man vele guedes vergaderden  
 unde sprac to syner selen: O myn sele, du hebst nu vele  
 gudes, du moghest nu langhe leven ghe-

<sup>1</sup> Joh. 4, 10 ff.

<sup>2</sup> Eccle. 1, 14.

<sup>3</sup> Klg. 1, 9.

<sup>4</sup> Luc. 12, 19.

brukende dyn rijcheit in<sup>1\*</sup> welden. Mer in der eersten nacht  
 was he doet unde al syn guet kreghen ander lude unsalich  
 in ewicheit. O arme water suchtighe, ghyrighe mensche,  
 dyn adem is stynckich, allen ghesunden lastich, mer de  
 5 selven oick vull dreckes syn dy ghelick in boesheyden,  
 claeरlike de en merken nicht den stanck dyns adems. Dat  
 is natuerlick, dat nemant des anderen adem en merket  
 quaet te wesene, de selven int selve quaet is. Oick bistu  
 10 bleeck als assche, doet varwich, unleeflic, unbegheerlick,  
 unmynlick, allen guden herten greselic um dyn water such-  
 tighe ghyricheit, vorstich unde koelt in godliker unde broe-  
 derliker leeften, lugghe unde traech to allen dogheden unde  
 guden werken, weeck over all dyn lijf unde lede alsoe dattu  
 15 dyns vyandes bekorynghe nicht weder en staest. Och ellic  
 mach myt synen kleynen vyngher drucken ene kule up dy.  
 de daer langhe mach dueren. Du bist groet up gheblasen  
 overmits dyn guet in hoverdyen dyns herten, dyns ghe-  
 moedes, dyns ghelates, over al bistu swoer unde wechtich  
 20 te vallene in allen sunden up de eerde, up stene, in den  
 slijck, in allen steden neder glydich, mer over al unlustich  
 weder up te stane. Waerlike Job heeft altoe rechte ghe-  
 screven,<sup>1</sup> dat dyn rijcheit is verwandelt bynnen dy selven  
 in fenyn der slanghen. Natuerlike de spynnen, slanghen  
 25 unde alle fenynde worme eder draken al eten se guden  
 kost unde ghesunde spyse ghelyc anderen edelen dieren,  
 nochtan wort de gude spyse verkeert in quaet um unedel-  
 heit des eters. Claeरlike in der bloemen en is noch honich  
 noch fenyn, mer een luttel vuchticheyden, daer af wort  
 honich in dat lijf der byen um eer natuerlike edelheit unde  
 30 fenyn in dat lijf der spynnen overmits eer na-

---

<sup>1\*</sup> B. † in

<sup>1</sup> Job 20, 14.

tuerlike quaetheit. Aldus ist gheestelike, wat de gude  
 mensche siet, merket, heeft unde besitt, dat is over all  
 guet um syn mynlike, edel herte, mer dat selve word ver-  
 keert in dat herte des nydighen, bosen, ghyryghen menschen  
 5 um syn lelike quaetheit. O arme mensche, o vull slanghen  
 fenyns, o stynckende water suchtige, o arme rijke mensche,  
 och wo salstu weder ghenesen, dattu mochtest gheesteliken  
 up staen in den wyngaerden. Merke doch wat Job secht:<sup>1</sup>  
 De rijke man sal syn rijcheit utspyen. Claerlike dat is guet  
 10 raet, dattu alle quaet verspyest. All bistu vul snoder  
 vuchticheit over all unbequeme, nochtan machstu ghesund  
 werden, bitter krude in nemende overmits vlytich bedencken  
 der ewyghen unsalicheit. Jo du desse kruden kleyner sny-  
 dest unde stercker in dyn lijf nemest, jo se dy bet doen  
 15 utspyen alle quade unreynicheit dyner sunden. Och dan  
 werdestu ghesund van alle dyn ghyricheit. Natuerlike  
 dat blanke water is aller best gheneselike myt oftappen.  
 Och kundestu doch allene kennen dysn selves unsalicheit  
 in tijt unde in ewicheit, dan mochtestu to hand all dyn quaet  
 20 haten, laten, utspyen unde vertyen. Seneca secht:<sup>2</sup> Kenne  
 der sunden is een beghynne der salicheit. Gregorius secht:<sup>3</sup>  
 God en will nummer verlaten den menschen, de em selven  
 bekennet sundich te wesene, dat is, de allheel kennet wat  
 he overmits syn sunden verleset unde verdent in tijt unde  
 25 in ewicheit. Nochtan hebstu oick dat ghele water unde dat  
 rode water allermeest verdrucket, verblyndet unde verrot-  
 tet in dyn allermeeste quaet, en will nicht mishopen. Job<sup>4</sup>  
 ghift noch een troestelic raet seggende, dat god soll den  
 rijken menschen syn tijtlic guet weder uttrecken ut synen  
 30 bueck. O mynlike jhesu, o waer god unde menschen, o  
 crachtighe aerste, de rijke, ghyryge water suchtige mensche  
 heeft ummer vele tijtlikes gu-

<sup>1</sup> Job 20, 15.      <sup>2</sup> Ep. III, 7, 9.

<sup>3</sup> ML. 76, 488 Moral. Liber 29. c. 9. „Deus hominem non  
deserit, .... pietate sua... etiam sero conversos pecca-  
tores recipit....!“

<sup>4</sup> Job 20, 15.

des verslunden in syn lijf, dat is daer verwandelt in slangen fenyn in syn bueck, he is belastet mytten water alheel ungheneselick by em selven. Al syn leefte unde drijfte is up tijtlick guet, dat snode is. Och in all egipten is alle 5 water verwandelt in bloet, alle visschen moten daer ster-  
ven, ten sy dattu em versch water weder ghevest, over-  
mits dyn ghenadicheit alle unse krancheden wandelende in  
ghesundheit. Aldus scrijft Lucas van dy,<sup>1</sup> dattu den water-  
suchtighen menschen hebst ghenesen, dat is den ghyryghen  
10 menschen hebstu ut synen bueck ghetrecket syn rijcheit, ut  
syn herten alle begheerten tijtliker guden utwerpende. Och  
du en woldest nicht versmaden den snoden, stinckenden  
menschen, watersuchtich, up gheblasen swoer by em sel-  
ven, komende in unse nederheit um dat he nicht en ver-  
15 mochte te komene by dy, in dyn hoecheit allene um dyn  
guetheit. Och du grepest em to dy, scrijft Lucas, overmits  
dyn allermeeste mynlicheit to unser aller salicheit in tijt  
unde in ewicheit. Du makedest em ghesund myt dyn al-  
mechticheit, du hebst em quyt ghelaten sunder geld, sunder  
20 gaven, sunder betalen, sunder weder gheven, allene um  
dyncs selves ghenadicheit benedijt in tijt unde in ewicheit.

### XV. Kap.

Woe unse upstaen ghehyndert wort overmits swoerheit  
unde overmits naturliken benden.

25 Aldus o ynnighe sele, machstu en weynich kennen, dat  
gheestelike upstaen vake ghehyndert wort overmits natuer-  
like swoerheit. Dit selve upstaen wort oick mennighen men-  
schen benomen, de ghevangkanen unde ghesloten sit in den  
stock. In der bybelen staet,<sup>2</sup> dat een te male bose koninck,  
30 Manasses ghenomet, wort ghevangkanen unde ser swoerlike  
myt vele yserens in den stock ghedrucket, also dat he nicht  
en mochte em selven uprichten, noch upstaen, noch voert-  
gaen. Also is alto mennich hovet sunder belastet myt syns  
selves<sup>1\*</sup>

<sup>1\*</sup> B. sel

<sup>1</sup> Luc. 14, 2.

<sup>2</sup> II. Par. 33, 11.

quaet in des vyandes stock unde stercken benden. Mer god  
 almechtich allene mach em daer ut helpen um syns selves  
 guetheit. Natuerlike als een mensche ghevanghen is in den  
 stock, so syn em syne voeten stijf ghesloten beneden, mer  
 5 doch syn hovet, syn handen, syn borst, syn oghen, syn  
 oren syn vrij unde ledich van boven. Och ynnighe sele,  
 al kanstu guet horen, sien, kennen unde doen, nochtan syn  
 de voete dyner begheerten neder ghesloten unde ghehecht-  
 tet in tijtliken ghenoechten myt unbehoerlike leefte. Claer-  
 10 like so en kanstu nicht gheesteliken upstaen noch ver-  
 denstelick voertgaen. Du machst prediken horen, gude  
 exemplen syen, ter kerken gaen myt dynen nabuers, mer  
 du blyvest ummer Johannes altijt in quinto.<sup>1</sup> Bernardus  
 secht:<sup>2</sup> in allen gheesteliken vergaderinghen syn somyge  
 15 lude seer vurich te doene unde te latene all dat em ghe-  
 boert over all bereyt myt herten, myt handen, myt allen  
 synnen, leden unde crachten lopende unde oick vlieghende  
 den rechten wech der ghehoersamheit. Daer syn oick ander  
 lude, de men nouwe kan voerttrecken, koelt van herten,  
 20 lugge in den wercken. Och woe komet desse unghelycheit.  
 Claerlike de ghever aller graciën, God almechtich, en is  
 noch karich noch arm, mer waer de vate nicht en synt be-  
 reyt, daer beghift dat olij syn lopen, waer de herte un-  
 bequeme syn te untfenghene, daer blijft de gracie buten  
 25 staende. Och eer begheerten syn beneden ghehechtet, daer  
 soeken se troest unde ghenoechten in woerden, werken,  
 ghelate unde zeden, in lichtveerdicheit, in arm schencke-  
 beers vroude, eer hertelike begheerte seldene kerende an  
 god in gheestelike, in wendighe welde. Daer umme syn  
 30 oick eer voete in den stock ghetonet, beneden ghehechtet,  
 also dat se nicht en kunnen up staen in den wyngaerden

<sup>1</sup> Joh. 5, 1. (*Erzählung vom Teich Bethesda.*)

<sup>2</sup> Cf. ML. 183, 525, Serm. 3 in Dedic. Eccl., n. 5.

al doen se nochtan vele gude werken ut koelheit des herten nae ghewoente, int gude gheselschop, dat em aerbeydeliken over gaet um dat eer voeten in den stock staet, eren naesten lastich unde allermeest em selven unsalich in tijt  
 5 unde oick in ewicheit, ten sy dat se overmits godes gracie unde eers selves vliticheit eer voete loes kryghen, dat se alsoe upstaen unde voertgaen in den wyngaerdene. Natuerlike als de mensche neder ligghet under enen grote steen der verhardicheit syns herten, so en kan he oick nicht  
 10 upstaen, ten sy dat de stene werde van em ghenomen. Och we sal uns dessen steen af welteren vanden in ganck des graves. Claerlike dat en kan nemand dan god. O gude jhesu, du bist de engel des groten rades, du kundest den steen afnemen unde daer up sitten, du kanst alle styve,  
 15 verbackene, harde, swore, koelde, unbevoelike, dode herten  
 bequeme maken dyner graciën. Du bist mechtigher dan ja-cob,<sup>1</sup> de allene den steen afwarp vanden putte, dat all den hijerden aerbeydelike was. Daer mede kanstu allen edelen schapen water der gheesteliken leer gheven ut den selven  
 20 putte alstu den steen af nemest. Och dit selve ghebodestu dynen discipulen, als Johannes scrijft,<sup>2</sup> do du den styncken den doden lazarus woldest levendich maken, do sprekestu: Nemet den steen van em. Waerlike de hardsynnyghe, styve sunder en kan nicht weder levendich werden in dat  
 25 leven dyner graciën in tijt unde dyner glorien in ewicheit, noch upstaen noch voertgaen, ten sy dattu van em nemest den steen allene um dyns selves guetheit benedijt in tijt unde in ewicheit. In der bybel staet,<sup>3</sup> dat de kynder van israhel in der woestenyen wonderliken dorstich weren,  
 30 um dat se daer gheen water en kunde vynden. Do sprac god to moyses, dat he solde myt synen stock slaen up den steen. He sloech up den groten keserlyngħ, unde sich, daer vloyede also groot water ut, dat alle de menschen unde beesten over

<sup>1</sup> Gen. 29, 8 ff.

<sup>2</sup> Joh. 11, 13.

<sup>3</sup> Exod. c. 17.

al sat druncken. O god almechtich, dit selve kanstu noch doen ut den harden, styven, wreeden menschen, overmits dyn ghenadiche slaen up eer herten, dyne volke lavende in desser woestenyen, alstu de wreeden herten klop-  
 5 pest, myt dyn anxt vloyich makest in dyn leefte unde overvloedich in gueder leer, in stichtighen dogheden, als David secht,<sup>1</sup> dattu verwandelst den steen in water. Och du hebst alto mennighen steen weeck ghemaak, ghelyck alstu den strenghen saulus bekeerdest in den sachmoedighen paulus  
 10 allene um dyn guetheit. Och um de selve dyn guetheit slae alle harde, stenyghe herten de under den steen liggen, myt eers selves hardsynnicheit verdrucket. Will doch van em nemen den steen der hardnackicheit, anders en kunnen se nicht upstaen noch voertgaen, mer allene overmits dyn  
 15 hulpe moghen se van<sup>1\*</sup> em selven utgaen, eers selves quaet hatende, latende unde beghevende, dyn guetheit benediende unde dy lovende allene in dy salich in tijt unde in ewicheit.

## XVI. Kap.

Woe uns de daghelike sunden hynderen up te staen.

20 Natuerlike des menschen upstaen mach noch werden belettet overmits snoren of reepen als he daermede ghebunden is. Also werden vele lude ghehyndert in eer gheestelike upstaen unde voertgaen overmits dagheliken sunden, als se seer mennichvoldich werden. Natuerlike den snoer ofte  
 25 reep wort ghemaak van velen kleynen strenghen unde oick van alte kleynen spijkens vlassches of hanepes, de ellic by em selven seer kranck is unde lichteliken breket. Mer overmits eer mennichvoldicheit in een ghedreyet unde to samen ghevlochten so werden se groot, lanck, dicke, starck,  
 30 also datmen daermede mennighe deef mach hanghen unde vele swoer last mede trecken. Och aldus is ellic daghelike sunde seer kleyne unde lichtelick te beterene in den water des berouwes unde in den vuer der leeften, daer vlas unde hanep kortelike verrottet unde

<sup>1\*</sup> B. — van

<sup>1</sup> Ps. 77, 20.

lichteliken verbrand by kleynen stucken. Mer de mennichvoldighe stadiciteit unde stadicheit mennichvoldicheit da-  
gheliker sunden, och de doet groten schaden unde last, des  
mensen gheestelike upstaen unde voertgaen hynderende,  
5 als he daermede is ghebunden ghelyc enen sterken, dicken,  
langhen reep. Ysayas secht:<sup>1</sup> we den ghenen, de eer boes-  
heit langhe trecket ghelyc als enen waghen reep. David  
secht:<sup>2</sup> de sunders hebben eer boesheit verlenghet, de recht-  
veerdighe here sal eer nacken te synden. Salomon secht:<sup>3</sup>  
10 de sunder wort ghebunden myt syns selves boesheit als myt  
enen snoer. O ynnighe sele, du salst daghelike sunden nicht  
kleyne achten. Bernardus secht:<sup>4</sup> Ut ener hande versmade-  
nisse sundighet he in den hilghen gheest, de stadeliken em  
selven wenet to dagheliken sunden. Merke<sup>1\*</sup> woe he secht.  
15 He en secht nicht dat daghelike sunden verdoemelick of  
swoer synt, mer ut ener handen versmadenissen werden  
se groet unde swoer, als de mensche em selven daer stade-  
like mede besubbet unde en achtet se nicht te latene noch  
te beterene, mer he doet se echter unde altijt sunder mis-  
20 hagen, sunder up setten syner<sup>2\*</sup> beterynghe. He kennet dat  
he gode also mishaghet, nochtan en achtet he also kleyne  
dynghen nicht te latene um god, want syn leefte is kleyne  
to god, koelt unde kranck, also versmadet he syn beteren.  
Och alsulken herten, alsodanich grund maket kleyne sunde  
25 groet, also dat he ut alsodanich versmaden sundighet in den  
hilghen gheest, de een fonteyn is aller leeften. Aldus komet  
een sterck langh reep van velen herlekens, daer oick samp-  
son<sup>5</sup> mede ghebunden was unde synen vyanden ghelevert  
30 hadde unde worde gevanghen unde ghedodet unsalich in  
tijt unde in ewicheit. Mer de geest godes in em spryngende  
gaf em cracht, de snoren te schorene unde also synen vy-  
anden untkomende, als in der bybel staet.

<sup>1\*</sup> B. Mer<sup>2\*</sup> B. dyner<sup>1</sup> Is. 5, 18.<sup>2</sup> Ps. 128, 2.<sup>3</sup> Prov. 5, 22.<sup>4</sup> ML. 183, 363 Serm. I In Convers. St. Pauli, n. 5. „Nemo dicat  
in corde suo: Levia sunt ista, non curo corrigere; non est  
magnum si in his maneam venialibus minimisque peccatis...  
haec blasphemia in Spiritum sanctum...“<sup>5</sup> Jud. 15, 14.

Och mochte de aller sterkeste sampson myt dessen reepen werden ghebunden, wat sal dan ghescheen mennighen krancken stumper, de altijt em selven byndet unde wyndet myt dagheliken sunden, myt dessen snoren over all mennich-  
 5 voldighet. Och ynnighe sele, een kleyne vuncke vuers en kan ghenen schade doen, mer eer mochte so vele to samen komen, dat se dyn hues branden. Een dropiken waters en is nicht gheachtet, lichtelic veerteerlick in den vuer der leef-  
 10 ten. Augustinus secht:<sup>1</sup> Ghelyc als een drope waters is in enen gloijghen oven also is een daghelike sunde in den vlammyghen herten, in der leeften godes, nochtan der dro-  
 15 pen mochte alsoe veel wesen, dat se oick een sterck vuer all degher ut dempeden. Een pocke of oick weynich pocken syn sunder sorghe, mer als eer vele synt, so brenghen se den menschen ter doet. Een pond plumen is also swoer  
 20 als een pond lotes al syn se unghelyc in groetheit. Daghelike sunden verdunckeren des menschen reden unde ver-  
 stand, mer doetlike sunden verblynden em alheel. O ynnighe sele, du salst vake dyn licht snuten unde dyn lampe schu-  
 25 ren. Daghelike sunden besubben dyn in wendiche belde, mer doetlike sunden beslabben dyn in wendige belde alheel als myt drecke, also dat oick de kenner aller herten vra-  
 het:<sup>2</sup> wes is dit belde unde scrijft. Daghelike sunden en dempen nicht dit vuer der leeften, mer se hynderen de  
 30 gloijghe vlaammicheit. Daghelike sunden verkrancken der selen kracht unde ghesundheit, mer se en dodet nicht ghe-  
 lijck doetlike sunden doet. Daghelike sunden vermynneren dyn loen der godliken graciën in tijt unde syner glorien in ewicheit. Daghelike sunden bereyden de selen in doetliken sunden te kome-

<sup>1</sup> Cf. ML. 39, 2224, Serm 259, n. 1.

<sup>2</sup> Matth. 22, 20.

ne unde maken den wech slibbrich unde glad doetlike sun-  
 den in te vallene. O ynnighe sele, en wil doch kleyne sun-  
 den nicht kleyne achten, want se brenghen dy in groten  
 sunden, ten sy dattu in den beghynne weder staest<sup>1\*</sup> als  
 5 se kleyne syn. In den boeke der leeften staet:<sup>1</sup> Vanghet  
 uns doch de kleyne vossen. David secht:<sup>2</sup> Salich is de men-  
 sche als he de kleynen kynder van babylonyen doet slaet  
 up den steen. Och ist dat se groet werden so en kan he  
 eer nicht mechtich wesen. Natuerlike in den beghynne  
 10 der krancheit helpet allerbest de aersadye. Junghe slangen  
 syn sunder fenyn. Hijr umme, o edele sele, laet nicht dyn  
 vuer groet werden. En ghif dynen water ghenen utganc,  
 dat dyn vuer dy nicht en schade noch dyn water gheen  
 groet gat grave unde alsoe all dyn land verderve. Beware  
 15 dyn ghesundheit, hoede dy voer kleyne stadiche sunden,  
 altijt up em mishaghen hebbende, al en kanstu in dessen  
 levene nicht wesen sunder sunde, nochtan salstu altijt ech-  
 ter unde oick sturen dyn sunden der du nicht alheel en  
 kunnest quyt werden, nochtan en salstu se nicht over all  
 20 in dy wassen laten. Natuerlike du kortest dyn haer unde  
 dyn naghelen, de doch altijt weder wassen, du wasschest  
 dyne handen, voeten, aensichte, de doch altijt weder be-  
 subbet werden, du weydest dyn hof van netellen unde alle  
 quade krude, de nochtan te hand weder upslaen, du makest  
 25 reyne dyn cleet, dyn hues, dyn kamer, dyn bedde ter  
 tijt hen se<sup>2\*</sup> dat echter behoeven. Aldus salstu altijt dyn  
 herte reyne maken oick van dagheliken sunden na dynen  
 vermoghen, al en kanstu se nicht entliken unde al quyt  
 werden of buten sluten. Merke dan int ende dattu daghe-  
 30 liker sunden verghiffenisse unde quytlatinge machst ver-  
 kryghen mennighes synnes. Eerst overmits weerdich, ynnich  
 untfanghen des hilghen sacramentes. Daermede

<sup>1\*</sup> B. staet

<sup>1</sup> Cant. 2, 15.

<sup>2\*</sup> B. —se

<sup>2</sup> Ps. 136, 9.

werden alle dyne sunden vergheven de du biechtes unde  
 boedest na in sette der hilghen kerken allene um der ede-  
 len spysen weerdighe cracht. Item, mytten hilghen wy-  
 water dat benedijt is in den namen des heren unde in der  
 5 kracht des dodes cristi. Item, overmits aelmissen te ghe-  
 vene, als unse here sprack:<sup>1</sup> Ghevet aelmissen dan syn yu  
 alle dynghen reyne. Daniel<sup>2</sup> sprack to den koninck van  
 babylonien: here du salst dyne sunden verlossen myt ael-  
 missen. O ynnighe sele, al bistu arm van guede sunder  
 10 eeghen, nochtan machstu rijke wesen van herten, myn-  
 lick, gunstich, medelijdich myt allen behovyghen. Daer-  
 mede machstu alsoe vele verdenen oftu alle hungryghe spy-  
 sess unde allen behovyghen hulpest ut allen noden. Noch  
 15 machstu gheestelike aelmissen gode behachlick, dy selven  
 salich alstu hertelike verghevast alle unrecht unde misdaet  
 dysns naesten teghen dy; daermede werden dyne sunden  
 vergheven. Unse here secht:<sup>3</sup> Ghevet unde yu sal ghegheven,  
 verghevet unde yu sal vergheven werden. Ten sy dat ghy  
 20 vergheven yuwen naesten anders en sal myn hemelsche  
 vader yu sunden nicht vergheven. O ynnighe sele, verghif  
 herteliken dynen naesten syn kleyne misdaet teghen dyn  
 grote schuld vergheven teghen em. Item, daghelike sunden  
 werden vergheven overmits ghebed unde allermeest in den  
 25 pater noster, dat ummer gaet boven allen ghebeden, dat  
 de meyster unser salicheit leerden synen aller levesten  
 discipulen ut syn allermeeste mynlicheit, wijsheit, guetheit.  
 Item, se werden vergheven in der ghemeynen bijecht, dat  
 is, in den confiteor unde allermeest in waerachtige sunder-  
 lynghe bijecht. Item overmits ynnich unde berouwich klop-  
 30 pen voer dynen borst als de publicaen, de in den tempel,<sup>4</sup> do  
 he achter stond in den tempel, syne oghen neder sloech  
 unde syn misdaet kande, voer syner borst kloppende, seg-  
 gende: O god, wes my sunder ghenadich. Dan en wil god  
 nicht versmaden dyn rouwiche unde oetmoedich her-

<sup>1</sup> Matth. 6, 3.

<sup>2</sup> Dan. 4, 24.

<sup>3</sup> Luc. 6, 38.

<sup>4</sup> Luc. 18, 13.

te alsoe dattu oick weder gaest ut den tempel rechtveerdigher dan alle phariseen, de em selven kostel unde hillich holden unde ander lude sundich, daermede maken se em allermeest selven sundich, gode hatelick unde allen engelen 5 unde menschen mishachlic, in em selven unsalich in tijt unde in ewicheit. O ynnighe sele, merke doch woe untellike vake du vallest in dagheliken sunden, myt ghedachten, myt woerden, myt lichtveerdicheit, myt unachsamheit, myt unbehoedicheit, myt noetdensticheit, myt begheerli- 10 cheit, myt verghetenheit, myt unwetenheit, myt krancheit. Och we mach dit tellen elkes daghes. Hijr umme wes vlytich, dyne kleyne spijrkens dyns vlassches unde hanepes te breken, anders mochte dy dat alto stercke unde te lanck werden, also dattu daermede ghebunden werdest. 15 Och dyne kleyne sunden en latet nicht mennichvoldich werden dat se dy nicht en benemen dyn gheestelike upstaen van dyn quaet unde oick nicht en beletten dyn gheestelike voertgaen in den wech der waerheit, daer dyn salicheit in staet allene overmits godes guetheit benedijt in tijt unde 20 in ewicheit.

## XVII. Kap.

Woe wy uns noch up richten sullen overmits unse rechte andacht.

O oetmoedighe sele, nu hebstu een luttel ghesien, woe dyn 25 gheestelick upstaen sal ghescheen van sunden. Voert hebstu ghemerket wat dy hyndert in dyn upstaen, alstu belastet bist myt dyns selves swoerheit ghelyc als een water suchtich mensche mytten steen der hardsynnicheit, mytten snoer dagheliker sunden. Alstu dan aldus upstaest myt 30 handen, myt voeten, myt al dyn lijf, lede unde crachten over all aerbeydende unde nochtan nicht schickende by dy selven, um dattu by dy selven altijt weder neder glydest in den selven quaet, mer allene overmits godes graciën, de dy verwecket, ut den slape trecket, ut den drecke upboert, 35 vander eerden staende hol-

det van dyn neder vallen unde voertleyden in den wech  
der salicheit. Och in dit gheestelike upstaen unde voert-  
gaen en is dy nicht ghenoch, dat dyn lijff recht upstaet, mer  
dyn oghe moet oick upsien unde upwaert werden ghekeert.  
5 Dat is, et is seer kleyne, quaet te latene unde guet te doen,  
ten sy dat dyn andacht recht sy. Unse here secht:<sup>1</sup> is dyn  
oge schallick, so is all dyn licham duyster, mer is dyn  
oghe sympel unde eenvoldich, so is all dyn licham claer.  
Alle vrucht smaket na der wortelen, so is alle werck guet  
10 of quaet na der andacht. Natuerlike somyghe lude kun-  
nen wal upstaen unde voertgaen, nochtan syn se krumme  
unde neder bughende ter eerden unde eer oghe is daelwart  
ghekeert ghelyck den beesten, de ter eerden neder strecken  
eer lijff. Mer rechte menschen keren eer lijff, hovet unde  
15 oghe int hoge ghelyc den voghelen, up twe voete gaende unde  
de eerde noulike rorende. Aldus ist gheestelike, de rede-  
like mensche sal recht wesen, in quaet mydende, guet ver-  
kesende, daermede allene gode behaghende in syn andacht  
unde meningen. Lucas scryft,<sup>2</sup> dat unse here een wijff  
20 uprichteden, de achtyen jaer hadde krumme ghegaen. Unse  
vyand en achtet nicht dat wy upstaen, voertgaen van quaet  
int guet, mer he wolde uns gherne krumme maken, unse  
andacht unreyne makende, als ysayas scrijft:<sup>3</sup> de vyanden  
segghen unser selen: wes krumme unde bughe dy selven  
25 neder, dat wy also moghen over dy hen gaen. Natuerlike  
unse oghe is snel licht, over all keerlick unde roerlick int  
hoghe, int syde, up, neder, in allen enden, boven all unse  
ander leden. Also is unse andacht alte lichteliken drey-  
elick unde dreijflick int quade, int soeken der menschen  
30 lof unde prijs, in gheck behaghen syns selves, in tijtlike ere  
unde vorder bereyder int quaet dan int guet. O ynnighe  
sele, merke dy myt vlyte, untfenghe dat lecht der waerheit  
unde sich dyns selves andacht in all dyn doen unde

<sup>1</sup> Matth. 20, 15.

<sup>2</sup> Luc. 13, 11.

<sup>3</sup> Is. 51, 23.

laten. Ist dattu gheesteliken upstaest unde quaet mydest  
 eder sunde latest, so merke doch dyn in wendiche andacht,  
 waer umme du quaet latest. Doestu dat ut anxt der verman-  
 ninghe in den cappittel of in den heymelike of doestu dat  
 5 umme pyne daermede te untgaene der penitencien in tijt  
 of in den veghevur off helle in ewicheit, doestu oick dat  
 umme schanden te untkomene voer den luden, claeरlike dyn  
 upstaen is guet, mer dyne oghen dyner andacht syn neder  
 ghekeert up dy selven bughende. Item, alstu guet doest,  
 10 merke dyn rechte waer umme. Ist<sup>1\*</sup> dattu doest um ere  
 in tijt vor den luden, um guet gheruchte dyns selves, um  
 loen in tijt unde in ewicheit, och dyn voertgaen is guet, dyn  
 hand is recht, mer dyn oghe is krumme, weder dy selven  
 neder bughet, dyns selves bate soekende. Item, alstu quaet  
 15 lydest in duldiciteit, dyn ghemoede druckende unde dyn  
 weder wrade sturende um dyns selves ere daermede te  
 bewarene, dattu gheen kyver, gheen weldener, gheen kribbe  
 katte en willest heten, so is dyn lijf over all recht up-  
 staende, mer dyn oghe is over all krumme, ghebughet up  
 20 dy selven. Nochtan ist lijdelike unde oick somtijt prijsse-  
 lick, dat somyghe lude quaet laten, guet doen unde oick  
 quaet lijden um desse ghenoemede saken, alsoe dat se daer  
 mede beghynnen int eerste, mer se en sullen daer nicht by  
 blyven. Gregorius secht:<sup>1</sup> Al hebben somyghe lude een guet  
 25 leven begunnen um ere desser tijt, nochtan sullen se voer-  
 gaen ut desser unrechten andacht in een guede, rechte me-  
 nynghe in ewicheit. O ynnighe sele, dan is dyn oghe  
 recht, dyn andacht guet, gode behachlick, dy selven salich  
 in tijt unde in ewicheit, alstu over all in quaet te latene, in  
 30 guet te doene unde in unrecht te lydene nicht en soekest  
 dyns selves vordel, ere, bate, gunste, prijs, lof, loen in tijt  
 unde in ewicheit, mer puerlike allene dattu daermede ver-  
 soekest godes versonynge, vrenschop, behach, dancken,

<sup>1\*</sup> B. is

<sup>1</sup> ML. 76, 1124 Hom. 13 in Evang. n. 2 „Qui etsi quaedam  
bona pro mundi hujus honestate inchoat, in ejus tamen  
intentione non debet permanere...“

loven, eren, benedijen unde syn aller levesten willen also  
 to vullenbrenghen in tijt unde in ewicheit. De rechte waer-  
 achtighe leefte godes unde de huerlinghe leefte godes syn  
 over all ghelyc in den werken, mer overmits de andacht  
 5 werden se ghescheyden; de ene soeket godes behach, de  
 ander eers selves loen. Hijr mede werden underscheydet  
 de kynder des lechtes unde de kynder der duysterheit, de  
 borghers van jherusalem vanden burgors van babylonien,  
 de bucke vanden schapen, de wyse juncferen vanden dwa-  
 10 sen, de knechte davids vanden knechten sauls, de guede  
 vissche vanden quaden. O edele sele, dyn oghe sy recht  
 upstaende unde van dy ghekeert in god, alsoe dattu oick  
 dy selven nicht en soekest in dyn doen unde dyn laten, mer  
 allene den willen godes in tijt unde in ewicheit. Vele lude  
 15 doen vele groter werken. Se hoeden em voer sunden up  
 dat se nicht in eer herte beswoert en werden, want alle mis-  
 daet brenghet een bitterheit in de edel zele. Augustinus  
 secht:<sup>1</sup> O god, du hebst dat alsoe gheschicket dat alle ver-  
 keert herte em selven is last unde pyne. Um desse in wen-  
 20 dighe bitterheit, van sunden komende, hoeden em somygh  
 lude voer quaet unde um ander last unde pyne, de daer  
 nae volghet in bijechten, in penitencien unde rechtveerdighe  
 wrade over sunde in tijt of in ewicheit. O arme knecht  
 godes, du denest den oversten keyser in den velde, in den  
 25 stryde teghen syne vyanden, nicht um syn behaghen, mer  
 allene um dy selven, dattu blyvest ungheslaghen. Dyn loen  
 unfanghestu in tijt, um dat dyn andacht is in tijt, ansiende  
 dysns selves vrijheit van allen schanden unde laster voer  
 den luden, van all bestaffen, schelden, verspreken int hey-  
 30 melike, int apenbaer, de dy overkomen mochten van sun-  
 den. Och dit is armer lude werck. Desse schynen rechtveerdich  
 voer den menschen, de allene ordelen van buten na  
 den aensichte. Waerlike de boem moet te hant versoren unde  
 blijft sunder vrucht als syn wortel is unghesund buten  
 35 der eerden, in de lucht. Aldus wort mennich werck ghedaen  
 sunder verdenst, als dat

<sup>1</sup> Cf. ML. 38, 297 *Sermo in nativ. bb. Petri et Pauli III.*  
 Cf. 36, 124. *Enarr. in Ps. IX n. 15 „servetur poena peccatori de operibus suis.“*

nicht en is ghewortelt in der leeften godes. Gregorius  
 secht:<sup>1</sup> Ghelijc als ut der wortelen des boemes groyen,  
 bloyen, twyger unde vrucht komet, also komet alle doghede  
 ut der leeften godes. Paulus<sup>2</sup> <sup>1\*</sup> noemet vele dogheden  
 5 unde groter werken, de altomael verloren werden, ten sy  
 dat se vullenbracht werden in der leeften godes. Och woe  
 vele lude verlaten de werlt myt all dat se kan gheven unde  
 loven: vrende, mage unde all dat natuerlick unde begheer-  
 lick is unde ghenoechlic; dat laten se achter rugge, myt  
 10 vlyte em selven bewarende van quaet voertgaen se int  
 gheestelike leven over all ghehoersam, sunder eeghen, in  
 reynicheit, strenghe holdende dat em ghescreven unde ghe-  
 boden is. Och dit is over all wall ghedaen, nochtan umme  
 dat se em selven over all hijr in soeken, eers selves bate,  
 15 lof, vordel in tijt of in ewicheit, claeरlike daermede ver-  
 krympen se eer loen. Eer hande, voete, lijff unde lede syn  
 up ghestaen vanden quade int guet, mer eer oghe is noch  
 unrecht, unreyne, to em selven ghekeert, um dat se quaet  
 laten up dat se nicht<sup>2\*</sup> daermede untfanghen dat in wen-  
 20 dighe knaghen unde bitter knarren of pyne in tijt of in  
 ewicheit, unde guet doen um in wendighe soticheit eder  
 bate in tijt of in ewicheit. Och en were gheen helle, daer  
 men quaet pyneghet, se en wolden gheen sunde laten; were  
 gheen hemel, daer men guet loent, se en wolden gene do-  
 25 gheden doen. Merke doch, o ynnighe sele, natuerlike merke  
 enen deeff, de allene daer umme syn stelen laet, dat he  
 nicht en werde ghehanghen an de galghe, een moerdener  
 holdet syne handen, besorghet dat he daermede solde komen  
 up een rad. Also ist myt allen boesheyden, de ellic mydet  
 30 um de pyne, schade unde schande, de daer af komet. Och  
 wat rechtveerdicheit is daer in den herten in der waerheit  
 al schynen se<sup>3\*</sup> guet voer den luden. Des ghelikes een ruter  
 of een ridder, den keyser denende umme loen off umme  
 soldije, als he betaelt is, so is all de vrenschap ut tusschen  
 35 den keyser unde em. Natuerlike

<sup>1\*</sup> B. † secht      <sup>2\*</sup> B. — nicht      <sup>3\*</sup> B. — se

<sup>1</sup> ML. 76, 1205, XL Hom. in Evang. Lib. II. Hom. 27. n. 1.

„ut enim multi arboris rami ex una radice prodeunt, sic multae virtutes ex una charitate generantur.“

<sup>2</sup> I. Cor. 13, 1 ff.

ellic huerlynck of denst mensche, de um loen aerbeydet, de  
 maket syns selves werck groet unde kostel um groter loen  
 um ghyricheit syns herten, mer de rechten mynlien kynder  
 achten eers selves aerbeyt kleyne umme groetheit der leef-  
 5 ten eers herten, allene begherende des aller levesten vaders  
 willen te doene, allene um syn behach.

O ynnighe sele, dat syn hoghe punten, daer ellic godes  
 kynd nae aerbeyden soll. Nicht dat de anxt godes kleyne  
 sy te achtene, daermen elliche sunde umme myden soll, noch  
 10 de begheerte des ewyghen loens versmadelick, daer ellic  
 dogede umme doet, mer overmits de anxt godes soll ellic  
 em selven kerden vanden quadern unde mytter begheerten  
 ewighen loens sal he werden ghetrecket an dat guet.  
 Nochtan up dat he voertgae to vullenkommenheit so en sal  
 15 he entlike nicht staen int ende in anxt noch in hope, mer  
 in leeften allene umme godes behach. Claerlike anders is  
 he een knecht of een huerlynck, em selven soekende in  
 syn doen<sup>1\*</sup> unde laten unde gheen kynd of erfghename sa-  
 lich in tijt unde in ewicheit. Hijr umme, o mynlike sele, in  
 20 dyn guede werken en wil nicht entlike soeken dyn in wen-  
 dighe vrede, soticheit gheesteliker ghenoechte of hilghe  
 welden, alsoe dattu daer umme allene guet doest unde alstu  
 des nicht untfanghen en mochtest, soe woldestu dyn gude  
 werken nae laten. Och staestu alsoe, soe soekestu dy sel-  
 25 ven, du hebst dyn loen untfanghen, god en is dy nicht meer  
 schuldich. Nym to dy dat dyn is unde gae dynen wech  
 arm in tijt unde in ewicheit, um dattu dyns selves bate  
 untfangest, de du allene soekest. Aldusdanich smaken in  
 wendigher soter ghenoechten untfanghen oick somtijt de  
 30 vyanden godes in tijt, nochtan syn se arm in ewicheit, em  
 selven soekende in tijt um dat se god verkesen in ewic-  
 heit. David secht:<sup>1</sup> des heren vyanden hebben em ghelogen,  
 eer tijt sal wesen in ewicheit. He heeft se ghespyset myt  
 vetticheit des weytes unde myt honich ut den steen heeft  
 35 he se versadet. Och merke dit milde begaven des heren  
 up syne

<sup>1\*</sup> B. † doen

<sup>1</sup> Ps. 80, 16.

vyanden de em alto vake hebben ghelogen, als se guet up  
 setten unde nicht en deden, eer tijt sal wesen in ewicheit,  
 want se nicht en moeghen vergaen. De here heeft se ge-  
 spyset nicht myt stroe, myt kaf, myt bulsteren of myt  
 5 klyen utwendighes, lijflikes of wertliken troestes, de magher  
 syn, ydel, licht, drijflick voer den wynde des aventuers, up,  
 neder, in den dreck, under de voete, up den berch over  
 all unstadich unde nummer sadich, mer ut vetticheit des  
 weytes in wendigher ghenochten in resten, in vreden des  
 10 gheestes unde myt honich der soticheit, ut den stene vlo-  
 yende, dat is, ut cristo jhesu untelliker soticheit in tijt,  
 nochtan syn se unsalich in ewicheit um dat se godes vy-  
 anden syn, em lyeghende, mer em selven bedreghende. O sa-  
 lighe sele, en achte ghen loen noch in tijt noch in ewicheit,  
 15 mer allene godes willen unde behach over al int quaet te  
 latene, int guet te doene et sy dy sote of soer, licht of  
 swoer. Dan moet god selven dyn loen wesen. Versake dy  
 selven, wes dynen heren ghetruwe ter doet, dan moet he  
 dy gheven de crone des levens. Al bistu in ghegaen in sy-  
 20 nen wyngaerden, ghehuert um den daghelikes pennynck,  
 aerbeyde myt vlyte, mer ghif em weder synen daghelikes  
 pennynck, entlike soekende nicht syn loen, mer syn be-  
 hach, syn mynlike vrendeliciteit, dan moet he dy gheven  
 em selven, den du allene entlike soekest allene um syns  
 25 selves guetheit in tijt unde in ewicheit. Augustinus secht:<sup>1</sup>  
 In all unsen aerbeyd sullen wy godes vrentschop unde leefte  
 soeken unde unse loen sal he selven wesen. David<sup>2</sup> secht:  
 Een dyngh heb ick ghebeden vanden heren, dat ick moghe  
 wonen in syn hues all myn leven lanck unde sien daer den  
 30 willen des heren. Och dit is dyn uterste andacht, o david,  
 o man, behachlic den heren, dattu moeghest syen den willen  
 des heren. Daer umme bedestu oick up een ander stede  
 aldus:<sup>3</sup> o god, lere my dynen willen, wanttu myn god bist.  
 Claerlike den willen godes sullen wy al-

<sup>1</sup> ML. 40, 448, *Liber de bono viduitatis*, c. 21, n. 26. Cf.  
 36, 928 „Praemium Dei, ipse Deus est.“ 38, 905 Serm. 165  
 a. IV, n. 4 „Si amas, gratis ama: si vere amas ipse sit mer-  
 ces quem amas.“

<sup>2</sup> Ps. 26, 4.      <sup>3</sup> Ps. 142, 10.

le unde ellick doen nicht entlike daer umme dat wy buten  
 der hellen blyven, noch dat wy int hemelrijke komen, noch  
 um leet noch um leeff, mer allene um dat he unse god is,  
 daer wy alle unse wesen, unse leven, unse vermoghen van  
 5 hebben untfanghen, dat wy em van rechte sullen weder  
 offeren als unsen rechten leenheren, em dyenende, synen  
 willen doende, syn behach soekende, syn mishach mydende  
 um dat he unse god is. Och kundestu merken, o ynnighe  
 sele, wo god alheel dyn is unde dy is, over all dy besor-  
 10 ghende ut syn gansse herte, ut syn mynlike andacht dyn  
 salicheit in tijt unde in ewicheit. Claerlike dan soldestu bo-  
 ven all verwonderen syn ghenadighe andacht up dy unde alto  
 kleyne rekenen dynen armen dienst na den willen syner weer-  
 dicheit. Also sprac de mynnende sele in den boeke der leeften:  
 15 Myn ghemynnede my unde ic em. In den selven boeke secht se  
 up een ander stede:<sup>2</sup> Ic byn mynen ghemynnen unde syn  
 ancker is weder up my. Dat is, god is my all in all um syns  
 selves guetheit; he begavet my, he verluchtet my, he be-  
 schermet my, he besorghet my, he spyset my, he salighet  
 20 my, he sadet my myt syn mildicheit, claerheit, waer-  
 heit, moghentheit,<sup>1\*</sup> truwicheit, rijcheit, vulheit allene um  
 syns selves milde mynlicheit unde mynlike mildicheit. He  
 bewaert my over all of he anders nicht te doene en hadde,  
 dan syne oghen stedeliken te kerene allene an<sup>2\*</sup> my. Also  
 25 mynnet he oick my myt synen ganssen vullen herten of ick  
 allene van em worde ghemynnet. In syn aller mynnesten  
 gaven is syn allermeeste leefte up my. Och aldus is he<sup>3\*</sup>  
 myn. Daer umme solde ick ummer em oick wesen na alle  
 mynen kennen, mynnen, vermoghen, wesen unde leven  
 30 allene over all sokende syn behach in tijt unde in ewicheit  
 sunder ansien entlike yenighes loens in tijt unde in ewic-  
 heit. O edele sele, o mynlike bruet godes, alstu soekest  
 dyns selves ghenoechte in gheesteliken inwendighen welden,  
 daer entliken

<sup>1\*</sup> B. moghent

<sup>1</sup> Cant. 2, 16.

<sup>2\*</sup> B. — an

<sup>2</sup> Cant. 7, 10.

<sup>3\*</sup> B. —he

in rastende, och dat is anxtelick, wanttu daermede mocht  
 test vallen in vele ghebreken. Als eerst in gheestelike ho-  
 verdye unde ydel glorie, dy selven groet holdende, de  
 doch nicht en bist by dy selven, in dy selven behaghende,  
 5 ander lude versmadende, de alsulke gracie nicht en heb-  
 ben. Item, in gheestelike ghirycheit, alstu meer unde meer  
 gapest nae in wendich gheestelic guet der ynnicheit, der  
 soticheit boven noet unde buten godes behach. Item, in  
 gheesteliken gulsicheit dyns selves sinlicheit willen lecker-  
 like spysen myt gheesteliker wallust. Och hoede dy, dattu  
 de peerle nicht en werpest voer de verkene, dattu oick der  
 kynder broet nicht en gevest den hunden. Item, in tornic-  
 heit als desse gracie dy untkomen wort, dattu dan un-  
 duldich werdest, prattich, prulich, mulich, stuer unde wreest  
 10 over alle dynen naebuers; unghenoechlike, knarrich als een  
 dorre waghen, als een unghesmeerde kaer over all lastich  
 meer allermeest dy selven.  
 Item, in nydicheit, also dattu ander lude vergunnest dat  
 se gracie hebben, de dy untkomen of untnomen is unde daer  
 20 umme se vervolghest myt achter clappe, myt verwyten, myt  
 loeghene, myt droghene. Item, in traechheit, um dattu over-  
 mits desse gracie een valsche betruwen kryghest in dy  
 selven, recht oftu groet sijst by den heren oftu sijst hues  
 ghesynne des oversten keysers, een tafel ghenoete der  
 25 hilghen engelen, recht oftu gode selven by den voeten  
 hebst unde voert nicht meer en dorvest aerbeyden in ghe-  
 esteliker oefnynghen in den wyngaerden des heren, myt  
 marien magdalenen dy selven settende by den voeten  
 cristi unde myt marthen alle in wendighe verdensten my-  
 30 dende. Item, du vallest oick in gheestelick overspill over-  
 mits dyne genochten in dyns brudegoms gaven meer dan in  
 em selven. Al syn syne gaven kostel, nochtan is de ghever  
 beter. O unreyne bruet, alstu verkesest dyns brudegoms

geld, guet unde gaven boven em selven. Aldus sal ellic  
 daer nae aerbeyden, dat syn oghe reyne sy unde syn an-  
 dacht sy ghekeert van allen creaturen unde allermeest van  
 em selven an god, umme god, in god. We een discipel cristi  
 5 will wesen, de moet all dyngh laten unde volghen em. Na-  
 tuerlike de schutte setten een teyken daer se nae schy-  
 ten, ellic nae synen vermoghen, nochtan en kunnen se allen  
 dat teyken nicht raeken, mer we daer naest kan komen myt  
 synen bolte, dat is de meyster. O alle gheestelike schutte,  
 10 keert Yu oghe anden teyken myt vlyte, stuert Yu bolte in  
 dat witte, stuert Yu andacht puerlike, entlike unde stade-  
 like an god allene um syn behach sunder anseen in tijt unde  
 in ewicheit. Och dat oghe is lichtelike dreyelic hijr unde  
 daer, mer myt vlyte moet ellic syn andacht vernyen in  
 15 god, um god, echter unde oick dan mach he nae schyeten  
 int witte. In den boeke der leeften staet,<sup>1</sup> dat de mynnende  
 sele styghet up ghelyc als een roeck. O mynnende sele,  
 dyn brudegom ghift ghetuych van dy, dattu alheel  
 schoene bist unde gheen vlecke en is in dy. Dyne oghen  
 20 synt als druyen in mellick ghewasschen over all reyne,  
 nochtan is dyn upstygen ghelyc als roeck, de natuerlike up  
 styghet ut hetten, int hoge saetliken upstyghende, mer den  
 selven roeck mach ellick kleyne blasen dryven hijr unde  
 daer, syn upstyghen lichtelike hynderende. Mer de roeck  
 25 styghet alto hand een luttel hogher unde echter word he  
 verslagen van een kleyne wyndeken unde weder staet he  
 up syn styghen. O edele bruet, dyn herte is vull vuers, dyn  
 roeck is sterck, dyn styghen is satich. Och woe mach dan  
 menich arm, koelt herte up komen. Nochtan nemand en  
 30 sal verslaghen wesen, all komet sterck wynd, swoere be-  
 korynghe unde slaet dynen roeck neder. O ynnighe sele,  
 stae altijt weder up, kere dyn oghe an god, make dyn an-  
 dacht reyne, vernye dyn upsette, dattu vroemorghens up-  
 staest in den wyngaerden, dyne voete treckende ut den  
 35 drecke, dyne handen schickende in guede werken, dyn oghe  
 sympel makende in

<sup>1</sup> *Cant. 3, 6.*

rechter andacht allene overmits godes guetheit, mildicheit, mynlicheit benedijt in tijt unde in ewicheit.

### XVIII. Kap.

Woe unse herte soll recht wesen to gode unde nicht neder  
5 ghebughet tot tijtliken ghenoechten der werlt.

Daer nae salstu up staen, o ynnighe sele, myt dyn herte,  
daer de meeste macht an leghet, dat oick boven all dyn  
herte recht sy. By dyn herte salstu verstaen dyn leefte.  
Jeremias claghet,<sup>1</sup> dat syn herte is neder ghebughet unde  
10 umme ghestort in em selven, dat is, syn leefte is ghekeert  
vanden hoeghen, ewighen dynghen in nederheit tijtliker  
dynghen. God secht doer den propheten Johel:<sup>2</sup> Keert yu  
to my in yu gansse herte undet snydet yu herte unde  
nicht yu cleder. O edele sele, merke dysns selves herte dat  
15 staet in natuerlichen crachten als in leefte, in anxte, in  
hope, in droefheit, in vrolicheit. Desse natuerlike crachten  
syn dyn gansse herte. In dessen crachten kere dy an god  
so vervullestu dit ghebot: keert yu to my in yu gansse  
herte. Keer an god dyn leefte alsoe dattu nicht en mynnest  
20 dan god of um god unde in god, al dat dy mach vorderen  
an god, dat salstu leefhebben, unde all dat dy daer an  
hyndert, dat salstu haten unde anders nicht. Aldus salstu  
anxt hebben unde besorghet wesen voer all dat dy mach  
af scheyden van god, anders en salstu oick nicht hopen,  
25 dan dat dy mach behulpelick wesen in den wech godes;  
anders en solde dy gheen dyngh bedrucken of bedroven,  
dan dat dy ghehyndert heeft in der leeften godes; noch  
dyn herte en solde nerghent blijschop soeken, noch  
vrolicheit untfanghen, dan in den punten, de dy helpen,  
30 dattu gode behaghest unde angheneme mochtest werden  
in syner graciën in tijt unde glorien in ewicheit.

Aldus bekeer dy an god in dyn gansse herte, dan vulbren-  
gestu dat eerste unde meeste ghebot, leefhebbende dynen  
heren, dynen god ut dynen ganssen herten. Dit gansse  
35 herte salstu

<sup>1</sup> Klg. 1, 20.

<sup>2</sup> Joel 2, 13.

oick snyden<sup>1\*</sup> overmits af scheyden desser natuerliken crachten van all dat beneden god is, dat is, van der werlt unde all eer ghenoechte, de se kan gheven unde loven unde aller creaturen unbehoerlike leefte unde sundelike anhanghen.  
 5 Och snydet<sup>2\*</sup> dyn herte in kleynen stucken, also dat daer ut lope alle quaet bloet dan machstu oick dynen heren gheven dyn reyne herte salich in tijt unde in ewicheit, um dattu em dan moghest sien, hijr mytten lechte des ghe-loven in tijt unde mytten oghen des apenbaren kennens in  
 10 ewicheit. Daer in staet dat ewighe leven, dattu kennen moghest den vader in der godheit unde synen soene, den he ghesand heeft, desse werlt te versoenen unde te verlossen allene ut syn guetheit um dyn salicheit in tijt unde in ewicheit. Natuerlike dyn herte hanghet in dyn lijff, beneden  
 15 enge, smal, scharp, sunder rasten, mer boven breet, groet, wijd, ghehechtet unde hangende. Daer by machstu verstaen, o ynnighe sele, dat dyn leefte sal wesen kleyne, smaell unde kort to all dat beneden god is, hangende sunder raste, nerghen ghenoechte soekende entlike in gheen  
 20 gheschapen dynghen, mer boven wijd unde groet, alheel hangende in god, um god unde all dat dy mach trecken an god. Och daer sy dyn raste, daer sy dyn leefte, daer sy dyn hanghen, daer sy dyn verlanghen, dyn kennen, dyn mynnen, dyn dencken, dancken, dyn rechte waer umme in  
 25 al dyn doen unde laten, dyn entlike andacht. Dan is dyn leefte smael beneden unde boven wijd utghedreven, dan machstu over all in ghenoechten leven salich in tijt unde in ewicheit.

### XIX. Kap.

30 Kennelic dat wy cristum unse herte sullen gheven, dat he begheert to ener utverkoernen spysen.

O ynnighe sele, nu salstu gode dyn herte gheven um velen saken. Eerst um dys hertes eeghen schick unde ghedaente under enghe, boven groet als ghesecht is kort hijr voer.  
 35 Daer nae allermeest umme dat he dyn herte alsoe herteliken begheert, seggende:<sup>1</sup> kynd ghiff

<sup>1\*</sup> B. *smyden*

<sup>2\*</sup> B. *smydet*

<sup>1</sup> Prov. 23, 26.

my dyn herte. Natuerlike de edele valke als he ghevangen  
heeft enen hasen of ene duve of ene ander dere of wilt,  
mytten eersten houwet he em<sup>1\*</sup> doer de borst mytten  
nybben unde nemet daer ut allene dat herte, dat is syn  
5 utverkoerne spyse unde all dat ander vleyssche unde lijff  
en achtet he nicht dan allene dat herte is em ghenoech.  
Och god almechtich, du en behoevest nicht uns<sup>2\*</sup> guedes,  
noch werke, noch doen, noch laten, in dy selven rijke unde  
salich. O fonteyne aller guetheit, vulheit, ghenoechlicheit,  
10 salicheit, nochtan soekestu unse herte, dat is dyn spyse, dyn  
ghenoechte, dyn soticheit allene um dyn guetheit um unse  
salicheit. Och woldestu doch mytten nybbe dyner myn-  
licheit unse dicke, viltighe, harde borst doer houwen, dattu  
also mochtest komen an dyn begheerlike spyse, unse herte.  
15 Claerlike du bickest sunder up holden nae unse herte dat  
over all vast unde bemuert staet in unse borst, ghelyc als  
up syne borch tusschen rugghe unde ribben unde alle ve-  
stynge in den middel, int aller sterkeste unses lichames.  
Nochtan hebstu mennich herte daer ut ghetrecket ut syns  
20 selvers styve hardicheit myt dyn ghenadighe, stadighe bic-  
ken. O aller edelste valke, en wil my allene nicht versma-  
den, all is myn herte snode, over all unweerdich dyner  
edelheit unde dyner hoecheit, nochtan is dyn ghenadicheit  
allermeest kentlick, lovelick, mynlic, over all danckelick  
25 nicht allene in dyses selvers hoghe weerdicheit unde weerde  
hoecheit, mer oick in myn aller depeste nederheit, unreyn-  
niciteit, snoetheit. O edele valke, dyn bicken na unsen her-  
ten is boven maten wonderlick unde mynlick up uns. Van  
achter up den rugghe bickestu, overmits dattu uns te ken-  
30 nen ghevest unse verledene quaetheit, daer mede wy heb-  
ben verloren dyne gracie unde glorie. Van voer bickestu  
uns, vertonende de anstaende ewicheit in pynen of in vro-  
licheit nae unsen ver-

<sup>1\*</sup> B. † dat herte<sup>2\*</sup> unses (?)

diensten. Vander luchter sijd bickestu uns myt ungelucke,  
 wederstoet, wedermoet, krancheit unde unwillen van mennighen  
 saken. Up de rechter hant houwestu soetlike myt dynen  
 gaven in lijff, in sele, in ghelucke, in voerspoet, in  
 5 gracien in tijt unde in ewicheit. Van boven myt loften unde  
 van beneden myt noetdruften. Och all dattu uns doest  
 myt dynen gheboden, myt dynen verboden, myt gheisselen,  
 myt gracien, myt gaven, datt doestu over all um unse leefte,  
 bickende over all up uns um unse herte, o edele valke,  
 10 o god almechtich benedijt in tijt unde in ewicheit. O yn-  
 nighe sele, en laet den edelen valke doch nicht langher  
 bicken, ghiff em dyn herte, dan is he to vreden, en laet  
 den ewighen keyser doch nicht langher stormen de borch  
 dys herten. Och he heeft daer groet kost unde aerbeyd an  
 15 ghelecht, dyn slot beleggende, dyn borch te wynnene, dyn  
 leefte begherende. Daer heeft he alto vake in gheschoten  
 mytter bussen syner moghentheit, mytten pyle syner scherpen  
 strenghicheit, mytten vuer syner mynlicheit. Och laet  
 em in den slot, up de borch, dat he dyn krancheit bescher-  
 20 me, dyn armoede rijke unde dyn dunckerheit verluchte.  
 Oick en will doch dynen aller mynlikeste brudegom nicht  
 langher laten staen buten de kamer dys herten, he cloppet  
 an de doer, he begheert in te gane nae syn godlike almech-  
 ticheit, wijsheit, waerheit, teghenwoerdicheit, want he heeft  
 25 davids slotel, wat he up slutet, dat en mach nemand to  
 sluten, unde all dat he to slutet, dat en mach nemand up  
 sluten als Johannes sach unde screef.<sup>1</sup> Nochtan en will  
 he nerghent in gaen nae syn ghenadiciteit, ten sy datmen  
 em daer in late na unses willen vrijheit. He begheert in  
 30 te gaene unde te rastene in dat kamerken dys herten, up  
 dat beddiken dyner leeften. Waerlike sunder em. bistu  
 snode, arm, blynd, unsalich in tijt unde in ewicheit. Och  
 hore wat he selven secht van em selven.<sup>2</sup> Sich ick stae voer  
 de doer<sup>1\*</sup>

<sup>1\*</sup> B. — de doer

<sup>1</sup> Apoc. 3, 7.

<sup>2</sup> Apoc. 3, 20.

unde cloppe. Is yemant de my in late, so gae ick to em  
 in syn hues unde ete myt em unde he myt my. O arme sele,  
 all is dyn herte ungheschicket, dyn hues unvercijrt, dyn  
 kamer unbequeme, dyn koekene magher, dyn spyse un-  
 5 smakelick, nochtan untfanghe dynen brudegom to dyn snoet-  
 heit. Och he kan dat alto samen verbeterene myt syn guet-  
 heit, rijcheit, mynlicheit, mildicheit. In den boeke der leef-  
 ten staet,<sup>1</sup> dat de ewighe brudegom staet achter unse wand,  
 he kijket doer de vynsteren. Och unse want is unse snode  
 10 leven, ghemalet van leemen der unreynicheit of van stenen  
 der koelden, harden, sworen boesheit. O ynnighe sele, hou-  
 we dyne want doer mytter bylen der rechten penitencien,  
 dat se neder storte mytter haeste unde dan gaet dyn bru-  
 degom snel to dy in dyn hues, dat he doch altijt bereyt is  
 15 te doene, alstu dyn hynder unde syn af nemest. In den  
 boeke der leeften secht he selven to syn bruet, der myn-  
 nenden selen:<sup>2</sup> o myn vrendynne, myn bruet, myn suster  
 staet up unde laet my in. Claerlike he is over all mechthich,  
 alle kameren, burghe, huse unde slote up te slutene unde  
 20 daer in te gane na syn godlike almechticheit. Al dat he  
 slutet, dat en kan nemant untsluten unde all dat he un-  
 slutet, dat en kan nemant to sluten, als hijr kort to voren  
 steyt. Hijr umme, o edele sele, en laet em nicht lan-  
 ghe cloppen an de doere dyns vulboerde, daer he alto vake  
 25 an slaet unde clopet mytten hamer syner strenghicheit,  
 dat he dy mochte ververen overmits kennen dyns selves  
 quaetheit. He clopet daer mytter kusen syner rechtveer-  
 dicheit, dat he dy mochte wecken ut den slape dyns  
 traechheit, anghesien dyn rechtveerdighe verdoemenissen um  
 30 dyns selves boesheit. Alstu dan sunder achte verslapest  
 unde versumest syn cloppen mytten yseren, strenghen ha-  
 mer unde oick der langhen kusen der ewighen pynen

<sup>1</sup> Cant. 2, 9.

<sup>2</sup> Cant. 5, 2.

um dyn langhe quaetheit soe cloppet he noch ten lesten  
 sotelike mytter hant syner mildicheit, um te vermanen dyn  
 undancbaerheit. Och dan staet he nae by dyne vynsteren,  
 um dat he untfanghen heeft dyn natuerlike menscheit nicht  
 5 allene na edelheit dyner inwendicheit in crachten der selen,  
 mer oick nae dyn utwendicheit<sup>1</sup> unde lijflicheit in all dynen  
 synnen van buten. Waerlike soe is he dy wonderlike nae  
 ghekomen, all dyn wesen an em selven nemende in eenheit  
 der personen, over all nicht verlatende dat yenighes syn-  
 10 nes hoert to waerheit unde heelheit unser selen unde li-  
 chames unde alheel nakende unde apenbarende em selven  
 dynen crachten, dynen synnen bynnen unde buten. Also  
 dattu em moeghest kennen, mynnen, dencken, dancken, roe-  
 ren, tasten, sien unde horen. Och merke doch dat he aldus  
 15 guetlike nae by komet by dynen vynsteren, kort, vast an  
 de want. Daer cloppet he sotelike mytter hand syner mil-  
 dicheit um te weckene dyn undancbaerheit aldus sprekende  
 myt syner stemmen soticheit:<sup>1</sup> laet my in de kamer dyns  
 herten, o myn suster, merkende dat ick dyn broeder byn  
 20 in dyn natuer de ic<sup>2</sup>\* dyn unde aller dyngen schepper  
 byn nae myn godheit. Laet my in, o myn bruet, aensiende  
 dat ick dy hebbe verkoren ut all unde boven all dynck dy  
 cijrende myt all dat een edel bruet behovet unde dy myn-  
 nende ut myn gansse herte mytter aller sterkesten leeften  
 25 allene um dyn salicheit ut myns selves ghenadicheit. O myn  
 bruet, du bist my unde ick byn dy. Myn erftal unde al myn  
 guet is dyn, ist<sup>3</sup>\* dattu blyvest myn bruet, vast in myn  
 leefte in tijt unde in ewicheit. O laet my in, myn vrendynne,  
 myn duve, myn schoene. Ic stae by der wand in der drup-  
 30 pen, myn hovet is bedouwet, myn haer is vull van dropen  
 der nachten. O edele sele du salst dynen brudegom snel  
 daer in laten, um dat he is alheel begheerlick. In den boeke  
 der leeften staet,<sup>2</sup> dat de mynnende sele sprac: myn leef  
 cloppede, ick

<sup>1\*</sup> B. inwendicheit

<sup>2\*</sup> B. — ic

<sup>3\*</sup> B. is

<sup>1</sup> Cant. 8, 1.

<sup>2</sup> Cant. 5, 2.

hoerde syn stemme, ick stond up, em in te latene, ic hadde den grundel af gheschoven; myne hande drupeden van myrren unde myn vyngher weren vull myrren, de allermeest gheproevet was, ic opende em myn doer, um em in te la-  
 5 tene unde he was hen ghegaen unde ic en mochte em nicht kryghen; ic sprack: ick will up staen unde soeken em doer steghen, doer straten of ick em mochte vynden. Och du edele bruet des keysers aller konynghen, o mynnende sele, claerlike du haddest dy over all wall berey whole dynen  
 10 vermoghen, nochtan moestu untberen dyns gemynneden in komen unde teghenwoerdicheit. Och hijr mede werden ghetroestet alle devote herten unde alle ynnighe selen, als se oick werden verlaten van syn mynlike in gaen. Bernardus secht:<sup>1\*</sup> de ewige brudegom is over all begheerlick, mer  
 15 he is oick seer wonderlick. He komet somtijt to syner bruet, der mynnender selen, sunder voerraem, sunder vermoeden, sunder roepen, sunder eeschen allene ut syns selves guetheit. Mer up een ander tijt, als de sele eer heeft berey whole dynen  
 20 begheerte, myt bidden unde hopet em in te latene als he oick selven cloppet unde se em myt vrolicheit wil uplukken, dan is he van daer unde gaet voer by, syn bruet lantende in druck, in droefheit, in quellinghe, in groten aer-  
 25 beyd em weder te soekene. Och dit duet he oick somtijt synen aller levesten. Dit selve, als Lucas scrijft,<sup>2</sup> moste  
 oick lyden de allerwerdigheste unde leveste moeder maria, do se eer aller leveste kynd jhesum verloren hadde up de allermeeste hoechtyt van paschen, alsoe dat se drye daghe lanck em mosten soeken myt sworen aerbeyd, myt droe-  
 30 vighen herten. Daer umme was eer moederlike herte alsoe langhe in drucke, doe se em verloren hade up styghende in den tempel godes in der aller

<sup>1</sup> ML. 183, 1140 seq., Serm. 74 in *Canticum n. 3.* „It, et reddit pro beneplacito suo, quasi visitans diluculo, et subito probans...“

<sup>2</sup> Luc. 2, 43.

hillichsten steden. Mer doch nae groetheit eers druckles  
 in eer herte int verlesen eers kyndes was oick groetheit  
 des troestes, der vrolicheit unde gheesteliker ghenoechten  
 in den selven herte in den weder vynden eers aller levesten  
 5 kyndes. O ynnighe sele, dit sal dy troestelick wesen in  
 tijt dyns verlatens alstu over all na dynen vermoegen be-  
 reyt hebst dyns herten kamerken unde dat beddiken dyner  
 leeften, ut ganssen herten begherende in te nemene den  
 koninck der engelen, den brudegom dyner mynnen over-  
 10 mits untfanghen des hilghen sacramentes, of doch in wen-  
 dighen troest unde gracie van syner teghenwoerdicheit.  
 Och dan gaet he voer by. Du hopedest grote leckerie unde  
 soete ghenoechte, mer du moetest dy lyden myt speck unde  
 koell, myt kese unde broet all weert oick pasche dach. Dit  
 15 moet gheleden wesen, dattu dan anders nicht untfanghen  
 en moeghest dan magher, dorren, groeven kost ghelyck den  
 ghemeynen bueren. Du machst lesen, beden, prediken hoe-  
 ren, studiren, to kerken gaen, nyghen, bugen ghelyck den  
 anderen, mer int herte bistu hungherich nae edeler spy-  
 20 sen, de dy dan to veer is. Och dan is dynen wyn ghewandelt  
 in water, dyn gold is koper, dyn honich is bitter, dyn  
 weyte is kaf, dyn ghenoechte is arm. Dit doet de leefhebber  
 der menschen somtijt um ghebreck unde misdaet der selen,  
 in syner tornicheit van eer gaende. Bernardus secht:<sup>1</sup> de  
 25 sake dat de ewige brudegom syne bruut verlatet is hover-  
 dye, de in eer is of de in eer komen mochte. Daer umme  
 unttrecket he syne gracie mennighen menschen, want he  
 hoverdyne hatet. In der koninghen boeke staet,<sup>2</sup> dat David  
 vermaledyden de berghe van gelboe, dat se solden wesen  
 30 sunder douwe unde sunder reeghen,

<sup>1</sup> ML. 183, 1040 *Sermones in cantica, Serm. 54. n. 6. „Ob ipsorum superbiam transilit eos Sponsus...“*

<sup>2</sup> II. Reg. I, 21.

dat syn, homoedighe herten moten verdorren sunder gras,  
 sunder koerne, sunder kruet, sunder bloemen, sunder vrucht  
 als em de douwe unde reghen der godliken graciën nicht  
 en komet. Tusschen den berghen in den daele der oetmoe-  
 dicheit daer lopen de wateren der godliken graciën unde  
 de daelen sullen vloyen vull kostels weytes, sprac David  
 in den psalter.<sup>1</sup> In den boeke der leeften sprack de myn-  
 nende sele to eren brudegom ernstlike biddende aldus:<sup>2</sup>  
 O myn leef, den myn sele mynnet vertone my doch, waer  
 du wonest unde spysest in den middach. Och se wolde  
 daer altijt myt em wesen in den claeren kennen, int heete  
 hertelike mynnen. Mer he sprack weder to eer,<sup>3</sup> dat se solde  
 utgaen unde volghen de voetspoer der schapen overmits  
 oetmoedicheit unde lijdzaamheit, ghelyc als schape simpel  
 syn, oetmoedich unde duldich boven ander dieren. Aldus  
 ist claer, dat de ewige brudegom syne gracie nemet<sup>4</sup>\* som-  
 tijt up dat de bruet blyve in oetmoedicheit. Oick gaet he  
 somtijt vander selen unde laet se dorre, magher, hungher-  
 rich, nicht in syn tornicheit, mer um se te provene, eer  
 stanhafticheit daermede besoekende, eren dorst nae syn  
 weder komen alsoe verweckende.

David secht:<sup>4</sup> O here, en will doch nicht gaen van dynen  
 knechte in tornicheit, dat is, wilstu ummer my verlaten  
 ter tijt, soe en laet ummer dat nicht kommen ut myn quaet-  
 heit, mer beholden dyner vrendelicheit. Dan moet ick  
 lijdzaam wesen unde hungherich nae dyn wederkomende  
 mynlicheit, mildicheit, soticheit, guetheit benedijt in tijt  
 weder komen alsoe verweckende.

## XX. Kap.

Kennelic woe wy unse herte myt rechte sullen cristum lenen  
 unde ghenen creaturen der werlt.

Myt reden machstu merken, o ynnighe sele, dattu dyn her-  
 te salst up richten to gode unde dyn gheestelike upstaen  
 dys herten soll allene werden ghekeert an god. Eerst,

<sup>1\*</sup> B. utne nemet

<sup>1</sup> Ps. 103, 10. <sup>2</sup> Cant. 1, 6.

<sup>3</sup> Cant. 1, 7. <sup>4</sup> Ps. 26, 9.

wilstu dyn herte utlenen, dat salstu allene gode doen. Och  
 mennighe sele leent eer herte der werlt, den menschen, den  
 creaturen, eer leefte utlenende unde stortende up dynghen,  
 de beneden god syn. Waerlike daer woert eer herte un-  
 5 reyne, besubbet, bemuddet, te schoert, te broken, verkol-  
 det, verdunckert, unsalich unde unghesund weder komende  
 in syn nesteken, in syn kisteken, in syn kamerken, ghelyck  
 een schaep, dat ghelopen heeft doer busschen, doer broe-  
 mel unde doer doernen, daer syn wulle myt stucken blyvet  
 10 hanghen; unde dan komet dat schaep weder to hues naket,  
 bloet, ghewondet, unsalich. Seneca secht:<sup>1</sup> Also vake als ick  
 manck den menschen byn ghewesen, so byn ick mynre men-  
 sche weder to my selven ghekomen. Claerlike we syn  
 15 herte utleent overmits syn hertelick mynnen der creaturen,  
 de en kan daer sunder schaden nicht afkomen. Augustinus  
 secht:<sup>2</sup> O here, also vele mynre is myn leefte to dy, also  
 vele als ick ijcht mynne, dat ick umme dy nicht en mynne.  
 Hijr umme, o alle edele selen, o alle gheestelike menschen,  
 20 leent gode yu herten, dan werden ghy in yuwen herten  
 ghereyneghet van yuwen misdaden, ghetroestet van yu dro-  
 vicheit, ghesterket in yu krancheit over all ghehelpen na  
 all yu behoevicheit allene overmits syn guetheit, daer umme  
 benedijt in tijt unde in ewicheit. Item, o ynnighe sele, is  
 25 dyn herte te broken, soe keer dy an god unde brenghe  
 em dyn herte, dat he dat wedermake. Natuerlike alle  
 meysters mynnen eers selves werck ellic na syn kunst, ut  
 syns herten gunst, unde se en moeghen nicht lijden, dat  
 eer handwerck vergaet, mer als dat to broeken is, soe is  
 ellic bereyder unde behender weder te makene syns selves  
 30 werck dan een ander. O aller edelste meyster, hemel  
 unde eerde unde all eerheit hebstu gheformet unde  
 vercijrt, mer boven all unse herten hebstu also subtijlike,  
 kunstelike unde behendelike ghemaket, alsoe dat noch engel  
 noch mensche, noch gheen gheschapen

<sup>1</sup> Ep. I, 7, 1—3.

<sup>2</sup> ML. 32, 796, Conf., L. X, c. 29. „*Minus enim te amat qui tecum aliquid amat quod non propter te amat.*“

verstand en mach kennen unde doer sien; des menschen  
 herte is een deep putte, een unbevyndelike dunckerheit  
 unde een wonderlick afgrond allen oghen behalven allene  
 dy allene, o meyster aller kunsten, dy syn alle dynghen  
 5 naket, dy syn alle heymelike dynghen openbaer, unbedec-  
 ket unde over all claer, dy allene syn bekant aller herten  
 alle dancken, begheerten unde up setten. O aller hoechste  
 meyster, dyn gunst en is nicht cleyner dan dyn kunst.  
 Och myn herte is to broeken, ic en kan nicht vynden de dat  
 10 wedermaken wille noch kunne dan allene dy, alheel vull  
 wijsheyden unde mynlicheit unde moghentheit. Ic en will  
 anders ghenen meyster soeken, ic en kan oick dat loen  
 nicht betalen, noch myn ghebreck te grunde verclaghen, ic  
 kome to dyn guetheit. Myns herten ghebreck will doch  
 15 ghenadelike weder maken. Dyner wijsheit is allene bekant,  
 wat my lettet, dyner macht ist lichtelike te doene, dyner  
 milden mynlicheit unde mynlike mildicheit en darf ick  
 nicht lonen. Och du haddest myn herte int eerste wonder-  
 like ghemaket, dat ick myt myn quaetheit heb lelike mis-  
 20 maket, mer dyn guetheit en is nicht verkrumpen weder te  
 makene unde wall te rakene allene um dyn guetheit, en  
 wil my nicht laten in tijt noch in ewicheit. Ysayas scrijft,<sup>1</sup>  
 dat der dochter van syon herte is alheel to broken ghelyc  
 als een eerden pott breket in kleynen stucken, also dat daer  
 25 nicht en schaert en blyvet so groet, daermen een luttel  
 waters mede halen moghe utten putte of een luttel vuers  
 vanden heerde. O arme siele, als dyn herte aldus wort to  
 broeken, dattu daer mede nicht en kunnest draghen water  
 der ynnicheit noch vuer der mynlicheit over all dorre unde  
 30 koelt in dyn herte, dan salstu dyn te brokene herte bren-  
 ghen dynen eersten oversten meyster, de dyn herte eerst  
 makede unde mynnede. He is truwe up alle syne werken  
 boven alle meysters unde allermeest

<sup>1</sup> Is. 30, 14.

up dat menschelike herte te makene, te bewarene, te muerene, te mynnene unde oick weder to makene allene um syns selves guetheit. Waerlike syn kunst in dat herte des menschen gaet boven alle meysters alle kunst. David secht:<sup>1</sup>

5 dat god heeft ghemaket elkes menschen herte te sunderghen, ellic anders dan dat ander. Natuerlike int utwendighe aensichte der menschen heeft god wonderlike bewyset syn kunst, elken menschen unghelyck makende van den anderen, also dat van beghynne der werlt int ende nicht

10 en syn twe aensichte over all ghelyck. Noch vele meer kunstes heeft vertoent de overste meyster in den werc der menscheliken herten van bynnen, alsoe dat van beghynne der werlt int ende en synt twe herten nicht over all ghelyck van synne. O arme sele, dyn te broekene herte

15 brenghe dessen oversten meyster, um dat weder te makene. Jeremias secht:<sup>2</sup> ut godes ghebod ghenck ick int hues enes potmakers. Als he daer in quam unde sach des meysters werken, so makede de potmaker een vat. Als dat vat reyde was, so vel dat neder unde to brack in stucken. De mey-

20 ster nam de stucken unde makede daer af een ander vat up syn rad, alst em behaechlick was in syn oghen. O ewiche god, o aller beste meyster, du haddest int ende ghemaket unse herte boven maten kunstich unde kustel, nochtan is unse vatt neder ghevallen, unse herten synt to broeken up

25 den steen, up de eerde, in den dreck overmits unses selves quaetheit, hardicheit, ghyricheit unde unreynicheit. Och dyns selves mynlicheit dwanck dyn hoecheit neder te bughene to unse snoetheit. Du en mochtest nicht langher untholden dyn barmherticheit, ghenadelike aensiende unse unsalicit-

30 heit in tijt unde in ewicheit. Du nemest vander eerden de schaerde dyns vates, unses te broke-

<sup>1</sup> Ps. 32, 15.<sup>2</sup> Jer. 18, 1—4.

nen herten anderwerf hebstu de stucken weeck ghemaket  
in den water dyner ghenadicheit. Up dat rad dynes cruces  
hebstu dyn vat vernyet unde myt groter kost, myt lastigher  
aerbeyd hebstu daer unse herte weder ghemaket overmits  
5 dyn menscheit, dan du to voren alle creaturen haddest  
gheschapen na dyn godheit. In den oven dyns herten in  
den vuer dyner leeften hebstu dynen pot ghebacken, unse  
herten sterck ghemaket teghen alle stote, slaghe unde neder  
vallende breken aller bekorynghe, aller vyanden also veer  
10 als wy selven willen. Och beware unde besitte dyn vatt,  
unse herte nae all dynen willen allene um dyn guetheit  
benedijt in tijt unde in ewicheit.

## XXI. Kap.

Kennelick woe wy myt unsen herten sullen upstaen tot  
15 cristum, dat he dat vervulle myt syn rijcheit.

Alstu dan dyn te broekene herte hebst over all weder ghe-  
maket vanden oversten meyster overmits syn gunste unde  
kunsticheit, voert salstu upstaen myt dynen herten to dynen  
heren, o ynnighe sele, dat he oick dyns herten ledicheit  
20 vervulle myt syn rijke mildicheit unde milde rijcheit. All  
is dyn herte heel, nochtan ist ydel unde ledich, ten sy dat  
dyn maker unde wedermaker dyn herte oick vulle unde  
rijke. David spreket to syn sele:<sup>1</sup> O myn sele, benedije den  
heren, de dyn begheerte vervullet myt guden. O edele  
25 david, wat syn desse gueden myt welken de here dyn be-  
gheerte vullet. Claerlike du en hebst nicht to sunderlynghe  
ghenoemet. Daermede doestu uns allermeest te verstanen,  
dat de here um syns selves mildicheit vervullet alle be-  
gheerlicheit nae elkes noet unde behovicheit. Johannes  
30 scrijft,<sup>2</sup> dat unse here was vull waerheyden unde ghenadicheit.  
Myt syn waerheit verluchtet he unse duysterheit,  
myt syn ghenadicheit helpt he

<sup>1</sup> Ps. 102, 2—5.

<sup>2</sup> Joh. 1, 14.

alle unse noet drufticheit. Van syn vulheit hebben wy  
 allen untfanghen gracie um gracie, dat is sunder syn be-  
 hoeff unde sunder unse verdiensten allene ut syn ghe-  
 dicheit. O hoghe konyck, o mynlike brudegom, o gude  
 5 jhesu, dyn aller soeteste herte is een edel vatt vull aller  
 graciën. Dit vat droeghestu langhe tijt van steden to  
 steden over all bereyt te ghevēne allen unde elken, de dy  
 anquemen nae all eer begheerten. O aller mildeste vatt  
 vull olijs der barmherticheit, dy en kunde nemant roeren,  
 10 he en woerde bestreken, besmeert unde besalvet van dyn  
 vulheit over all syn lijff, ledēn, herten unde crachten, ghe-  
 sund van allen kranheyden, ghewapent teghen alle bekoy-  
 rynghen aller vyanden, ghesterket in allen guden werken  
 unde verdensten salich in tijt unde in ewicheit. O soete  
 15 jhesu, nae dattu over all haddest ghedropen dynen olij in  
 alle ledighe vate sunder dyn verkrympen ten lesten brach-  
 testu dyn vulle vatt in den ghemeynen velde, daer ellic  
 myt rechte mochte komen, daer de rijke den armen nicht  
 en mochte afdrynghen, up den hoghen berch, daermen van  
 20 veers mochte sien, noch hoegher anden cruce in den middel  
 der eerdēn. Och daer woldestu dyn vatt up doen, over  
 all utlopende doer de opene grote wonderen dys lichaems  
 ghelyc groten tappen. Daer vloyede dyn olij, dyn water,  
 dyn bloet wonderlike up alle, de daer by komen. Och arme  
 25 sele, brengh daer dyn ledighe herte voer de tappen, un-  
 fanghe daer water der reynicheit unde der ynnicheit, olij der  
 barmherticheit, wyn der vrolicheit, honich der soticheit.  
 Natuerlike arme lude holden eer vaten to moeten, biddende  
 den rijken, dat se em de vullen. Aldus schicke dyn ledighe  
 30 herte by dat grote vat dys heren. Waerlike dyn herte en  
 mach nerghent also vull also rijke werden salich in tijt  
 unde in ewicheit allene um dys heren mildicheit, de over  
 all openbaer is, mer allermeest anden cruce, daer he em  
 selven alheel gaff syn water, syn bloet, syn lijff, syn sele,  
 35 syn menscheit, syn godheit allene ut syn myn-

licheit um dyn salicheit. Al is syn hanghen anden cruce, syn bloeden, syn dorsten, syn quellen, syn sterven ten ende komen, nochtan syn mynnens, syn gunnen, syn hertelick vloeyen syner guetheit in unse salicheit is alheel sunder 5 mate, sunder ghetall, sunder ende. O ynnighe sele, brenghe em dyn herte, hold dyn ledighe vat voer syne tappen, untfanghe daer water, olij unde vuer unde honich. In der bybelen staet, dat up vijer tyden vloyeden ut den stenen vijerleye guet als water, honich, olij unde vuer. In den 10 eersten water. De kynder van israhel weren dorstich in der woestenyen. Moyses<sup>1</sup> sloech twye up enen groten keserlynck myt synen stock, daer vloyede water ut, also dat se allen sat druncken, menschen unde beesten. O ynnighe sele, cristus is dessen steen, als Paulus scrijft.<sup>2</sup> Claerlike 15 dessen steen is wonderlike sterck unde hard, also dat em alle tyrannen, alle hamers nicht en mochten te breken, all hebben se wonderlike daer up gheslaghen myt alle eren knechten unde hulpers, strydende teghen unsen heren um syn gheloven te dodene, mer se en mochten dessen harden 20 keserlynck nicht te stoten up dessen steen, dat is, up em selven heeft unse here ghetymmert syne kerken unde de poerte der hellen en mochte eer nicht wegghen unde alle gheestelick tymmer sunder fundament desses stenes moeten neder storten, als de wynd der bekorynghen stormet; mer 25 alle tymmer, groet of kleyne, up dessen steen ghetymmert, is over all vrij unde seker tegen alle wynde, water, storme, unde vloeden. O dorstighe sele, in der woestenyen dyner gheestelicheit slae up dessen steen mytten stocke dyns denckens unde danckens. Twye slae up em, eerst aensiende 30 dyns heren hoecheit, dyns konynghes weerdicheit, wijsheit, almechticheit, rijcheit, ewicheit, salicheit, moghentheit in syn godheit unde nochtan daermede dyns verlosers, dyns leefhebbers, dyns

<sup>1</sup> Exod. 17, 6.

<sup>2</sup> 1. Cor. 10, 4.

brudegoms ghenadicheit, mildicheit, mynlicheit, soticheit,  
 guetheit in syner<sup>1\*</sup> menscheit anden cruce um dyn salicheit.  
 Noch slae anderwerve ansiende dyns selves snoetheit, mis-  
 dadicheit, behovicheit, boesheit, unweerdicheit, undancbaer-  
 heit, koltheit. Na dessen twen cloppen up den steen komet  
 ut over vloedich water der ynnicheit int ledighe vatt  
 dyns herten. Mytten water machstu dempen unde leschen  
 dyn vuer der quader begheerlicheit, beghieten dynen hof  
 vull dorre kruden dyner mageren werken unde neder  
 10 hangede traechheit, wasschen dyn hovet, hande, voete, lijf,  
 lede unde aensicht all dyns wesens unde vermoeghens.  
 Also dattu in all dynen doen unde laten staest in reyni-  
 cheit, unde myt dit selve water salstu lesschen dynen dorst  
 15 in tijtlicheit, alsoe dattu dorstich werdest allene nae dyns  
 brudegoms sote teghenwoerdicheit. Aldus word in dy vul-  
 lenbracht dat Ysayas langhe to voeren sach unde screef:  
 O ghy menschen, ghy sullet water putten ut den fonteynen  
 des ghesundmakers in blijschoppen unde in vrolicheit. Item,  
 ut den stene komet olij. Moyses<sup>2</sup> screef, dat de kynder  
 20 van israhel, als se wolde den heren denen in bewarynghe  
 syner gheboden, dan solden se untfangen olij ut den aller  
 hardesten keserlynck, dat is, olij der barmherticheit sall  
 vloyen ut unses heren mynlike herte up alle kynder der  
 ghehoersamheit. Job sprack oick van em selven:<sup>3</sup> Den steen  
 25 gaff my revyren des olijs. O ynnighe sele, lopet snell an  
 dynen heren myt dyn ledighe herte, dat he daer in storte  
 synen olij syner barmherticheit. In den boeke der leeften  
 staet,<sup>4</sup> dat syn name is utghestortet olij. He is over all  
 barmherticheit. Na syn godheit is he een soene des vaders  
 30 der barmherticheyden unde alles troestes, na syn mens-  
 cheit is he een enich kynd der aller ghenadigheste moeder,  
 der konynghynnen der barmherticheit, van natueren is em  
 barmher-

---

<sup>1\*</sup> *B. dyner*

<sup>1</sup> *Is. 12, 3.*

<sup>3</sup> *Job 29, 6.*

<sup>2</sup> *Deut. 32, 13.*

<sup>4</sup> *Cant. 12.*

ticheit eghentlich unde ghenaedicheit. En will doch nicht twyvelen dyn ledighe herte brengene an syn allermeeste olij vatt, lopet snel to em, he en kan nicht weygheren, segge em hertelike: o mynlike jhesu, ic kenne unde belije dyn 5 moeghenthheit, hoecheit, rijcheit, weerdicheit unde wijsheit, mer boven all smaket my soete dyn barmherticheit. De wyse juncferen weygherden den dwasen mede te deelene eren olij,<sup>1</sup> besorghet dat se selven mochten te luttick hebben in eren lampen in dyn te moeten gaen. Mer dynen olij 10 en mach nicht untbreken, dyn barmherticheit is sunder mate, sunder ende, du stortest dyn olij in alle ledighe vate, nochtan blyvet dyn kruke over all vull in ewicheit. Och ghiff my van dynen olij dyner barmherticheit allene um dyn guetheit. O ynnighe sele, myt dysns heren olij salstu 15 bestrijken all dyne ghichtighe, styve lede, dattu over all levendich werdest unde wacker, verdryvende alle traechheit. Myt dessen olij salstu smeeren dyn moes unde all dyn spyse, dat se dy soete werde unde ghenoechlick, also dattu lopest den wech der ghehoersamheit unde aller doecheden 20 ghesterket myt der kost der godliken barmherticheit, sun- der welke du nicht en ver moghest guet dencken noch up setten, noch beghynnen, noch vulvoeren, noch endighen. Myt dessen olij salstu plaesteren unde ghenesen de wonderen dyner sunden, olt unde nye, dattu werdest ghesund in tijt 25 unde in ewicheit allene overmits godes barmherticheit. Item, ut den stene komet honich der soticheit. Moyses hadde ghelovet allen guden menschen, de gode underdanich wolden wesen, dat se solden smaken honich ut den stene. Och moyses mochte dat loven, mer jhesus kunde dat gheven 30 ut em selven vloyende unbegrijpelike soticheit des herten unde ghenoechte des gheestes in des inwendighen menschen troest. Och desse soticheit en kan nemant vertellen, dit honich is unbescrijflick van

<sup>1</sup> Matth. 25, 4 ff.

allen handen unde unbegripelick van allen herten unde unsprekelick allen tunghen, allene we dat untfanghet unde smaket, de mach dat kennen, mer nicht vertellen. Dit honich wort ghemaket van douwe des hemels unde van den  
 5 bloemen der eerden overmits werck der byen in enen korf to samen ghevoert. Also is cristus god unde mensche in enen persone overmits werck des hilghen gheestes in dat reyne, juncferlike kamerken syner benedijden moeder. Waerlike he is soete boven alle honich in tijt unde aller-  
 10 meest in ewicheit. In den boeke der leeften sprack de mynnende sele:<sup>1</sup> Ic sat under syn scheme, den myn sele mynnet unde syn vrucht was soete myner kelen. O aller leefste bruet des oversten keysers, och mochte dyn ghemynnede brudegom dyner kelen also soete wesen, daer du setest un-  
 15 der synen scheme in tijt, wat mach dan soticheit gheven syn teghenwoerdicheit in ewicheit, alstu em moeghest alheel ghebruken, syn waerheit, claeerheit, syn mynlicheit, syn soticheit, syn guetlicheit in ewicheit. Item, in der bybelen staet, dat ut den stene is ghekomen vuer. De engel godes  
 20 quam<sup>1\*</sup> to sampsons olders unde verkundighede em, dat sampson van em ghebornen solde werden unde verlossen israhel van eren vyanden. Do deden se gode een offerhande unde bereyden eer spyse, de se storteden mytter juchen up enen steen, daer wort een vuer up slaende ut den stene  
 25 unde verbrande de spyse gode gheoffert, unde de engel steech up weder to hemel mytter vlammen des vuers. O mynlike jhesu, du bist de steen, up dy wil ick storten all myn offer, all myn koelde doen unde laten wil ick legghen up dy, dan komet een vuer der leeften ut dyn herte, dat  
 30 all myn koelde offer untfengen, dy behachlick nicht ut myn snoetheit, mer allene ut dysns selves mynlicheit unde daer mede oick my salich in tijt unde in ewicheit. Waerlike altijt brand een groet vuer

<sup>1\*</sup> B. — *quam*

<sup>1</sup> *Cant.* 2, 3.

der leeften up den altaer dyns herten, daer mach ellic syn offer bernen unde selven up styghen mytter vlammen dyner mynlicheit salich in tijt unde in ewicheit. Och dyns herten vuer is glymmich boven all. In den boeke der leeften staet,<sup>1</sup> 5 dat vele wateren nicht en kunnen dempen de leefte, vloeden en moeghen eer nicht ut doen noch lesschen, noch oick verkoelden. Waerlike alle lijden, last unde unrecht quam up dy anden cruce, mer dyn leefte en woert daer mede nicht verkortet, mer allermeest vlaummich. In den boeke der wijsheit staet,<sup>2</sup> 10 dat up een tijt dat vuer allermeest brande in den water, och dit is claeerlike vervullet in dy, o god jhesu, o stercke steen, o mynlike brudegom. Anden cruce quam allermeest water des lijdens up dy, nochtan brandestu daer aller sterkest overmits dyn allermeeste leefte 15 oick up dyn aller quadeSTE vyanden, de dy geven eer quaet voer dyn guet, mer du ghevest em dyn guet voer eer quaet. Do se dy water weygherden in dyn allermeeste dorst, doe ghevestu em dyn edel bloet, dat se nemen up em selven unde up eer kynder in verdoemenissen, mer du stortest 20 dat over all ut dyn mynlicheit oick up dyn vyanden in eer salicheit also vele alst gheboerden dyner guetheit. Do se dy schenckede eer galle unde etick ut eers herten meeste nydicheit, do ghevestu em dyns herten allermeeste gunste unde mynlicheit. Aldus brande dyn vuer allermeest int 25 allermeeste water allene um dyns selves guetheit. Dit selve vuer dyner herteliken leeften haddestu ghebracht in desse werlt unde du woldest dattet bernen solde. Claeerlike um dynen willen is myt dit selve vuer untfenghet gloijeh unde glymmich alto mennich koelt hold unde alto mennich le- 30 lick, vuel torf, alto mennich koelt herte vlaummich in dyn leefte in tijt unde in ewicheit. O stercke vuer, untfenghe oick myns herten koeltheit, verluchte myns verstandes dunckerheit, reynighe

<sup>1</sup> Cant. 8, 3.<sup>2</sup> Sap. 16, 17—19.

myner sunden lelicheit, trecke myn swoerheit, wecke myn  
 luggicheit allene um dyns selves guetheit, dat ick dy  
 mynne, kenne, soeke, dencke, dancke unde benedije in  
 tijt unde in ewicheit. Ysayas scrijft van em selven:<sup>1</sup> Ic sach  
 5 enen oven unde byn heet gheworden. O ynnighe sele,  
 Ysayas sach den oven langhe to voeren unde van veers, do  
 he syn in wendich oghe keerde an unses heren herte. Daer  
 mede woert he heet in syng selves herte, ansiende dat de  
 beholder der werlt, cristus jhesus, anden cruce wolde ut  
 10 leeften sterven um unse leven. Och mochte syn hert<sup>1\*</sup> wer-  
 den untsteken in der selven leeften van veers ansiende, woe  
 machstu dan alsoe koelt blyven, unbevoelick unde unghes-  
 smolten in dyns selves hardicheit. Dy is doch ghegheven  
 15 dessen oven nicht allene van veers to siene, mer oick daer  
 nae by te komene. Ja et is dy gheorlevet, daer alheel in  
 te krupene, also diep alstu selven wildest. Och alstu koelt  
 bist, lopet schnell voer dessen oven unde krupet daer in. De  
 wonderen dyns heren syn dy open, syn sijd is mytter gla-  
 nyen doer steken unde open ghebleven. Daer is kentlick  
 20 syns herten leeften to dyn salicheit ut syn mynlicheit. Daer  
 machstu over all heet werden in syn leeften untfenghet van  
 synen vuer, al werestu koelt als ijs, hard als staal unde  
 yseren, du moest daer smelten. Mer doch du en salst nicht  
 25 doer lopen noch schnell weder krupen, noch haesteliken by  
 gaen, mer toeuen unde blyven, myt vlyte merkende dyns  
 heren mynlicheit to dyn salicheit. Dan machstu heet werden,  
 gloijch in syn leeften in tijt unde in ewicheit.

## XXII. Kap.

Kennelick dat wy unse herte nemant en sullen laten nemen  
 30 myt ghewelt dan van cristo.

Na dattu dyn ledige herte ghebracht hebst an dynen bru-  
 degom, o ynnighe sele, in dyn gheestelike up staen unde  
 he dyn herte vervullet myt syn water, olij, honich unde  
 vuer, also dat dyn herte nu over all vloyet overmits yn-  
 35 nicheit, barmherticheit, soticheit unde vuricheit unde

<sup>1\*</sup> B. *syns herten hert*

<sup>1</sup> Is. 44, 16.

oick over lopet overmits mynlike medelijdicheit unde  
 medelijdiche mynlicheit to aller menschen alle behovicheit,  
 anghesien des oversten keysers ghenadicheit um dyns al-  
 ler levesten brudegoms mynlicheit unde mildicheit, em  
 5 selven ghevende anden cruce allen menschen unde elken  
 menschen to eers selves salicheit in tijt unde in ewicheit.  
 Voert wilstu dyn herte dy laten nemen myt ghewelt, so en is  
 nemand mechtigher dan dyn here. Waerlike nemant en  
 mach em wederstaen, he doet all dat he will in hemel unde  
 10 in eerden, he is allene boven all mechtich, dyn herte dy te  
 nemene, daer he wonderlike hertelike nae staet myt vele  
 aerbeydens unde strydens. Och ghif em dyn herte, dan is  
 he to vreden unde daermede blyvestu selven oick in vre-  
 den. De prophete Naum spreket:<sup>1</sup> O mensche, dyn god sal  
 15 swyghen in dyner leeften, dat is, alstu em dyn herte ghe-  
 vest, em leefhebbende, dan sal he swyghen unde to vreden  
 wesen. Dan is all syn claghen ghedaen, dan is syn ansprake  
 ghestillet, dan is all syn oerloch ghesoent, dan bistu in  
 vrijheit unde vrede myt em salich in tijt unde in ewicheit.  
 20 Item, wilstu dyn herte verbuten, o ynnighe sele, keer dy  
 echter an dynen god, he ghift syn herte voer dyn herte.  
 Daermede machstu also vele wynnen als syn herte gaet  
 boven dyn herte in mynlicheit, in mildicheit, in edelheit,  
 in weerdicheit, in soticheit unde in salicheit. Item, wilstu  
 25 dyn herte verkopen, soe keer dy oick allene an god. En  
 wil dyn herte nicht verkopen voer aller creaturen ghe-  
 noechte, noch voer dusent guldene werlde, um dattu daer-  
 mede schaden mostest lijden unde unkoepe doen. Want all  
 dat buten god is unde beneden god, dat en mach dyn herte  
 30 nicht saden noch salighen in tijt noch in ewicheit. Mer  
 allene verkope dyn herte gode. Waerlike allene syn wijs-  
 heit kennet

<sup>1</sup> Na. 2, 3. Cf. Sof. 3, 17.

dyns herten edelheit, syn rijcheit allene kan betalen dyns  
 herten kostelheit unde syn mynlicheit mach allene verkesen  
 dyns herten mynlicheit. Claerlike he is dyn beste koep-  
 man, hore wat he secht van em selven:<sup>1</sup> Dat rijke der heme-  
 len is ghelyck enen koepmanne, de guede peerle soeket  
 unde een kostel peerle vyndet. Als he de kostel peerle heeft  
 ghevonden, so gaet he unde verkopet all syn guet unde  
 kopet de kostel peerle. O hoghe konyck, o weerde keyser,  
 o mynlike brudegom, o soete jhesu, o rijke koepmanne, o  
 unbescryflike wijsheit, waerlike du bist selven de koep-  
 man, als Salomon van dy scrijft,<sup>2</sup> dattu bist utghegaen  
 in veren landen, den budel vull geldes nemestu mede, in  
 tijt der vullen manen komestu weder to lande. Och du  
 bist utghegaen ut dyn jherusalem in unse jhericho, ut dynen  
 hogesten hemel in unse diepe schreyendaal, ut dyn overste  
 konynglike stad dyner hoecheit in dat arme, snode dorp  
 unser nederheit, um te kopene. Och wat wilstu hijr kopen.  
 Dyn is hemel, eerde unde all eer vulheit, wat wilstu doch  
 dan kopen. Claerlike dyns selves guet machstu weder  
 kopen. Unse herte is de peerle. Dy allene is bekand eer  
 kostelheit. Och desse peerle is dyn van beghynne, du had-  
 dest se wonderlike ghemaket, vercijrt, verkoren unde ver-  
 hoghet um eer edelheit allene ut dyn mynlicheit unde mil-  
 dicheit. Och desse peerle, unse herte was ghevallen in  
 den dreck, ghetreden under de voeten, bedragghet, over  
 all lelick, alsoe dat nemant en achtede eer kostelheit. In  
 den dreck woert se ghevonden unde mytten slyke up ghe-  
 nomen unde also beslabbet in den unrechten budel ghe-  
 steken, myt unrechte langhe tijt untholden unde beseten.  
 O wyse koepman, du kandest allene desser peerlen edel-  
 heit. Dyns selves guetheit heeft dyn hoecheit ghebughet  
 in unse nederheit.

---

<sup>1</sup> Matth. 13, 46.

<sup>2</sup> Prov. 7, 10.

Also quemestu, um weder te kopene desse edele peerle,  
 unse herte. O ghenadighe, o rijke, o milde koepman, alle  
 dyn guet verkopestu. In der utersten armoeden levedestu  
 unde storvest oick alheel naket anden cruce. Daer koftestu  
 5 unse herten myt dyn hertelike mynnen, unse rijcheit myt  
 dyn utechte behoevicheit, unse salicheit in tijt unde in  
 ewicheit myt dyn allermeeste bangicheit. Warlike all dyn  
 guet ghevestu voer desse peerle, de du allene um dyns selves  
 guetheit mynnedest, myt dy selven koftest unde betaeldest,  
 10 de du selven van allen drecke daer schuerdest, ut den  
 slijke up nemest sunder dyn besmytten, dattu desse selve  
 peerle mochttest setten int hoghe dyner koninghlike cronen,  
 vercijrt boven alle blomen salich in tijt unde ewicheit.  
 Paulus secht:<sup>1</sup> O ghi menschen, ghi sijt ghekofyt enen  
 15 groten schatt glorificijert unde draghet gode in yuwen  
 herten. Paulus secht:<sup>2</sup> O mensche, ghi synt ghekofyt nicht  
 myt verganckiken golde unde silver, mer mytten edelen,  
 kostelen bloede des unbevleckeden lammes, cristi jhesu,  
 unses heren. Augustinus secht:<sup>3</sup> O edel mensche, kennestu  
 20 nicht dyns selves kostelheit, so merke myt wat schatte du  
 ghekofyt bist. Och en wil doch nicht weder vallen in den  
 dreck der sunden. O edel herte, o kostel peerle, dencke  
 unde dancke, woe claer unde woe aerbeydelike dy heeft  
 gheschuert de ewige, unbegrijpelike puerheit, woe kosteliken  
 25 <sup>25</sup>\* dy gekofyt heeft de allermeeste rijcheit, myt em selven  
 dy betalende, woe claerlike dy bekant heeft de unbestraf-  
 like wijsheit, woe herteliken dy ghelynnet heeft de un-  
 verwynlike guetheit, woe stadeliken dy verkoren heeft de  
 aller rijkeste, mildeste wijsheit unde koepman, unde laet  
 30 em kopen dyn herte dat em behachlick unde begheerlic  
 is unde dy selven salich unde vrolick in tijt

<sup>1\*</sup> B. f he<sup>1</sup> I. Cor. 6, 20.<sup>2</sup> I. Pet. 1, 18.<sup>3</sup> ML. 39, 2042 Serm. 153, n. 2. „Agnosce, homo, quantum  
 valeas, et quantum debeas; et dum tantam redemptionis tuae  
 perspicis dignitatem, ipse tibi indicito peccandi pudorem.“

unde in ewicheit.

XXIII. Kap.

Kennelic dat wy cristum weder sullen gheven unse herte,  
um dat he uns syn herte eerst heeft ghegheven overmits  
5 stercke leefte.

Ten lesten, o ynnighe sele, wilstu dyn herte hen gheven,  
verschencken eder offeren, claeरlike so heeft dyn brudegom  
dat beste unde meeste recht an dyn herte, um dat he dy  
syn herte eersten hevet ghegheven, alle dyngen doende  
10 ut syn mynlichkeit um dyn salicheit. Augustinus secht:<sup>1</sup> All  
dat ut leeften wort ghegheven unde ghedaen, dat en mach  
nemand bet betalen dan allene myt leeften. Alstu dan  
dynen brudegom betalest unde syns herten leefte weder  
antwordest myt dyn herte, so blyvestu nochtan also vele  
15 em schuldich als syn herte beter is dan dyn herte. Dat  
moetestu em dan voert betalen myt syn herte, ghelecht  
up dyn herte, dat is em untfancklick unde dy salich in tijt  
unde in ewicheit. O ynnighe sele, alstu dyn herte willest  
unde salst schencken dynen heren unde dynen brudegom,  
20 so salstu over all merken, woedane wijs he dy ghegheven  
syn herte, daer mede lerende, dattu em weder ghevest dyn  
herte nae der selven wijse, ghelyc als god sprack toe moy-  
ses:<sup>2</sup> Merke dat exempl, dat up den berghe dy vertonet  
is, dattu oick daer nae makest den tabernakel in der woe-  
25 stenyen. Aldus salstu, o ynnighe sele, in der woestenyen  
dyncs gheesteliken levens bereyden dyncs herten tabernakel  
nae der formen des edelen herten dyncs verlosers, dat he  
dy vertonet up den berch van kalvarien ut syn mynlike  
sterven um dyn salicheit. Och merke daer, woe he dy  
30 ghift syn herte, dattu em also weder ghevest dyn herte.  
Claerlike he ghift dy daer syn herte als een stercke borch,  
als een ghenoechlick beddiken, als een rijke schatt, als  
een kostel gave unde als een lecker spyse.  
Eerst als een stercke borch dynr krancheit teghen alle  
35 dynen vyanden. Salomon scrijft,<sup>3</sup> dat

<sup>1</sup> ML. 40, 959, Manuale c. 18. „*Solus enim est amor ex omnibus animae motibus, sensibus atque affectibus, in quo potest creature, etsi non aequo, respondere auctori, vel de simili mutuam rependere vicem.*“

<sup>2</sup> Exod. 25, 40.      <sup>3</sup> Prov. 30, 26.

de kleyne haese is een kranck dijeren unde maket syn  
nestiken in den steen. Aldus sullen doen alle krancke men-  
schen, de eer unvullenkomenheit unde eers selves kranc-  
heit kennet, de sullen tymmeren eer nestiken in cristo unde  
5 in syn mynlike herte, daer is vrijheit tegen alle vyanden.  
O edele, bloede, o unghewapende hase, o edel mensche,  
merke dy selven over all, dattu alheel bist unghewapent,  
sunder hoerne, sunder scharpe clawen, sunder houtande,  
sunder byten, sunder stoten, sunder stryden. Mer allene  
10 staet dyn toeverlaet up dyn snel lopen. Daermede werdestu  
gheleert, dat all dyn meeste unde beste vrijheit staet in  
dat lopen up dyns heren borch, up dyns brudegoms herte.  
Daer umme beghif allen strijd, allen kijf, allene vluchtich  
up dyns heren borch, des oversten keysers. Och de poer-  
15 ten staen open, de toech brugghen syn neder ghetreden, de  
wonden syn wijd, syn herte is up ghedaen, he trecket  
syne handen dy toe moet, he verwachtet mynlike unde  
pynlike dyn ankommen, he roepet dy also langhe, dat syn  
stemme heesch woert. David secht:<sup>1</sup> O here, will uns  
20 wesen een torne der stercheit teghen unse vyanden. In den  
boeke der leeften staet,<sup>2</sup> dat davids toern is ghetymmert  
myt berch vreden, dusent schilde hanghen daer an, alle  
boeke der leeften staet,<sup>2</sup> dat davids toern is ghetymmert  
int herte unses verlosers allene um syn guetheit benedijt  
25 unde ghelovet in tijt unde in ewicheit.

Item, dyns brudegoms herte is ghelyc als een sachte beddi-  
ken, dat he dy mynlike ghift, o ynnighe sele, up te restene  
dyn moedicheit. Johannes<sup>3</sup> was gheorlevet in den aventmael  
30 te slapene up dit beddiken. Daermede is gheestelike te  
verstane, dat alle kynder der graciën all eer reste soeken  
sullen in den herte unses salichmakers. In den boeke der  
leeften staet, dat de mynnende sele vroliken sprack:<sup>4</sup> Unse  
beddiken is bloemich. Och se en secht nicht: dyn,

---

<sup>1</sup> Ps. 60, 4.    <sup>2</sup> Cant. 4, 4.    <sup>3</sup> Joh. 21, 20.    <sup>4</sup> Cant. 1, 15.

myn of syn beddiken, mer unse beddiken in een teyken, dat  
 alle ynnighe selen eers brudegoms herte, dat is syn bed-  
 diken ghemeyne is sunder utnemen der personen. Dit beddi-  
 ken is alheel bloemich overmits vulheit aller graciën,  
 5 gheden unde verdensten int herte des aller levesten brude-  
 goms. O mynlike jhesu, do du anden cruce stondest, doe  
 wast vroe in den meije et was koelt over all van buten, also  
 dat dyn Petrus mytten deners dat vuer sochte, um daer  
 warme te werdene. Et was oick wonderlike vorst int herte  
 10 dyner vervolghers. Hagel, snee unde koelde weijden over  
 all dyn juncferlike lijff myt storme. Och daer en boven  
 was dyn cruce over all als een soerboem sunder loef, sunder  
 bloemen, sunder vrucht, recht als in den aller hardesten  
 wynter. Daer stondestu selven, o koninck der glorien, alheel  
 15 naket, bloet, buten hues, in den velde, dorstich, over all  
 dyn lijff unde lede in quellynghe. Nochtan was dyn mynlike  
 herte vull vuers der leeften to unser salicheit ut dyn guet-  
 heit. O ghenadighe verlosser, dyn herte, unser beddiken,  
 was alheel bloemich in den bittersten wynter. Och daer was  
 20 de lijlje der reynicheit, de rose der mynlicheit, de fyole  
 der oetmoedicheit, de fyolette der duldicheit, dat edel mede-  
 soeteken of mateleefken der ghehoersamheit unde aller  
 bloemen alle vullenkommen edelheit. Och dit beddiken is  
 25 wonderliken in ellendicheit, wat mach dat dan wesen in  
 ewicheit. Mochte dit unse beddiken alsoe ghenoechlike  
 wesen unde alsoe bloemich in den wynter, woedanich ist  
 dan in den meije unde in den somer. Mochte dyn herte  
 alsoe mynlick unde begheerlick wesen in dyn allermeeste  
 30 last, also dat alle ynnighe selen begeerliken slapen up dyn  
 beddiken, restende allene up dyn mynlicheit in dynen  
 dorst, in dynen vorst unde in dyn unghelucke, daermede  
 untfanghende alle ghelucke, och woe soeteliken sullen se  
 dan resten up dy in vreden int selve enich een unde in  
 dyn rijcheit, soticheit, salicheit, guetheit, waer-

heit nicht ter tijt mer in ewicheit. Waerlike du gunnest allen ynnighen selen te rastene up dyn leefte, te slapene up dysn herten beddiken, alstu selven bewysest in den boeke der leeften, aldus seggende:<sup>1</sup> O ghi dochteren van 5 Jherusalem, ic vermane yu unde beswere yu hoechliken, dat ghy slapen laten unde nicht en wecken myn bruet, also lange als se selven will. Als se daer slapet soe waket nochtan eer herte, dat is, all is se van buten sunder sien, sunder horen, sunder ghenoechlick bevoelen in creatueren unde 10 by nae doet ghelyc enen slaper, nochtan is eer leefte eers herten alheel wakerich in dyn leefte over all bereyt te doene unde te latene na dynen willen. O keyser aller konynghen, o brudegom alheel begheerlic, mynlick, ghe-noechlick, och laet myn herte slapen up dyn herte, laet 15 myn sele resten up dyn beddiken allene, laet my krupen in dyn sijde, dan byn ick ghelyc den kleynen haeseken, vrij van allen hunden, wynden, jaghers unde alle vervolghers, als ick myn slaepkamer make in dy, o aller sterkestee steen, veelich over all in dyn herte, o mynlike jhesu, unde ghelyck 20 der duven in de opene gater der want myn nestiken tymmerende, in dyne wonderen restende, vrije voer alle hawkēn unde clawvoegele, aller vyanden allene um dyn starcheit unde guetheit, o sterke borch, o sachte beddiken, o mynlike herte, o guetlike criste, o hoghe keyser benedijt in tijt 25 unde in ewicheit. Augustinus secht:<sup>2</sup> In alle mynen lijden unde drucke en vynde ick nerghent raste dan in den wonderen unses<sup>1\*</sup> heren jhesu cristi. Daer wone ick vrij, daer raste ick seker, veelich over all sunder sorghe.

## XXIV. Kap.

30 Woe wy cristum sullen bereyden unse herte to ener wonynghen als eene starcke borch.

Anghesien, ynnyghe sele, dat dyn here dy heeft ghegheven syn herte ghelyc als een stercke borch dyner krancheit, voert salstu merken unde oick na dynen vermoegen

<sup>1\*</sup> B. — *unses*

<sup>1</sup> Cant. 8, 4.

<sup>2</sup> Cf. ML. 36, 366, Enar. in Ps. 36. n. 4.

werken dattu em oick also dyn herte weder ghevest. Och  
 dit is wonderlike, dattu arme broetbudel den keyser aller  
 konynghen soldest bereyden ene borch syner moghentheit  
 in dyns herten nederheit, nochtan ist ummer behoerlick  
 5 na dynen vermoeghen in te doene dyn aller beste, um dat  
 he selven spreket in jheremias:<sup>1</sup> Ic byn ghelyck als een  
 bijster wild man up desser eerden sunder eeghen woenyn-  
 ghe unde soeke hijr unde daer, of ick yerghen mochte bly-  
 ven te herberghen. Lucas scrijft,<sup>2</sup> dat jhesus ghenck up een  
 10 kleyne borch unde een vrouwe, martha ghenoemet, untfenck  
 em in eer hues. In der konynghen boeke staet,<sup>3</sup> dat  
 een edel vrouwe untfenck in eer hues den groten prophe-  
 ten helizeum, de se bereyden een schone kamer myt een  
 luchter, myt een stoel, myt een tafel unde myt een beddi-  
 15 ken. O arme sele, aldus soldstu gheestelike den oversten  
 konynge bereyden dyns herten borch. Och daer hoert vele  
 kostes unde aerbeydes toe. Merke dyns selves herte of  
 daer oick ijcht is ghelyc ener stercken borch. Och waer  
 syn eerst de diepen gravene der afgrondighen oetmoe-  
 20 dicheit, over all vull waters der ynnicheit, to allen syden  
 dyne borch beschermende. Waer syn de hoghe toerne dyner  
 godschouwynghe, daer de wechter up sittet int hoghe, over  
 all merkende, wat over wech gaet unde staet komet unde  
 vaert, dat is dyn gheestelike underscheit, kennende wat  
 25 guet of quaet is, vrend of vyand, doghede of sunde, schade  
 of bate. Desse wechter solde kennen unde vertonen, wen  
 men daer solde in laten of buten sluten, underscheydende  
 als de konynek selven komet voer de borch of syn unde  
 dyn vyand, de helsche tyranne, de oelde verrader unde  
 30 wreede moerdener. Waer syn de poerten der utwendighen  
 synne vast ghesloten teghen alle vyanden by namen des  
 nachtes, als de sonne der graciën dy untgaet unde du in  
 koeltheit unde in duysterheit blyvest, slapende in dyn  
 traechiteit. Och dan waket dyn vyand allermeest teghen  
 35 dy, dan vermoē-

<sup>1</sup> Jer. 14, 8.

<sup>2</sup> Luc. 10, 40.

<sup>3</sup> IV. Reg. 4, 8 ff.

det he unde aerbeydet te wynnen dyn borch. Och waer syn  
 de voer poerten dynes guedes up settes, waer syn de ster-  
 cke mueren dyner stanthafticheit teghen aller vyanden alle  
 stormeschott, anloep mennigher bekorynghe. Noch merke  
 5 dyn toechbrugge dyner tunghen, claeरlike de is vake neder-  
 ghetreden overmits dyn unbehoeरlike kallynghe. Boven all  
 waer is dyn vaste truwicheit, de du ghelovet hebst den over-  
 sten keyser. Och woe vake hebstu em untfangen up de  
 10 borch dys herten, daer he is ghekommen unde inghegaen  
 overmits syn weerde, hilghe sacrament unde oick overmits  
 syn vrendelike gracie, daer du em lovedest, truwe unde hold  
 te wesene, unde sich, syne unde dyne vyanden latestu in  
 komen teghen synen willen. De poerten der synnen syn  
 15 open overmits curiose nyplichticheit te siene, te horene unde  
 te hebbene. Dyn toechbrugghe is neder ghelecht, daer mach  
 over lopen over dyn tunghe wercken der unreynicheit, de  
 lewe der homoedicheit, de hond der tornicheit, de fenynde  
 drake der nydicheit, der kyvicheit unde alle beesten aller  
 sunden. Och kan dan de overste keyser daer hen komen  
 20 sunder synen schaden, des en derf he nicht dancken dyner  
 loesheit, mer du selven en kanst daer nicht afscheyden  
 sunder dys selves schaden, um dattu dynen heren also  
 hebst verraden. In der bybelen staet,<sup>1</sup> dat de stercke samp-  
 son verkoes ene vrouwe, de he wonderlike leeff hadde. He  
 25 quam vake in eer kamer ut syn hertelike leeftre unde se  
 untfenck em mynlike van buten, mer nicht van herten, want  
 se dede heymelike komen in eer kamer syne vyanden unde  
 gaf em, den edelen, herteliken, mynliken leefhebber in  
 30 eren handen. He unquam em echter unde oick overmits  
 syns selves stercheit, mer ten lestens worden se over em  
 mechtich unde venghen em, syn ogen em utstekende unde  
 vele lastes, spottes unde weder willen up em doende, alsoe  
 dat he ten lestens doet bleef. O ewige konynck, o sterker  
 dan sampson, woe lan-

---

<sup>1</sup> Jud. 16, 4 ff.

ghe wilstu mynnen dat unreyne wijff, myn sele, du kennest ummer dat se dy nicht en mynnet, mer also vake verradet, dyne vyanden inlatende. Och dyns selves hertelike leefte dwyngt dyn hoecheit, dyn weerdicheit, dyn almechticheit to unser nederheit, snoetheit, krancheit, alle dyne vyanden en moghen nicht teghen dyn moghentheit, mer allene dyns herten mynlicheit drynghet dy weder te komene, daer du also vake verraden bist. Och dyn leefte heeft dy verblyndet dyn wijsheit, verkrancket dyn almechticheit, ghetreckt dyn hoecheit, ghewondet dyn ghesundheit, ghedodet dyn unsterflicheit.

Mytter selven leeften untferme dy over myn unvulkomenheit unde dyn guetheit verwynne myne quaetheit, daer umme bistu benedijt over all in tijt unde in ewicheit.

15 O ynnighe sele, aldus merkestu nu dattu dynen keyser seer groflike unde lelike betalest, de dy syn herte gaff als een stercke borch dyner krancheit. Alsoe soldestu em dyn herte weder gheven unde bereyden nae dynen vermoeghen oick als een borch syner guetlicheit.

20 Och dyn gravene syn vervullet, dyne poerten verbrand, over all is dyn borch vervallen.

Voert merkestu, dat he dy gaf syn herte als een ghenoechlike, sachte beddiken. Also soldestu em dyn herte weder bereyden als een ghenoechlick beddiken. Merke doch dyn 25 herte over all, woe danich dyn beddiken is. Och woer syn dan dyn lakene, dyn dekene, dyn plume kussen, dyn gardynen, dyn heymelike stilheit, dyn poele, dyn in wendiche raste. O dit is over all gheestelike an te siene, te soekene, mer quaet te vyndene. Och hore wat de brudegom claghet:<sup>1</sup> In allen hebbe ick raste ghesocht; mer he en secht nicht, dat he se hebbe ghevonden. He spreket oick myt claghe:<sup>2</sup> De vossen hebben eer kulen unde de voegelen eer neste, mer des menschen sone en heeft nicht, daer he syn hovet up nyghen mach unde rasten.

<sup>1</sup> Eccli. 24, 11.

<sup>2</sup> Matth. 8, 20.

Waerlike he heeft seer swoerlike gheerbeydet ut syn  
 mynlicheit um dyn salicheit. O ynnighe sele, ghiff em doch  
 een luttel rasten; al en kanstu den oversten keyser, dynen  
 aller levesten brudegom, nicht gheven dyn herte als een  
 5 kostel bedde syner hoecheit unde syner mynlicheit, so  
 ghif em doch een sachte plumekussen dyner lijdksamheit.  
 Claerlike alsoe vake alstu dys naesten krancheit mynliken  
 draghende to moeten gaest, alsoe vake ghevestu een plume-  
 kussen dynen heren up te rastene als he dy selven secht:<sup>1</sup>  
 10 All dattu doest mynen mynnesten, dat doestu my selven.  
 Och en will doch dyn kussen nicht stoppen myt doernen,  
 noch vullen myt krabbe dijstel unde scharpen tacken der  
 wreetheit, des kyvens unde verwytens, als dyn naeste daer  
 up will resten,<sup>2\*</sup> dat se em<sup>2\*</sup> dan steken in syn hovet, want  
 15 dan bereydestu dynen verlooser een nye doernen crone.<sup>3\*</sup>  
 Mer ghiff em doch een kleyne<sup>4\*</sup> plumekussen,<sup>5\*</sup> dat is em  
 danckelick unde dy salich. Marcus scrijft,<sup>2</sup> dat unse here  
 in den<sup>6\*</sup> schip neder steech, in den roef slapende up een  
 20 plumekussen. Natuerlike yo men dat kussen meer<sup>7\*</sup> cloppet  
 yo et sachter unde edeler wort.<sup>8\*</sup> Merke, o ynnighe sele,  
 dat unrecht in woerden off in werken woert menniges<sup>9\*</sup>  
 synnes untfanghen. Somyghe lude untfanghen unrecht als  
 een hamer de in<sup>10\*</sup> ene korte tijt int vuer woert heet unde  
 ghesmedet myt een<sup>11\*</sup> luttel cloppens. Mer als he reyde<sup>12\*</sup>  
 25 is ghemaaket, soe cloppet he ewelike weder up all dat he  
 will al<sup>13\*</sup> syn daghe lanck, up holt, up yser, up stael, up  
 hard unde<sup>14\*</sup> up weeck. Aldus doen somyghe wreede  
 lude, als se<sup>15\*</sup> eens een luttel vertornt werden, dan syn se  
 altijt bereydt weder<sup>16\*</sup> slaende over all dat em naket, et  
 30 sy recht of krumme,<sup>17\*</sup> guet of quaet, leeff of leet. In der  
 bybelen staet,<sup>3</sup> dat de grote vader Abraham hadde enen  
 bastert soene, de te mael<sup>18\*</sup> wreet was. Syn hand was  
 teghen alle<sup>19\*</sup> an-

<sup>1\*</sup> rasten      <sup>2\*</sup> en      <sup>3\*</sup> dorne cronen

<sup>4\*</sup> nye      <sup>5\*</sup> plumecussen      <sup>6\*</sup> int

<sup>7\*</sup> kloppet      <sup>8\*</sup> werlt      <sup>9\*</sup> manniges

<sup>10\*</sup> — in      <sup>11\*</sup> eyn

<sup>12\*</sup> reide      <sup>13\*</sup> alle      <sup>14\*</sup> — unde

<sup>15\*</sup> also se      <sup>16\*</sup> to slande      <sup>17\*</sup> offte krum

<sup>18\*</sup> to male      <sup>19\*</sup> al

<sup>1</sup> Matth. 25, 40.      <sup>2</sup> Marc. 4, 38.      <sup>3</sup> Gen. 21, 9 ff.

der lude, he was lastich oick<sup>1\*</sup> synen echten broeder, daer umme moste he ut den hues, in de woestenye, daer woert<sup>2\*</sup> he een schutte. O unghenadighe wrede<sup>3\*</sup> hamer, o verworpene bastert, o scharpe<sup>4\*</sup> schutte, du en machst nicht bly-  
5 ven<sup>5\*</sup> int hues godes in ewicheit, all bistu daer lastich in tijt  
den kynderen godes,<sup>6\*</sup> mer dy selven<sup>7\*</sup> schadestu aller-  
meest unsalich in tijt unde in ewicheit, ten sy dattu beteryn-  
ghe doest mytter hulpen<sup>8\*</sup> godes.

Item, somygue lude in eer verstuurynghe syn se ghelyc<sup>9\*</sup>  
10 den eerden potte of den glase. Als desse<sup>10\*</sup> een luttel wer-  
den ghestoet,<sup>11\*</sup> dan breken se to stucken sunder wederma-  
ken, also dat daer nemant en mach water der ynnicheit  
noch vuer der mynnelicheit<sup>12\*</sup> in<sup>13\*</sup> halen ut den putte noch  
van den herte der godliken<sup>14\*</sup> mildicheit. Desse en slaet nicht  
15 weder als de hamer, nochtan steken em de schaerde des  
to brokenen pottes eder glases in eer<sup>15\*</sup> herte, dat se al-  
tijt bitter syn, mulich, prulich, ungheneselick, sunder weder  
maken. We desse schaerde veele<sup>16\*</sup> drucken wolde, de  
kreghe toe hand bloedighe vyngher unde hande, ghelyc als  
20 de enen egel veele tobbet, de mach eerst sien<sup>17\*</sup> syn selves  
wonden<sup>18\*</sup> dan des eghels untwynden.

Item somyge lude werden vertoernt ghelyc als de tynkanne  
eder vlassche wort te stot,<sup>19\*</sup> de ene kule<sup>20\*</sup> untfanghet, de  
se altijt holdet<sup>21\*</sup> an eer lijff, nochtan blyvet se heel un-  
25 de dichte. Aldus syn vele lude in eer verstuurynghe, be-  
holdende een vast, dicht herte to gode unde<sup>22\*</sup> to eren naes-  
ten sunder weder slaen des hamers unde<sup>23\*</sup> sunder breken  
des glases, vull waters der ynnicheit toe gode, vull wyng  
der vrolicheit to eren naesten. Nochtan is daer een kule  
30 in der vlasschen, dechtich der vertornynghen<sup>24\*</sup> of des unrechtes  
sunder andacht der wraken<sup>25\*</sup> of des weder slaens,  
mer de ghelove is daer kranck, de leefte is daer koelt. Och  
de kule staet ander<sup>26\*</sup> kunnen.<sup>27\*</sup> Men mach se vaste te  
rechte cloppen, mer doch daer blyvet een teyken der won-  
35 den also langhe, datmen de kanne versmelte in den vuer  
unde van nye formet, dan is se weder in eer eerste edel-  
heit, heelheit, slichtheit. O ghestotte

1\* *lestich ock*      2\* *waert*      3\* *wrede ungenadige*

4\* *scharpe*      5\* *bliven*

6\* *lestich den kynderen godes in tyt*      7\* *di solven*

8\* *holpen*      9\* *syn ghelick in erer verstuurynge den*

10\* *alse dosse*      11\* *gestoet B. ghestuert*

12\* *mynnelicheit*      13\* *mede*      14\* *† mynnelicheit unde*

15\* *er*      16\* *vele*      17\* *zeen*

vlassche, o gheslaghene tynkanne, o vertoernde herte, du salst van nyen ghesmolten werden in dat vuer der leefsten cristi, na der forme syns exempels anden cruce vernyet over all merkende, wat he dede, doe he ut syn aller mynlikeste herte in syn allermeeste last unde unrecht, voer syn aller nydighete, quadeste vyanden synen aller levesten vader myt syn allermeeste ynnicheit aldus was biddende:<sup>1</sup> vader verghiff em. Och woe nae bistu so guet als he, woe nae syn dyne vervolghers also fenynich als de syne, woe nae is dyn unrecht so groet alst syne. O vader verghiff em. O mynlike jhesu, dyn hovet was daer ghequelllet myt doernen, dyne hande unde voeten myt naghelen, all dyn lijf unde lede ghetrecket in der uterster banghicheit over al naket, bloet, dorstich, in pynen, in schanden unde in alle quaet dat se bedencken kunden up dy, nochtan en kunde dyn mynlike herte up em anders nicht dencken unde dichten dan allene ghenadicheit, guetlicheit, soticheit salicheit in tijt unde in ewicheit. Och lere my unde helpet my, dat ick nae dynen exempl myner vervolghers leet nicht allene vergheve mer oick verghete. Alsoe haddestu gheboden in der oelden ee,<sup>2</sup> dat de kynder van israhel nicht en solden ghedechtich wesen, of em yemand hadde unrecht ghedaen van eren mede borghers. De tynnen vaten yo se meer, groter unde deeper slaghe beholden, yo se myn vuchticheit in holden, mer als se up de forme vermaket werden, in den vuer ghesmolten, dan moghen se untfangen de rechte unde eerste mate des waters unde wyns salich in tijt unde in ewicheit allene overmits godes guetheit, mildicheit, mynlicheit, soticheit.

Ten lesten unde oick ten besten syn somyge lude in tijt des lijdens ghelyck den plumekussene overmits eer wonderlike lijdsamheit in all dat em overkomet. O duldighe mensche, o edele plumekussen, yo men dy meer kloppet, yo du sachter unde weeker werdest. Claerlike

<sup>18\*</sup> *syns solves wunden*

<sup>19\*</sup> *wert gestot*

<sup>20\*</sup> *cule*

<sup>21\*</sup> *beholt*

<sup>22\*</sup> *+ ock*

<sup>23\*</sup> — *unde*

<sup>24\*</sup> *verstornynge* *B. vertonynghen*

<sup>25\*</sup> *wrake*

<sup>26\*</sup> *in der*

<sup>27\*</sup> *Hier bricht Ms. wieder ab*

<sup>1</sup> *Luc. 23, 34.*

<sup>2</sup> *Levit. 19, 18.*

ellic mach dy slaen, stoten, schudden, werpen, kloppen  
 myt stocken, myt vuesten, myt handen over all blyvestu  
 sunder weder stoten, sunder weder ropen, sunder haet,  
 sunder nyd unde sunder wrake. Ellick mach up dy rasten  
 5 unde syn krancke hovet up dy leggen unde neyghen. Du  
 kanst over all soetelike wijken unde sachteliken untfan-  
 ghen all, de dy drucken, unde alto hant gaestu weder up  
 myt een kleyne kloppen. O edele kussen, o duldighe herte,  
 du bist ghelyck als Job; in syn allermeeste ungelucke  
 10 bleef he over al sunder quaet unde sunder misdaet teghen  
 god. Aldusdanen kussen was noch allermeest dyn brude-  
 gom, jhesus, o ynnighe sele, unde alle martelers unde  
 hilghen, dul dich in eer lijden in tijt unde in ewicheit. Na  
 dessen exemplel sal ellic lijdsamheit leren, dat he also  
 15 syne sunden aflegghe daermede, tijtlick lydende voer ewich.  
 Oeck dat he allermeest myt lyden in tijt verblyden ver-  
 diene in ewicheit, als Bernardus secht,<sup>1</sup> dat unse beste  
 verdenste staet, in quaet te lydene dan in guet te doene;  
 Unde allermeest um dat he daermede een luttel mach  
 20 dancken unde ghelyck wesen synen mynliken verloser, de  
 ut syn guetheit um unse salicheit heeft boven all gheleden  
 sunder mate, sunder ghetall. O edele sele, o sachte kus-  
 sen, alstu werdest ghekloppet overmits mennygherleye tri-  
 bulacie, soe dencke unde dancke aldus: Nu rijde ick mytten  
 25 oversten keyser up synen waghene, nu ghift my de ewighe  
 koninck te smakene van syns selves kost, nu schencket my  
 de keyser aller konynghen van syns selves wyn, nu dryncke  
 ic ut den kroes myns ghemynneden, nu gae ick myt mynen  
 brudegom an synen dans, gheciert myt synen krans, he  
 30 leydet my myt syn rechter hand, in tijt my deelachtich ma-  
 kende myt synen lyden, des sal ick my oick myt em in  
 ewicheit verblyden. Daniel scrijft,<sup>2</sup> dat een heydensch ko-  
 nynck ver-

<sup>1</sup> Cf. ML. 182, 855, Serm. de Conversione ad Clericos, c. 21,  
n. 37.      <sup>2</sup> Dan. 1, 3 ff.

verkoes somyghe schone yunghelyngh, de mosten drie jaer  
 lanck eten unde dryncken van des konynghes kost unde  
 van synen wyn. Daer nae solden se altijt staen voer syn  
 aensichte em dienende. Aldus moeten alle utverkoerne  
 5 eten unde dryncken van des ewighen konynghes spyse unde  
 wyn des lydens in tijt, dan moeghen se em in ewicheit  
 ghebruken syner teghenwoerdicheit, claeरheit, waerheit,  
 schoenheit, soticheit, salicheit, guetheit, ewicheit, rijcheit  
 unde moeghentheit. Aldus is kentlick, o ynnighe sele, dat  
 10 dy dyn brudegom syn herte ghegheven heeft als een stercke  
 borch dyner krancheit unde als een sachte beddiken dyner  
 tederheit. Daer umme soldestu em dyn herte alsoe weder  
 gheven. Mer dit is ummer alto veer van dy, dyn borch is  
 alheel to broken, dyn bedde is unreyne, over all unbequeme.  
 15 Och haddestu doch een kleyne plumekussen. Dyn krancheit  
 en mach nicht nyts tymmeren, dyn armoedicheit en kan  
 nicht kopen, du en machst nicht graven, du schamest dy te  
 biddene. Och wat salstu beghynnen, woe salstu den ewi-  
 20 gheng keyser dys herten borch bereyden unde dynen aller  
 levesten leefhebber dys herten kamer, bedde unde all  
 dat daer noet is bereyden. Claerlike dit en is nicht moge-  
 like dyner snoetheit, mer doch et is licht syner guetheit,  
 he moet syn herte noch eens gheven dyner behovicheit ghe-  
 lijc als enen schat over all vull rijcheyden.

25

## XXV. Kap.

Woe wy cristum unse herte sullen bereyden als een schone  
 borch-kamer syner to komst.

O arme siele, merke woe dys heren herte dy wort gheghe-  
 ven als de allermeeste, kostelste schat sunder mate, sun-  
 30 der ende, daermede machstu tymmeren, kopen unde over  
 vloedeliken bereyden syner toe kompst dyn herte als een  
 borch kamer unde bedde. O mynlike jhesu, du bist my all in  
 all. Dyn herte is my een groet schatt. Matheus

scrijft,<sup>1</sup> dattu selven sprekest: datt<sup>1\*</sup> rijke der hemelen<sup>2\*</sup> is  
 ghelyck enen schatte, verborgen in den acker. We den  
 schatt vyndet, de<sup>3\*</sup> verkoft al syn guet unde koft den acker  
 dat he den schatt alsoe daermede<sup>4\*</sup> moeghe kryghen. Waer-  
 like<sup>5\*</sup> dyn yuncferlike lijf is de aller<sup>6\*</sup> beste acker, over  
 all seer degher<sup>7\*</sup> ghebouwet unde gheploeget<sup>8\*</sup> overmits<sup>9\*</sup>  
 dyn scharpen, snedyghen<sup>10\*</sup> besnyden, gheyselen, naghe-  
 len, cronen unde wonderen over all vull weytes, vull bloe-  
 men unde alle kostele kruden aller dogheden<sup>11\*</sup> alheel sun-  
 der unkruet. Och middes<sup>12\*</sup> in dessen acker is de schatt  
 dysns mynliken<sup>13\*</sup> herten. Jeremias scrijft<sup>2</sup> van somyghen  
 luden, de hadden vergaddert schatte van gersten, van  
 weyte,<sup>14\*</sup> van honich unde van olij<sup>15\*</sup> Daermede untghen-  
 ghen se den tijtliken doet. Salomon<sup>16\*</sup> scrijft<sup>3</sup> oick,<sup>17\*</sup> dat  
 vele dochteren hebben vergaddert vele schattes. Mer du,  
 soete jhesu, bist se<sup>18\*</sup> allen boven ghegaen, um dattu allene  
 alle schatte hebst<sup>19\*</sup> in dyn herte, na dyn mildicheit rijke  
 unde nae dyn rijcheit<sup>20\*</sup> milde in allen de dy eer armoede  
 claghen, dyn rijcheit anroopen. Paulus secht:<sup>4</sup> in der borst  
 cristi syn alle schatten,<sup>21\*</sup> dat is, in syn herte. In der by-  
 belen staet,<sup>5</sup> dat konyck David van israhel<sup>22\*</sup> wolde tym-  
 meren enen groten tempel godes, mer wand he vele bloe-  
 des ghestort hadde in vele stryden,<sup>23\*</sup> soe wolde god, dat  
 syn soene Salomon, een vredesam konync, den tempel tym-  
 meren solde. Doe vergaderden<sup>24\*</sup> nochtan David synen  
 soene enen schatt to voeren to vulleste der tymmerynghen  
 als<sup>25\*</sup> hundert dusent pond<sup>26\*</sup> goldes unde dusent werve<sup>27\*</sup>  
 dusent pond silvers, mer des holtes, der stenen, des yserens  
 unde<sup>28\*</sup> des kopers<sup>29\*</sup> en was<sup>30\*</sup> gheen ghetall. Daermede  
 begunde Salomon syn tymmeren. O mynlike jhesu, dessen  
 schatt was groet unde noet. Davids<sup>31\*</sup> herte was gunstich  
 synen soene, mer boven all is dynen schatt<sup>32\*</sup> dysns herten  
 up unse armoede. O rijker dan david, o wyser dan salomon,  
 o stercker dan sampson, o schoner dan absolon,

<sup>1\*</sup> Hier beginnt Ms. 55 wieder.

<sup>2\*</sup> hemele      <sup>3\*</sup> — de

<sup>4\*</sup> — daermede      <sup>5\*</sup> warlik      <sup>6\*</sup> alder      <sup>7\*</sup> zeer deger

<sup>8\*</sup> ploget      <sup>9\*</sup> overmydst      <sup>10\*</sup> snydige      <sup>11\*</sup> † unde

<sup>12\*</sup> myddens      <sup>13\*</sup> dynes mynneliken      <sup>14\*</sup> van weyte, van

gersten      <sup>15\*</sup> olyje      <sup>16\*</sup> Salmon      <sup>17\*</sup> — oick

<sup>18\*</sup> em      <sup>19\*</sup> hevest      <sup>20\*</sup> ryckheit      <sup>21\*</sup> schatte

<sup>22\*</sup> david koninck van ysraheel      <sup>23\*</sup> velen stryde

<sup>24\*</sup> vergaderde      <sup>25\*</sup> syn sone to vulste der tymmerynge

enen schat to voren alsoe      <sup>26\*</sup> punt      <sup>27\*</sup> mael

<sup>28\*</sup> — unde      <sup>29\*</sup> † unde des messyncges      <sup>30\*</sup> † dar

<sup>1</sup> Matth. 13, 44.      <sup>2</sup> Jer. 41, 8.      <sup>3</sup> Prov. 31, 29.

<sup>4</sup> Col. 2, 3.      <sup>5</sup> II. Reg. 7, 13.

wonderlike is dyn gunsticheit up unse behovicheit, du bereydest uns allen unde elken<sup>1\*</sup> nicht gold, silver, hold,<sup>2\*</sup> steen, mer dysns selves aller mynlikeste<sup>3\*</sup> herte, dat is, uns all in all unde elken all; overmits dessen schatte moeghen<sup>4\*</sup> wy 5 tymmeren dyner ghenadighen toekompst enen tempel, een borch, een kamer, een bedde. O overste bisschop, o hoghe keyser, o mynlike brudegom. Voert bistu noch troestelick of yemant<sup>5\*</sup> des tymmerens nicht en vermochte, so wilstu<sup>6\*</sup> selven oick wesen unse tymmermeyster,<sup>7\*</sup> o wonderlike 10 kunster, alstu<sup>8\*</sup> selven hebst ghelovet, dat Johannes beschrijft:<sup>1</sup> Is yemand de my leef heeft, de holde myn redene unde myn vader sal em<sup>9\*</sup> leef hebben. Wy willen komen to em unde maken ene wonyghe myt em. Och ghif my doch den schat dysns herten, ghif my dyn leefte um dysns selves 15 leefte<sup>10\*</sup> Claerlike du en kanst doch nemant weygheren den aller kostelsten<sup>11\*</sup> schat dysns herten. Natuerlike ghyryghe, rijke<sup>12\*</sup> lude bedecken<sup>13\*</sup> eren schat, slutende in kisten, in budel,<sup>14\*</sup> int heymelike, altijt daer meer unde meer by<sup>15\*</sup> brenghende unde sunder herte seer daer nicht af nemende 20 in de uterste noet, in bitterheit. Mer du, aller mildeste<sup>16\*</sup> jhesu, den aller besten schatt dysns herten<sup>17\*</sup> en hebstu nicht bedecket under de eerden, noch ghestoppet under de eerde of int heymelike ghesloten in de kiste,<sup>18\*</sup> mer du hebst den schatt unghesloten int openbaer ghebracht, sun- 25 der slotel, dyn mynlike lijf upslutende, daer dyn herte in was als in<sup>19\*</sup> ene opene kiste. Och daer mach ellic<sup>20\*</sup> ankommen int opene, up den berch van kalvarien, up den boeme des cruces, in den<sup>21\*</sup> myddel der werlt, elken ghe- lijke nae, daer men van allen enden van veers mochte syen 30 unde sunder hynder ankommen. Och daer stond de edele kiste dysns junckerlichen lichames nicht ghesloten, mer wyde up ghespylet overmits de grote wonderen dyner syden. Och daer was de

<sup>31\*</sup> Davites      <sup>32\*</sup> dyn schat

<sup>1\*</sup> elcken      <sup>2\*</sup> nicht holt, silver, golt

<sup>3\*</sup> alder mynnentlikeste      <sup>4\*</sup> moge      <sup>5\*</sup> yumant

<sup>6\*</sup> wultu      <sup>7\*</sup> tymmer mester      <sup>8\*</sup> also du

<sup>9\*</sup> en      <sup>10\*</sup> später hinzugefügt: umme dines selves leiffte

<sup>11\*</sup> kostelikesten      <sup>12\*</sup> rike, gyrighe

<sup>13\*</sup> bedecket      <sup>14\*</sup> budele      <sup>15\*</sup> an

<sup>16\*</sup> alder mynnentlikeste      <sup>17\*</sup> † den

<sup>18\*</sup> bestoppet int hemelike noch gesloten in de kisten

<sup>19\*</sup> — in      <sup>20\*</sup> elck      <sup>21\*</sup> int

<sup>1</sup> Joh. 14, 15.

begheerlike schatt, dyn mynlike herte,<sup>1\*</sup> allen unde elken  
 menschen openbaer, dat ellic daer mochte vynden, nemen,  
 ghebruken sunder des anderen schaden unde sunder ver-  
 krympen des edelen schattes. To voeren ghevestu vele unde  
 5 mennyghe gaven ut dynen munde myt lerynghe, ut dyn hand  
 myt hulpe allen behoovyghen ellic ut syn<sup>2\*</sup> noet, mer anden  
 cruce ghevestu den aller besten schatte alheel<sup>3\*</sup> dysns gans-  
 sen edelen herten myt kiste<sup>4\*</sup> unde<sup>5\*</sup> myt budel ut dyn aller-  
 meeste gunsticheit, mynlicheit unde<sup>6\*</sup> mildicheit uns allen  
 10 unde elken to salicheit allene um dysns selvers guetheit  
 benedijt in tijt unde in ewicheit. In der bybelen staet,<sup>1</sup>  
 dat de rijke konyck ezechias vele schattes hadde. Up een  
 tijt quemen to em somyghe manne van babylonyen, den he  
 synen schatt vertoneden<sup>7\*</sup> ut syns herten ydelheit. Daer-  
 15 mede verdienden<sup>8\*</sup> he overmits godes tornyge wrape, dat  
 alle syne schatte worden<sup>9\*</sup> ghebracht in babylonyen teghen  
 synen willen, mer nicht tegen godes rechtveerdicheit. O ynnighe siele, merke dysns heren mynlike mildicheit, och he  
 ghift<sup>10\*</sup> den schat syns herten ut syns selvers guetheit over  
 20 all de werlt sunder utnemen der personen, he brenget den  
 schat elken to moete,<sup>11\*</sup> he ropet dat ellic vrij an em kome,  
 he ghift myt vrolicheit. Hore wat he secht,<sup>12\*</sup> als Johannes  
 scrijft:<sup>2</sup> O mensche, du seggest dattu rijke sijt unde nicht  
 behoevich,<sup>13\*</sup> mer du bist alheel arm, snoede unde unsalich  
 25 in dy selven. Ic rade dy, koep van my dat gloigghe<sup>14\*</sup>  
 gold, dattu daermede rijke werdest salich in tijt unde in  
 ewicheit. Waerlike ellic is arm in em selven, mer rijke  
 overmits dessen schatt. O ynnighe sele, sette all<sup>15\*</sup> dynen  
 troest in den<sup>16\*</sup> verdensten cristi in tijt unde in ewicheit,<sup>17\*</sup>  
 30 oftu ijcht gudes kundest<sup>18\*</sup> doen of quaet myden of unrecht  
 lyden, dat salstu snel legghen nicht in dysns selvers budel  
 um dat

---

<sup>1\*</sup> dysns mynnentliken herten      <sup>2\*</sup> holpe allen behovigen  
 elken na syner      <sup>3\*</sup> alheel den alder besten schat  
<sup>4\*</sup> kisten      <sup>5\*</sup> —      <sup>6\*</sup> —      <sup>7\*</sup> vertoende  
<sup>8\*</sup> verdeynde      <sup>9\*</sup> al syn schat waert      <sup>10\*</sup> † di  
<sup>11\*</sup> to gemote      <sup>12\*</sup> Hort wat du sechst  
<sup>13\*</sup> nicht behovest      <sup>14\*</sup> gloyede      <sup>15\*</sup> alle  
<sup>16\*</sup> de      <sup>17\*</sup> — in tijt unde in ewicheit      <sup>18\*</sup> gude konnest  
<sup>1</sup> IV. Reg. 20, 13.      <sup>2</sup> Apoc. 3, 17.

he holl<sup>1\*</sup> is unde nicht dichte, mer int herte cristi, in den schat syner verdensten. Claerlike in syn kiste, in synen schatt word dyn koper gold, dyn tyn<sup>2\*</sup> silver, dyn kaff weyte unde<sup>3\*</sup> dyn water wyn, dyn armoede rijke unde dyn behovicheit vulheit in tijt salich<sup>4\*</sup> unde in ewicheit.

## XXVI. Kap.

Woe cristus uns syn herte ghevet als een kostele gave  
ut leeften sunder yenich verdenst.

Nae dattu<sup>5\*</sup> een luttel hebst ghemerket, o ynnighe sele,  
10 woe<sup>6\*</sup> dyn here dy syn herte heeft ghegeven als een  
kostel schat, nu machstu<sup>7\*</sup> bedrucket wesen<sup>8\*</sup> oftu oick  
den schatt wal moeghest verkryghen, anghesien<sup>9\*</sup> des schat-  
tes edelheit, de nicht groter wesen en kan unde oick dyns  
selves unweerdicheit, de nicht snoder wesen en mach. O wes  
15 ghetroestet, wes blijde, o arme sele, o unweerde bruet. Al  
is dyn snoetheit groet, dyns brudegoms genade gaet boven  
all. He ghift dy syn herte, nicht allene als een stercke  
borch, als een sachte beddiken unde als een rike schatt,  
mer oick als een kostel gave unde ghifte. De gave is alheel  
20 ut leeften, ut graciens sunder koep, sunder butynghe, sunder  
wisselynghe,<sup>10\*</sup> sunder aerbeyd, sunder verdenste unde sun-  
der alle weder gheven, anders en weert gheen gave. O aller  
mildeste ghever, van beghynne der creaturen hebstu won-  
derlike vertonet dyn mildicheit allen unde elken, dynen  
25 creaturen weeder delende dyne gaven, den hemel vercij-  
rende myt sunne, mane unde<sup>11\*</sup> sternen, de eerde myt<sup>12\*</sup>  
water, lucht unde<sup>13\*</sup> dieren, visschen, voeghelen, myt bloe-  
men, kruden, gras, koern, myt vederen, myt haer unde myt  
werve.<sup>14\*</sup> Mer boven all hebstu begavet den menschen, byn-  
30 nen, buten, in lijff, in sele unde<sup>15\*</sup> dyne creaturen em  
ghevende to dienste, to lerynghe, ter noet unde<sup>16\*</sup> toe ghe-  
noechten. Nochtan boven all hebstu vertoent em<sup>17\*</sup> dyn  
mynlike mildicheit unde milde mynlicheit,

<sup>1\*</sup> holde      <sup>2\*</sup> tynne      <sup>3\*</sup> — unde      <sup>4\*</sup> zalich in tyt

<sup>5\*</sup> Na den dattu      <sup>6\*</sup> wu      <sup>7\*</sup> mogestu      <sup>8\*</sup> werden

<sup>9\*</sup> angezeen      <sup>10\*</sup> —      sunder wisselynghe      <sup>11\*</sup> — unde

<sup>12\*</sup> B. — myt      <sup>13\*</sup> — unde      <sup>14\*</sup> varwe

<sup>15\*</sup> — unde      <sup>16\*</sup> — unde      <sup>17\*</sup> em vertoent

dyn aller edelste herte em schenckende als de aller edelste  
 gave. Waerlike van begynne der werld int ende en mach  
 gheen kosteler gave wesen. In all dyn rijcheit en haddestu  
 nicht beters, in all dyn wijsheit en kandestu nicht edelers,  
 5 in all dyn almechticheit en vermochtestu nicht groters, dan  
 dyns selvers herte uns te ghevene. David verwonderden em  
 daer af aldus seggende:<sup>1</sup> O here, wat is doch de mensche,  
 dattu syner dechtich bist unde dyn herte up em leggest.  
 In der bybelen staet,<sup>2</sup> dat Jacob sande gaven, daermede  
 10 synen tornyghen broeder versonende, mer syne gaven weren  
 schape, kalver unde ander beesten.<sup>3\*</sup> Oick sande he gaven in  
 egypten,<sup>3</sup> den heren daermede te<sup>2\*</sup> smekene unde vren-  
 schop<sup>3\*</sup> te makene. O ynnighe sele, alstu voelest, dat dy  
 de vader in der godheit tornich is up dyn misdaet, waer-  
 15 like dan en kanstu em nicht bet versoenen dan mytten aller  
 edelsten herten synes enyghen soenes, dat he dy gheghe-  
 ven heeft allene ut syn mynlicheit um dyn salicheit. Dat  
 salstu mynliken to dy nemen, daermede salstu crachteliken  
 versoenen den rechtveerdighen toerne godes. De wyseman  
 20 secht:<sup>4</sup> de gave maket den mensche een stede voer den  
 konynck unde<sup>4\*</sup> vrenschop voer den heren. Och aldus  
 komestu alheel in godes vrenschop overmits<sup>5\*</sup> dattu em  
 schenkest desse aller beste gave, dyns brudegoms aller  
 edelste herte, allene um syn<sup>6\*</sup> guetheit in tijt unde in  
 25 ewicheit. Natuerlike gave is angheneme unde edel um  
 vele saken. Eerst um hoecheit des ghevers. Als ghift  
 dy de eerdsche keyser enen appel, dat verblydet dyn  
 gansse<sup>7\*</sup> herte, den appel hebstu lever dan hundert ander  
 unde du bewarest em langhe nae dynen vermoeghen. Merke  
 30 dan, woe du soldest untfangen, dat<sup>8\*</sup> de ewighe keyser  
 ghift dyn armoede.<sup>9\*</sup> Item, gave is<sup>10\*</sup> behachlick<sup>11\*</sup> um eer  
 selsenheit.

<sup>1\*</sup> beestein      <sup>2\*</sup> tho      <sup>3\*</sup> vruntschap      <sup>4\*</sup> eyn

<sup>5\*</sup> overmyddest      <sup>6\*</sup> umme synes selvers      <sup>7\*</sup> — gansse

<sup>8\*</sup> † dy      <sup>9\*</sup> — dyn armoede      <sup>10\*</sup> syn      <sup>11\*</sup> behegelick

<sup>1</sup> Ps. 143, 3.      <sup>2</sup> Gen. 32, 13.

<sup>3</sup> Gen. 43, 11.      <sup>4</sup> Prov. 18, 16.

Woe mach yenyghe gave alsoe selsen wesen als dat junc-  
ferlike herte cristi jhesu. Item, als de gave seer kostel  
is<sup>1\*</sup> ut eer selven of<sup>2\*</sup> in eer<sup>3\*</sup> selven, al is de ghever  
kleyne, recht of dy een sympel mensche gheve een guldene  
5 crone. Item, als de untfangher is snode, unweerd unde  
kleine, dan is de gave alsoe vele groter unde ghenadigher.  
Item, als de gave komet ut groter leeften<sup>4\*</sup> des ghevers.  
Item, als de untfangher behoevich is unde mytter gaven  
seer ghevordert is, dan is em de gave seer nutte unde  
10 angheneme. O arme sele, merke dysns selves snoetheit unde  
behoevicheit, kenne wattu eeghest, merke dysns begavers  
hoecheit,<sup>5\*</sup> weerdicheit, mynlicheit, merke desser gaven sel-  
senheit, edelheit unde<sup>6\*</sup> nutticheit. Claerlike dan machstu  
dencken unde dancken, dat dysns heren herte is de aller  
15 beste gave van beghynne der werlt int ende, de dy ghift  
de aller hoechste in weerdicheit ut syn allermeeste myn-  
licheit um dyn allermeeste salicheit in tijt unde in ewicheit  
allene ut syn guetheit, mynlicheit, mildicheit, guetlicheit.<sup>7\*</sup>

## XXVII. Kap.

20 Cristus leefte gaet boven alle leefte der creaturen der  
werlt.

Natuerlike<sup>8\*</sup> syn vele graden in der leeften, mer dysns  
brudegoms leefte gaet se allen<sup>9\*</sup> boven. Eerst is lijeflike<sup>10\*</sup>  
vrenschop tusschen ghesellen, underlynghe te samen ver-  
25 bunden in lijefte. Desse leefte is sterck, um dat se under-  
lynghen eer tijflick<sup>11\*</sup> guet<sup>12\*</sup> verdeelen. Mer dysns heren  
leefte toe dy, o edele sele, is vele sterker, um dat he em  
selven dy ghift. De ander is tusschen brudegom unde bruert.  
Desse is noch<sup>13\*</sup> stercker,<sup>14\*</sup> van tween personen makende  
30 een leeflick wesen, nochtan is daer vake achter nae grote  
bitterheit overmits overspil unde ander quaet. Mer de leefte  
cristi, o sundighe sele, is alto hoech boven gaende. Jere-  
mias<sup>1</sup> secht:<sup>15\*</sup> Et is ghewoentlick als een echte wijf over-  
spil doet myt enen anderen<sup>16\*</sup>

<sup>1\*</sup> syn      <sup>2\*</sup> — ut eer selven of      <sup>3\*</sup> em      <sup>4\*</sup> leve

<sup>5\*</sup> guetheit      <sup>6\*</sup> — unde      <sup>7\*</sup> guetheit      <sup>8\*</sup> † so

<sup>9\*</sup> all en      <sup>10\*</sup> leeflike      <sup>11\*</sup> — tijflick

<sup>12\*</sup> † to      <sup>13\*</sup> nocht      <sup>14\*</sup> starker

<sup>15\*</sup> claget      <sup>16\*</sup> als een echte wyf overspil doet myt enen  
anderen manne, so ist gewoentlick, dat eer echte man ze  
verdrive van em unde se eyn macht

<sup>1</sup> Jer. 3, 1.

manne, soe mach eer echte manne se verdryven van em  
 unde se en mach oick nicht weder komen to den eersten  
 manne, um dat se unreyne is. Nochtan o sundighe sele, al  
 hebstu overspill ghedaen myt dynen vele leefhebbers, ko-  
 met<sup>1\*</sup> weder to my ick sal dy untfanghen toe my, secht  
 5 god de here. De derde leefte is tusschen moeder unde  
 kynd wonderlike sterck. De moeder draghet eer kynd ut  
 leeften, se spyset eer kynd, se doet em wonderlike vele  
 denstes ut leeften, um dat se moeder is. Oick en mach se  
 nicht verdraghen, dat eer kynt langhe van eer sy; dat kynt  
 10 wasschet se, dat spyset se, dat draget se up eren handen  
 over all ut moderliker leeften. O mynlike jhesu, dyn leefte  
 gaet over all boven. Du wasschest uns mytten edelen  
 bloede dys mynliken lichaemes,<sup>2\*</sup> du spysest uns mytti  
 selven, du draghest uns in dyne hande ghescreven mytten  
 15 plumppen anxteliken griffelen dyner yseren naghelen, alstu  
 selven sprekest in ysaya:<sup>1</sup> Sich,<sup>3\*</sup> in mynen handen hebbe  
 ick dy ghescreven, o mensche, dat ick dy nicht en wille  
 vergheten. Mach<sup>4\*</sup> een natuerlike<sup>5\*</sup> moeder vergheten eer  
 kynd, all verghete se eer natuerlike kynd, nochtan en sal  
 20 ick dy nicht vergheten, spreket god de here.  
 De vijerde leefte is tusschen der selen unde eer natuerlike  
 lijf. Och desse leefte is aller sterkeste, alsoe dat se nicht<sup>6\*</sup>  
 en mach af scheyden dan allene overmits de allermeeste  
 pyne. Dat is over all kentlick, um dat ellic mensche alsoe  
 25 wonderlike swoer last ghevoelet in syn sterven. Jo de  
 sele unde lijf edeler syn,<sup>7\*</sup> yo eer underlynghe leefte  
 stercker is unde eer af scheyden lastigher is. O mynlike  
 jhesu, dyn aller hillichste sele is wonderlike begavet myt  
 allen graciën unde dogheden sunder mate. Daer umme was  
 30 eer leefte to dyn aller edelste yncferlike licham aller-  
 meest, hijr umme was oick dat scheyden aller swoerst.  
 Nochtan was dyn leefte alsoe

<sup>1\*</sup> *kum*   <sup>2\*</sup> — *dys mynliken lichaemes*   <sup>3\*</sup> *su*

<sup>4\*</sup> *† ock*   <sup>5\*</sup> — *natuerlike*   <sup>6\*</sup> *numant*   <sup>7\*</sup> *synt*

<sup>1</sup> *Is. 49, 16.*

sterck toe uns dattu den aller bittersten doet myt willen  
 untfenghest ut dyn mynlicheit um unse salicheit, alstu  
 selven sprekest:<sup>1</sup> Nemand en mach myn sele van my nemen,  
 mer ick selven sette myn sele van my<sup>1\*</sup> unde neme se weder  
 5 to my. O gude jhesu, o aller beste hijerde,<sup>2\*</sup> du ghevest  
 dyn sele voer dyne schape, do du anden cruce storvest in  
 der allermeesten pynen ut dyn allermeeste leefte voer  
 dys volkes allermeeste<sup>3\*</sup> salicheit. Och mochte dyn leefte  
 alsoe groet wesen to uns armen sunders in tijt, woedanich  
 10 is dan dyn leefte to dyn utverkoernen in ewicheit. Waer-  
 like dyn herte is uns de aller beste gave um dyn hoecheit,  
 um dyn mynlicheit,<sup>4\*</sup> um unse salicheit unde um unse  
 behoevicheit,<sup>5\*</sup> um der gaven edelheit unde selsenheit. Alle  
 15 selsen dynghen<sup>6\*</sup> syn leeflick, al dat van veers komet is  
 kostel. O aller selsenste gave, o aller edelste herte cristi,  
 dys ghelyck en is nicht van beghynne der werlt int ende.  
 Van veers bistu uns ghekomen vanden hoechsten hemel na  
 dyn godheit ut dyner juncferliken moeder reyne tempel un-  
 de goldene tabernakel nae dyn menscheit to unser salicheit  
 20 in tijt unde in ewicheit. O edele gave, overmits dy werden  
 wy rijke, overmits dyn anghenemicheit versoenen<sup>7\*</sup> wy go-  
 des tornicheit. In den oelden testament was mennich offer  
 der schapen, der kalver, der bucken, der zeghen, der duven  
 unde ander dieren, daer se in den tyden godes toern mede  
 25 versoenden, overmits welke offerhande wy gheesteliken  
 verstaen dat grote offer unses heren<sup>8\*</sup> lijflike anden cruce,  
 daer he syn juncferlike lijf unde konynglike lede gaf in de  
 allermeeste pyne in tijt dat he uns alsoe mochte saligen  
 in ewicheit. Noch was in den oelden<sup>9\*</sup> testament een ander  
 30 kostel<sup>10\*</sup> offer des wyrokes unde tymyaens, den se in den<sup>11\*</sup>  
 vuer branden in den wyrokes vate, dat was gode boven  
 maten angheneme vander

<sup>1\*</sup> — mer ick selven sette myn sele van my      <sup>2\*</sup> herde

<sup>3\*</sup> vor dys volkes alder meeste      <sup>3\*</sup> hoecheit unde mynne-  
 licheit      <sup>5\*</sup> snoetheit unde behovicheit      <sup>6\*</sup> selsene dynge

<sup>7\*</sup> verzone      <sup>8\*</sup> † Jhesu cristi      <sup>9\*</sup> int oelde

<sup>10\*</sup> kostel ander      <sup>11\*</sup> int

<sup>1</sup> Joh. 10, 18.

hant des oversten bisschops in den tempel. Daer by verstaen  
 wy nu gheestelike dat aller beste offer des edelen herten  
 cristi, daer he ut syn mynlicheit syns selvers herte brande  
 in den vuer der rechten leeften, daer de roeck up steech  
 5 voer dat aensichtre godes, alsoe dat he moste<sup>1\*</sup> unsen sun-  
 den ghenadich wesen,<sup>2\*</sup> voer welken dat<sup>3\*</sup> syn enygh sone  
 alsoe kostele gave offerden synen mynliken herten in een  
 roeck der allermeesten soticheit. Oick staet in den oelden  
 testament,<sup>1</sup> dat up een tijt de kynder van israhel gode ver-  
 10 toernden myt eren sunden. Doe sande god syn vuer van  
 boven unde verbrande een deel des volkes van israhel myt  
 eren tenten. Do greep de overste bisschop aaron dat gol-  
 dene wyroeck vat unde brande daer in synen tymyaen<sup>3\*</sup>  
 eder<sup>5\*</sup> wyroeck. Daermede ghenck he snel staen tusschen  
 15 de levende<sup>6\*</sup> unde doden. Daermede stillede he de wrake  
 godes vanden volke unde lesschede dat anxtelike vuer go-  
 des. O mynlike jhesu, o overste bisschop, o<sup>7\*</sup> weerde pree-  
 ster, dyn herte is ummer dat goldene wyroeck vatt des  
 tempels der hilghen cristenheit. Ja dyn herte is boven  
 20 alle golde, boven alle edele stenen unde topazion. Myt  
 dessen dyn wyroeck vatt,<sup>8\*</sup> dyn mynlike herte, stondestu  
 anden cruce tusschen levende unde doden. Myt dynen aller  
 edelsten wyroeck versoendestu den rechtveerdighen toern  
 dyns hemelschen<sup>9\*</sup> vaders up unse misdaet. In den<sup>10\*</sup> wy-  
 25 roeck vat dyns herten brande dat vuer dyner leeften, de  
 roeck steech voer godes teghenwoerdicheit, craechteliken  
 em dwyngende van syner<sup>11\*</sup> tornicheit in unse vrendeli-  
 cheit um dyn mynlicheit unde pynlicheit in dyn herte unde  
 in dyn licham. Och ick dancke allen unde elken dynen  
 30 konynglike ledien dyns juncferliken lichaemes, voer my  
 ghequellet int utechte anden cruce. Noch dancke ick boven  
 all dyn mynlike herte, altijt voer my gheoffert in den<sup>12\*</sup>  
 utechten dyner mynlicheit. Dyn licham unde ledien weren  
 daer versadet myt laster unde pynen, mer dyn herte was  
 35 noch

<sup>1\*</sup> † over      <sup>2\*</sup> B. — wesen      <sup>3\*</sup> — dat      <sup>4\*</sup> tymyaen

<sup>5\*</sup> unde      <sup>6\*</sup> levendigen      <sup>7\*</sup> — o      <sup>8\*</sup> † myt

<sup>9\*</sup> — hemelschen      <sup>10\*</sup> int      <sup>11\*</sup> B. — craechteliken em  
dwyngende van syner      <sup>12\*</sup> int

<sup>1</sup> IV. Mos. 16, 35.

dorstich meer te doene, te ghevene unde te lijdene um myn salicheit ut dyn mynlicheit. Och daer umme verswegestu daer alle last unde pyne van den hoveden ten voeten unde claghedest allene dynen dorst, al werestu daer natuerliken 5 dorstich boven mate um dyn grote aerbeyden, um dyn vele sweten, um dyn langhe vasten, um dyn overvloedich bloeden in dyn<sup>1\*</sup> lijf unde leden. Nochtan was dyn herte mynlike dorstich um unse salicheit ut dyn guetheit. Och dyn edel herte, och desse kostele gave is uns ghegheven int 10 leste der werlt. In voer tyden waren vele konynghen unde propheten, den dit nicht en is ghegheven. Waerlike se mochten wall claghen als de wyseman scrijft:<sup>1</sup> Verborghen schat bedeckede wijsheit unde een heell<sup>2\*</sup> broet wat nutticheit is in dessen. Och uns is de schat up ghedaen, de kiste 15 is untsloten, de buddel is<sup>3\*</sup> up ghedaen, de gave is uns openbaerlike in unsen handen ghelecht, over all syn wy begavet<sup>4\*</sup> unde rijke, overmits dat uns bewiset is de grote gracie an den cruce, daer unses verlosers licham is gewondet unde alsoe syn herte uns<sup>5\*</sup> vertoent. Uns is oick 20 de wijsheit verclaert unde over all gheprediket overmits unses heren lerynghe, de uns is meyster unde boeck, scrijft unde wijsheit, prediker<sup>6\*</sup> unde leven, exempel unde forme alles doens unde latens. Uns is noch te broken dat broet der engelen, de spyse des levens, um dat unse ghenadighe 25 leefhebber uns wolde wesen broet unde wyn, vleysch unde bloet, spyse unde eter, gast unde weert, keyser unde dener, konyck unde knecht, all in all. O ynnighe sele, desse gave is unbescrijflick,<sup>7\*</sup> dys heren herte um syns selves edelheit gaet boven alle verstand, unbescrijflick van aller hand, 30 untellick<sup>8\*</sup> allen tunghen. In den boeke der leeften staet,<sup>2</sup> dat de mynnende sele eren brudegom sochte doer straten unde steghen. Doe se quam by den dochteren van jherusalem, daer vraghede se em: heb ghy

<sup>1\*</sup> *ut al*      <sup>2\*</sup> *heel*      <sup>3\*</sup> — *is*      <sup>4\*</sup> *begavet syn wy*

<sup>5\*</sup> *uns syn herte*      <sup>6\*</sup> *B. prediket*

<sup>7\*</sup> *† unbegrijpelick*      <sup>8\*</sup> *† van*

<sup>1</sup> *Eccli. 20, 32.*      <sup>2</sup> *Cant. 3, 2.*

ijcht ghesien<sup>1\*</sup> mynen ghemynneden. Se spreken: woedanich  
is dyn ghemynnde, o aller schoenste der vrouwen, wodanich  
is dyn leeff. Daer bescreef se eren brudegom over all syn  
lijf unde lede, over all syn ghelaet unde zeden. Mer se  
5 versweech syn mynlike herte, se en dede gheen verclaren  
van desser aller besten gaven. Och de schatt was noch int  
heymelike in der kisten verborghen. Mer nae<sup>2\*</sup> dat de  
kiste is untsloten, de budel is up ghetrecket, unses heren  
juncferlike licham anden cruce is<sup>3\*</sup> ghewondet, syn borst  
10 unde syn<sup>4\*</sup> zyde up ghestekken, waerlike nu is de gave  
over all bekand, de schatt over all ghedeelt elken als allen  
unde<sup>5\*</sup> allen als elken, sunder yemandes schade, sunder  
der gaven verkorten allene um des gevers mynlichkeit, mil-  
dicheit, guetheit unde<sup>6\*</sup> godheit benedijt in tijt unde in  
15 ewicheit.

## XXVIII. Kap.

Woe cristus uns syn herte heeft ghegheven sunder yenich  
weder gheven unser armoeden.

O ynnighe sele, umme dattu nu begavet bist boven all myt  
20 dys brudegoms herte, dat he dy heeft ghegheven sunder  
ansien<sup>7\*</sup> yenyghes weder ghevens, dat syn rijcheit nicht en  
behoevet, syn mildicheit nicht en eeschet unde oick dyn  
armoede nicht en vermach. Noch alle creatueren in hemel  
unde in eerde en kunnen<sup>8\*</sup> noch betalen noch weder ghe-  
25 ven, noch dencken, noch dancken alsoe milden ghever noch  
alsoe grote gaven. Nochtan undancbaerheit is alte lelick  
in alsoedanen saken. Bernardus secht:<sup>1</sup> God en hatet gheen  
dyngh alsoe seer by sunderlynghen<sup>9\*</sup> in den kynderen der  
gracien als undancbaerheit. Hijr umme nae bewijs unde  
30 ghetuych dynre natuerliken redelicheit werdestu vermaent  
em te danckene myt dyn herte, da dy also mynlike ghift  
syn herte. Moyses sprack to den kynderen van israhel als  
in der bybel staet:<sup>2</sup> O israhel ghedencke, wat gue-

---

<sup>1\*</sup> ghezeen      <sup>2\*</sup> wu      <sup>3\*</sup> — is      <sup>4\*</sup> — syn      <sup>5\*</sup> — unde  
<sup>6\*</sup> — unde      <sup>7\*</sup> anzeen B. anghesien      <sup>8\*</sup> creatuer... en  
konnen      <sup>9\*</sup> bi sunder

<sup>1</sup> ML. 183, 339 Dom. V. post Pent. Serm. II. n. 1. „Nihil ita  
displacet Deo praesertim in filiis gratiae... quemadmodum  
ingratitudo.“      <sup>2</sup> V. Mos. 11, 1 ff.

des dy god heeft ghedaen. Ut egipten heeft he dy myt ghe-weldigher hand utgheleydet, daer du seer beswoert werest myt lastighen denste, dyne vervolghers heeft he ghedrengket int rode meer. In der woestenyen heeft he dynen hun-  
5 gher ghespyset mytten hemelschen broede, dynen dorst heeft he ghelesschet mytten water ut den stene, dyne cleder en syn nicht versleten veertich jaer lanck, in den lande van beloften hevet he dy in ghebracht, dat vloyet van honich unde mellic. In al dessen waldanen<sup>1\*</sup> en soeket he nicht  
10 weder van dy dan allene, dattu em untsiest unde boven all dattu em<sup>2\*</sup> leefhebst, dat is, dattu em dyn herte ghe-vest. Dit is dat<sup>3\*</sup> eerste unde meeste ghebod in den nyen unde in den<sup>4\*</sup> oelden testament, dattu leefhebbest dynen god ut dyn gansse herte. Paulus secht:<sup>1</sup> Vulheit der ee dat  
15 is leefte. We mynnet de heeft vervullet de ee. Augustinus secht:<sup>2</sup> We de rechte leefte hevet, de heeft all dat heymelike unde apenbaer is in der hilghen scrijft. O mensche, all en kanstu nicht overlesen alle boeken unde scrijften, so heb doch de rechte leefte, daer ist al to mael in gheleghen. Up  
20 dat nemand em<sup>5\*</sup> en moghe untschuldighen in den daghe des ordels,<sup>6\*</sup> soe wolde god allen menschen gheven een kort word, dat ellic mochte untholden sunder vergeten, een open woert, dat ellic mochte claeerliken kennen, een licht woerd, dat ellic mochte sunder aerbeyd<sup>7\*</sup> vulbrenghen in  
25 den werken, dat is:<sup>3</sup> Mynne dynen god ut dynen ganssen herten. O ynnighe sele, merke doch, woe edel is mynnen. Waerlike mynnen unde leefte is dyn aller hoechste unde edelste<sup>8\*</sup> werck, dattu doen kanst. Natuerlike de wille der zelen is de overste cracht over all unde mach ghebeyden  
30 ghelyc als een keyserynne over all de lede, synne unde crachten, bynnen unde buten, in lijff in sele, unde mach se stueren in mennygherleye

<sup>1\*</sup> waldaden    <sup>2\*</sup> † boven alle    <sup>3\*</sup> ist

<sup>4\*</sup> int olde unde nye    <sup>5\*</sup> em nemant    <sup>6\*</sup> ordels. B. oeldes

<sup>7\*</sup> sunder arbeit mochte    <sup>8\*</sup> alder edelste, hogeste

<sup>1</sup> Rom. 13, 10.

<sup>2</sup> ML. 39, 1534, Serm. 350, n. 2. „Ille itaque tenet et quod patet et quod latet in divinis sermonibus, qui charitatem tenet in moribus.“    <sup>3</sup> Luc. 10, 27.

werken, bynnen unde buten. Unde manck alle den werken  
 is leefhebben dat aller overste unde hoechsten,<sup>1\*</sup> um dat  
 leefhebben unde mynnen allene vrij is. Ander lede unde  
 wercken moghen werden belettet unde ghehyndert, oghe.  
 5 hant, voet unde ander lede moghen werden utghesteken  
 unde afghesneden unde alsoe eer natuerlike werken verle-  
 sen, als sien, hoeren,<sup>2\*</sup> spreken, aerbeyden, mer leefhebben  
 is over all unbedwonghen vrij,<sup>3\*</sup> alsoe dat alle de werlt  
 nicht en kan benemen enen mensche syn leefte, he en moghe  
 10 mynnen, wen he will. Augustinus secht:<sup>1</sup> O mensche, seg-  
 gestu my, dattu nicht en kunnest vasten, waken, aerbeyden,  
 singhen unde<sup>4\*</sup> lesen, claeरlike ick gheloves dy, mer seg-  
 gestu my,<sup>5\*</sup> dattu nicht en kunnest leefhebben, dat en  
 ghelove ic dy nicht, um dat dyn leefte hanghet an dynen  
 15 vrijen willen, unde ummer alstu willest, soe is dyn leefte  
 vulkomen. Oeck is leefte over all edel, um dat se over  
 all behachlick is oick den allermeesten in den aller mynne-  
 sten. Ja de grote lude moegen versmaden kleyner lude ga-  
 ven, werken, woerden, denst, by wesen, zeden unde ghe-  
 20 laet mer nicht eer leefte. Ja de overste keyser desser  
 werlt en versmadet nicht de leefte eens schaep hijerden.<sup>6\*</sup>  
 Et is em oick angheneme unde ghenoechlicke, dat em een  
 hond leefheeft. O edele leefte, du makest alle kleyne gaven  
 groet unde sunder dy syn alle gaven kleyne.<sup>7\*</sup> Du bist  
 25 over all weerd unde edel, overmits dyn edelheit wort alle  
 offer untfanckick. Du dedest dat der wedewen<sup>8\*</sup> twe scher-  
 ve, in den tempel gheoffert, beter weren in den oghen  
 godes dan alle de<sup>9\*</sup> grote offerhande der rijken. In der  
 oelden ee<sup>2</sup> gheboet god, dat de<sup>10\*</sup> kynderen van israhel  
 30 nicht en solden offeren sunder juchen, dat is, sunder kostel  
 bereyden myt kruden dar de<sup>11\*</sup> spysen mede ghekaket unde  
 bereyt woert kosteliken te smakene. Alsoe bistu over over  
 all bereyt,<sup>12\*</sup> een verbeterynghe unser armen wercken, also  
 groet, also kleyne, alsoe kostel, alsoe angheneme syn unse  
 35 wercken als de leefte groet is of kleyne in unsen

<sup>1\*</sup> aller overste unde hogeste guet

<sup>2\*</sup> + gaen

<sup>3\*</sup> vrij unbedwungen

<sup>4\*</sup> — unde

<sup>5\*</sup> — my

<sup>6\*</sup> enes schape heerden

<sup>7\*</sup> is alle gave cleyne

<sup>8\*</sup> weduwen

<sup>9\*</sup> — de

<sup>10\*</sup> B. den

<sup>11\*</sup> B. der

<sup>12\*</sup> — bereyt

<sup>1</sup> Cf. ML. 39, 2249, Serm. 270, n. 3. Augustinus? cf. Hieronymus L. I. Comm. in cap. 5 Matth. „Potest mihi aliquis dicere, non possum jejunare; numquid potest dicere, non possum amare?“ cf. Brevier 12. Juli VIII. lect.

<sup>2</sup> Lev. 2, 13. Cf. Marc. 9, 48.

herten. Dit kande unde belyede paulus,<sup>1</sup> een vat des utverkesens: Ist dat ick spreke myt engelschen tunghen, al gheve ick all myn guet den armen, al gheve ick myn lijff in den vuer, hebbe ick nicht de leefte, soe ist al nicht. O wonderlike leefte, du bist allene, overmits welke myn sele mach ghelyck werden den almechtighen gode. God mach my straffen, slaen, ordelen unde<sup>1\*</sup> verdoemen, mer dat<sup>2\*</sup> en mach ick em nicht weder doen. He mach my leefhebben, unde waerlike he mynnet my wonderlike, ic mach em ummer weder mynnen. All is myn leefte teghen syn leefte vele kleyner<sup>3\*</sup> dan een drope waters teghen de gansse zee unde alle wateren, als een zandkoerneken<sup>4\*</sup> teghen den allermeesten<sup>5\*</sup> terch, als een kleyne voncke vuers teghen alle vuer,<sup>6\*</sup> oick<sup>7\*</sup> dat moghelike is te wesene. Natuerlike leefte is een gave unde is een dyngh, datmen van rechte sal gheven unde moet gheven. Ist dattu desse gave nicht en ghevest, soe en vergaet se, recht alst vuer nicht en werket, soe moetet utgaen. Gregorius secht:<sup>2</sup> Nemand en mach to em selven grote<sup>8\*</sup> leefte hebben, mer de leefte ghift he enen anderen, den he mynnet unde dan ist rechte natuerlike leefte. Unde desse edele gave, dyns herten leefte, ist allene dattu gheven kanst. Dit is dynen schat, dyn rijcheit, dyn verdenst unde all dyn guet. Als dyn leefte guet is, soe ist all guet, als dyn herte ghesund is, soe ist all vrolick. Hijr umme moestu<sup>9\*</sup> myt vlide over all merken, wen du desse gave sullest gheven, wen dyn herte sal leefhebben. Naturlike ellic mensche merket myt andacht, wen he synen pennynck of syn tijtlick guet schencket. Vele meer salstu merken, o ynnighe sele, wen du dyn herte ghevest, um dat dyn herte guet of quaet, edel of snode, salich of unsalich wort, nae ghedaente<sup>10\*</sup> des ghenes, den du mynnest myt dyn herte unde de dyn herte untfanget. Augustinus secht:<sup>3</sup> De sele is meer daer se mynnet, dan daer se

<sup>1\*</sup> — unde    <sup>2\*</sup> dit    <sup>3\*</sup> myn    <sup>4\*</sup> zandes korneken

<sup>5\*</sup> enen groten    <sup>6\*</sup> cleyne vunke tegen eyn groet vur

<sup>7\*</sup> † al    <sup>8\*</sup> rechte    <sup>9\*</sup> † over al    <sup>10\*</sup> na gedaende

<sup>1</sup> I. Cor. 13, 1 ff.

<sup>2</sup> ML. 76, 1139 Hom. 17 in Evang. n. 1. „Nemo enim proprie ad semetipsum habere caritatem dicitur: sed dilectio in alterum tendit, ut caritas esse possit.“

<sup>3</sup> Cf. ML. 35, 1550, In Evang. Joan. Tract. XIX, c. V, n. 12.

leven ghevet, dat is, se is stercker in leefte dan se is in den<sup>1\*</sup> licham, dat se levendich maket. Augustinus secht:<sup>1</sup> O mensche, mynnestu eerdsche dynghen, soe werdestu snode als eerde, mynnestu god, soe werdestu godformich 5 salich in tijt unde in ewicheit. Hijr umme salstu dyn herte gode gheven um mennighen saken unde boven all um dat he dy syn herte heeft<sup>2\*</sup> ghegheven, em hertelike mynnende, um dat he dy hertelike mynnet. O mynlike jhesu, als ick 10 dyn leefte betale myt myn leefte unde myn herte gheve voer dyn herte, soe blyve ick dy noch soe vele schuldich als<sup>3\*</sup> dyn herte beter is dan myn herte. Och dat en kunnen alle creaturen nicht betalen in hemel unde in eerde, mer allene byn ick daermede ghetroestet, dat dyn herte myn 15 is, dattu my mynliken ghegheven hebst. Alsoe legghe ick dyn herte up myn herte unde betale dynner mildicheit myt dyns selves mynlicheit.<sup>4\*</sup> Ic sette dyn guet voer myn quaet, dyn soticheit voer myn bitterheit, dyn edelheit voer myn snoetheit, dyn vuericheit voer myn koelheit allene in dy unde um dy vrolic unde salich in tijt unde in ewicheit 20 der ewicheit.

## XXIX. Kap.

Als wy cristum unse herte hebben ghegeven, dat is uns selven allerbest, overmits syn mildeliken weder gheven. Merke, o ynnighe sele, alstu dyn herte dynen heren ghev- 25 vest unde alsoe<sup>5\*</sup> alheel syn bist, dat is ummer dyns selves bate unde nicht syn vordel. Eerst machstu daermede rijke werden. Jheronimus secht:<sup>2</sup> Over all is rijke eens cristene menschen armoede, de em selven utgaet unde an god hechtet, um dat em ghegheven is te besittene alle dynghen 30 in den besitter aller dynghen. He besorghet dy over all in dyn behoevicheit, ghelyc als he Daniel<sup>3</sup> besorghede myt kost in de lewen kule unde Helias in tijt des hungers. David<sup>4</sup> secht: De god soeket, den en sal nicht untreken alle guet. He beschermet dy in allen noden, toe allen tijden. 35 Ysayas secht:<sup>5</sup> Du bist myn knecht, o israhel. Alstu gaest doer vuer, soe en sal de

<sup>1\*</sup> int                   <sup>2\*</sup> he syn herte di hevet<sup>3\*</sup> schuldich also vele als                   <sup>4\*</sup> myldicheit                   <sup>5\*</sup> — alsoe<sup>1</sup> Cf. ML. 36, 931. Ennar. in Ps. 73, n. 2: „Sed quamdiu prius homo terrenus es? quamdiu terrena sapi?“ cf. 36, 84. in Ps. 5. n. 5. „non est ergo inhaerendum terrenis, si volumus Deum videre . . .“<sup>2</sup> ML. 22, 348, Ep. XIV, n. 1. „Affatim dives est, qui cum Christo pauper est.“ Cf. 22, 644, n. 8.<sup>3</sup> Dan. 6, 22.                   <sup>4</sup> Ps. 33, 11.                   <sup>5</sup> Is. 41, 9 (43, 2).

vlamme dy nicht schaden. He loent dy boven dyne verdensten.<sup>1\*</sup> O guede knecht, gae in de vroude dyns heren, vrolick unde salich in ewicheit. Aldus is dyn here beter unde truwer boven alle koninghen unde keysers benedijt<sup>2\*</sup> in 5 ewicheit.

### XXX. Kap.

Woe wy sullen gheven de aller edelste gave, uns herte  
den keyser ect....

Daer nae salstu merken, o ynnighe sele, in wat maneren  
10 du salst gheven de aller edelste gave dyns herten.<sup>3\*</sup> Claer-  
like nae hoecheit des oversten, ewighen keysers unde dyns  
aller<sup>4\*</sup> levesten brudegoms soldestu dyn herte em breghen  
in syn teghenwoerdicheit int aller kostelste vercijrt myt  
silver, myt gold unde myt edelen stenen. Och dit is over  
15 all behoerlick syner moghenthheit, mer te kostel dyner  
armoedicheit. Daer umme breghet em dyne gaven,  
schencke em dyn herte nae dynen vermoghen, dat sal syner  
guetlicheit wall ghenoeghen. Bereyde em de gave dyns  
herten in enen kleynen, ronden korff of an enen snoer  
20 ghehanghen, over all besteken myt bloemen unde myt  
kruden, myt der rosen der leeften, myt der lylyen der  
reynicheit unde myt allen edelen schonen bloemen aller  
dogheden unde<sup>5\*</sup> boven all myt dat edel fyoleken der  
oetmoedicheit, dan en sal god dyn rouwicheit unde dyn  
25 vernedert herte nicht versmaden, alsoe sprack david,<sup>1</sup> een  
man nae godes herte. Mer doch int eerste salstu alle bloet  
der unbehoeijken leeften unde alle fenyn der nydicheit  
unde oick alle water der quadren ghenoechten laten vlo-  
yen ut dyn herte, dan machstu desse gave schencken dynen  
30 konynck unde dynen brudegom in den ronden korf of an  
een syden snoer hangende. Natuerlike rondicheit is be-  
reyt te welterene of te dryvene, waer men will, unde all  
dat hanget is lichtelike te dryvene, te dryvene, te weghene,  
hijr unde daer, nae elkes willen. Ja een kynt mach

<sup>1\*</sup> dyn verdenst    <sup>2\*</sup> † in tid unde    <sup>3\*</sup> heren

<sup>4\*</sup> Ms. 55 bricht nach den Worten: unde dyns al (ler..) ab  
und es fehlt ein ganzes Blatt. Beginn wieder S. 140.

<sup>5\*</sup> B. † is.

<sup>1</sup> Ps. 50, 19.

schuven unde wegghen enen groten last als se rond is eder  
 hanghet, de enen sterken manne unstaet in eer liggen int  
 platte. Aldus gheesteliken, o edele sele, kenne int ronde  
 5 unde int hanghen de rechte, waerachtighe ghehoersamheit,  
 over all bereyt te doene, te latene, te levene, te stervene, te  
 dyene, te verdervene allene nae den willen godes in tijt unde  
 10 in ewicheit. Merke doch over all rondicheit, in hemel,  
 in sunne, in mane, in sternen, in lucht, in water, in eerde,  
 in boemen, in twygheren, in bloemen, in kruden, in blade-  
 ren, in visschen, in voghelen, in dieren, in menschen leden,  
 15 in syne handen, in syne voeten unde vyngheren unde aller-  
 meest int herte. Over all ist kentlick, dat se rond syn unde  
 verstandelick, dat se ghehoersamheit beteykent, over all  
 bereyt te lopene na den willen des oversten vaders. O yn-  
 20 nighe sele, schencke dynen heren dyn herte in den korff,  
 de over all rond is, over all ghehoersam nae syn behach<sup>1</sup>,  
 um dat he syn herte dy gaff oick in den ronden korf der  
 aller vullenkommensten ghehoersamheit, underdanich synen  
 25 unde dynen vader, hent ten doet des cruces ut syn myn-  
 licheit um dyn salicheit. In der konynghen boeke staet,<sup>1</sup>  
 dat Salomon, konyck van israhel, tymmerden enen stoell,  
 de was kostel boven maten. In allen konynekrijken der  
 ganssen werlt en was gheen syns ghelyck. He was ghe-  
 maket van elpenbenen, ghecledet over all mytten aller  
 30 besten golde, wonderlike vercijrt over all unde achter an-  
 den rugghe was he rond unde nicht vijkant. O hoghe konyck,  
 over all mechthich, o guetlike vredemaker, o soete  
 jhesu, dynen stoell dynes cruces<sup>1\*</sup> was wonderlike kostel  
 van elpenbeen dyner juncferliken reynicheit, myt golde  
 35 dyner mynlicheit achter int ronde overmits dyn uterste  
 ghehoersamheit.<sup>2\*</sup> Alle dyne werken dedestu altijt ut myn-  
 like ghehoersamheit, altijt vulbrengende, dat em behach-  
 lick<sup>3\*</sup> was, als de mynnende sele in den boeke der leeften<sup>2</sup>  
 van dy

<sup>1\*</sup> Ms. 55 beginnt wieder mit den Worten: *cruces was ...*

<sup>2\*</sup> B. † altijt vulbrengen, dat em behachlick was.

<sup>3\*</sup> behelick (sonst immer: behegelick!).

<sup>1</sup> III. Reg. 10, 18 f.      <sup>2</sup> Cant. 5, 14.

spreket, dat dyne hande syn ghedreyet. Och dit<sup>1\*</sup> syn dyne werken altijt rond overmits ghehoersamheit<sup>2\*</sup> sunder wynckel, sunder wederhaken yenighes<sup>3\*</sup> weder sprekens of eeghen soekelicheit. In den <sup>4\*</sup> lesten anden cruce, up dynen 5 stoel, int rond anden rugghe hebstu de allermeeste ghehoersamheit bewyset ut dyn mynlicheit um unse salicheit. Och lere my unde helpet<sup>5\*</sup> my maken een rond korveken der ghehoersamheit, daermede wolde ick dan dy myn herte brenghen voer dyn ghenadighe hoecheit. Natuerlike de 10 korff wort ghemaket van vele kleyne gaerdikens of wedekens,<sup>6\*</sup> de boechsam syn, de vlechtet men unde trecket se doer unde weder doer, under, boven, bynnen, buten, up unde neder, alsoe wortet enen korff. Als de gaerdiken<sup>7\*</sup> natt syn unde vucht soe bughen se aller best. O ynnighe 15 sele, aldus moet wesen dynen korff dyner ghehoersamheit, over all boechsam, alsoe dattu in allen gheboden unde verboten kunnest bughen sunder breken. Aldus kanstu bereyden een schone korveken. De weden wasset up den<sup>8\*</sup> water unde syn vull vuchticheyden.<sup>9\*</sup> Och alstu untfangest den 20 in loep unde in vloyen<sup>10\*</sup> der graciën, dan kanstu lichteliken bughen. Hijr um als dyne weden syn verhardt, verdoret<sup>11\*</sup> unde daermede brekende in eer bugen, dan legghe se weder int water der graciën unde der ynnicheit, dan wort dynen korff edel unde dichte over all<sup>12\*</sup> sunder knarren, sunder gater. Make dynen heren een wit korveken 25 over all reyne sunder blader der ydelheit, sunder bast des glorierens voer den luden. Dencke dat de apostelen up nemen de brocken in korven,<sup>13\*</sup> de over bleven weren,<sup>1</sup> daer unse here vele scharen spyseden<sup>14\*</sup> myt luttel broden, 30 in een teyken, dat gheestelike lude sullen overmits ghehoersamheit vulbrenghen de rade godes, eers selves regule unde in settynghe, dat over all de scharen nicht en eten, noch de wertlike menschen nicht en doen.

<sup>1\*</sup> dat      <sup>2\*</sup> † zunder twyvel      <sup>3\*</sup> yumendes      <sup>4\*</sup> Int

<sup>5\*</sup> leer my unde help my      <sup>6\*</sup> van velen cleynen weden

<sup>7\*</sup> weden      <sup>8\*</sup> up et      <sup>9\*</sup> vuchticheit      <sup>10\*</sup> utvloyen

<sup>11\*</sup> verdoret, verhardt      <sup>12\*</sup> † reyne

<sup>13\*</sup> in korven upnemen de brocken      <sup>14\*</sup> spysede

<sup>1</sup> Matth. 15, 33 ff.

Och et is em te vele, dat gheesteliken luden is to passe, de aldusdane<sup>1\*</sup> korve hebben als de apostelen. Overmits den korff woert Paulus ghebracht ut den handen syner vervolghers,<sup>1</sup> over de muren ghelaten der stat Damascus. Alsoe  
 5 mach ellic kynd der ghehoersamheit vrij wesen van allen vyanden salich in tijt unde in ewicheit. O ynnighe sele, alstu dyn herte hebst in den korff, dan moestu sien, woe dattu<sup>2\*</sup> dan benaken kunnest<sup>3\*</sup> den aller hoechsten keyser, de ummer syn tabernakel settet<sup>4\*</sup> in den oversten unde syn wo-  
 10 ninghe is in den oversten hemel. Gheen quaet en mach by em komen. Dyn swoerheit en mach nicht styghen an syn hoecheit. Nochtan wes ghetroestet, um dat syn guetheit nijghet unde syn ghenadicheit<sup>5\*</sup> to dyn oetmoedicheit.  
 David secht:<sup>1</sup> De here is hoech unde siet<sup>6\*</sup> neder dynghen  
 15 in hemel unde in eerde. Daer umme salstu dyn herte in dynen korf stricken an syn snoer, den he dy van boven neder racket. Daermede laet em dyn herte to em trecken. De snoer is van drien strenghen unde de en<sup>7\*</sup> kan nicht te breken. Bernardus secht:<sup>3</sup> Ic merke drie dynghen in goede,  
 20 daer al myn toeverlaet in staet,<sup>8\*</sup> als dat syn leefte my heeft verkoren, syn waerheit heeft my ghelovet, syn macht kan my salighen.  
 De eerste stranck desses snoers is roet als vuer, dat is syn  
 25 genadiche leefte, my verkesende sunder myne gueden verdensten unde teghen myn quade verdensten.<sup>9\*</sup> Ick eeghede verworpenheit unde verdoemenisse um myn boesheit, unde sich,<sup>10\*</sup> he ghift my salicheit<sup>11\*</sup> um syn vaderlike mynlichkeit. Och aldus en heeft he nicht ghedaen allen gheslechten.  
 Desse eerste stranck is alsoe sterck als godes guetheit, un-  
 30 verwynlick<sup>12\*</sup> in tijt unde in ewicheit. De ander stranck is wit unde blanck, um dat godes waerheit allermeest is kentlick unde openbaer daghes unde nachtes, heydenen, joden, kerstenen, nemand en mach segghen dat gheen god en sy. Augustinus

<sup>1\*</sup> *aldus danige*      <sup>2\*</sup> *B. dat*      <sup>3\*</sup> *kunnest benaken*

<sup>4\*</sup> *B. — settet*      <sup>5\*</sup> *ume dat syne genadicheit nyget to*  
      (*— syn guetheit... unde*)      <sup>6\*</sup> *hoghe unde he seet*

<sup>7\*</sup> *eykan*      <sup>8\*</sup> *anstaet*      <sup>9\*</sup> *verdeynst*      <sup>10\*</sup> *zu*

<sup>11\*</sup> *B. salighet*      <sup>12\*</sup> *unverwyntlick* *† is*

<sup>1</sup> *Act. 9, 25.*      <sup>2</sup> *Ps. 112, 5.*

<sup>3</sup> *ML. 185, 104 Sermo II. in Festo S. Benedicti, Sermo de fiducia in Deum, n. 3.* „*Securus in eum projicio omnem sollicitudinem meam, cuius nec potentia vinci, nec sapientia falli, nec benevolentia potest fatigari quominus expletat*

secht:<sup>1</sup> alle creaturen ropen unde betughen, dat god se heeft gemaket unde se<sup>1\*</sup> nicht em selven. Waerlike dessen stranck is wonderlike sterck, um dat de waerheit godes blijft in ewicheit. Hemel unde eerde sullen vergaen, mer 5 de woerde godes<sup>2\*</sup> en sullen nicht vergaen. Jo hogher konynck, jo syn lofte vaster is. Och woe<sup>3\*</sup> mochte dan de lofte godes under gaen. Claerlike syn woerd is syn zeghel, he en mach em selven nicht versaeken, um syns selves edelheit sal he dy doen dat he dy hevet ghelovet, dy sa- 10 lichmakende<sup>4\*</sup> in tijt unde in ewicheit.

De derde stranck is blae als de vaste hemele; alsoe is de macht godes crachtich te doene overmits syns selves almechticheit, dat he wolde unde gunneden<sup>5\*</sup> ut syns selves mynlicheit unde belovede in syns selves waerheit. Nemand 15 en mach em weder staen. In syn macht is hemel,<sup>6\*</sup> eerde unde all eer vulheit. Nemand en mach em segghen, waer umme doestu dit of dat,<sup>7\*</sup> aldus off alsoe.

O stercke snoer van drien strenghen, roet, wit, blae; godes guetheit, waerheit, almechticheit, de dy van boven hijr 20 neder doet komen unde mytti alto mennich swoer herte heeft up ghetrecket ut den aller depeste int hoghe, de stricke oick myn herte unde myn korveken an dy unde trecke my to em unde he besitte my, he dryve my na synen willen, hangende an dy. O aller edelste snoer, du en kanst 25 nicht breken, also veer als ick stijf an dy blyve hangende. De unbegrijpelike barmherticheit godes heeft dy alto deep neder ghesand unde alto langhe ghehanghen up desser eerden in allen tijden, up vele steden, dat he overmits dyn trecken mochte salighen alle herten allene um syns selves 30 guetheit, daer umme sy he benedijt in ewicheit.

### XXXI. Kap.

Woe wy sullen knuppen unse korveken an den snoer der gotliken guetheit.

O ynnighe sele, al is dessen snoer van boven ghehangen,

*omnem indigentiam meam.“*

<sup>1\*</sup> B. — se      <sup>2\*</sup> des heren      <sup>3\*</sup> we      <sup>4\*</sup> zalich to makene

<sup>5\*</sup> gunnede      <sup>6\*</sup> † unde      <sup>7\*</sup> dit

<sup>1</sup> ML. 42, 1061. *De trinitate l. XV, c. IV, n. 6.* ML. 36, 205, *Enar. 2. in Ps. 26, n. 12, „undique tibi clamabit creatura: Deus me fecit.“*

nochtan en trecket he nicht alle herten, um dat se nicht  
 em selven daer an en knuppen.<sup>1\*</sup> ghelyck als de visscher  
 syn angel werpet int water, nochtan en vanghet he gheen  
 vissche, ten sy dat se selven daer an hechten. Hijr umme  
 5 salstu dynen korff hanghen<sup>2\*</sup> an dessen snoer overmits den  
 band dys gheheten, alsoe dattu alheel mishopest van dy  
 selven, van all dyne wercken unde verdensten unde allene  
 dy verlatest up godes guetheit, waerheit, almechticheit. Och  
 make den band dys gheheten vast, knuppe daermede den  
 10 korff dys herten an den snoer der godliken guetheit, waer-  
 heit, almechticheit, dan werdestu sunder twyvel up ghe-  
 trecket salich in tijt unde in ewicheit.  
 In den evangelio<sup>3\*</sup> staet up mennighen steden, als unse<sup>4\*</sup>  
 here woert ghebeden, dat he wolde krancken ghenesen,  
 15 blynden verluchten unde behoevyghen helpen, soe plach he  
 em te segghene, dat em gheschien moeste nae eren gheheten.<sup>5</sup>  
 Oick staet daer van een land, daer he gheen teyken noch  
 myrakel doen en mochte van eren ungheloven. O wonder-  
 like cracht des gheheten, du bist uns allen unde elken noet  
 20 to unser<sup>6\*</sup> salicheit, sunder welken gheheten oick de al-  
 mechticheit godes nicht en wolde vertonen syn unbescryf-  
 like<sup>7\*</sup> guetheit. Waerlike du bist een fundament alles ghee-  
 steliken tymmers, sunder welke fundament alle tymmer  
 neder stortet. Du bist de sterne<sup>8\*</sup> in desser duysterheit,  
 25 luchtende boven mane unde sunne; all<sup>9\*</sup> de sunder dy  
 will<sup>9\*</sup> wanderen, de moet<sup>10\*</sup> vallen in den dreck der boes-  
 heit. Du bist een claer speghell, daer ellic mach all ken-  
 nen; wat he daer by brenghet, dat luchtet daer elken als  
 allen unde allen als elken. Al bistu kleyne, o edele spe-  
 30 ghel, o vaste claer ghelove, nochtan mach ellic in dy sien  
 grote torne, tempel unde berghe. Alsoe mach ellic oghe  
 sien overmits dy, wat god is unde<sup>11\*</sup> ewicheit: claer-  
 heit, salicheit, hoecheit.<sup>12\*</sup> Och du bist unse rechter oghe,  
 du bist

<sup>1\*</sup> knuppet      <sup>2\*</sup> bynden      <sup>3\*</sup> Int evangelium

<sup>4\*</sup> † leve      <sup>5\*</sup> † ewiger

<sup>6\*</sup> † wijsheit unde      <sup>7\*</sup> † des meers

<sup>8\*</sup> alle      <sup>9\*</sup> willen      <sup>10\*</sup> moten

<sup>11\*</sup> B. † in      <sup>12\*</sup> hocheit, claerheit ...

<sup>1</sup> Matth. 8, 13.

unse beste lecht, du bist unse clare lampe. Unse vyand  
doet all unse quaet unde<sup>1\*</sup> all syn vlijt, dat he dy mach  
in uns<sup>2\*</sup> utblasen, dat unse herte werde<sup>3\*</sup> duncker unde  
unse hues duyster, sunder lecht, sunder lampe.<sup>4\*</sup> Dan wolde  
5 he unse guet stelen unde uns moerden, de oelde dieff unde  
wreede moerdener. In der konynghen boeck staet,<sup>1</sup> dat een  
boese, wreet<sup>5\*</sup> konyck, Naas ghenomet, begheerden van  
den volke israhel, dat he em eer rechter oghe mochte  
utsteken. Aldus aerbeydet de vyand unser salicheit al-  
10 tijt,<sup>6\*</sup> dat he unsen gheloven uns<sup>7\*</sup> mochte benemen. O edele  
gheloven, du bist de guldene rijngħ overmits welken de  
overste konync unde aller mynlikeste brudegom, cristus,  
truwet syn utverkoerne bruēt, unse sele, allene um syn  
guetheit in tijt unde in ewicheit.

15

XXXII. Kap.

Woe alle kynder der graciē sullen staen in ghehoersam-  
heit unde in der leeften godes.

Nae<sup>8\*</sup> dattu een luttel verstaen hebst, o ynnighe sele, woe  
du dyn herte salst offeren gode<sup>9\*</sup> in den<sup>10</sup> korveken, dat  
20 rond is unde van weden ghevlochten, over all drijflick  
unde boechsam, daer by verstaestu ghehoersamheit over  
all bereynt nae den willen godes, voert salstu dyn korveken<sup>11\*</sup>  
oick laten dryven unde vlechten in ghehoersamheit dyn  
oversten um de leefte godes, als unse<sup>12\*</sup> here secht to synen  
25 discipulen:<sup>2</sup> We yu hoert, de hoert my selven unde wee yu  
versmadet, de versmadet my selven. Up moyses stoell  
sitten de scriben unde pharizeen, wat se yu segget, dat  
doet, mer en doet nicht nae eren werken.

Petrus secht:<sup>3</sup> Weset ghehoersam underdanich yuwen over-  
30 sten nicht allene den gueden, mer oick den verkeerden, dat  
is, doet nae eren gueden gheboden<sup>13\*</sup> in der steden godes,  
mer nicht en volghet eren quaden zeeden. O edele sele,  
laete dy sturen int guede oick van quaden luden um dyns  
35 selves salicheit. Natuerlike als een man synen baert of syn  
haer aflatet scheren,<sup>14\*</sup> so sittet he stille under des meysters  
hand unde mes; de mach em syn hovet dreyen unde stueren,  
trecken unde schicken, hijr unde daer, up unde neder, sun-  
der syn we.<sup>15\*</sup>

<sup>1\*</sup> — all unse quaet unde      <sup>2\*</sup> he di in uns mach

<sup>3\*</sup> werden      <sup>4\*</sup> leicht unde lampen      <sup>5\*</sup> wret bose

<sup>6\*</sup> — altijt      <sup>7\*</sup> B. — uns      <sup>8\*</sup> Na den

<sup>9\*</sup> gode salst offeren      <sup>10\*</sup> int      <sup>11\*</sup> dynen koerf.

<sup>12\*</sup> † leve      <sup>13\*</sup> er gude ghebot

14\* *let af scheren*      15\* — *syn weder*

<sup>1</sup> *I. Reg.* 11, 1f.      <sup>2</sup> *Luc.* 10, 16.      <sup>3</sup> *I. Petr.* 2, 18.

der kribben. Dat moet he over all lijden, will he synen  
 leiken baert quyt werden unde suverlick werden. O<sup>1\*</sup> ynni-  
 ghe sele, alle dyne vermaners syn dyn baertscheerres,<sup>2\*</sup> de  
 dyne quade, lelike, unstichtighe zeeden van dy nemen unde  
 5 gheven dy een edel, junghe,<sup>3\*</sup> nye schoenheit der dogheden,  
 gode behachlick, den menschen mynlick, dy selven salich  
 in tijt unde in ewicheit. Jo de bartscheerre<sup>4\*</sup> plumper unde  
 grover is unde syn mes schaerdigher is unde slee,<sup>5\*</sup> jo  
 du stiller sitten salst. Waerlike we dan vele stormens ma-  
 10 ket,<sup>6\*</sup> de en mach daer sunder vele wonden nicht hen ko-  
 men unde strenghe scrappens.<sup>7\*</sup> Och woe edel is mennich  
 kunstich baertscheerre, de in den eersten den baert seer  
 weeck maket myt waermen water unde syn mes wettet,  
 15 slipet unde strijket, over all soeteliken scheerende, alsoe  
 dat he dyn haer van dy nemet sunder quellyngho oic eer<sup>8\*</sup>  
 dan du selven dat vernemest. Och haerde, strenghe baer-  
 den behoeven vele nettens unde allermeest als de grund  
 schorvet unde unghesund is. Aldus syn vele haerdsynnige  
 20 lude unde krancke vate lichtelike ghewondet. De behoeven  
 enen sachten baertscheerre. Als men oelde pannen unde  
 ketelen lappet, myt strengen, stijven kloppen maket men  
 meer unde groter gater, dan daer toe voeren weerent. Och  
 25 kunstighe baertscheerre, weeke boven all stijve baerde, up  
 schorvede velle, o cloppe sachte up oelde, krancke ketelen  
 unde potte. O smeer den oelden waghen, dat he syn pypen<sup>9\*</sup>  
 late. Wes sachtmoeidich int vermanen, wes underscheydich  
 int ghebieden unde verbieden, wes soete int straffen unde  
 30 allermeest over<sup>10\*</sup> krancke herten. David secht:<sup>1</sup> als uns  
 overkomet de sachtmoeidicheit dan werden wy berispet.  
 De edele byen myt soeten wispeleyn, myt ghenoechliken  
 35 stemmen unde klynghen eder vloyten werden se ghelocket,  
 gheleydet, ghetrecket unde vergadert, mer myt stormen,  
 myt stancke unde myt strengheit des wyndes werden se  
 verstreijt, verslaghen unde verdorven. O ynnighe sele, offer  
 dyn herte overmits ghehoersamheit. Natuerlike de schape  
 syn over all vrij vanden wullff unde alle unghelucke,<sup>11\*</sup>  
 alsoe lange als se em laten stueren vanden

<sup>1\*</sup> Och      <sup>2\*</sup> baertscherers      <sup>3\*</sup> — junghe

<sup>4\*</sup> baertscherer      <sup>5\*</sup> sleer      <sup>6\*</sup> maken wil

<sup>7\*</sup> de en mach sunder vele wunden unde strenghe scrappens  
dar nicht hen kommen.      <sup>8\*</sup> ock er † dan      <sup>9\*</sup> B. pype

<sup>10\*</sup> B. — over      <sup>11\*</sup> wulf, van ungelucke

<sup>1</sup> Ps. 89, 10 f.

hijerden unde blyven under synen willen unde regiment.  
 Aldus spreket de aller beste hijerde, jhesus cristus, de  
 syn leven gaff voer syne schape:<sup>1</sup> Myne schape horen myn  
 stemme unde se volghen my, unde nemant en mach se ne-  
 5 men ut mynen handen. O gude hijerde laet my blyven by  
 dy, dan byn ic vrij:<sup>2</sup> unde salich allene um dyn guetheit.  
 Unse vyand, de helsche wulff, aerbeydet over all myt vlijte,  
 dat he dyne schape mach verstreyen,<sup>3</sup> dat se byster lopen  
 van dyn hoede in den velde unde in den wolde desser dwa-  
 10 lender werld, daer se quade weyde unde unghesunde kru-  
 den eten,<sup>4</sup> mennygherleye sunden, daermede werden se  
 gellich. Dan wil he se slynden unde slukken, byten unde  
 grijpen als he se kryget, verdwalen van dyner<sup>5</sup> ghehoer-  
 samheit. O gude hijerde, um dysns selves guetheit dro-  
 15 ghestu dyn verlorene schaep weder up dyne schulderen ut  
 der woestenyen int schott der ynnicheit, der reynicheit, der  
 enicheit,<sup>6</sup> der ghehoersamheit. Daermede makedestu uns  
 allen unde elken vrolicheit unde vrijheit in tijt unde in  
 ewicheit. Bernardus secht:<sup>7</sup> De waerachtige ghehoersam-  
 20 heit en verwachtet gheen ander ghebod. Mer ten eersten  
 ghebode alsoe vroe als se verstaet den willen des ghebe-  
 ders, so bereydet se eer oghen, voete, oren,<sup>8</sup> hande unde<sup>9</sup>  
 herte te kennen, te horene, te lopene, te doene ut vuricheit  
 eers herten nae eren vermoghen te vullbrenghen dat eer  
 25 gheboden is. Clymachus:<sup>10</sup> een gheestelick mensche solde  
 alsoe ghehoersam wesen synen oversten, dat he nicht en  
 behoevede, dat em syn overste moste segghen,<sup>11</sup> scryven  
 of untbieden,<sup>12</sup> wat he doen of laten solde, mer allene als  
 he weet den willen syns oversten eder yenyghes synnes  
 30 verstaet,<sup>13</sup> dan solde he wesen bereyt, daer nae te doene  
 sunder utwendighe teykene der woerden of des scryvens.  
 Och claerlike dan is syn herte in den ronden korff an den  
 snoer hangende, over all lichtelike dreyelike unde

<sup>1\*</sup> rike      <sup>2\*</sup> versturen      <sup>3\*</sup> † als      <sup>4\*</sup> syner

<sup>5\*</sup> schot der ewicheit, der reynicheit, der ynnicheit

<sup>6\*</sup> oren, voete      <sup>7\*</sup> — unde      <sup>8\*</sup> † secht      <sup>9\*</sup> † of

<sup>10\*</sup> — scryven of untbieden      <sup>11\*</sup> mer allene als he...

verstaet, wat he doen of laten solde

<sup>1</sup> Joh. 10, 27.

<sup>2</sup> ML. 183, 657. *Sermones de diversis, Serm. 41. n. 7. „Fidelis obediens nescit moras... praeripit praecipientem, parat oculos visui, aures auditui, linguam voci, manus operi, litineri pedes; totum se colligit, ut imperantis colligat voluntatem.“*

<sup>3</sup> MG. 88, 762, *Scholia ad Gradum IV., Scholion 99 ex Isidoro*

drijflick, gode behachlick, synen naesten ghenoechlick, em  
selven salich in tijt unde in ewicheit allene um godes  
gueheit.

## XXXIII. Kap.

5 Woe cristus uns syn herte ghift in den aller hoghesten  
graet der mynlicheit unde gheestelike verenynghe.

Nae<sup>1\*</sup> dattu hebst ghemerket, o ynnighe sele, dat dyn here  
dy syn herte heeft ghegheven als een kostel gave unde du  
em dat betaelst myt dyn herte em weder ghevende oick als  
10 een gave in den korff der ghehoersamheit, gheknuppel an  
synen snoer mytten band dysn gheloven, voert salstu mer-  
ken dat he dy syn herte noch ghift als een ghenoechlike  
spyse in den aller hoghesten graet<sup>2\*</sup> der mynlicheit unde  
der gheesteliken verenynghe, also salstu oick em<sup>3\*</sup> dyn herte  
15 weder bereyden als een<sup>4\*</sup> spyse int gheestelike up staen  
dysn voertgaenden levens. Natuerlike is mennygherleye  
verenynghe als tusschen vrenden, tusschen maghen, tus-  
schen moeder unde kynd, tusschen brudegom unde bruet.  
In all dessen is leefte unde verenyng<sup>5\*</sup> meerre unde meerre.  
20 Nochtan is de allermeeste verenynghe tusschen spyse unde  
den eter. In den voerghenoemeden enicheyden blijft ellick  
in syns selvers natuer unde in syn eeghen persone, al syn  
se eendrachtich in der leeften; mer in der spysen unde  
in den eter woert eendrachticheit des natuerlichen wesens,  
25 alsoe dat de spyse woert verwandelt in den eter, in syn  
vleysch, in syn bloet unde<sup>6\*</sup> in syn wesen, unde de spyse  
komet van eers selvers wesen in des eters natuer. O myn-  
like jhesu, et en was nicht ghenoech dynr allermeesten  
mildicheit, dattu uns ghevest dyn edel herte als een stercke<sup>7\*</sup>  
30 borch, als een kamer, als een bedde, als een schatt, als een  
gave over all edel um dyn guetheit, over all noet unser  
krancheit, unser resticheit, unser armoedicheit unde<sup>8\*</sup> unser  
behoevicheit. Mer dysn selvers allermeeste guetheit  
dwanck dyn almechticheit uns oick te ghevene dyn herte<sup>9\*</sup> in  
35 een lecker spyse unser begheerlicheit. Waerlike in all  
den<sup>10\*</sup> werken dynr handen en<sup>11\*</sup> hebstu nerghent

Pelusiota. „Ad moderatoris nutum facta...“ cf. 88, 730 f.

<sup>1\*</sup> Na den      <sup>2\*</sup> † der myldicheit      <sup>3\*</sup> em oick

<sup>4\*</sup> † geestelike      <sup>5\*</sup> verenynghe der leeften      <sup>6\*</sup> — unde

<sup>7\*</sup> — stercke      <sup>8\*</sup> — unde      <sup>9\*</sup> B. — dyn herte

<sup>10</sup> dyn      <sup>11\*</sup> een

alsoe claeरlike bewiset dyn almechticheit, dyn wijsheit, dyn mynlicheit, dyn mildicheit als in den weerden hilghen sacrament, dattu ghevest unsen hungher als een utverkoerne spise. Daer in hebstu uns ghegheven dyn leven, dyn sterven,  
 5 dyn verdenst, dyn schatt, dyn vleirsch, dyn bloet, dyn menscheit, dyn godheit allene ut dyn guetheit um unse salicheit in tijt unde in ewicheit. Och hijr ynne is de aller meeste verenynghe. Nicht dattu werdest verwandelt in uns,  
 10 um dattu unwandelbaer bist, mer wy in dy, nicht dat wy god werden, alstu verlatende bist<sup>1\*</sup> unse menscheit unde<sup>2\*</sup> unse natuerlike wesen, mer wy werden godformich overmits eendrachticheit unses willen nae dynen willen in der aller-meesten leeften, also sprekestu to Augustinus:<sup>1</sup> Ick byn spyse der groten, wasse unde dan salstu my eten unde du  
 15 en salst my nicht verwandelen in dy alstu pleeghest de spyse dysns lichaemes, mer du salst selven werden verwandelt in my. In der bybelen staet,<sup>2</sup> dat de grote konyck assuerus bereyden een kostel groet werschop synen undersaten, synen deeners unde synen vrenden in langher tijt,  
 20 myt velen kostelen gherichten, in schonen kostelen vaten, in syn boemhof. Daermede wolde he openbaerliken tonen de groetheit syner rijcheit. He gaff wonderliken lecker spysen unde den aller besten wyn overvloedich. He gheboet dat nemand en solde den anderen lastich wesen myt vele  
 25 drynckens, mer ellic solde dryncken den aller edelsten wyn nae syns selves ghenoechte unde lusten. Och dit weerschop was groet unde kostel nae<sup>3\*</sup> syn<sup>4\*</sup> konynglike moghentheit unde rijken mildicheit. Mer doch et en was nicht by dyn spyse, o keyser aller konynghen, waerlike du hebst  
 30 uns<sup>5\*</sup> bereyt dy selven unsen hungher. O broet der engelen, o spyse der salighen, du woldest selven wesen unse spyse. Daermede woldestu bewisen dyn guetheit, dyn mildicheit, dyn mynlicheit up unse snoetheit nicht ter tijt mer in ewicheit. Dyn herte is unse aller leckerste<sup>6\*</sup> haerst, ghebraden anden spit dysns

<sup>1\*</sup> — *bist*      <sup>2\*</sup> *in*      <sup>3\*</sup> *† groetheit*      <sup>4\*</sup> *syner*

<sup>5\*</sup> — *uns*      <sup>6\*</sup> *† gherichte unde*

<sup>1</sup> ML. 32, 742 Conf. L. VII. c. 10. „Cibus sum grandium; cresce, et manducabis me. Nec tu me in te mutabis, sicut cibum carnis tuae; sed tu mutaberis in me.“

<sup>2</sup> Esth. 1, 3.

cruces by den vuer dynen pynen sunder mate unde allermeest  
 by den vuer dyner leeften. Dyn edel bloet is unsen wyn,  
 dyn mynlicheit heeft uns<sup>1\*</sup> ghedwonghen,<sup>2\*</sup> dyn spyse te  
 etene unde dynen wyn te drynckene, do du sprekest:<sup>1</sup> Ten  
 5 sy dat ghi eten dat licham des menschen soenes unde  
 dryncken syn bloet, ghi en sullet nicht leven. Item, in den  
 aventmael, in den allermeesten weerschop, daer du oick  
 dynen verrader dy selven nicht en weygherdest, o broet  
 der kynder, o spyse der engelen, daer segedestu:<sup>2</sup> Nemet  
 10 to yu unde etet allen daer af,<sup>3\*</sup> nemet dessen kellick unde  
 dryncket allen. Claerlike dit weerschop hebstu bereyt nicht  
 in dyn boemhoff ghelyck assuerus,<sup>4\*</sup> mer in den openen  
 velde, up den berch van kalvarien int hoghe anden cruce,  
 daer ellic dy van veers mochte sien unde sunder belettinghe  
 15 komen unde daer untfanghen dy selven. O aller edelste  
 spyse, dy selven ghevestu<sup>5\*</sup> nicht allene dynen deners, mer  
 oick dynen vervolghers. O broet der kynder, dat den hon-  
 den nicht en gheboert nae dyn rechtveerdicheit um dyn  
 weerdicheit. Nochtan untfanghen dy vele sunders snoder  
 20 dan honde allene um dyn mildicheit. Waerlike du bist  
 manna, dat is hemmelsch broet aller soticheit vull den kyn-  
 deren van israhel in der woestenyen, du bist dat ghebradene  
 lam sunder alle vlecken, vull aller ghenadicheit, dyne  
 volke<sup>6\*</sup> verlosende ut egipthen. Aldus helpstu noch alle  
 25 dyne utverkoerne ut desser blynden werlt. Du sterkest se  
 in eer gheestelike leven, du brengest se int land van be-  
 loften der ewighen vrolicheit, ghelyc als helijas wander-  
 den an den berch godes oreb overmits dyn stercken,<sup>7\*</sup> o  
 broet dat aller menschen herte sterck maket. O ynnighe  
 30 sele, alsoe grote weerdicheit, soticheit, hoecheit, edel-  
 heit is in desser spysen unde allen weerdighen eters  
 alsoe grote nutticheit, dat alle herten des nicht en kunnen  
 begrijpen, noch alle verstand oflanghen,<sup>8\*</sup> noch alle tunghen  
 vertellen, noch alle handen bescryven. Daer umme secht  
 35 Paulus:<sup>3</sup> De mensche sall em selven proeven unde alsoe  
 desse spyse eten unde

<sup>1\*</sup> B. dy      <sup>2\*</sup> B. + uns.      <sup>3\*</sup> dar af all      <sup>4\*</sup> als assuerus

dede      <sup>5\*</sup> du ghevest di solven      <sup>6\*</sup> dyn volck

<sup>7\*</sup> starke + broet      <sup>8\*</sup> aflanghen

<sup>1</sup> Joh. 6, 54.      <sup>2</sup> Matth. 26, 26.      <sup>3</sup> I. Cor. 11, 28.

drynckene. O mensche, proeve dy selven, en wil nicht proeven desser spysen woedanicheit of waerheit overmits dyn<sup>1\*</sup> curiosicheit, dat doch dy unde allen menschen unmoghelick is, mer dy selven oftu oick desser spysen bequame 5 sijst, dat dy unde allen menschen nutte, noet, moghelick unde salich is in tijt unde in ewicheit.

## XXXIV. Kap.

Woe wy uns cleden unde syeren sullen als wy to werschop gaen in den aventmael cristi myt unsen besten...

10 Natuerlike als de lude toe weerschop gaen, soe cleden se em myt eren besten clederen unde cijrheyden,<sup>2\*</sup> se wasschen eer handen, se lesen benedicite, se pruncken<sup>3\*</sup> um dat nederste sitten, ellic will den anderen boven em setten, se sitten by de tafel, se eten ghenoechliken myt vrolicheit, se 15 lesen gracias, se dancken den weert, se dencken dat se em weder to gaste bidden sullen, als Salomon<sup>1</sup> scrijft:<sup>4\*</sup> O mensche, alstu ten etene sittest ander tafelen des mech-tighen, so merke myt vlyte, wat he dy voer settet<sup>5\*</sup> unde dencke dattu oick em des gheliken bereydest, em weder 20 to gaste biddende.<sup>6\*</sup> Aldus sall ellic gheestelike komen ter tafelen des oversten keysers unde des aller mynlikesten<sup>7\*</sup> brudegoms, jhesu cristi, eerst myt syn beste cleet. O alle cristene, o alle gheestelike, o alle ynnighe menschen, herten unde selen, och en willet doch nicht kommen in den<sup>8\*</sup> groten 25 adventmaell,<sup>2</sup> dat de grote konynek ut groter leeften, myt groter spysen bereydet heeft, en willet daer nicht kommen myt snoden clederen in den edelen gheselschop. De konynek wil over all merken syne gasten<sup>9\*</sup> elken unde allen; vyndet he daer yemand de dat rechte bruloftes cleet nicht an en 30 heeft, den werpet he daer ut in de uterste duysterheit, myt handen unde voeten ghebunden. Och daer is schreijen der oghen unde kneersynghen<sup>10\*</sup> der tanden. Dat rechte cleet, als Gregorius scrijft,<sup>3</sup> is de leefte sunder welke nemant weerdich en is der tafelen des brudegoms, de em selven unde 35 all syn ghesynne unde vrenden cledet

<sup>1\*</sup> — woedanicheit of waerheit overmits dyn      <sup>2\*</sup> syrheit  
<sup>3\*</sup> spruncken      <sup>4\*</sup> Salmon secht      <sup>5\*</sup> vorlegget      <sup>6\*</sup> unde  
 dencke oick dattu em des gheliken weder bereydest, alstu  
 em to gaste biddest      <sup>7\*</sup> Mynnentlikesten      <sup>8\*</sup> int (fast  
 immer für: in den!)      <sup>9\*</sup> syne geste      <sup>10\*</sup> knysterynge

<sup>1</sup> Prov. 23, 1.      <sup>2</sup> Matth. 22, 11.

<sup>3</sup> ML. 76, 1287 Hom. in Evang. 38 n. 9. „Recte enim charitas nuptialis vestis vocatur, quia hanc in se conditor noster habuit, dum ad sociandae sibi ecclesiae nuptias venit.“

mytter leeften. In der bibelen staet,<sup>1</sup> dat de<sup>1\*</sup> konyck  
 assuerus gheboet,<sup>2\*</sup> dat alle menschen, wif of man,<sup>3\*</sup> myt  
 enen sacke ghecledet komende an des konynghes sael eder  
 hof<sup>4\*</sup> sunder middel solde sterven. O ynnighe sele, legghe  
 5 van dy den oelden,<sup>5\*</sup> leliken, plumppen, haerden groven  
 sack der nydicheit, der bitterheit, der anegunsticheit. Och  
 dessen sac is over all groff unde lelick, he is hart unde  
 struef, he quellet dy selven aller eerst unde oick aller-  
 meest, he is boven open unde<sup>6\*</sup> under dichte, he unt-  
 10 fanghet alle quaet unde unrechte, dat dy duncket te komene  
 van dynen naesten up dy, dat beholt he vaste sunder  
 vergheven unde sunder vergheten. O ynnighe<sup>7\*</sup> sele, dessen  
 sac hyndert<sup>8\*</sup> mennyghen sunder den in ganck int hoghe  
 sael des ewighen konynghes, he brenghet mennyghen<sup>9\*</sup> in  
 15 den ewighen doet. Och werpet den sack van dy, laet den  
 ezel dessen sack draghen, untfanghe up dynen nacken dat  
 soete yuck dys heren. Nemet<sup>10\*</sup> up dyn hals de lichte  
 buerde cristi, dan bistu untladen van sworen lasten<sup>11\*</sup> der  
 20 nydicheit unde bitterheit, begavet myt soticheit der myn-  
 licheit. Dan salstu myt vroliker dancbaerheit segghen dynen  
 brudegom myt david:<sup>2</sup> O here, du hebst mynen sac te  
 sneden, du hebst myt umbevanghen myt vrolicheit, dy wil  
 ic offeren een offer des loves unde synghen dynen namen  
 blyde tot<sup>12\*</sup> allen tijden, steden unde stonden in tijt unde  
 25 in ewicheit. Och woe mochte groter last wesen, dan altijt  
 te draghene enen sac vul stenen, vull ijses, vul pylen,<sup>13\*</sup> vul  
 fenyns, vull passien, up dynen naesten over all lastich, mer  
 dy selven aller eerst unde allermeest unde wat mach ghe-  
 noechlicher wesen dan altijt te draghene een schone cleet  
 30 der leeften over all soete van herten, van woerden, van  
 wercken, van zeden, van ghelate, dynen naesten mynlick  
 begheerlick, vrendelic, behulpelick, ghenoechlick unde dy  
 selven aller eerst unde allermeest verdenstelick unde salich  
 in tijt unde in ewicheit. In den boeke der leeften staet:<sup>3</sup> Al  
 35 gheve een mensche al syn guet

---

1\* — de    2\* hadde geboden    3\* manne    4\* + dat de  
 5\* + menschen, den    6\* + unde    7\* edele    8\* B. hynder  
 9\* + sunder    10\* Nym    11\* last  
 12\* to    13\* pyle  
<sup>1</sup> Esth. 4, 11.    <sup>2</sup> Ps. 29, 12.    <sup>3</sup> Cant. 8, 7.

um de leefte,<sup>1\*</sup> dat were em guetkoep, he solde all syn guet  
 lichteliken versmaden unde varen laten, als he de leefte  
 daermede mochte kopen. O edele sele, all bistu dan arm  
 van gude unde kleyne in anderen verdensten,<sup>2\*</sup> hebbet  
 5 leefte unde dan bistu rijke. Augustinus secht:<sup>1</sup> De leefte  
 maket alle verdensten ghemeyne, also dat overmits leefte  
 aller menschen guet is elkes<sup>3\*</sup> unde elkes<sup>4\*</sup> is allen.<sup>5\*</sup> All  
 en kanstu nicht vasten, aerbeyden, beden, waken, heb leefte  
 unde et is all dyn dat ander lude desse wercken doen.<sup>6\*</sup>  
 10 Natuerlike als arme lude to weerschop gaen, al en hebben  
 se nicht over all kostele cleder,<sup>7\*</sup> nochtan moghen se eer  
 snode gheschoerde, underste cleder bedecken unde stoppen  
 myt een guet overste cleet.<sup>8\*</sup> O<sup>9\*</sup> arme sele, all bistu  
 schorvet unde serich up dyn lijf, all is dyn underste cleet  
 15 snode, al hebstu vele kranheyden in dy, unlijdsam, traech,  
 lugghe,<sup>10\*</sup> tornich, haestich unde meenich ander ghebreck,  
 natuerlick of zedich,<sup>11\*</sup> och wes vlijtich, dat dyn overste  
 cleet schoen sy nae alle dynen vermoeghen, daermede  
 machstu vele quades stoppen, decken unde behuden, als  
 20 Salomon secht:<sup>2</sup> De leefte bedecket mennichvoldicheit der  
 sunden. Aldus machstu vrij komen an<sup>12\*</sup> des konynghes  
 hof, an des keysers tafel, in des brudegoms kamer unde  
 beddiken, alstu den oelden sack hebst af gheworpen, te  
 sneden unde in den vuer verbrand<sup>13\*</sup> unde vercijrt bist  
 25 mytten edelen mantel<sup>14\*</sup> der leeften, de all dyn lelicheit  
 bedecket salich in tijt unde in ewicheit. O ynnighe sele, dit  
 kostele cleet der rechten leeften en hebstu selven nicht  
 ghekoft noch ghemaket, mer dyn brudegom, jhesus, heeft  
 dy dat ghegheven, dat he selven heeft ghewerket up den  
 30 stelle syns cruces, daer he wonderliken aerbeyd dede um  
 dyn salicheit ut syn mynlichkeit, myt handen, myt voeten, myt  
 all syn lijf unde lede, swoerliken dit cleet bereydede all  
 synen utverkoernen,<sup>15\*</sup> dit is ummer dat edel bruloftes  
 cleet, um dat dyn

<sup>1\*</sup> umme de leifte    <sup>2\*</sup> verdeynsten    <sup>3\*</sup> + menschen

<sup>4\*</sup> + guet    <sup>5\*</sup> + menschen    <sup>6\*</sup> doen dosser werke

<sup>7\*</sup> kostel cleyder    <sup>8\*</sup> myt enen gueden oversten cleede

<sup>9\*</sup> Och    <sup>10\*</sup> lau    <sup>11\*</sup> geistlick

<sup>12\*</sup> in    <sup>13\*</sup> int vuer ghebrant    <sup>14\*</sup> mantelen

<sup>15\*</sup> utvercoren

<sup>1</sup> ML. 35, 1348 Quaestionum Evang. 34. „Sic enim a perfectis et purgatis ac jam immortalibus filiis habentur omnia, ut sint et omnium singula, et omnia singulorum. Ut enim cupiditas nihil sine angustia, ita nihil cum angustia charitas tenet.“

<sup>2</sup> Prov. 10, 12 (cf. I. Petr. 4, 8).

aller levesten brudegom dat selven daer ghemaket heeft,<sup>1\*</sup>  
 selven daermede gheclede is,<sup>2\*</sup> allen synen vrenden dat  
 gheschencket heeft unde allen synen bruloftes ghenoten  
 noet is in tijt unde in ewicheit. O edele bruet cristi, o yn-  
 5 nighe sele, alstu dit cleet hebst verloren, verkoft, versle-  
 ten, te broken myt dyn versumelheit, misdadicheit, traec-  
 heit, krancheit, och so loep snell anden oversten wever, mer-  
 ke syn aerbeyd anden cruce, woe he werket up syn stel-  
 le, kenne daer syn tederheit, dencke unde dancke syn myn-  
 10 licheit, syn mildicheit, syn soticheit oick in syn allermeeste  
 bitterheit up syn aller meeste vervolghers ut syns herten  
 allermeeste guetlicheit. Och daer machstu altijt vernyen  
 unde weder lappen unde oick heel maken dat cleet dyner  
 mynlicheit, dattu te broken haddest up dyns naesten tor-  
 15 nicheit of misdadicheit. Johannes scrijft,<sup>1</sup> dat unse here  
 sprack nae syner verrysynghen<sup>3\*</sup> to synen dicipulen: Vrede  
 sy myt ju. Daer nae kort vertoenden he em syne wonderen  
 seggende: Siet myne handen<sup>4\*</sup> unde myne voeten. Of he  
 em segghen wolde, hebbet te samene vrede unde leefte, an-  
 20 gesien myn aerbeyd um yu salicheit ut myns herten myn-  
 licheit. Daer nae gaff he em eten den ghebradene visch un-  
 de honich. Daer by machstu verstaen, dat ellic dan mach  
 untfanghen unses heren licham in den hilghen sacrament  
 myt in wendigher soticheit, als he is myt leeften untfen-  
 25 ghet unde mytten bruloftes cleet<sup>5\*</sup> vercijrt is. Claerlike  
 unse<sup>6\*</sup> here is selven de aller edelste vissch, up ghewassen  
 nae syn menscheit in den water unser sterflicheit, ghevangel-  
 ghen, ghescrubbet,<sup>7\*</sup> ghekervet, ghesoltet myt mennigher-  
 leye quellynghe syns lijdens in syn leven unde ten lesten  
 30 ghebraden up den roster syns cruces, up dat vuer der aller-  
 meesten pynen, alheel gaer, bynnen unde buten um syn  
 aller heteste mynlicheit, sote, ghenoechlick, ghesund, sa-  
 dende unde salighende all syn weerdighe eters allene um  
 syns selves guetheit benedijt in tijt unde in ewicheit.

<sup>1\*</sup> † unde <sup>2\*</sup> † unde <sup>3\*</sup> na syner verrienenisse sprack

<sup>4\*</sup> Seet myn hande <sup>5\*</sup> brueloftes clede <sup>6\*</sup> † leve

<sup>7\*</sup> ghecrubbet

<sup>1</sup> Joh. 20, 19.

## XXXV. Kap.

Kentlick woe een ijlick guet mensche em reyne maken  
sall, als he sall eten dat broet der hilghen engelen.

Als de eerbaer gasten<sup>1\*</sup> aldus gheledet komen, dan was-  
5 schen se eer handen. Aldus moet ellic overmits peniten-  
cien, berou, bijcht unde guet upset em selven reyne ma-  
ken, als he dencket te gane ander tafelen<sup>2\*</sup> des oversten  
keysers unde begheert, daer te nemene dat broet der enge-  
len. In den aventmael<sup>3\*</sup> doe unse here synen discipulen  
10 wolde gheven syn vleyssch<sup>4\*</sup> unde syn bloet in den hilghen  
sacrament, doe woesch he em eerst eer voeten. Petrus en  
wolde dat nicht lijden, mer als unse here em seechde, ten  
sy<sup>5\*</sup> dat ick dy wassche du en salst anders<sup>6\*</sup> gheen deel  
hebben myt my, doe sprac he:<sup>1</sup> O here, wassche my nicht al-  
15 lene myn voete, mer oick myne handen unde<sup>7\*</sup> myn ho-  
vet, dat is, make my reyne van all myn quaetheit myner  
wercken, myner begheerten unde myner andacht, dan mach  
ic untfanghen dy selven, o spyse aller soticheit, o fonteyne  
aller guetheit. Lucas scrijft:<sup>2</sup> Doe de grote hoechtijt van  
20 paschen was nakende, doe vragheden unsen heren syne  
discipulen: Waer wilstu dat wy gaen unde bereyden dy  
dat paschelam. He sechde: Gaet in de stad jherusalem, daer  
sal by ju komen een mensche, de draghet een vlassche vull  
waters. Volghet em int hues daer he in gaet unde daer  
25 bereydet uns dat paeschelam. O ynnighe sele, o alle ghee-  
stelike herten, o alle cristene menschen, merket doch over  
all, waer de meyster unser salicheit will dat ghi em selven  
sullen eten, um dat he selven is dat utverkorne, schoene  
lam sunder alle vlecken. In jherusalem, dat is in vreden<sup>8\*</sup>  
30 unde mynlike eendrachticheit. Int hues, daer de vlassche  
waters is, dat is myt ynnicheit unde myt reynicheit. Also  
dat ghi wasschen mytten water des rouwes<sup>9\*</sup> dat bedde  
juwer consciencien elkes nachtes, dat is elke misdaet, dat  
ghy reyne sijt<sup>10\*</sup> van handen

<sup>1\*</sup> eerbaren gesten    <sup>2\*</sup> an de tafel    <sup>3\*</sup> avetmael

<sup>4\*</sup> lijf    <sup>5\*</sup> B. — sy    <sup>6\*</sup> — anders    <sup>7\*</sup> — unde

<sup>8\*</sup> in den vrede    <sup>9\*</sup> rouwen    <sup>10\*</sup> synt

<sup>1</sup> Joh. 13, 5 ff.    <sup>2</sup> Luc. 22, 9 (cf. Matth. 26, 17).

van minden unde allermeest van herten, dan moghe ghy  
 komen anden<sup>1\*</sup> aventmael cristi. Waerlike desse spyse is  
 over all reyne, dar umme ist behoerlick, dat de eter oick  
 reyne sy na synen vermoeghen. O mynlike jhesu, na dyn  
 5 godheit<sup>2\*</sup> bistu alsoe reyne van allen quaet, alsoe dat oick  
 de hemele unreyne syn unde in dynen enghelen is unbe-  
 hoerlicheit ghelyket by dyn puerheit unde alle creaturen  
 syn unweerd by dyn claerheit. Na dyn menscheit bistu  
 selven reyne juncfer, gheboren van dyn juncferlike moe-  
 10 der<sup>3\*</sup> alheel sunder allen sunden. Du mynnest oick rey-  
 nicheit in allen dynen utverkoernen.<sup>4\*</sup> Och ghif my, dattu  
 eeschest unde dan eesche van my wattu selven willest. In  
 den boeke der leeften staet,<sup>1</sup> dattu spysest manc<sup>5\*</sup> den  
 lilyen, dat is, du ghevast dy selven allen reynen herten. O  
 15 spyse vull aller reynicheit, anden cruce ghevastu my dat  
 edele cleet der mynlicheit, dattu daer selven werkedest.<sup>6\*</sup>  
 Daer selves ghif my oick dyn water der reynicheit,<sup>7\*</sup> dat  
 ic daer moghe putten ut den fonteynen dyner wonderen  
 unde boven all ut der syden dyner mildicheit. Dat water  
 20 wil ick daer halen in<sup>8\*</sup> vrolicheit unde wasschen alle<sup>9\*</sup>  
 myn lelicheit. Och du bist de opene fonteyne, de unbeslot-  
 tene putte, de huse davids,<sup>10\*</sup> daer men mach<sup>11\*</sup> wasschen  
 allen sunders<sup>12\*</sup> unde allen misdaders van allen vlecken. Och  
 dyn water is heet, ja et is kostel scharpe loghe, ghelecket  
 25 doer de assche unser menscheit. Daer umme en kan daer  
 gheen vlecke wesen also oelt, stijf of verbacken, se en  
 werde over all ghewasschen overmits de heete loghe dyner  
 mynlicheit, de uns hebst ghemynnet unde ghewasschen daer  
 mede<sup>13\*</sup> van unsen sunden in dynen bloede. O lam ghedo-  
 30 det van beghynne der werlt, waerlike du stortedest anden  
 cruce dyn water unde dyn bloet, dat unse moder, de hilge  
 kerken untfanghen heeft in den vaten der hilghen sacra-  
 menten, ut welken altijt wort ghegeven allen

<sup>1\*</sup> int      <sup>2\*</sup> + so      <sup>3\*</sup> + gheboren      <sup>4\*</sup> utvercoren      <sup>5\*</sup> under

<sup>6\*</sup> werkest      <sup>7\*</sup> ynnicheit      <sup>8\*</sup> myt      <sup>9\*</sup> — alle

<sup>10\*</sup> den huse davites      <sup>11\*</sup> em mogēn

<sup>12\*</sup> alle zunder      <sup>13\*</sup> dar mede ghewasschen

<sup>1</sup> Cant. 2, 16.

unde elken na syn behovicheit. Want de hilghe dope, penitencie unde ander sacramenten hebben all eer cracht van den bloede cristi unde van der cracht syns dodes. Wat solde anders helpen bijchten<sup>1\*</sup> unde ander wywater of doepsel. Paulus secht:<sup>1</sup> all de ghedopet syn in cristo jhesu, de syn ghedopet in synen doet, dat is, in de cracht syns mynliken lijdens unde<sup>2\*</sup> dodes. In der konynghen boeke staet:<sup>2</sup> doe Salomon, konyck van israhel, hadde ghetymmert den groten tempel godes, doe makede he een  
 10 seer grot vat, van metale gheghoten, dat stond voer den in ganck des tempels vul waters, daer ellic em selven eerst moste kennen in den speghel<sup>3\*</sup> unde wasschen in den water, unde twelf ossen van metael ghegoten droghen dat grote vatt vul waters up eren rugghe, drie stonden in den  
 15 oesten, drie in den noerden, drie in den westen, drie in den suden. Daer by machstu verstaen, o ynnighe sele, dat alle menschen, de nu in den tempel godes komen willen um gracie unde te smakene de spyse des hilghen sacramentes in tijt unde oick in den oversten tempel um glorie unde  
 20 um god selven te brukene in ewicheit, de moeten em selven speghelen, eers selves quaet kennende unde wasschen in den water der hilghen dopen unde der waerachtighen penitencien van allen sunden. Want gheen<sup>4\*</sup> bevelecket mensche en mach daer in gaen, unde dit vat der dope<sup>5\*</sup> unde penitencie  
 25 is allen menschen moghelyk te kryghene, um dat de twelf ossen dat vat draghen up eren rugghen over all de werlt. Dat syn de twelf apostelen unde er<sup>6\*</sup> nae volgers unde prelaten der hilghen kerken prediken unde verkundighen unde denen<sup>7\*</sup> alle menschen unde elken de sacramenten  
 30 der salicheit allene um de godlike guetheit benedijt in tijt unde in ewicheit. O ynnighe sele, wassche myt david dyne handen manck den untschuldighen unde dan machstu gaen to den al-

<sup>1\*</sup> bicht    <sup>2\*</sup> — lijdens unde    <sup>3\*</sup> int speigel    <sup>4\*</sup> want gyn

<sup>5\*</sup> vat der dop    B. vat eder dope    <sup>6\*</sup> B. — er

<sup>7\*</sup> — unde denen

<sup>1</sup> Rom. 6, 3.    <sup>2</sup> III. Reg. 7, 23 ff.

taer godes vrolic in tijt<sup>1\*</sup> unde salich in ewicheit.

### XXXVI. Kap.

Kennelic woe wy alle to samen den heren sullen benedyen  
unde dancken voer de spyse de he uns alle daghe ghift.

5 Daer na lestmen benedicite. Natuerlike in den eersten  
secht een: benedicite, dat is, benedijet de spyse. Alle seggen  
de anderen dan<sup>2\*</sup> Dominus, dat is, de here benedije desse  
spyse. Waerlike dit is al te rechte an te siene in den<sup>3\*</sup>  
hilghen sacrament, in de aller beste spyse, de alsoe unbe-  
10 grijpelike, unbescrijflike, unvertellicke kostel, weerdich unde  
guet is, dat alle creaturen in hemel unde in eerden dat  
nicht en kunnen benedijken, mer de here mach dat doen, de  
dat heeft ghegheven. He heeft dat in ghesat, em allene is  
dat bekand. Daer umme soll ellic segghen: Dominus, de  
15 here sal desser spysen lof unde werdicheit spreken, dat  
allen creaturen te hoech is, unde nemand en mach daer an  
komen unde dan<sup>4\*</sup> ist meeste lof aller creatueren up desse  
spyse als se allen unde ellick kenne, dat he te kleyne  
is, desse spyse te lovene unde eer loff gaet boven aller  
20 creaturen alle vermoeghen. Johannes guldemond secht:<sup>1</sup>  
Dan wort ellick prijselick dyngh allermeest ghelovet unde  
gheprijsset, als men syn weerdicheit alsoe groet achtet, dat  
alle lof em te luttick is unde alle prijsers te kleyne. In  
der bybelen staet mennigherleye benedijken.<sup>5\*</sup> Een creatuer  
25 benedijt dat ander als mensche<sup>6\*</sup> menschen unde ander dyn-  
ghen. Moyses benedijde de kynder van israhel, Elizabeth  
benedijde mariam unde noch vele anders up vele<sup>7\*</sup> steden  
in mennighen saken<sup>8\*</sup> myt vele teykene. Mer alle over  
draghen se daer in, dat se godes namen anroepen unde  
30 syn gracie wunschen up dat ghene, dat se benedijken. Gheen  
creatuer en mach also hoech unde<sup>9\*</sup> weerd wesen, dat se  
ijcht<sup>10\*</sup> moghen gheven ut eer selven dan allene overmits<sup>11\*</sup>  
godes gracie unde<sup>12\*</sup> wes vulheit se allen untfanghen. Oick  
gheens creatuers benedijken

<sup>1\*</sup> in tyt vrolick    <sup>2\*</sup> se dan weder    <sup>3\*</sup> + werden    <sup>4\*</sup> dat

<sup>5\*</sup> benedixie    <sup>6\*</sup> — mensche    <sup>7\*</sup> ander

<sup>8\*</sup> + up velen steden    <sup>9\*</sup> + also    <sup>10\*</sup> unde icht

<sup>11\*</sup> ut    <sup>12\*</sup> van

<sup>1</sup> Cf. MG. 62, 221, s. Hom. VI in Ep. ad Phil. c. II.

en mach nicht helpen, ten sy dattet over draghe mytten  
willen godes. Alsoe en mach oick eer vloeken nicht scha-  
den. Item, een creatuer benedijt den schepper, nicht dat  
god daermede beter werde, mer bekander unde openbaer  
5 ghelyc als de meyster prijselick woert in synen werken.<sup>1\*</sup>  
Augustinus<sup>1</sup> secht: Alle creaturen betughen, dat se hebben  
den aller kunstichsten unde besten meyster unde schep-  
per.<sup>2\*</sup> Paulus secht:<sup>2</sup> De unsienlike dynghen unde heyme-  
like verborghenheit godes machmen verstaen unde kennen  
10 ut den dynghen de he gheschapen heeft. Hugo<sup>3</sup> secht: Ten  
is gheen dyngh soe<sup>3\*</sup> groet of kleyne, ellic en moghe daer  
in kennen de moghentheit, de wijsheit unde de guetheit  
godes alsoe wal in den mynnesten muggiken als in den  
meesten kameel. Dit solde merken ellic redelic mensche myt  
15 synen verstand unde daermede god kennen, dancken, loven  
unde benedijen. Dan word vulbracht dat Daniel scryvet:<sup>4</sup>  
Benedijt alle werken des heren den heren, dach, nacht, en-  
gelen, hemelen, sunne, mane, sternen unde all dat is in  
water, up eerdē, in der lucht.  
20 Item god benedijt syn creaturen ellic na syn untfancli-  
cheit unde boven all de aller beste spyse syns hilghen sa-  
cramentes, dat allen oghen duyster is, mer allene em sel-  
ven bekand, dat he selven is.

## XXXVII. Kap.

25 Woe wy to tafelen sitten in des konynghes hof, dat sal  
wesen myt oetmoedicheit.

Wanneer de eerbaer gasten<sup>1\*</sup> in des konynghes sael eer  
handen hebben ghewasschen, dan trecket ellic den anderen  
int hoghe te sittene unde wil selven int leste sitten, dat  
30 unse here leerden.<sup>5</sup> O mensche, alstu bist ter tafelen<sup>5\*</sup> ghe-  
beden, so en sitte nicht int hoghe, up dat dyn weerd dy  
nicht neder en sette unde du beschamet werdest, mer gae  
in de nederste stede sitten,<sup>6\*</sup> dat dyn weerd dy up dryve  
unde du dan glorie kryghest int grote gheselschop. All  
35 de em selven vernedert, de sal werden verhoghet, unde  
all de em verhoget, de sal vernedert werden.

<sup>1\*</sup> synen werke    <sup>2\*</sup> kunstigesten meester unde besten schep-  
per    <sup>3\*</sup> gyn creatuer also    <sup>4\*</sup> eerbaren geste

<sup>5\*</sup> B. † gheseten    <sup>6\*</sup> — sitten

<sup>1</sup> ML. 42, 1061 De Trin. L. XV c. IV, n. 6. „universa rerum  
natura proclamat, habere se praestantissimum Conditorem.“

Paulus secht:<sup>1</sup> Ellic sal den anderen vermoeden beter te wesene dan em selven. O edele sele, sunder perijkel machstu alle menschen unde elken boven dy selven setten, mer sunder perijkel en<sup>1\*</sup> machstu dy selven nicht beter holden  
 5 dan yemand anders. Ellic mach int heymelike hebben guede punten. Daermede mach he dy boven gaen in den ordel godes. Unde dyns selves quaet salstu also groet achten, dattu dy selven nemande en vermoedest boven te gaene unde ander luden guet openbaer of heymelicke salstu alsoe  
 10 hoghe uptrecken, dattu elken hoghen boven dy settest, dan bistu allermeest bequame der tafelen des oversten keyssers, alstu allermeest kennest unde claghest dyns selves snoetheit, allene dy verlatende up syn ghenadicheit, aldus sprekende myt den<sup>2\*</sup> centurio ut dyns herten oetmoedi-  
 15 cheit:<sup>2</sup> O here, ic en byn nicht weerdich dattu komest in myn hues, dat over all unreyne is, vul dreckes, vul stankes, mer doch dyn ghenadicheit verwynne myn unweerdicheit. Du en hebst nicht versmadet in den stall te ligghene in dyn juncferlike ghebuerte, noch tusschen de un-  
 20 reyne beesten in dyn kyndheit, noch tusschen den moerde-  
 ners ander galghen te stervene ut dyn mynlicheit um myn salicheit. En wil my nu oick nicht<sup>3\*</sup> versmaden unde dry-  
 25 ven van dyn tafel, de oick dynen verrader ghenadeliken woldest spysen mytti selven. O broet der kynder, ic verlate my alheel up dyn ghenadicheit, o ghif my dy selven benedijt in tijt unde in ewicheit. In der konynghen boeke staet,<sup>3</sup>  
 dat konyck David van<sup>4\*</sup> israhel gaf syn tafel enen lammen kropel, de was ghenoemet Myphiboseth, de hynckede myt beyden voeten. Den verkoes de edele konyck david allene  
 30 ut barmherticheit, dat he solde al syn daghe eten<sup>5\*</sup> an des konynghes tafell recht of he des konynghes sone were. O mynlike jhesu, du bist barmhertich boven david unde ick byn armer dan myphiboseth. Ic byn blynd, doef, utsetsch

<sup>2</sup> Rom. 1, 20.

<sup>3</sup> ML. 176, 819. *Eruditio didascal. L. VII. c. IX. „Ibi miraris magnitudinem, hic miraris parvitatem; corpus parvum magna sapientia conditum...“ cf. ibd. c. I.*

<sup>4</sup> Dan. 3, 57.      <sup>5</sup> Luc. 14, 8.

<sup>1\*</sup> een      <sup>2\*</sup> B. u. M. myt centurio      <sup>3\*</sup> ock nu nicht

<sup>4\*</sup> dat david konyck van      <sup>5\*</sup> dat he al syne daghe lanck solde eten

<sup>1</sup> Rom. 2, 1.      <sup>2</sup> Matth. 8, 8      <sup>3</sup> II. Reg. 9, 3 ff.

kranck, snode, lam unde kroepel myt beyden voeten unde  
 handen. Och du en kanst nicht vynden enen snoderen<sup>1\*</sup> dan  
 my unde ick en weet ghenen ghenadigheren dan dy. Daer  
 umme en kanstu nerghent also openbaren dyn guetheit als  
 5 in my unde ick en kan myn behoevicheit nerghent alsoe  
 helpen als by dy. O aller kunstigheste aerste, verclaer dyn  
 allermeeste kunst in myn allermeeste krancheit. O aller  
 mildeste keyser, vertone dyn allermeeste rijcheit in myn  
 allermeeste armoedicheit. O aller mildeste<sup>2\*</sup> brudegom, laet  
 10 over all bekand werden dyn aller sterckeleeft in myn  
 aller lelikeste snoetheit. O aller beste hijerde,<sup>3\*</sup> bewise  
 dyn allermeeste truwicheit in dyn aller<sup>4\*</sup> slymmeste schaep,  
 myn sele. O aller edelste wynstock, laet my wesen dyn  
 aller mynneste rancke, laet my wesen dyn aller unnutteste  
 15 dener in dyn grote hues der hilghen gheestelicheit, in dyn  
 wyde hof der hilghen kerken,<sup>5\*</sup> laet my komen an dyn ta-  
 fel, laet my eten dy selven, o hijerde unde weyde, o keyser  
 unde knecht, o weerd unde gast, o wyn unde schencker, o  
 broet unde eter, o all in all um dysns selves guetheit in  
 20 ewicheit.

### XXXVIII. Kap.

Woe wy alle te samen sullen wesen int middel tusschen  
 liggen unde staen, als wy eten sullen dat broet der engelen.

Als dit pruncken is ghedaen, soe sitten se by der tafe-  
 25 len. Noch ligghen noch staen, noch gaen, noch lopen en  
 sullen se, de in des konynghes hoff eten, mer sitten. Na-  
 tuerlike sitten is middel tusschen staen unde ligghen. Aldus  
 gheesteliken, alstu eten willest dat broet der engelen, o yn-  
 nighe sele, soe salstu begheven dyn recht upstaen, dat is  
 30 dyn hopen of betruwen up dysns selves verdensten, guede  
 wercken, ynnicheit unde weerdicheit. Oick en salstu nicht  
 alheel neder ligghen overmits mishope unde verslagen-  
 heit, ansiende<sup>6\*</sup> dysns selves stadighe snoetheit, boesheit, le-  
 licheit, unweerdicheit, also dattu dy aftreckest alheel van  
 35 desser spysen, mer du salst sitten van dy selven

<sup>1\*</sup> kanst ghenen snoderen vynden      <sup>2\*</sup> mynlikeste

<sup>3\*</sup> heerde      <sup>4\*</sup> + mynneste      <sup>5\*</sup> O alder edelste wynstock  
 laet my wesen dyn aller unnutteste deynre in dyn grote  
 hues der hilligen geistlicheit, laet my wesen dyn alder  
 mynneste rancke in dynen wynhof der hilligen kerken.

<sup>6\*</sup> anzeende

mishopich unde up godes guetheit allene betruwiche.<sup>1\*</sup> Lucas  
 scrijft,<sup>1</sup> dat de pharizeus in den tempel stond, syns selvers  
 doghede unde guede werken vertellende ut hoverdije syns  
 herten, daermede verdene he godes rechtveerdighen toern  
 5 up em selven. Moyses scrijft,<sup>2</sup> dat chain mishopich was, syns  
 selvers boesheit groter achtende dan godes barmherticheit  
 unde Judas des ghelikes henck em selven ut mismoedi-  
 cheit. Mer de mynnende sele in den boeke der leeften bleef  
 10 int middel tusschen staen unde ligghen, aldus myt vro-  
 licheit sprekende:<sup>3</sup> Ic ghenck sitten under syn scheme den  
 ick begeerde unde syn vrucht was soete myner kelen. O ut-  
 verkorne bruet des oversten keyzers, mochtestu sittende  
 15 under dyns ghemynneden<sup>2\*</sup> scheme alsoe grote soticheit  
 hebben in dyner kelen, och wat salstu dan salicheyden unde  
 soticheiden<sup>3\*</sup> untfangen alstu syner soten teghenwoerdi-  
 cheit ghebrukest in syner waerheit, mynlicheit, mildicheit,  
 ewicheit, als he alheel myt em selven alheel dy versadet  
 20 unde salighet dyn oghen, dyn oren, dyn hande, dyn mond,  
 dyn herte, dyn lijf, dyn sele, dyn kennen, dyn mynnen,<sup>4\*</sup>  
 dyn begheren over all vervullet myt syns selvers soti-  
 cheit, waerheit, ghenoechlicheit nicht ter tijt mer in ewic-  
 heit. Mach he dy soete wesen in ellendicheit, och woe is  
 25 he dan in syn<sup>5\*</sup> keyserrike, in syn overvloedighe vulheit.  
 Mach dy verblyden syn druc, syn lyden, syn droevicheit ut  
 syn mynlicheit um dyn salicheit in tijt,<sup>6\*</sup> wat ghenoechten  
 mach dy dan gheven syn vrolicheit, syn schoenheit, syn  
 salicheit, syn guetheit in ewicheit. O ynnighe sele, sitte  
 30 doch oick<sup>7\*</sup> under syn scheme, ghebruke syn soticheit in  
 den hilghen sacrament, dattu alsoe komest an syn teghen-  
 woerdicheit. En wil doch nicht snel hen lopen, myt stadie-  
 heit overdencke syn mynlicheit<sup>8\*</sup> unde dancke syner mildic-  
 heit oick up dyn snoetheit.  
 Natuerlike alstu sittest, soe syn dyn voete, dyn bene, dyn  
 underste lijf beneden<sup>9\*</sup> den gordel over

<sup>1\*</sup> betruwende      <sup>2\*</sup> gemynden      <sup>3\*</sup> salicheit unde soticheit

<sup>4\*</sup> B. + dyn mynnen      <sup>5\*</sup> + herte      <sup>6\*</sup> — in tijt

<sup>7\*</sup> sette ok doch      <sup>8\*</sup> mynentlicheit      <sup>9\*</sup> dyne voete, dyn

under lijf dyn bene beneden

<sup>1</sup> Luc. 18, 10 ff.

<sup>2</sup> Gen. 4, 14.

<sup>3</sup> Cant. 2, 3.

over all stille unde restich,<sup>1\*</sup> mer dyn hovet, dyn oghen,  
 dyn oren, dyn mond, dyn handen, dyn borst, dyn herte  
 staen boven der tafelen<sup>2\*</sup> unde doen daer<sup>3\*</sup> ellic syn werck.  
 Aldus gheesteliken salstu sitten an der tafelen dyns heren,  
 5 alsoe dat dyn underste synlike crachten stille syn<sup>4\*</sup> unde  
 ghestuert nae dynen vermoeghen, mer dyn andacht, dyn  
 kennen, dyn mynnen, dyn merken, dyn werken, dyn ver-  
 moeghen, dyn wesen salstu in all dyn doen unde laten  
 10 schicken an desse spyse up der gheesteliken tafelen in  
 leeften unde<sup>5\*</sup> weerdicheit um god, an god unde in god,<sup>6\*</sup>  
 alsoe dattu dynen ganssen gheloven alheel settest allene  
 up syn guetheit, em benedijende in tijt unde in ewicheit.

## XXXIX. Kap.

Myt woe danen hungher unde begheerten dat wy sullen  
 15 gaen to der tafelen cristi jhesu.

Nae dat de lude komen te sittene<sup>7\*</sup> sullen se dan ghenoech-  
 liken eten, soe moeten se hebben gueden appetijt, dat is,  
 hungher ter spysen. Jo groter hungher, jo groter ghe-  
 noechte int eten. Natuerlike hungher komet mennighes syn-  
 20 nes. Also ist gheesteliken. Jo dyn begheerte to desser  
 spysen vlammygher is, jo dyn soticheit daer groter is. Eerst  
 komet hungher van ghesundheit. Krancke lude moeghen  
 weynich of nicht eten, nae groetheit der krancheit. Alsoe  
 moghen ghesunde lude wal eten. O ynnighe sele, dyn  
 25 ghesundheit staet daer in dattu over all in gode te vreden  
 sijst. Augustinus secht:<sup>1</sup> Ghesundheit der selen is, altijt  
 an te hechtene den unwandelbaer guede, dat god selven  
 is.<sup>8\*</sup> Dan<sup>9\*</sup> is my nerghent druck, pyne of quellynghe, als  
 30 ic an dy hanghe myt all mynen crachten. Mer als ick dyner  
 nicht vull en byn, dan byn ic my selven last. O edele  
 sele, schicke alle<sup>10\*</sup> dyne krachten an god nae dynen ver-  
 moeghen, dynen verstand an syn waerheit, dyn leefte an  
 syn guetheit, dyn ghelove an syn truwicheit, dyn schaempte  
 35 an syn wijsheit, dyn anxt an syn rechtveerdicheit, dyn  
 begheerte

<sup>1\*</sup> rustich    <sup>2\*</sup> — daer    <sup>3\*</sup> tafelen    <sup>4\*</sup> — syn    <sup>5\*</sup> † in

<sup>6\*</sup> umme god unde in god unde an god    <sup>7\*</sup> † an de tafelen

<sup>8\*</sup> dat is got selven    <sup>9\*</sup> † en    <sup>10\*</sup> — alle

<sup>1</sup> ML. 34, 27 *De doctrina christ., L. I, c. 23, n. 23.* „Sanitas autem animi est firmissime inhaerere potiori, hoc est incommutabili Deo.“ Cf. ML. 33, 499 *Ep. classis III, c. VII.* n. 14.

an syn schoenheit, dyn hungher an syn soticheit, dyn krancheit an syn almechticheit, dyn unstadicheit an syn ewicheit, dyn hopen an syn bystandicheit, dan bistu salich in tijt unde in ewicheit, over all ghesund um syn guetheit, dan machstu smaken desser spysen soticheit. Mer bistu unghesund, ghewondet, fenyndet, myt sunden, myt quadren vuchticheyden, och so nemet<sup>1\*</sup> een purgaciens des berouwes,<sup>2\*</sup> <sup>3\*</sup> spy al quaet van dy myt biechten<sup>4\*</sup> unde penitencien, unde dan komet<sup>5\*</sup> an de tafel dyns heren, an 10 de spyse des levens.

Item, hungher komet nae langhen vasten. Also machstu begheerte kryghen toe desser<sup>6\*</sup> ghenoechliken spysen, alstu alle anderen kost verlaten hebst unde alle quade ghenoechten begheven hebst.<sup>7\*</sup> Lucas scrijft,<sup>1</sup> dat de verlorene sone 15 in veren landen verhungherden,<sup>8\*</sup> doe sprac he: Och woe vele knechten syn in dat hues myns vaders, de daer overvloyen van broet<sup>9\*</sup> unde ick vergae hijr van hungher. Ick will upstaen unde gaen toe mynen vader, dat ick doch in syn hues moghe broet hebben myt synen knechten, want ic 20 en byn nicht weerdich te wesene syn soene. Dessen hungerghen, smachtighen soene ghenc syn vader te moete, be-roert myt syns selves barmherticheit in syn vaderlike herte.<sup>10\*</sup> He untfenck em mynlike, he sprack em soeteliiken,<sup>11\*</sup> he kussede<sup>12\*</sup> em vrendeliken, he brachte em in syn 25 hues blydeliken, he verciirden em kosteliken, he spisede em leckerliken. O ynnighe sele, beghif aller verkene draf, versmade all egipten kaf, wes hungherich nae dat aller edelste broet, dan komestu daermede ut all dyn noet salich in tijt unde in ewicheit allene um dyns ewighen vaders 30 guetlicheit.<sup>13\*</sup>

Item, hungher komet van vele aerbeydens. Och alstu lange unde truweliken ghewercket hebst in den wyngaerden dyns heren myt graven, myt snoyen, myt blader af snyden,<sup>14\*</sup> dyns selves herte undersoekende, de stene der hardsyn- 35 nicheit unde alle quade wortelen der un-

<sup>1\*</sup> *nym*    <sup>2\*</sup> *berouwens*    <sup>3\*</sup> *† unde*    <sup>4\*</sup> *bicht*    <sup>5\*</sup> *kum*

<sup>6\*</sup> *† begerliken spyse unde*    <sup>7\*</sup> — *hebst*    <sup>8\*</sup> *verhungerende*

<sup>9\*</sup> *in mynes vaders hues overvlodich van broede*

<sup>10\*</sup> *myt barmherticheit in syn vaderlike herte umme syns solves guetheit*    <sup>11\*</sup> *he sprack em to guetlike*

<sup>12\*</sup> *kusse*    <sup>13\*</sup> *guetheit*    <sup>14\*</sup> *ofte myt snyden*

<sup>1</sup> *Luc. 15, 18.*

dogheden daer utwerpende, alle boesheit af snyende unde  
 de blader ydeler woerden unde lichtveerdicheyden<sup>1\*</sup> daer  
 af snydende. Claerliken na desser aerbeyd unde ander  
 gude werken salstu ummer hungherich werden nae desser  
 5 gheesteliken spysen, de dy sterket in allen gueden werken  
 unde in den strijd teghen alle dyne vyanden unde oick to  
 wanderen den wech der ghorechticheit unde der gheboden  
 godes. Lucas scrijft,<sup>1</sup> dat unses heren discipulen alle den  
 nacht langh<sup>2\*</sup> aerbeyden int visschen. Johannes scrijft,<sup>2</sup> dat  
 10 unse here des morghens up den over stond unde sprac myn-  
 liken to synen discipulen, de int visschen hadden gheae-  
 beydet: komet unde etet. O ynnighe sele, all was<sup>3\*</sup> dyn  
 aerbeyd swoer dencke up unses heren broet. Matheus  
 scrijft,<sup>3</sup> dat unse here sprack: Komet to my alle de aerbey-  
 15 det unde belastet syn ic will yu spysen. Oick scrijft Jo-  
 hannes,<sup>4</sup> dat unse here up den groten hoechtijdes dach<sup>4\*</sup>  
 stond in den tempel unde sprack myt luder stemmen: Is  
 yemand, den dorstet,<sup>5\*</sup> de komet to my unde dryncket.  
 Waerlike, o mynlike jhesu, ghif my te aerbeyden um dyn  
 20 leefte, dan salstu my spysen mytti selven, o fonteyne aller  
 wijsheit, o broet des levens, o beghynne unde ende aller  
 soeticiteit, aller guetheit, aller salicheit in tijt unde in  
 ewicheit.

Item, hungher koemet int gude gheselschop, want int ghe-  
 25 lach, int gheselschop daer eten se beth unde dryncken meer  
 dan ellic by em selven. O ynnighe sele, dancke den heren  
 van dynen gueden gheselschop van synen utverkoernen  
 kynderen, de over all vlamlich syn in syner leeften unde  
 hungherich na syner spysen. Manc vele holtes int heete<sup>6\*</sup>  
 30 vuer moet een nat vuell stubbe ummer mede untfenghen, de  
 by em selven alto hant moste utgaen um syn koelde unreyn-  
 nicheit. Int gude gheselschop is ghenoechte unde leven.  
 Also ist in<sup>7\*</sup> gheestelike vergaderynghen.

<sup>1\*</sup> lichtverdiger    <sup>2\*</sup> — langh    <sup>3\*</sup> is    <sup>4\*</sup> — dach

<sup>5\*</sup> dorstich    <sup>6\*</sup> int gude vuer    <sup>7\*</sup> † de

<sup>1</sup> Luc. 5, 1.    <sup>2</sup> Joh. 21, 12.    <sup>3</sup> Matth. 11, 28.

<sup>4</sup> Joh. 7, 37.

Natuerlike de edele byen halen eer nerynghen ut velen  
 bloemen van velen steden, mer se brenghen all eren aerbeyd  
 int ghemeyne unde<sup>1\*</sup> in enen korf, in een leefte, in een  
 vuricheit unde eten oick<sup>2\*</sup> dat sote honich in groter een-  
 drachticiteit unde jo se meer byen hebben, jo se meer  
 honyghes maken. Och een bye, de by eer selven blijft  
 sunder honych de<sup>3\*</sup> moet te hand van hungher sterven, ten  
 sy dat se komet in eer gude gheselschop. In der<sup>4\*</sup> gheestelike  
 10 wercke,<sup>5\*</sup> de ene is vlytich ten aerbeyde, de andere te  
 bedene, de derde in duldicheit, in oetmoedicheit, in myn-  
 licheit over all in een enich een. David secht:<sup>1</sup> Siet woe  
 guet unde woe vrolick ist te samene te wonen broeders in  
 een.<sup>6\*</sup> Och se doen wat se doen, et<sup>7\*</sup> gelt em te samen<sup>8\*</sup>  
 15 over all in een unde all eer entlike andacht is god. Au-  
 gustinus secht:<sup>2</sup> Up all der werlt en is gheen werck ghe-  
 liker den ewighen levene als een vergaderynghe, een-  
 drachticlichen god lovende.

Item, hungher komet<sup>9\*</sup> somtijt van kostelheit der spysen.  
 20 Al en hebben se noch gheaerbeydet, noch ghevastet, noch  
 int gheselschop ghewesen,<sup>10\*</sup> nochtan werden vele lude  
 verwecket te etene, als em komet lecker, selsene<sup>11\*</sup> spyse.  
 O ynnighe sele, och<sup>12\*</sup> kundstu een luttel kennen de edel-  
 heit desser hemelschen<sup>13\*</sup> spysen, de ut veren landen komet,  
 25 ut den hoechsten hemel, de een fonteyne is aller soticheit,  
 ut der allermeesten leeften dyns aller mynlikesten brude-  
 goms dy ghesand, dy<sup>14\*</sup> ghesundheit unde salicheit ghevende  
 in tijt unde in ewicheit allene um syns selves gueheit. Och  
 en kanstu noch ghenen hungher kryghen to desser edeler<sup>15\*</sup>  
 30 spysen int vurige gheselschop, waerlike soe bistu ummer  
 een vuell torf unde een unreyne holt. Nochtan blijft stadich  
 int vuer dattu eerst smokest unde drupest overmits be-  
 rouwe<sup>16\*</sup> unde biecht, bynnen glymmich, buten tranich, ten  
 lesten salstu ummer mede untfenghen in gracie unde ber-  
 35 nen in god-

<sup>1\*</sup> — unde    <sup>2\*</sup> B. † in    <sup>3\*</sup> B. unde    <sup>4\*</sup> — der    <sup>5\*</sup> geestelick  
 lick werck    <sup>6\*</sup> vrolick ist broders to samen wonende in een

<sup>7\*</sup> dat    <sup>8\*</sup> — te samen    <sup>9\*</sup> ock    <sup>10\*</sup> — ghewesen

<sup>11\*</sup> † zote of ghesunde    <sup>12\*</sup> o

<sup>13\*</sup> — hemelschen    <sup>14\*</sup> B. dyn    <sup>15\*</sup> — edeler

<sup>16\*</sup> berou

<sup>1</sup> Ps. 132, 1.

<sup>2</sup> ML. 32, 1338, De moribus Eccl. Cath., L. I. c. 31, n. 67.  
 „in communem vitam castissimam sanctissimamque congre-

liker leeften begheerlic to der edeler spysen salich in  
 tijt overmits smaken, in ewicheit overmits ghebruken.<sup>1\*</sup>  
 Nochtan en salstu nicht verslaghen wesen overmits<sup>2\*</sup> dyns  
 selves koeltheit, alstu herteliken begeerst vuricheit. Be-  
 5 gheerte der vuricheit sal dy staen voer vuricheit. Ghelijc  
 als somygue lude bekoert werden myt ungheloven, myt vele  
 dancken unde in vallende drijften des ungheloven, dat  
 em doch leet is unde se wolden gherne recht ghelovich  
 wesen, dan syn se allermeest ghelovich. Item, ghelyck als  
 10 somygue lude gherne wolden<sup>3\*</sup> berouwiche wesen voer eer  
 sunden unde blyven hard in unbevoelicheit<sup>4\*</sup> teghen eers sel-  
 ves willen, dat em seer moyet, alsoe ist oick in vuricheit. De  
 begheerte der vuricheit sal em staen voer vuricheit unde se  
 moeghen somtijt meer verdenen unde gode behachlicher  
 15 wesent in den aerbeyd um vuricheit oick sunder verkry-  
 ghen, dan somygue anderen int bevoelike besitten der vu-  
 richeit. O ynnighe sele, aldus bistu somtijt hungerich nae  
 hungher to desser spysen unde begherende na begheerten  
 dyns ghemynned brudegoms, dat em behachlic is unde dy  
 20 selven salich allene um syn guetheit. David secht:<sup>1</sup> De here  
 heeft verhoert de begheerte syner armen, dat is, den willen  
 meer dan de werken; unde dat toe reyden eers herten  
 heeft syn oren verhoert,<sup>5\*</sup> dat is, eer up set<sup>6\*</sup> meer dan eer  
 vulbrenghen. Bernardus secht:<sup>2</sup> God en eeschet van uns  
 25 nicht meer<sup>7\*</sup> dan allene dat wy em soeken myt begheer-  
 ten. Augustinus secht:<sup>3</sup> De sele wort bequame god te unt-  
 fangene overmits dat se syner begheert. Aldus sal ellic  
 hungherich wesen of begherich des hungers nae desser  
 spysen, dan is em desse spyse soete in tijt unde salich in  
 30 ewicheit. To desser edelen, soeten spysen salstu gaen, o ynnighe sele, nicht um dattu vurich bist, mer dattu vuricheit  
 daermede<sup>8\*</sup>

*gati simul aetatem agunt... concordissimam vitam et in-*  
*tensissimam in Deum, gratissimum munus ipsi offerunt.“*

<sup>1\*</sup> salich in tijt unde ummer smaken in ewicheit    <sup>2\*</sup> in

<sup>3\*</sup> B. † ghelovich,    <sup>4\*</sup> hart unde unbevoelich    <sup>5\*</sup> gehoert

<sup>6\*</sup> upsetten    <sup>7\*</sup> nicht meer van uns    <sup>8\*</sup> dar af

<sup>1</sup> Ps. 68, 34.

<sup>2</sup> ML. 183, 1183, Serm. 83 in *Cantica*, n. 4. „Nam, cum amat  
Deus, non aliud vult quam amari.“

<sup>3</sup> Cf. ML. 41, 271, *De civ. Dei*, L. IX, c. 17.

untfanghen moghest.<sup>1\*</sup> Bernardus<sup>1</sup> secht:<sup>2\*</sup> Als een koelt  
mensche gaet by dat vuer unde daer waerm wort, so en derff  
he nicht twyvelen, ten sy em van den vuer komen, dat he  
heet is ghewoerden unde<sup>3\*</sup> des en derf he anders nemand  
5 dancken. Och aldus ist gheesteliken. Hijr umme bidde myt  
dyncs heren ynnicheit um in wendighe vuricheit, alstu gaest  
ten hilghen sacrament unser salicheit, aldus seggende myt  
oetmoedicheit.

## XL. Kap.

10 In aldus daner wijsen sullen wy cristum bidden um syne  
verdensten.

O god almechtich, du en behovest nicht unses guedes.<sup>4\*</sup> Du  
bist dy selven wijsheit, vulheit, salicheit, rijcheit, almech-  
ticheit, ewicheit. Nochtan hebstu geschapen engelen unde  
15 menschen, dat se solden ghebruken dynre guetheit allene  
um dyn milde mynlicheit unde mynlike mildicheit. De  
selve dyn leefte dwanck dyn hoecheit to unser neder-  
heit, dyn almechticheit to unser krancheit, dyn rijcheit to  
unser armoedicheit,<sup>5\*</sup> dyn ewicheit in unse sterflicheit unde  
20 allermeest dyn rechtveerdicheit unde puerheit<sup>6\*</sup> te draghene  
unse boesheit unde misdadicheit. Och dyn leefte was over  
all sunder mate up unse snoetheit, dyn hertelike leefte  
was wonderlike groet up dyn menscheit, de du boven all  
mynnedenst um dyns juncferlike lichames reynicheit<sup>7\*</sup> unde  
25 dynre edelen selen aller graciens vulheit. Nochtan verwan dy  
dyn leefte, dattu in den aller swoersten doet ghevest dyn  
menscheit voer unse salicheit. In tijt dynre anstaender  
passien, in den hof des nachtes, bedestu dynen vader, dat  
de kelick mochte van dy gaen, doe<sup>8\*</sup> du swetedest bloedich  
30 water over all dyn lijf. Also wonderlike swoer was dynre  
tederheit der pynen unghemetenheit, daer du in bewysedest  
dyns herten mynlicheit to dyn edel menscheit. Nochtan ver-  
wan dy de selve grote mynlicheit to unser salicheit te ghe-  
vene dy selven in allen last um unse ewige salicheit. Och  
35 doe haddestu uns lever dan dy selven. De selve leefte

<sup>1\*</sup> *untfangest*    <sup>2\*</sup> — *Bernardus secht*    <sup>3\*</sup> — *unde*

<sup>4\*</sup> *unses guedes nicht*    <sup>5\*</sup> *armode*    <sup>6\*</sup> *puerher*

<sup>7\*</sup> *dyns lijchames yunferlike reynicheit*    <sup>8\*</sup> — *doe*

<sup>1</sup> *ML. 183, 324, Serm. 1 in Fest. Pentec., n. 3. „Quis enim cum ad ignem venerit algens, et fuerit calefactus, dubitabit ei ab igne venisse calorem, quem habere non poterat sine illo?“*

dwanck dy voert in den lijden, int gheyselen, int naghelen,  
 int cronen, int crucen,<sup>1\*</sup> int sterven in tijt um unse  
 leven in ewicheit. De selve dyns herten leefte kome nu in  
 myn herte unde bereyde dat dyn in komen to my<sup>2\*</sup> blyve  
 5 in my unde untfanghe dy in my unde holde dy by<sup>3\*</sup> my  
 unde make oick myn herte vlamlich in dyn leefte. Ic untfanghe  
 dy in my nicht, dat ic dyns komens unde dyns in  
 gaens weerdich byn mer behovich unde dyn ghenadighe  
 komen to my make my weerdich, dyn claerheit verluchte  
 10 myn duysterheit, o claerheit des ewigen lechtes, dyn  
 vuricheit untfenghe myn koeltheit, o vuer dat nummer ut  
 en gaet, dyn almechticheit bescherme myn krancheit, dyn  
 soticheit verdryve myn bitterheit, dyn wijsheit stuere myn  
 bijsterheit, dyn vullenkommenheit vervulle myn ghebrec-  
 15 licheit, dyn rijcheit helpe myn<sup>4\*</sup> behoevicheit, o fonteyne  
 aller guetheit. Och du bist alto vake in ghegaen in alto  
 mennighe snoede herberghe, in mennich unreyne herte in  
 den hilghen sacrament, de du unweerdich vendest,<sup>5\*</sup> mer  
 weerdich makedest overmits dyn ghenadighe neder bughen  
 20 ut dyn hoecheit in eer snoetheit. En wil also nicht aen-  
 seen<sup>6\*</sup> myn boesheit, dattu verghetest dyns selves guet-  
 heit. En wil my allene nicht<sup>7\*</sup> voerby gaen, de dyn aller-  
 meeste hoecheit neder bughen woldest int aller depeste dy-  
 ner creatueren ut dyn allermeeste mynlicheit um unse aller-  
 25 meeste salicheit, underdanich in pynen der naghelen, der  
 gheyselen, der cronen, des cruces, des dodes, neder bu-  
 ghet anden cruce, in den grave, in de helle. Och alle dyn  
 creatueren mochten over dy, nochtan en vermoegen<sup>8\*</sup> se  
 nicht sunder dy. Um de selve dyn leefte untfarme dy over  
 30 my, o spyse der enghelen, o broet der kynderen, o fon-  
 teyne<sup>9\*</sup> aller soticheit, aller mynlicheit, aller salicheit. Wes  
 my ghenadich, kome to my nicht als een richter, mer als een  
 brudegom mynlic in tijt unde in ewicheit. Besitte

<sup>1\*</sup> crucegen    <sup>2\*</sup> + so    <sup>3\*</sup> in    <sup>4\*</sup> + ghebrecklicheit

<sup>5\*</sup> vundest    <sup>6\*</sup> En wil nicht anzeen also    <sup>7\*</sup> + vergeten  
unde    <sup>8\*</sup> vermochten    <sup>9\*</sup> + aller guetheit

my, lere my doen dynen willen, wanttu myn god bist unde regere myne weghe in dyne gheboden, dat ick nummer dy<sup>1\*</sup> en vertoerne allene um dysn selves guetheit benedijt, ghe-lovet, glorificeert<sup>2\*</sup> over al in tijt unde in ewicheit.

5

## IXL. Kap.

Woe wy sullen dancbaer wesen als wy hebben gheweest to der tafelen godes.

Natuerlike na den eten salmen gracia lesen. O ynnighe sele, en wil nicht wesen undancber. Bernardus<sup>1</sup> secht: God 10 en hatet gheen dynck alsoe seer in gheesteliken luden als undancberheit. Gregorius<sup>2</sup> secht: Als de gaven wassen, soe sullen oick wassen de redene der gaven, dat is, jo de gaven godes groter syn up dy, o mensche, yo du meer bist verbunden reden te gevene<sup>3\*</sup> unde dancber te wesene voer 15 de selve gaven. O ynnighe sele, alstu hebst ghewesen ter tafelen godes unde daer untfanghen de aller edelste spyse, so moetstu ummer gracia lesen, anders bistu boven maten stump unde plump. Up dattu vlamlich werdest unde bereynt to dancberheit, so merke over all, we dy heeft ghespy- 20 set, ut welke gunste unde myt wat gherichten he dynen hunger heeft<sup>4\*</sup> ghestillet, myt wat leeften. Unde oick en wil nicht vergeten, woe du selven dat eeghest unde wat vordels dy daer af komet in tijt unde in ewicheit. Waer-like de aller hoechste ewighe keyser heeft dy ghespyset 25 mytten aller edelsten,<sup>5\*</sup> kostelsten gherichte syns junc-ferliken lichames, syns edelen bloedes, syner menscheit, sy- 30 ner godheit, daermede dy delachtich makende all syner dogheden, syner verdensten, syns hilghen levens, syns myn-liken stervens. Desse kostel gherichten heeft he dy gheghe- ven ut syn allermeeste gunste, ut syns aller mildesten her- 35 ten allermeeste mynlicheit. Och du en haddest des nicht verdent an em, mer du haddest alle unlucke<sup>6\*</sup> verdent myt dyn stadich quaet,<sup>7\*</sup> unde sich, he ghift dy syn aller

<sup>1\*</sup> dat ic di nummer      <sup>2\*</sup> geglorificeert      <sup>3\*</sup> rede to geben  
B. reden te geve      <sup>4\*</sup> + gespyset unde      <sup>5\*</sup> — edelsten  
<sup>6\*</sup> ungelucke      <sup>7\*</sup> stadige quaetheit

<sup>1</sup> ML. 183, 339 Dom. V. post Pent. Serm. II. n. 1. „Nihil ita displicet Deo praesertim in filiis gratiae... quemadmodum ingratitudo.“

<sup>2</sup> ML. 76, 1106 Hom. 9. in Evang. n. 1. „cum enim augentur dona, rationes etiam crescunt donorum.“

beste guet voer dyn aller quadeste quaet. Bernardus secht:<sup>1</sup> Alsoe groet is godes guetheit, dat he vake ghift syne gaven nicht allene den ghenen, de des nicht en hebben verdient, mer oick somtijt den ghenen, de alheel quaet hebben 5 verdient. Och kundestu voert merken, woe nutte dy is desse spyse dys heren, over al ghesundheit ghevende, sterkende teghen alle quaet, schickende in allen dogheden, wapende teghen allen sunden unde bekorynghe, soete, salich in tijt unde in ewicheit. Aldus mochtestu werden verwecket nae 10 desser maeltijt gracias te lesene, herteliken te danckene, aldus seggende myt oetmoedicheit:

## VIIIIL. Kap.

Aldus salmen cristum bidden um syne verdensten to aller menschen salicheit.

15 O god almechtich, dyn guetheit<sup>1\*</sup> is alheel sunder mate, sunder ghetal, sunder ende. Um dys selves guetheit hebstu alle<sup>2\*</sup> creatueren van nichte ghemaket, hemel, eerde<sup>3\*</sup> unde all dat daer in is. Umme dyn guetheit hebstu alle unde elken creatuer<sup>4\*</sup> begavet, ellick na syn bequamicheit. Um 20 de selve dyn guetheit hebstu den menschen wonderlichen rijke ghemaket in lijf, in sele, in crachten, in synne. Um de selve guetheit bistu gheworden unse broeder, unse beschermer, unse verloser, unse hulper, unse brudegom unde unse leefhebber unde boven all unse spyse, nicht allene den 25 gueden unde<sup>5\*</sup> weerdighen, mer oick den sunders unde den snoden. Waerlike aller creatueren oghen hopen in dy unde du openst dyn hand unde vervullest alle dieren myt dyn benedictien.<sup>2</sup> Och du spysest den visschen<sup>6\*</sup> in den wa- 30 licht, den beesten up der eerden, den voghelen<sup>7\*</sup> in der spysestu boven all<sup>8\*</sup> myt kost nae syn utwendighe beho- vicheit unde kostel<sup>9\*</sup> allermeest mytti selven nae syn in wendighe noet. O broet der engelen, dyn moghentheit, dyn mildicheit,<sup>10\*</sup> dyn wijsheit,

<sup>1\*</sup> guet    <sup>2\*</sup> † dyne    <sup>3\*</sup> † unde al er vulheit    <sup>4\*</sup> alle dyne  
creatuer    <sup>5\*</sup> † den    <sup>6\*</sup> visch    <sup>7\*</sup> vogel    <sup>8\*</sup> † kostel

<sup>9\*</sup> — kostel    <sup>10\*</sup> dyn mynnelicheit, dyn myldicheit

<sup>1</sup> ML. 183, 834, Serm. 13 in Cantica, n. 2 „...nec meritum praecessit in te ullum...“

<sup>2</sup> Ps. 144, 15.

dyn mynlicheit is over all bekand in dynen wercken, o wonderlike gueheit, mer allermeest in den weerden, hilghen sacrament dys juncferliken lichames unde dys edelen bloedes. Claerlike daer is dyn lijf, dyn sele, dyn vleysch,  
 5 dyn bloet, dyn menscheit, dyn godheit. Dat ghevestu daer elken als allen unde allen als elken, sunder utnemen der personen, gueden als<sup>1\*</sup> quaden, all en is em dat nicht ghelyck salich, dat komet van em selven unde nicht van dy, o broet der kynderen, des de hunde nicht en solden  
 10 untfanghen<sup>2\*</sup> um eer snoetheit, mer doch dat<sup>3\*</sup> wort em ghegheven um dyn mildicheit unde gueheit. In oelden tyden<sup>4\*</sup> en moste gheen beest komen by den berch, daer du myt moyses sprekest, dyn ee em ghevende. Daer en moste oick gheen schaep of<sup>5\*</sup> osse to weyde gaen by den selven  
 15 berch van syna um dyn strengicheit. Mer nu komen de hunde nicht allene under de tafelen, um de kromen daer te lickene unde de dorre butte<sup>6\*</sup> daer te knaghene, dat syn de sunders, um tijtlike gracie te verkryghene, mer oick alle ezels, kamelen, hunden, beesten, dat synt men-  
 20 nigherleye<sup>7\*</sup> sunders, de moghen na<sup>8\*</sup> komen an dyn tafel, um te nemene dy selven, o spyse der engelen, o broet der kynderen allene um dyn overvloedighe mynlicheit. Och du treckest se ut den drecke, du wasschest em eer voete  
 25 unde all eer unreynicheit, du makest van den stenen Abrahams kynder, van den sunders rechtveerdighe lude, van den kynderen des torns kynder der graciën allene um dysns selves gueheit. Aldus bistu oick huden in ghegaen in myn snoetheit um dyn ghenadicheit. Benedijt sy dyn gueheit, de dy huden heeft ghewonghen, te komene int hues des open-  
 30 baren sunders, dat is, in myn herte, daer du nicht allene<sup>9\*</sup> woldest myt my eten, mer du selven woldest myn spyse wesen, o konynck der engelen, o keyser aller konynghen, o

---

<sup>1\*</sup> unde    <sup>2\*</sup> untfan    <sup>3\*</sup> et    <sup>4\*</sup> In den olden tyden B. —  
 tyden    <sup>5\*</sup> noch    <sup>6\*</sup> bene    <sup>7\*</sup> mannigerhande    <sup>8\*</sup> nu    <sup>9\*</sup> † en

brudegom over all mynlick, o spyse boven all ghenoechliche, o fonteyne aller soticheit, salicheit, suverlicheit. Och nae desser maeltijt solde ellic<sup>1\*</sup> gracias lesen, na dyner mildicheit solde ellic<sup>2\*</sup> dancaer wesen. Waerlike ick en  
 5 mach nicht betalen dyner mildicheit, noch antwoerden up dyn guetheit, mer doch ut myn gansse herte beghere ick, dat alle dyn creatueren nae all eren vermoghen dy dancken loven unde benedien voer myn snoetheit, alle enghelen, alle cherubin unde seraphin, alle ynnige menschen, alle hil-  
 10 ghen unde salighen<sup>3\*</sup> moeten dy dancken vor my unde lesen gracias voer myn maeltijt. Mer doch want alle creatueren myt all eer kennen, mynnen, doghen unde vermoghen vele te luttic syn, gracias te lesene dyner mildicheit, daer umme dancke dy voer my dysns selves guetheit, mynlic-  
 15 heit, soticheit benedijt in tijt unde in ewicheit.

## II. Teil.

## I. Kap.

Woe wy sullen aerbeyden myt cristo in den wyngaerden  
 unde myt em de wynpersse treden unde daer na

## 20 Marien wyngarden.

Ad vineas. O ynnighe sele, alstu nu to voren een luttel hebst ghesien van een beghynnende<sup>4\*</sup> leven int eerste woert: mane, dat is: vroemorghens alst lecht unde claer woert overmits dat lecht der graciën nae der duysteren  
 25 nacht<sup>5\*</sup> der boesheit; oick alstu een luttel ghemerket hebst van een gheestelick voertgaende leven int ander woert: sur-gamus, dat is: laet uns up staen, ten lesten salstu merken van een vulkomen leven in den derden<sup>6\*</sup> woert: ad vi-neas, dat is: in den wyngaerden. Merke dan int eerste, dat  
 30 he nicht en secht: stae up, of ick stae up of he stae up, mer laet uns allen up staen te samene, alsoe

<sup>1\*</sup> ick    <sup>2\*</sup> — ellic    <sup>3\*</sup> + devote    <sup>4\*</sup> B. beghynne

<sup>5\*</sup> duesternisse der nacht    <sup>6\*</sup> int derde